

বিবাহের চেয়ে বড়ো

অচিন্ত্যকুমার সেনগুপ্ত

ডি, এম, লাইব্রেরী
৪২, কর্ণওয়ালিশ স্ট্রীট, কলিকাতা-৬

প্রথম মুদ্রণ

জ্যৈষ্ঠ, ১৩৩৮

দ্বিতীয় সংস্করণ

বৈশাখ, ১৩৪৪

তৃতীয় সংস্করণ

শ্রাবণ, ১৩৬০

সাত্বে চার টাকা

৪২নং কর্ণওয়ালিস স্ট্রট, কলিকাতা ডি. এম. লাইব্রেরী হইতে শ্রীগোপালদাস মজুমদার
কর্তৃক প্রকাশিত ও ৮৩বি, বিবেকানন্দ রোড, কলিকাতা, বাণী-শ্রী প্রেস, শ্রীশ্রী কুমার
চৌধুরী দ্বারা মুদ্রিত।

श्रीबुद्धदेव बन्धु

करकमलेषु

अचिन्त्यकूमेरे सेनोप

এই লেখকেরই :

কল্লোল যুগ	৫১
পাথনা	২১০
যায় যদি যাক	৩১
উর্গনাভ	৩১০
প্রাচীর ও প্রাস্তর	৩১০
কালো রক্ত	১১০

বিবাহের চেয়ে বড়ো

গোড়ার কথা বলতে গেলে সামান্যই। প্রভাত কেয়ানি—বাঙালি কেয়ানি যা হ'তে হয়—গরিব অথচ গর্বিত। বাপ বেতো, খিটুখিটে ; মা কিন্তু মমতাময়ী। দু'টি ছোট বোন, একটি অন্ধ ভাই। হঠাৎ একদিন প্রভাতের বিয়ে ঠিক হ'য়ে গেলো—হাজার কয়েক টাকা পাওয়া যাবে। প্রভাত গেলো দিদিকে দেখতে ভারতবর্ষের মধ্য-প্রদেশে। সেই মধ্য-প্রদেশের ওপর মধ্যরাত্রিতে অশ্রু সঙ্গে তার আলাপ হলো এবং আলাপটা এতো জমে উঠলো যে বাঙলা ভাষায় তার প্রতিশব্দ দিতে হলে বলতে হয় প্রেম।

বিয়ে অতএব হলো না। ছোট দু'টি বোন এক খালার ভাত খেয়ে কলেরা হ'য়ে একই বিছানায় শুয়ে মারা পড়লো, তাতে কিছু আয় বাড়লো সংসারেব। অশ্রু সঙ্গে প্রভাতের প্রেমে এলো বাধা—ওটা আসবেই—এবং সেই বাধাকে শাসন করতে অশ্রু যা করে বললো বাঙলা সমাজকে তা চমকে দেবার মতো। মানে, এক ম্যাজিস্ট্রেটের সঙ্গে বিয়ের দিনে অশ্রু তাব বিয়ের সভা থেকে উঠে এসে সটান প্রভাতের ঘরে গিয়ে হাজির হলো—এবং সেখান থেকে জলপাইগুড়িতে। অশ্রু ইঞ্জলের টিচারি করে। সেইখানেই যবনিকা পড়েছিলো—তিন বছরের আত্মগোপন। ওপরের ঐ ঘটনাগুলো নিয়ে চমৎকার একটা গল্প লেখা যেতো, কিন্তু তার দরকার নেই। তিন বছর পরে হঠাৎ গল্পের সূত্র :

তিন বছর পরে ফের যবনিকা উঠলো। স্টাইলও গেছে বদলে। রক্তমঞ্চে একা প্রভাত।

প্রভাতের একটা চাকরি জুটেছে অবিশি। চাকরি না জুটলে চলে কি করে? মাইনে এবার ছ'-এর কোঠায় পৌঁচেছে যা হোক ; তেমনি

বছর খানেক আগে বাবাও বাতের ব্যথায় ধতম হ'য়েছেন। সংসারে মা আর প্রভাত; আর সেই দুঃখী অন্ধ ভাইটি,—ছোট হাত তুলে ঘরের দেয়াল ছুঁয়ে-ছুঁয়ে মন্থমেণ্টের স্বপ্ন দেখে। টিম্‌টাম করে' সংসার চলে। প্রভাত সকাল বেলা টিউশনি করে' বাজার এনে দেয়; মা-ই রাখেন,—মা'র সঙ্গে-সঙ্গে প্রভাতও সকালবেলাটা নিরিমিষ খায়। আফিস থেকে খেটেখুটে এসে ছোট ছাতে একটু পাইচারি করে, মা'র সঙ্গে সংসার সম্বন্ধে একটু বা মনকষাকষি চলে, কোনো দিন বা মাঠে খেলা দেখে আসে। রাতে তোলা-উঠুনে মা মাছ ভেজে স্নান করে' বিছানায় অন্ধ ছেলেটিকে বুকে নিয়ে শুয়ে পড়েন। প্রভাত অনেক রাত করে' শোয়—জ্বগে জ্বগে ততক্ষণ বই পড়ে, ভাবে, হু' এক পৃষ্ঠা কি একটু লিখতে চেষ্টা করে, কাটাকুটি কবে' ছিঁড়ে ফেলে দেয়। এবাব একটি টুকটুকে বৌ নিয়ে এলে ভাবি মানায় কিন্তু। প্রভাতের ঔদাসীণ্যকে আর ক্ষমা করা যায় না।

মা কিছু বলতে এলে প্রভাত হেসে বলে,—দেখ মা, পুরুষমানুষের ল্যাঠা কম। কাছাটা নামিয়ে দিয়ে বেবিঘে পড়লেই হ'ল। পেণ্ড থেকে হরিদ্বার পর্যন্ত রাস্তা খোলা।

মা বলেন—কিন্তু এই শূণ্য পুরীতে মন আব টেঁকে না, খা খা করে। ইঁপিয়ে উঠছি।

প্রভাত সরাসরি বলে—তবে তুমি দিদির কাছে দিন কয়েকের জন্যে জিরোও গে। নাটুকে অন্ধ-ইস্কুলে ভর্তি কবে' দি।

মা একটু রেগে বলেন—কিন্তু বিয়ে তুই কববি না কেন?

—বিয়ে কেন-ই বা যে করবো তারো কোনো ভালো কারণ তুমি দেখাতে পারবে না। যে-সব কথা তোমার জিভের গোড়ায় আসছে তা আমি জানি, মা। বড্ড বাজে ও মামুলি। বিয়ে করছি এ-ব্যাপারের

বিবাহের চেয়ে বড়ো

৩

চেয়ে কাকে বিয়ে করছি এইটেই বড়ো কথা। তাকে পাওয়া যায় না, মা।

মা সন্দিগ্ধ হ'য়ে প্রশ্ন করেন—কাকে ?

প্রভাত হেসে বলে—যাকে পাওয়া যায় না, তাকে।—তারপর কথাটাকে সহজ করে' দেবার চেষ্টায় বলে—বিয়ে আমি একেবারে করবো না, এমন আমার ধর্মুর্ভঙ্গ পণ নেই। তোমাদের এই বিয়ের প্রথাটা বড় পুরোনো হ'য়ে গেছে, তাকে আমি একটু ঝালিয়ে নিতে চাই। দরকার হয়েছে।

মা কি-যেন বলতে চান, প্রভাত বাধা দিয়ে বলে' চলে - তেমন পরীক্ষার যদি সুযোগ না জোটে, আমি না-হয় প্রতীক্ষা করে'ই থাকবো। দেহেব সেবাদাসী অনেক জোটে মা, আত্মার ঘরনীর্ই দেখা মেলে না।

মা বলেন—আত্মা কি দেহ থেকে ভিন্ন ?

প্রভাত জবাব দেয় : কিন্তু সেবাদাসী আব পূজারিণী এক নয়, মা।

মা বলেন—কিন্তু সেই স্বপ্নভঙ্গের দুঃখ যে আবো ভীষণ। পূজারিণী যখন ভুখারিণী হ'য়ে ওঠেন ?

—সেই ত' আমার ভয়, মা।

—ভয় না থাকলে ভালোবাসা হয় না।

মা'র মুখে এত সব কথা শুনে প্রভাত বিস্মিত হলো। মা'র বৈধব্যদীপ্ত লালটে তেজস্বিতা, সমস্ত শরীর থেকে পবিত্রতা বিকীর্ণ হচ্ছে।

প্রভাত মাকে জড়িয়ে ধরে' স্নেহাঙ্গু কণ্ঠে বললে—বাঙলা দেশের মেয়েদের ত' তুমি চেন না মা, তারা স্বামীকে মা'র কোল থেকে কেড়ে রাখে! সংসারের শেষ প্রান্তে মাকে নির্বাসন দিয়ে বোঁরা স্বামীর কাঁধে সওয়ার হ'য়ে রাজত্ব চালায়। তোমার ছেলে হ'য়ে তোমার এই লালুনা সইবো না, মা!

প্রভাতের পিঠে হাত বুলুতে-বুলুতে মা স্নিগ্ধস্বরে বলেন—বাঙলা-দেশের মেয়েদের আমি চিনি না, তুই চিনিস! আমি যেন বিলেত থেকে উঁড়ে এসেছি। বাঙলা-দেশের মেয়ের মতো মেয়ে আছে ভূ-ভারতে? দেখিস, তোর বৌ আমাকে মাথায় করে রাখবে।

কথোপকথনকে প্রভাত আরো স্বচ্ছ করে তোলে। বলে—তারপর বৌ এলে তুমি আমাকে ফেলে নাটুকে তুলে নেবে, ওকেই আকড়ে ধরবে তখন। আমি তখন তোমার পর হ'য়ে গেছি। পরের মেয়েকে ডেকে এনে এত হাঙ্গামায় কাজ কি, মা? এই আমরা আছি বেশ। সুখের চেয়ে স্বস্তি ভালো।

মা বলেন—স্বস্তির চেয়ে ভালো স্বাস্থ্য। আমার হাতে একটি সম্বন্ধ আছে, লক্ষ্মী মেয়ে, তাকে পেলে আমার সংসারে সোনার ফসল ফলবে। সামনের পূজো পেরোলেই অব্রানে আমি উৎসব লাগাবো।

প্রভাত হেসে বলে—তোমার এই ছোট বাড়িতে কুলুনে হয়।

মা বলেন—স্বপ্ন দেখতে ছোট বাড়ি বাধা দেয় না। আয়, মাকালীর প্রসাদটুকু নে দিকি।

হাত পেতে সন্দেশটুকু নিতে-নিতে প্রভাত বলে—তোমার ঐ কালীর মতো একটি মেয়ে জুটিয়ে দিতে পার ত' দেখ। আর লক্ষ্মী নয়, হু' একটি কালী পেলে দেশের হয় তো কালিমা ঘোচে।

রঙ্গমঞ্চে একা প্রভাত।

নিজের ছোট ঘরটিতে একা প্রভাত তার ভাঙা চেয়ারে চূপ করে বসে আছে,—সামনের কেরোসিন-কাঠের নড়বড়ে টেবিলের ওপর ছোট টাইম-পিস ঘড়িতে দু'টো বাজে—প্রভাতের চোখে ঘুম নেই।

জান্নাগুলি খোলা, কৃষ্ণ-পক্ষের ফ্যাকাসে জ্যোৎস্না মেঝের এক ধারে এলিয়ে পড়েছে। অস্থিরপদে খানিকটা পাইচারি কবে' প্রভাত আবার এসে চেয়ারে বসলো।

এক-এক করে' তিনটি বছর খসেছে, হিসাব করে দেখলো একহাজার পঁচানব্বুই দিন। দিগ্ধুর ছিন্ন কণ্ঠহার থেকে এতগুলি মুক্তো। প্রভাত তা ধুলায় ছুড়িয়ে দিয়ে এসেছে, কুড়িয়ে বাথেনি। তিনটি বৎসরকে মিনিটে ভাগ করতে প্রভাত হাঁপিয়ে উঠলো,—এত-গুলি মুহূর্ত ধ'বে সে ববাবব নিশ্বাস নিয়েছে, ক্লাস্তিতে থেমে পড়ে নি। তিন বছর পেরিয়ে এসে আবার ও চেনা আকাশের হাতছানি পেল। প্রভাত এতদিন বেঁচে ছিল কি কবে' ? এতদিন স্বচ্ছন্দচিত্তে নিশ্বাস গ্রহণ কববাব ওর সামর্থ্য ছিল বলে' ও একেবারে অবাক হ'য়ে গেল। আনন্দে আত্মহত্যা কবা যায়—এমন কথা অবিশি প্রভাত কোনো দিন শোনে নি, কিন্তু জগতে এমন ব্যাপাবও আজ সম্ভব হ'তে পারে। চেয়ার ছেড়ে উঠে প্রভাত জানলায় এসে কেব দাঁড়ালো। আকাশের আরো বড়ো হওয়া উচিত ছিল, জীবনকে এত ক্ষণস্থায়ী করে' বিধাতার সৃষ্টি-কৌশলেব এমন কি মধ্যদা হয়েছে।

প্রভাত ভাবছিলো এমনটি না হ'য়েই যাব না। দিনেব আলোয় আকাশের তাবা কতক্ষণ লুকিয়ে থাকবে—অন্ধকাবে আবার তাবা চোখ চেয়েছে। একমাত্র আশাই আকাশ উত্তীর্ণ হ'তে পারে—সেই আশা কি ধুলায় লুপ্তিত হবে ? বিচ্ছেদে প্রভাতেব বিশ্বাস নেই, সেই ছেদ শুধু ছন্দেবই রূপাস্তব। এ যে ঘটবে প্রভাত জানতো, ভালো কবে'ই জানতো। না ঘটে'ই যে পারে না। এ ঘটবে বলে'ই প্রভাত দুই হাতে এতগুলি দিন-রাত্রির উদ্বেল সমুদ্র সঁাতবে এসেছে।

এই নিয়ে বোধ হয় তিরিশাব চিঠি পড়া হ'ল :

জলপাইগুড়ি

হাতের লেখা বদলাতে পারে কিন্তু আমি বলতে যাকে বৃষ্টি তা বদলায় নি। চিন্তে পাচ্ছ ত? তোমার সেই অশ্রু।

বহুদিন পূর্বে তোমার মনের মূকুরে আবার আমার ছায়া ফেললাম। নিভতে আবার আমাদের শুভদৃষ্টি হোক।

চিঠি লিখে শিগগির। পরে অনেক কথা আছে ইতি।

অস্পষ্টরূপে জানতো বটে আবার ডাক পড়বে, কিন্তু আজ কেন যে হঠাৎ ডাক পড়লো সেই সমস্যারই সমাধান হচ্ছে না। প্রভাত ঘেমে উঠলো। ভাবলো, যে-দিনই ডাকতো সেই দিনই এমনি চমকে উঠবার কারণ ঘটতো, আজকের বিশেষ কোনো উত্তরের জন্মে অধীর হওয়া নিতান্ত বোকামি! চন্দ্রের ওপর পৃথিবীর ছায়া কতক্ষণ থাকে জ্যোতিবিদরা তা নিয়ে ঝাঁক কষুক,—চাঁদও ঘুরছে, পৃথিবীও ঘুরছে। প্রভাত তর্ক করবে না, বিশ্বাস করবে।

রাইটিং প্যাড-এর খান পঁচিশ পাতা ছিঁড়ে প্রভাত শুধু এইটুকু লিখতে পারলো :

ভালো করে' চিন্তে পাচ্ছি না। তুমি আমার সেই অশ্রু।

ফেরত ডাকেই চিঠি এলো :

তোমার সেই অশ্রু বটে কিন্তু গলানো অশ্রু নয়। একটু কঠিন, জমাট বরফের মতো। অশ্রু ঠাণ্ডা।

মনে হোল তুমি ভালো আছ। অনেক দিন কোনো খবর পাইনি—তাই চিঠি লিখতে ভারি ভয় হচ্ছিল। আরো মনে হলো আমাকে একেবারে ভুলে যাও নি। আমি লিখিনি বলে তোমাকেও লিখতে হ'বে না—এ নিয়মটা ভারি সত্য নিয়ম। আমি অত সত্যতা পছন্দ করি না। আমার নামে নিশ্চয়ই অনেক গুজব শুনেছ। ইন্সুল-টিচারি করতে এলে অনেক আজগুবি গুজবের পসরা বইতে হয়। আমি আর বহুগো না ভাবছি, বেরবো।

বেরবো,—তোমার সঙ্গে। তুমি আমার এই চিঠি পেয়েই এখানে চলে আসবে। চাকরি করছ নাকি আজকাল? অত ছোট চিঠি লিখতে তোমাকে কে সাধার দিব্যি দিয়েছিলো শুনি? যদি চাকরি থেকে ছুটি না পাও কাজে ইন্তফা দিয়ে আসবে। আমি এই তিন বছরে মন্দ টাকা জমাইনি। পুরুষই খালি স মার বহন করবার গর্ভ ভোগ করবে আর স্ত্রী-জাতিকে কৃপাপাত্রী করে রাখবে—এটা একটা বর্ষের প্রথা। বন্ধুদের বেলার *divine right of sex* খাটে না, বুঝলে?

টাকার কথা শুনে এবারো যদি অপমানিত বোধ কর, তা হ'লে বুঝবো তোমার ছেলোমানদি আঞ্জো যোচেনি। তুমি এখনো সেন্টীমেন্টাল যুগে বাস করছো। তিন বছরের অদর্শন মনের একটা খুব ভালো স্বাস্থ্যকর টনিক। তুমি কি বল? আবার আমরা পরস্পরকে নতুন করে দেখবো—জলপাইগুড়ি স্টেশনের প্লাটফর্মে।

হ্যাঁ, ভালো কথা—এই প্রথমটা মন থেকে তাড়াতে পাচ্ছি না, বিয়ে করনি ত' ? যদি বিয়ে করে থাক, তবে দিন কয়েকের জন্ত বোর সঙ্গে ধর্মঘট করে এখানে হাওয়া বদলে ঘেরো। আর যদি ধর্মঘট করার অসুবিধা ঘটে, তোমার ধর্ম যা বলে তাই করো। এসো কিন্তু। কেমন? ইতি।

চিঠি পড়ে' প্রভাত লাফিয়ে উঠলো। জলপাইগুড়িটা কলকাতা থেকে তিন শো বারো মাইল দূরে কেন? মুহুর্তে মাইলের পর মাইল উড়ে' যাবার জন্ত মানুষের আয়ত্তাধীন কোনো যন্ত্র এতদিনে আবিষ্কৃত

হওয়া উচিত ছিলো। সুইচ্ টিপলেই যেমন অতি-সহজে ইলেকট্রিক আলো জ্বলে' ওঠে, তেমনি মনে করা মাত্রই প্রিয়ার শরীর আবির্ভাবের কোনো একটা উপায় উদ্ভাবনের জন্যে কোনো বৈজ্ঞানিক গবেষণা করছেন না কেন? মোট কথা, মানুষের একজোড়া পাখা থাকলে ভালো হ'ত, মিনিটে সে-পাখা তিন শো মাইল পার হ'য়ে যাবে।)

সত্যি, অশ্রুকে সে ভালো করে' মনেও ধরতে পারছে না— সব কি-রকম ঝাপসা হ'য়ে আসে। তিন বছরের আগের অশ্রুকে কল্পনা করে' ওব ভূপ্তি হয় না, ও নতুন অশ্রুকে দেখতে চায়, অনাবিকৃত অশ্রুকে। নতুনতর উপলব্ধি আশায় প্রভাত ব্যাকুল হ'য়ে উঠলো।

চিঠিটা জামাব পকেটে ছুঁড়ে রেখে তক্ষুনিই মা'ব কাছে গেলো ছুটে। মা তখন রান্নাঘরের দাওয়ায় বসে' বঁটি পেতে তবকারি কুট'ছিলেন। কাছে বসে' নাটু আলু নিয়ে লুফবাব চেঁচায় ব্যর্থ হ'য়ে আপন মনে খিল-খিল করে' হাসছে।

প্রভাত প্রশ্ন মুখে বললে—মা, আমি জলপাইগুড়ি যাচ্ছি।

মা প্রশ্ন করলেন—হঠাৎ ?

প্রভাত মেঝের ওপর বসে' পড়লো। বললে—একটি বন্ধু ডেকেছে, মা।

মা'র আবার সন্দেহ করবাব কারণ ঘটলো। বললেন—কে বন্ধু ?

প্রভাত জবাব দিলে : তাকে তুমি চিনবে না, মা।

—কলেজের বন্ধু ? ছেলেবেলার ?

প্রভাত না বলে' পারলে না : বহু জন্মের। কথাটাকে ঠিক ব্যাখ্যা করা যাবে না, মা। মোটকথা, জলপাইগুড়ি আমাকে যেতে হ'বে। তোমার অনুমতি চাই।

মা বললেন—আমার চেয়ে আফিসের অশ্রুমতির দাম বেশি। ছুটি পাবি এ সময় ?

প্রভাত বলে' বসলো : ছুটি যদি না পাই, চাকরিতে সেলাম ঠুকেই আমাকে ছুটতে হবে।

মা এবার বীতিমত ভয় পেলেন। বললেন—এমন তো'র কে বন্ধু ? চাকরি দেবে ?

প্রভাত হেসে বললে—চাকরি কেডে নিয়ে বাউণ্ডলে কবে' ছাড়বে। আব চাকরি পোলাবে না, মা।

মা'ব তবকারি কোটা বন্ধ হ'য়ে গেল। বললেন—হেঁয়ালি রাখ। কি ব্যাপাব খুলে' বল।

প্রভাত গুণ্টা দমন করে' অশব চিঠিটা মা'র হাতে তুলে দিলো! চিঠি পড়ে' মা'ব মুখ গেল শুকিয়ে। চিঠিটা মুড তে-মুড তে বললেন—এ আমি পছন্দ কবি না। এব জন্মে চাকরিতে জলাঞ্জলি দিয়ে সংসাব ফেলে উল'খাসে ছুটতে হ'বে, এটা'ব মধ্যে যে অসংযম আছে তাকে আমি গুণা কবি। তো'র মুখ দিয়ে এমন কথা বেকলো কি কবে' ?

প্রভাতের এবার লজ্জা করতে লাগলো। বললে—আচ্ছা, আফিসে একটা দবখাস্ত কবে' দিচ্ছি—আজই। যদি ছুটি না মেলে ? তবে আমাকে এখানেই চূপ করে' বসে' থাকতে হ'বে ? এতটা সংযমই কি ভালো ?

মা কি বলতে যাচ্ছিলেন, প্রভাত বাধা দিয়ে বললে, -তোমা'র উপদেশের উপকারিতা সম্বন্ধে আমি সন্দিহান নই, চাকরি বাঁচিয়ে রেখেই আমি কলকাতা থেকে পা বাডাবাব চেণ্ডা করবো, কিন্তু যদি ফস্কে যায়, যাবে। জলপাইগুডি যাবো মানে, আমা'র দিন কষেক অসুখ করবে—ছুটি পাবো বোধ হয়। যদি নাই পাই, তোমা'কে

জানিয়ে রাখা ভালো মনে করে' চিঠিটা আর লুকোলাম না। জীবনে মানুষ দু'টি নারীর আশ্রয় পায়—এক মা, আর প্রিয়া। তুমিও আমার বন্ধু, মা। এ আনন্দ তোমার কাছ থেকে লুপিয়ে রাখি কি করে' ?

মা ফট্ করে' বলে' বসলেন—কিন্তু অশ্রু তোকে বিয়ে করবে ?

—কথাটাকে পাল্টে বল মা, তুই কি অশ্রুকে বিয়ে করবি ? সে সম্বন্ধে কোনো সিদ্ধান্ত আজ তোমাকে জানালে তুমি ভীষণ চমকে উঠবে ; সে-সিদ্ধান্তটা আমারো নবলক। পরে তোমাকে জানাবো, মা ; নিশ্চয়। বিয়েটাকেই নরনারীর সম্পর্কের চরম পরিণতি মনে করে' আশ্রয়বঞ্চনার দিন চলে' গেছে। বিয়ের চেয়ে বন্ধুতাই বড়ো জিনিস।

—কিন্তু সে-বন্ধুতা টিকলে হয় !

— যদি না টেকে, তবে তাকে রঙীন সূতো দিয়ে বেঁধে আটকে রাখা যায় না, মা। পেয়ে হারানোর চেয়ে হারিয়ে পাওয়া ঢের ভালো।

মা মুখ ভার করে' বললেন—কিন্তু যে-মেয়েটিকে আমি ঘরের বউ করব বলে' ঠিক করে' রেখেছি তাকে তুই কিছুতেই ফেলতে পারবি না, প্রভাত। এ-সব হতচ্ছাড়া প্রেমে সফল হয় না কোনো দিন।

—সফলের জন্মে তো সেই অশ্রান-তক বলে' থাকতে হবে। তার আগে পূজে। একটা লম্বা ছুটির দরখাস্ত করে' দি। কিছু পাওনাও হয় ত' আছে। তিনটি প্রাণীর জন্মে দরকার হ'লে আর একটা ছোটখাটো চাকরি বাগিয়ে নেওয়া যাবে হয় ত'। কিন্তু শুভদিন মানুষের ভাগ্যে ঝাঁকে-ঝাঁকে আসে না, মা। সময়ের চুলের ঝুঁটি ঝাঁকড়ে ধরা চাই। বলে' প্রভাত বেরিয়ে গেলো।

মা তক্ষুনি মনে মনে ছেলের শুভবুদ্ধির জন্মে মা-কালীর কাছে মানত করলেন।

ঘরে গিয়ে প্রভাত কালি-কলম নিয়ে বসলো। চিঠিটা হলো এইরূপ :
আফিসে বরখাস্ত করে দিলাম। শনি, রবি নিয়ে সম্ভ্রান্তি তিন দিনের ছুটি পাবে
মনে হচ্ছে। তিন বছরের পর তিন দিন যথেষ্ট নয়, জানি। কিন্তু কোনো মেয়ের
জন্তে চাকরিতে ইস্তফা দিয়ে আমার সেন্টিমেন্টাল্ যুগ আমরা পেরিয়ে এসেছি।
সৌভাগ্যবশতই বলতে হবে। কেন না বন্ধুগণ টেসে গেলেও চাকরিটা টিকে
থাকবে। অন্তিমস্তার দিনে সেটা কম কথা নয়।

মোটকথা, শুক্রবার ভোরে স'পাটাঘ সময় স্টেশনে থেকে। যদি একান্তই ছুটি
না পাওয়া যায়, টোল কবানা। কিন্তু, পারবো কি না গিয়ে? মা সংযম অভ্যাস
করতে বসেছেন, তিন বছরের সংযম কি যথেষ্ট নয়? অশ্রু কি বলেন? ইতি।

নাটুর মাথায় হাত বুলিয়ে প্রভাত মা'র পায়ের ধুলো নিলে। বা
বগলে ছোট বেডিং ও ডান হাতে স্ট্রটকেশ নিয়ে প্রভাত তিন-নম্বর
বাস্ ধরতে বেরিয়ে পড়লো।

মা নাটুকে নিয়ে শুতে এলেন। সারা রাত তাঁর চোখে ঘুম এলো
না,—দুশ্চিন্তায় মন তাঁর ভারাক্রান্ত হ'য়ে উঠেছে। তবু ভাগ্যিস,
তিন দিন ছুটি পাওয়া গেছে। সোমবার সকালেই যে প্রভাতের ফিরে
আসা চাই এ বিষয়ে তিনি মাথাব কিরে দিয়ে দিয়েছেন,—প্রভাত তা
খেলাপ করবে না। এতদূর অধঃপতন তাঁর হবে না হয় ত',—কিন্তু
বলা কি যায়? বালুচরে পা আটুকে যেতে কতক্ষণ?

যে-মেয়ে বিয়েব সভা থেকে লুকিয়ে বেরিয়ে পড়তে পাবে তাকে
তিনি পুত্রবধুরূপে কল্পনা কবে' স্থখ পান না। তিনি ত' আব জানেন
না সেই মেয়ে किसের জন্তে বেবিয়ে এসেছিল। জানলেও হয় ত' ক্ষমা
করতেন না, কেন না এত বড় বিদ্রোহাচরণের মধ্যে মাহসেন চেদে
নির্লজ্জতাই প্রকাশ পেয়েছিলো বেশি। অশ্রু পবিবার তাই তাঁর
মুখের ওপর তাদের বাড়ির সদর দরজা বন্ধ কবে' দিয়েছে - ও আজ
পথচারিণী, মাথায় ওর কলঙ্কের কুলো; এই মেয়ে'র জন্তেই ছেলে তাঁর
বেহেড্ হ'য়ে ছুটে গেলো ভাবতে মা চোখের জলে বালিশ ভেজাতে
লাগলেন।

কিন্তু এ কয় দিনে প্রভাতের চেহারা এত সুন্দর ও সতেজ হ'য়ে
উঠেছে—ওর মুখে দীপ্তি, কাজে-কর্মে উৎসাহ—ছেলেকে এমন প্রসন্ন
তিনি আর দেখেন নি আগে। মরা শাখায় নতুন পাতা গজিয়েছে।
প্রভাত যেন এক'টা দিন সেতারের তারের মতো বেজেছে—হাতে ওর
স্পর্শমাণ! বিধাতা মানুষকে খুসি করেন, কিন্তু এমন সর্বস্বান্ত হ'বার
লোভ দেখিয়ে কেন? রিক্ততা না এলে কি পরিপূর্ণ মুক্তি নেই?

মা তাঁর তর্জনী ও মধ্যমা—এই আঙুল দুটিকে তুলে ধরে' নাটুকে বললেন—একটা আঙুল ধর ত', নাটু।

মধ্যমা ধরলেই প্রভাত শুভেলাভে সোমবার ভোরে কিরে আসবে, নচেৎ—তর্জনী-সম্বন্ধে কিছুই তিনি ভেবে ঠিক করতে পারলেন না। অন্ধ ছেলে মা'র হাতখানি অনুভব করে' করে' আঙুল তুলবার জন্তে মূঠি মেললো। মা তাঁর নিজেরই অজানতে মধ্যমাটি নাটুর প্রসারিত কবতলে ধীনে এনে স্পর্শ করালেন বোধ হয়। নাটু নিবিড় করে' তাই মূঠি চেপে ধবলো! স্বস্তিতে মা'র বুক ভরে' গেলো। এবারে ঘুমোবার জন্তে চোখ বোজা যাবে।

দার্জিলিং মেইল ত' ছাড়লো। বারাকপুরেব পর স্পিড্ দিয়েছে।

ইন্টার ক্লাসের টিকিট। প্রভাত ভেবেছিলো কোনো রকমে একটু জায়গা করে' সতরঞ্চিটা পেতে লম্বা হ'য়ে পড়বে। একেবারে পার্বতী-পুরে গিয়ে। জাগ্বে—টাইম্-টেবিল্ মিলিয়ে দেখলো তখনো বেশ অন্ধকার থাকবে, বাড়িতে হ'লে ডি লা. মেঘাবের কবিতা পড়তো; কিন্তু ট্রেনে এর পর আর ও চোখের পাতা এক করতে পারবে না—জানলা দিয়ে সুদূরবিস্তীর্ণ মাঠেব দিকে চেয়ে থাকবে। ওব চোখের সামনে আন্তে-আন্তে অন্ধকারের পর্দা উঠে যাবে ওর চোখেব সামনে আকাশ উন্মাদিত হ'য়ে—ভাবতে ওর রোমাঞ্চ হচ্ছিল। ট্রেনে বসে' শেষ রাত্রিটুকু জাগার মতো সুখ নেই।

একে আর ভিড বলে না,—প্রভাত সতরঞ্চি পাতলে। গাড়ি ছাড়তেই শুয়ে পড়লো। কিন্তু না আছে দার্জিলিং মেইল-এর স্পিড্, না আসে ঘুম। ঘুম না এলে ও মনে-মনে অনেক আজগুবি ছবি ঝাঁকে, হয়ত' পূবীর সমুদ্র সাঁতাবে যাচ্ছে, হয়ত' মোহনবাগানের হ'য়ে সতেনো মিনিটে সাতটা গোল স্কোব্ কব্লে, হয় ত' বা বিলেতেব কোমেকাব্ সোসাইটি ওকে বক্তৃতা দিতে নিমন্ত্রণ কবে' প্যাসেজ পাঠিয়ে দিয়েছে, ও সমুদ্র দিয়ে নয়, ওভারল্যান্ড-এ দেশ দেখতে-দেখতে বওনা হ'ল—বোগদাদেই আটকা পড়ে গেলো বুঝি, যদি যেতে হয় ট্রেনে নয়, উডো জাহাজে যাবে এবার। কিন্তু আজ 'মনেব মুবুবে যার ছায়া পড়েছে' কোনো আঁচড টেনেই তাকে আডাল করা গেল না। মুখিল। ট্রেনের আন্তে চলাটাও কখনো কখনো হাট্টেব পক্ষে বিপজ্জনক হয়ে ওঠে। অতএব গাড়িব শেকল টেনে দেওয়া উচিত। থামবার জন্তে নয়, চলবার জন্তে।

প্রভাত উঠে বসলো। এক যুগ কাটিয়ে এসে এতক্ষণে। কি না রানাঘাট। আকাশে মেঘ করেছে বুঝি। বৃষ্টি হ'লে মন্দ হয় না,

বৃষ্টি থামবার আশায় কান পেতে থেকে কতক্ষণ কাটিয়ে দেওয়া যায় তা হ'লে। বৃষ্টি তো এক সময়ে থামবেই। সঙ্গে একটা বই বা খবরের কাগজ পর্যন্ত আনেনি যে পড়বে। কী-ই বা পড়তো? একটা ছবির বই আনলে মন্দ হ'ত না, কিংবা যোগাড় করে' কোনো pornography। মনোযোগ আটতে থাকতো হয় ত'। যাক্ গে, পাশের ভদ্রলোকের সঙ্গে আলাপ করা যাক :

—কদুর যাচ্ছেন ?

—রংপুর। পার্বতীপুরে গাড়ি বদল করতে হবে। হাঙ্গাম, মশাই। শেষ রাতেই ঘুমটা চেয়ে আসে। পড়ি ঘুমিয়ে, পার্বতীপুর পার হ'য়ে যাক। টিকিট ছিল সেকেণ্ড ক্লাসের—ভেবেছিলাম গার্ডকে পার্বতীপুরে জাগিয়ে দেবার কথা বলে' নবাবি করে' একটু ঘুমব, কিন্তু শালারা একটা বেঞ্চিও খালি রাখেনি। টিকিট বদলাবারো সময় হ'ল না। একেই বলে ভাগ্যা, মশাই। টাকাও গেল, টাকও ঢাকলো না।

—নার্থ, আগে রিজার্ভ করেন নি কেন ?

—এই দুর্ভোগ সহিতে। দূর থেকেই ভোগ করছি আর কি! এখন পৌছতে পারলে হয়। পেছনে শনি বেশ শানিয়েছেন বুললাম। ট্রেনে এখন কলিশান না হ'লে বাঁচি!

প্রভাত চম্কে উঠলো। সত্যিই ত', যদি দুর্জয় ধাক্কা লেগে দার্জিলিং মেইল্ খান্ খান্ হ'য়ে যায়! এতে আশ্চর্য হবার ত' কিছুই নেই,—হামেসাঠ ত' হচ্ছে। ঢাকা মেইল উন্টোল, গয়া এক্সপ্রেস্ একুমা হ'য়ে গেল। প্রভাত আরেকটু হ'লে চেষ্টায়ে উঠেছিল আর কি! কিন্তু না, দার্জিলিং মেইল্ এত দুর্বল হবে না। কে জানে? টাই-টানিকো তলিয়ে গেছে। ও যদি আজ মরে' যায়—ওর চোখের সামনে আকাশ যদি আজ আর আত্মপ্রকাশ না করে—কি হয় তা হ'লে?

ও আকাশের ওপারে চলে' গিয়ে অশকে অশ্রু-সমুদ্রের পার থেকে লুট ক'রে নিয়ে যাবে। অলিভাব্ লজ্-এর ওপর ওর আস্থা আছে। অত কথায় কাজ কি? জানলা দিয়ে বাইরে তাকিয়ে ঈশ্বরের কাছে আজকের রাতের জীবনটুকুর জন্তে ভিক্ষা চাইলে এমন কি অপমান হবে? ঈশ্বব নাই বা থাকলেন, তাব জন্তে একটু প্রার্থনা করলেই কি গঙ্গার জল শুকিয়ে উঠবে? সত্যি কথা বলতে কি, ওর প্রত্যাহের ভূগোলে অস্ট্রেলিয়া বলে'ও ত' কোনো দেশ নেই। তাই বলে' মনে-মনে সে দেশ বেড়িয়ে এলে ওকে মারে কে শুনি?

বসে', শুয়ে, স্টেশনে খাবাব খেয়ে, সিগারেট ফুঁকে, মনে-মনে আঁক কষে', যাত্রীদের চেহারা দেখে-দেখে তাদের মনের অবস্থা আন্দাজ করে'-কবে' (একটি যাত্রীও প্রেম পড়ে নি) প্রভাত কোনোরকমে রাত প্রায় কাবাব কবে' এনেছে। দার্জিলিং মেইল্ বেসামাল হয় নি যা হোক। আকাশে আলোব ছোঁয়াচ লাগলো বুঝি। দু'একটা করে' পাখি উডতে শুরু কবেছে। ফুবফুনে তাদের পাখা। ঘুমো আকাশেন চোখ। বৃষ্টি না হ'য়ে ভালোই হয়েছে। ঝঞ্জেটে। হয় ত' ঠিক সময়ে অশ্রু এসে প্ল্যাটফর্মে পৌঁছতে পাবতো না। আকাশের রসিকতা করাব একটা সময়-অসময় আছে। ঘোড়াব গাড়ির গাডো-য়ানদের অযথা কষ্ট হতো।

মাইল্-পোস্ট-এর দিকে তাকিয়ে দেখলো জলপাইগুড়ি পৌঁছতে আব মোটে সাত মাইল বাকি। এবার স্বচ্ছন্দে দার্জিলিং মেইল্ ডিরেইল্ড্ হ'তে পাবে,—প্রভাত সাত মাইল পায়েই মেরে দিতে পারবে খুব। গ্রে স্ট্রীট এর মোড থেকে ও হাজারা রোড্ পযন্ত অনেক হেঁটেছে, অনেক। কিন্তু না, দার্জিলিং মেইল্ বেশ ভদ্র। বাধ্য ছেলেটিব মতো সুডসুড করে' এগিয়ে চলেছে। হ্যাঁ, আর দুই কদম। এঞ্জিনের

ফু-টা আরো জোরে হওয়া উচিত ছিল। জলপাইগুড়িটা যেন কিছু নয়!

আঃ! ফিলিপ সিড্‌নির হাত থেকে জলের গ্লাস পেয়ে মুম্বু' নৈনিক এর চেয়ে বেশি আরাম পাষনি। প্রভাত তাড়াতাড়ি বিছানাটা গুটিয়ে নিলে। ভগবান নেই এমন কথা যদি এখন কেউ বলতে আসে, প্রভাত তার সঙ্গে আদপেই তর্ক না করে' একটা ঘুমি মেরে বসবে হয় ত', কিন্তু তারো কাজ নেই—গোলমাল বাধতে পারে। তার চেয়ে সোজাসৃজি নেমে পড়াই ভালো। ট্রেনটা থামুক। চলন্ত ট্রাম থেকে নামবার ওন অভ্যাস আছে। কিন্তু চলন্ত ট্রেন থেকে নামবার কোনো মানে নেই,—প্ল্যাটফর্ম পালিয়ে যাচ্ছে না। আবে মশাই, দণ্ডাব কাছে মাল-পত্র নিয়ে এত ভিড করলে কি চলে? সমস্ত দিন ধরে' আপনিই নামবেন নাকি? আচ্ছা ভদ্রলোক ত'!

প্ল্যাটফর্ম। তা হ'লে নামা গেল! দাজিলিং মেইল-এর জন্তে অব ভাবনা নেই। পাতালে যাক। প্রভাত পা বাড়ালো।

কে যেন এগিয়ে আসছে। মেয়ে নিশ্চয়ই। প্রভাতের ততটুকু দৃষ্টিশক্তি আছে। নেহাৎই বাঙালি হ'য়ে জন্মেছে, নইলে প্রভাত নিশ্চয় নাম ধরে' ডেকে উঠতো। অনর্থক লোকদের হকচকিয়ে দিয়ে লাভ নেই। এখন অন্ধকারো ফুবিষে গেছে। কণ্ঠস্বরটা নিশ্চয়ই মঙ্গত হত না।

ই্যা, অশ্রুই বটে। প্রভাত ঠিক চিন্তে পেরেছে, নিশ্চয়ই। চেহারাটা একটু ভালো হয়েছে মনে হচ্ছে; ভালো হয়েছে মানে অল্প একটু মোটা হয়েছে। বিয়ে না হ'য়ে বাঙালি মেয়ের স্বাস্থ্য ফেরার দৃষ্টান্ত দেখে প্রভাত মনে মনে খুসি হ'য়ে উঠলো। মাঝে ওর কানে একটা উড়ো খবর এসেছিল যে অশ্রুর ফুসফুসের ফেসে যাবার সম্ভাবনা হয়েছে,—কথাটায় কান দিলেও প্রাধান্য দেয়নি, কারণ অশ্রুর আহ্বান যে কোনকালে ফের শ্রুত হ'বে এ-ধারণা তখন ছিলো না। ফলাফল জানবার জন্তে তাই সে উৎসুক হয়নি। এই মোটা হওয়াটুকু হব ত' সেই 'অটো ভ্যাকসিন'-এর—ঠিক ফল নয়, ফুল!

বহরে বেড়েই যদি খেমে পড়ত তা হ'লে পিপের মতো গড়গড়িয়ে গড়িয়ে দেওয়া যেত হয় ত'। কিন্তু না; মাথায়ো অশ্রু বেশ ঢাঙা হয়েছে। ঘাশের কিনারা বেয়ে উপচে-পড়া উচ্ছ্বসিত সুরার ফেনাব মতো অশ্রুর যৌবন,—উষার অঞ্জলি-উৎসারিত আলোর নিবেদনের মতো। কথাটাকে ছোট করে' বলা যেতে পারে—একটা কনকচাঁপা, উগ্র, উজ্জ্বল, মদির! এত রূপ যেন আর কোন দিন দেখেনি—ঝড়ে নয়, সমুদ্রে নয়, মৃত্যুর সুগম্ভীর আবির্ভাবেও নয়। জীবনে যেন ছোয়ার ডেকেছে। দুই চোখে এতরূপ যেন কুলিয়ে উঠছে না। প্রভাত যেন তার চোখের সামনে অরোরা-কে দেখছে। ও পা বাড়ালো।

পায়ে গ্রিশিয়ান স্ট্রাওল, এবং পায়ের পাতা থেকে সুরু করে' আর্টপোরে চওড়া-পাড় শাড়িটি দেহবল্লরীকে বল্লভস্নেহের মতোই আবেগন করে' উঠে গেছে, মাথায় ছোট একটুখানি ঘোমটা, হেয়ার পিন্ দিয়ে ঝাঁটা নয়। অতএব এগিয়ে আসতে গিয়ে ঘোমটা গেল খসে,' এবং সেটা ফের "ভুলতে গিয়ে খোপার ওপর বেকায়দায় হাতটা লাগতেই খোপাটা কাঁধ বেয়ে পিঠের ওপর ভেঙে পড়লো। চুলে অশ্রু

কি তেল মাখে? এত ঘন এত পুঞ্জিত হ'ল কি করে? আচ্ছা শিঙলুড্ হ'লে অশ্রুকে কেমন মানাবে? ঠোঁটে তার জন্মে লিপস্টিক দেওয়া চলবে না! অশ্রুর ঠোঁট দুটি ভারি হ'য়ে ভালই হয়েছে। মেয়েদের পাতলা ঠোঁট ব্যক্তিত্ব-ব্যঞ্জক নয়। নিশ্চয়ই অশ্রুর আজ যুগ থেকে জাগতে দেবি হয়েছে, তাই শাড়িটা তাড়াতাড়ি বদলে আসতে পারে নি। মুখের উপর ঘুমের যে মলিনতাটুকু লেগে আছে তা ঘুমেরই মতো সুন্দর।

দু'জনে এগিয়ে আসতে লাগলো। ওদের ডান হাত দু'টোতে কখন যে কক্‌টেইন্স হয়ে গেল কেউই ঠিক ঠাওরাতে পারলো না! দু'টি দেহ যেন নদীর সেতুর দুই পারের স্তম্ভের মতোই অবিচলিত পইলো—বীণার মতো ঝঙ্কার দিয়ে উঠলো না যা হোক। কারণ হয়ত এই যে, ওনা যেন এমনি পরস্পরের স্পর্শনাভের অভ্যাসে এখানে এখন অসাড় হ'য়ে গেছে। সত্যিকারের কারণ খুঁজতে গেলে দেখা যায় বেশিক্ষণ হাতে হাত ঠেকিয়ে থাকা যায় না। ভীষণ ভিড, লোকের তত নয়—চোখেব।

অশ্রু কথা বলতে পারলো: এই তোমার জিনিস? চল।

প্রভাত অশ্রুর চোখের দিকে তাকিয়ে বললো—কোথাষ?

—আমার হাতে স্মটকেস্টা দাও। আপাতত একটা ঘোড়াব গাড়িতে ত' গিয়ে উঠি,—যাবার জায়গা আছে।

প্রভাত স্মটকেস্টা ছাড়লো না। বললে—এটুকু ভার বইবার আমার ক্ষমতা আছে। চল।

গাড়িতে উঠবার আগে পা-দানিতে পা রেখে অশ্রু একটু পিছন ফিরে বললে—স্মটকেস্টা আমার হাতে দিলেই ভালো করতে, কেননা রাজ্যি শুধু লোক আমার দিকে এমন ভাবে চাইছিলো যে তোমার

সঙ্গে আমার সম্পর্কটা যেন কত সন্দেহের! এই সব লোকগুলোর ফাঁসি হয় না কেন?

প্রভাতদেখলো কথা বলতে ওর রীতিমত অসুবিধে হচ্ছে। স্নায়ুগুলো হঠাৎ যেন নিস্তেজ হ'য়ে পড়লো। ট্রেনেই রোজকার মত মূল্য এর কতকগুলি 'ফিগার' করে' এলে পারতো। এত অবসর লাগবার ত' কথা নয়! সমস্ত রাত্রি ধবে' যে-জিভে ওর কথার সুড়সুড়ির শব্দ ছিল না সে-জিভ হঠাৎ মরে' শুকিয়ে গেল নাকি? এত টোঁক গিলবার অভ্যেস ওর কোনো কালে ছিলো না বলে'ই ত' মনে হচ্ছে।

প্রভাতের মূগোমুগি বসে' অশ্রু বললে—পাশে বসলে কথা বলার অসুবিধা হবে। তারপর দুই চোখে একটি কমণীয় কৌতুক নিয়ে শুধালো: তারপর?

প্রভাত পা দুটো একটু ছড়িয়ে, বুকটা সামান্য একটু ফুলিয়ে স্নায়ুগুলোকে শাসন করলে; বললে—তারপর আর কি? জলপাই গুড়ি চলে' এলাম। এখন জল পাই তবেই হবে।

অশ্রুর দাঁত দেখা গেল। প্রভাত মুক্তো কোনো দিন দিখেনি, তবু তাবলে সারি সারি মুক্তো অমন হ'লে তার অমর্যাদা হ'বে না। বললে, —জল না পাও, জলপাই পাবে। দাঁত যাবে টোঁকে।

প্রভাত। সে-জল্পনা ক'রেই ত' এসেছি।

অশ্রু। দাঁড়াও, দেখি আব হয় কি না। (ভাবিষা) হয় না, না হোক, (খামিয়া) তারপর, আছ বেশ?

প্রভাত। ছিলাম বেশ। এখন কেমন যেন ঘুলিয়ে উঠছি।

অশ্রু। কেন?

প্রভাত। তাই যদি জানতাম ত' ছুটি না পেয়েও ছুটে আসতাম না।

অশ্রু। ছুটি পাও নি? কি হবে তবে?

প্রভাত। কি আবার হবে? আমার অসুখ করতে পারে না?
(একটু হাসিয়া) আমার অসুখই ত' কবেছে।

অশ্র। (চমকিত) অসুখ?

প্রভাত। (দিব্যি কইতে পারছে) অসুখ ছাড়া আর কি! নইলে
সুস্থ থাকলে কেউ এমনি হস্তদস্ত হ'য়ে ছুটে আনে নাকি?

অশ্র। (গম্ভীর) কথাটা কিবিয়ে নাও, নইলে কথা কইবো না।

প্রভাত। এন ওপন আবার যদি কথা না কও, তা হ'লে দয়া করে'
কোচোয়ানকে গাড়ি হাসপাতালে নিয়ে যেতে বল। হাসপাতাল
থেকে পবে একেবারে পাতালে।

অশ্র যিনগিল করে' হেসে উঠলো। পবে গম্ভীর হ'বার ভানু
কবে' বললে—কালই তোমাকে কল্কাভায় ফিরে যেতে হ'বে।

প্রভাত। কালই এটা বলি, তাই তোমার এ কথায় আশ্চর্য
হ'লে শোনে কে? শুনেছি আজ বাত্রেই একটা ট্রেন আছে। ঘাবার
নময় নিশ্চয়ই এবার ঘুমতে পাব।

অশ্র। তোমার সারা রাস্তা ঘুম হয়নি? কাল রাতে ভারি গরম
ছিলো, না?

প্রভাত। তাই তোমারো ঘুম হয় নি মনে হচ্ছে।

অশ্র। ন, তা কি আব হয়েছে? ঘুমিয়ে ঘুমিয়েই ত' চেহারায়
কিবিয়ে দিলাম।

প্রভাত। এবার আমাকেও ঘুমোবার জগ্গে ফিরিয়ে দাও।

অশ্র। আহা! তোমার সঙ্গে as if আমার কোনো কথা নেই!

প্রভাত। আছে নাকি? কতটুকু সময় লাগবে? বলেই
ফেল না।

অশ্র। ঐ ত বললাম: তারপর?

প্রভাত। 'তারপর'-এর কোনো উত্তর হয় ?

অশ্রু। উত্তর যদি কিছু না-ই হয় চূপ কবে' থাকো। মাথায় অতোগুলো চুল বেখেছ কেন ?

প্রভাত। তুমি বেখেছ কেন ? সতি, তোমাকে যে কী সুন্দর দেখাচ্ছে !

অশ্রু। আর গৌফ জোড়া নিমূল কবে' তুমি যে কী অপকৃপ হচ্ছে বাদরের মতো—

প্রভাত। আমান অপমান বোধ করা উচিত কি না, তুমি বল তোমাকে চামচিকে বললে তুমি চিম্টি কেটে দেবে না ?

অশ্রু। (অগ্রমনস্ক) দেব ত', কিন্তু এসে পড়লো যে। তুমি এখানে নাম'। এটা ডাক-বাংলো। সঙ্গে টাকা আছে ত' ?

গাড়ি থামতেই প্রভাত নেমে পড়লো। ডাক-বাংলোর বেয়ার এসে জিনিস দুটো ভেতবে নিয়ে গেলো। অশ্রু গাড়ি থেকে মুখ বাড়িয়ে বললো,—বিকলে আসবো। ছপুবে একটু ঘুমিয়ে নিযো কিন্তু। আমি আগে থেকেই এখানে সব বন্দোবস্ত কবে' বেখেছি—তোমান ডাকতে হ'বে না।

গাড়োয়ানকে গাড়ি-ভাড়াটা দেওয়া সম্ভব হ'বে কি না প্রভাতকে ভাববার অবকাশ না দিয়েই গাড়ির চাকা চাবটে ঘুরে গেলো।

সেই গাড়ি ক'রেই অশ্রু তার সুলেব কোয়ার্টারে ফিরে এলো ভাড়া চুকিয়ে ভেতবে বারান্দায় ঢুকেই দেগলে বনু (আরেকটি শিক্ষয়িত্রী) মুখে টুথ-ব্রাশ চুকিয়ে এক-মুখ ফেনা করে' ফেলেছে। অশ্রু ছুটে এসে এমন বেগে তাব গলা জড়িয়ে ধরলে যে কতগুলি ফেনা বুলুর গিলে ফেলতে হ'লো। অশ্রু প্রায় চৌচিয়ে উঠলো : সে এসেছে।

বুলু নিজেকে ছাড়িয়ে নেবার চেষ্টা ক'রে বললে—ছাড়, বাবুসি।
কে এলো ?

আলিফন একটু শিথিল করে' অশ্রু কানে-কানে বললে—আমার
রাজপুত্র।

—তা হ'লে বন্দীদশা ঘুচলো নাকি ? এই তিন বছর মাস্টারি করে'
বি-এ পাশ করে' এখন বুঝি বিয়ে করে' বয়ে' ঘাবার সখ হয়েছে।
হ'বে কবে শুনি ?

অশ্রু বুলুব গাল টিপে দিয়ে বললে—ঘমের বাড়ি গিয়ে।

বুলু বললে—বি-এ পাশ করে' সবাই এম-এ-ই পড়ে শুনেছি। কেউ
কেউ দেখছি প্রেমে-ও পড়ে। যাদ্দিন তো কৈ শুনতে পাইনি।

—তোকে শোনাবার জন্তে আমার যেন ঘুম হচ্ছিল না। কাল
সাবা বাত আমার বে ঘুম হয়নি, তা অবিশ্রি অন্য কারণে।

—কি কারণ ?

—সভয়ে বলবো, না নির্ভয়ে ?

—সভয়ে।

—তা হ'লে বলি রাত বারোটা পর্যন্ত একজামিনের কাগজ দেবেছি—
বারোটার পর থেকেই আমি নির্ভয়, বুলু। তারপর আর ঘুম আসেনি।
বই পড়বার জন্তে টেবিলে বসতে গিয়ে ভুল করে' জান্নাঘ এসে দাঁড়ানাম।
জানলা থেকে এঞ্জিনের ধোঁয়া দেখা যায়।

—রাজপুত্রকে কোথায় সিংহাসন দিলি ?

—ডাক-বাংলোয়। হৃদয়ে বলতে পারতাম বটে, কিন্তু সেটা তোমার
প্রশ্নের ঠিক স্বাভাবিক উত্তর হ'ত না। চা-র জল চাপিয়েছিস্ ? চা
খেয়েই ঘুম দেবো লম্বা। জাগাস্ নি পোড়ারমুখি।

ব'লেই অশ্রু অন্তর্হিত হ'লো।

অশ্রু জীবনের আজকের এই ছোট দিনটুকু নিয়েই একটা প্রকাণ্ড উপন্যাস লেখা চলে—জেইম্‌স্‌ জয়েম্‌স্‌ যেমন *Ulysses* লিখেছে। একটা দিন—অর্থাৎ সকাল আটটা থেকে রাত তিনটে পর্যন্ত (ঠিক পুরো একটা দিনো নয়)—তাই নিয়ে সাত শো বত্রিশ পৃষ্ঠার বিচিত্র উপন্যাস! অশ্রু এত ধীরে ধীরে গত রাত্রি যাপন করেছে যে তার প্রতিটি নিশ্বাস-পতন নিয়ে একেকটা পরিচ্ছেদ হ'তে পারে! সেই রাত্রি নিয়ে উপন্যাস লিখতে গেলে অশ্রু একটা জীবনে পরবেই না।

অশ্রু *Ulysses*-এর সেই রুম্‌-এর কথা হঠাৎ ভাবতে বসলো। রুম্‌ জাতিতে জু, ডাবলিনের একটি সাদাসিধে কেবানি—ব্যাঙ্কে কাজ করে বোধ হয়। রুম্‌ ঘুম থেকে ওঠে; শোবার ঘরে বিছানার ওপর তার স্ত্রী মলি-কে অর্ধনিদ্রিত অবস্থায় ফেলে বেগে বায়ঘরে ঢোকে, সেখান থেকে বড়ো-হল্টায়; সেখানে বসে' একটা পুরোনো খবরের কাগজ পড়ে; এবং প্রাতঃকৃত্য শেষ করতে-করতে নিজেব ভবিষ্যৎ সাহিত্য-সৃষ্টি সম্বন্ধে নানা রকম জল্পনা-কল্পনা চালায়। অদ্ভুত লোক! তারপর মাংসের দোকানে গিয়ে 'কিড্‌নি' কেনে, একটা ঝি দেগে কামমোহিত হয়। তারপর বাড়ি এসে 'কিড্‌নি'টা নিজেই ভাজে; ওপরে স্ত্রীর কাছে খাবার নিয়ে যায়। তার সঙ্গে আলাপ জমাবার চেষ্টায় অনেকটা সময় হেলাফেলা করে,—নিচে মাংস-পোড়ান গন্ধ পেয়ে সিঁড়ি দিয়ে নেমে যায় ফের বায়ঘরে। এই সব। তারপর ফের বাসায়; স্নানের দোকানে; শবাস্তগমন-মিছিলে; একটা খবরের কাগজের আপিসে; একটা রেস্টুরেন্টে; লাইব্রেরিতে; মদের হোটেলে; সমুদ্রের পারে; হাসপাতালে; বেঞ্জালয়ে—(সেখানে রুম্‌ থাকে অনেকক্ষণ—ইউলিসিসও *Circe*-র গুহায় অনেক দিন ছিল, না?) সেখানে মদ খেয়ে শান্ত হ'য়ে সে স্টিকেন্‌ ডেড্‌লাম্‌-এর সঙ্গে বাড়ি ফিরে আসে।

গল্পের শেষ ভাগের কথা ভাবতে গিয়ে লজ্জায় অশ্রু গা কাঁটা দিয়ে উঠলো। ব্যাপারটা কিছু নয়,—অতি সামান্যই; রুম্-এর স্ত্রী মলি স্বামীর কাছে শুতে যাচ্ছে! ওটা জয়েন্স না লিখলেও পারতো। কিন্তু কেনই বা লিখবে না?

শুনেছে বইটা নাকি অশ্লীল। হবে ও বা। অশ্রু অবিশ্রি এক নিশ্বাসে পড়তে পারেনি, কিন্তু ছাড়তেও পারেনি। কোনো বিষয় বিষয়-হিসেবেই যে কী করে' অশ্লীল হ'তে পারে অশ্রু তা কিছুতেই বোঝে না। এ নিয়ে ও কত তর্ক করেছে—প্রাথমিক প্রথাগুলোকে বন্ধুদের মন থেকে ছিঁড়তে পারেনি। যা কিছু দোষ হ'তে পারে স্টাইলের বা লিখনভঙ্গীর। *Ulysses*কে সে কারণে নির্বাসিত করলে অশ্রু দুঃখ হ'ত না। অন্য যে-কারণে লওনে ও নিউইয়র্কে *Ulysses*-এর লাঞ্ছনা হ'ত না সে-কারণটাকে উপহাস করতে পারলে মানুষের উপকারই হ'তো। মানুষের হৃদয় আছে আত্মা আছে বলতে পার, কিন্তু শরীর আছে বলতে পারে না। খেতে পাবেন, ঘুমুতে পারবে, কিন্তু আসন্ন-লিপ্সার বেলায় শুধু মুখ বুজলেই চলবে না, দস্তুরমতো জিভ কাটতে হ'বে। বার্গার্ড শ-ব মতো জিভ বার করে' ভ্যাঙচাবার যো নেই। অস্তুত এ দেশে।

মনে-মনে এ-সব নিয়ে অশ্রু অনেক কিছু-ই তর্ক করতে চাইলো, কিন্তু তর্ক করতে চিন্তার পারস্পর রাখার জন্যে যে সবল ও অনগ্র্য-অভিনিবেশ দরকার এ-রকম উচাটন মন নিয়ে তার সাধনা চলে না। অতএব পাশ-বালিশটা বুক থেকে ছুড়ে ফেলে অশ্রু বিছানার ওপর উঠে বসলো। এত রাজ্যের চুল নিয়ে ওর আপদ হয়েছে—একটু নাড়া-চাড়া করতে গেলেই ঘাড়ের ওপর দিয়ে সাপের মতো একে বেকে এসে পিঠ বেয়ে কোমরের ওপর লুটিয়ে পড়ে; বারে-বারে খোঁপা

বাধার স্বাদাম অনেক,—তবু ও পিন্ আটকাবে না। চুল বাধতে বাধতে নজরে পড়লো,—সেল্ফ-এর ওপরকার টাইম-পিস্-এ মোটে দু'টো বেজেছে। ইচ্ছে হ'ল ঘড়িটা মেঝের ওপর আছড়ে মারে। জান্না দিয়ে বাইরে তাকাতে মনে হয়েছিলো রোদ খিতিয়ে এসেছে বৃষ্টি; এখন ভালো করে' ঠাণ্ডা করলে আকাশটা তামাটে, গমথমে,—ধীরে ধীরে মেঘ জন্মেছে। পরনের শাড়িটাকে পরিপাটি করবার চেষ্টা করতে করতে অশ্রু বিছানা থেকে নেমে পড়লো। খালি পা,—জুঁইফুলের মতো শাদা, ধবধবে! মুখখানি যেন রূপোর পিল্‌হাঙ্গর ওপর সোনার প্রদীপ!

শাড়িটাকে গুছাতে-গুছাতে হঠাৎ অশ্রুর মনে হলো এই বেশেই বেড়িয়ে পড়লে কেমন হয়! বিকেন বলে' এসেছে বলেই যে কাঁটায় কাঁটায় কথা রাখতে হ'বে এতটা বিনিতি কায়দা তাকে না মানালে মহাভারত এক' ঘণ্টায় অশ্রু হ'বে না আশা করি। কুড়েমি খুব ভালো জিনিস,—অশ্রু কুড়েমি খুব পছন্দ করে। মানুষ আরেকটু কুড়ে হ'তে শিখলে আরো খানিকটা সভ্য হ'তে পারতো। নিশ্চয়ই। তবু সময়না বলে' ছুটতে গিয়ে অকারণে এতো সব কাণ্ড কবে' বসেছে যে কোনো দার্শনিকই তার তারিফ করতে পারছেন না। একটু কুড়ে হ'লে লেখকরা বই লিখে তফুনিই ছাপতে ছুটতো না,—পরে দেখতে পেতো কলম কি-রকম কাঁচিয়েছে। কাঁচির দরকার। বৈজ্ঞানিকরা আরেকটু কুড়ে হ'লে, অকারণ যন্ত্র-পাতির উৎপীড়নে পৃথিবীর যন্ত্রণা এতো বাড়াতো না। কবিরা যদি আরেকটু কুড়ে হ'তো তবে দেখতে পেতো বিনিয়ে-বিনিয়ে কথায় কাঁছনি গাওয়া কোনো ভদ্রলোকের পোষায় না,—আরাম-কেন্দারায় শুয়ে একটু 'রাম' খেলে বরং কাজ দেবে। নেপোলিয়ান খুব বড় বীর বটে, কিন্তু পৃথিবীতে এন্সাইক্লোপিডিয়া বলে'

কোনো বই না থাকলে অক্ষ অক্ষ কষে' প্রমাণ করে' দিতে পারতো Fabius Cunctator তাঁর চেয়ে মহৎ, তাঁর চেয়ে বরগীর। কোনো কাজ তক্ষুনি-তক্ষুনি করে' ফেলাটা নিতান্ত সহজ, একেবারেই সাধারণ; কিন্তু তাকে পিছিয়ে রেখে-রেখে তার জটিলতা বাড়িয়ে তবে তাকে সম্পন্ন করার মধ্যে বেশি বীরত্ব। ঠিক সময়ে স্টেশনে গিয়ে টিকিট কেটে ট্রেনে চাপার মধ্যে গৌরব কিছুই নেই, কিন্তু ট্রেন ছাড়বার সময়টুকু বাড়িতে বসে' হাই তুলে কাটিয়ে দিয়ে পরে হেঁটে ঘাবার মধ্যে মূর্খতাই আছে এ-কথা বেনে বা বণিকেরা বলতে পারে—অক্ষর মত উর্নো। মানুষের সময় কম—ঘড়ির কাঁটা নাকি অহর্নিশি তাই বলছে,—ঘড়ির এই গায়ে-পড়া অভিভাবকত্ব বরদাস্ত করবো না; অক্ষ ঘড়ির কাঁটা ঘুরিয়ে পাঁচের কোঠায় প্রমোশন দিলে। এই গুর বিকেল।

অর্থাৎ কুডেমি করা দূরে থাক, সময়নিষ্ঠা-পালনের ধৈর্যটুকুও গুর পোষাবে না এখন। সময় দিয়েছে বলে' তার আগে যাওয়া যাবে না; এমনিই বা যদি কোনো নিয়ম থাকতো তবে আয়ুর অধিকারী হ'য়ে এসে এই বিস্তীর্ণ আকাশের তলে শিশুমৃত্যু ঘটতো না। এমন দৃষ্টান্ত বা কেন? একটু মাথা ঠাণ্ডা করে' ভাবলে অক্ষ এর চেয়েও অনেক খেলো নজির দেখাতে পারবে। কিন্তু না, সত্যি সময় নেই—অক্ষর বলে' আসা উচিত ছিল দুপুরেই যাবে। বিকেলের চেয়ে দুপুরটাই বেশি রোমাটিক—অমাবস্তুার নিশীথ রাত্রির চেয়েও। প্রেম-বর্ণনায় একমাত্র কালিদাস ছাড়া আর কোনো কবি ঘাগ বা মাছির কথা উল্লেখ করেনি বলে'ই কেউ তাঁর সমকক্ষ হ'তে পারলো না। বইলো পিছিয়ে। অক্ষ এবার কাব্যরচনায় মনোনিবেশ করবে। লুডোভিচিকে পথে না বসিয়ে ও ছাড়ছে না। কিন্তু এক্ষুনিই কাগজ পেন্সিল নিয়ে

না। বসলে রাতারাতি নোবেল প্রাইজ হস্তান্তরিত হচ্ছে না—এই যা
সাহসনা। ততক্ষণে শাড়িটা বদলে নিলে কাজ দেবে। অশ্রু ট্রাক খুললো।

মেঘ করে' এসেছে বলে'ই ওকে ফিকে সবুজ রঙের শাড়ি পরতে
হ'বে এমন কবিত্ব করবার দিন গেছে। ও সাদাসিধে শাদা শাড়িই
পরবে। মেঘ কেটে গিয়ে রাত্রে যে স্তিমিত জ্যোৎস্নাটুকু ফুটবে না যে
ভীকু রজনীগন্ধাটুকু ঠোট মেলবে তা'রই আভাস। ওই ভেবেই যদি
শাড়িটা গায়ে জড়ায় কবিত্বটা যে তাতে বেশি সমৃদ্ধ হ'বে তা নয়, বরং
উন্টে আরো জলো ও ফিকে হ'য়ে যাবে। যাক। অশ্রু আপন মনেই
একটু হাসলো। মোট কথা, সম্প্রতি শাড়ির কিছু অভাব হ'য়েছে।
বা একগানা খদ্দর আছে সেটা গায়ে চড়ালে ঢের বেশি ফ্যাশানেবল
হয় বলে' তাতেও ওর আপত্তি। এই বেশ। এতেই ওকে উড়িয়ে
নেবে। বাকল-পরার দিন ফিরে এলে অশ্রু আবার এসে ভাবতবর্ষেই
জন্মগ্রহণ করবে'খন ... আজকের দিনে—মোহিনী-মিল্ গব এই শাড়ি
ওকে আবৃত করুক ! মোহিনীর সঙ্গে এতেই ওর মিল হ'বে।

রূপচর্চায় অশ্রু একজন পুরো আর্টিস্ট। এতদিন উদ্দেশ্যহীন হ'য়েই
অঙ্গমজ্জা করেছে—নিজেকে তৃপ্তি দেবার জন্যেই। অবিগ্নি অনলকারের
আড়ম্বরে নয়, একমাত্র শাড়ি-পরার সূক্ষ্ম সূচাক্রিয়ায়। কিন্তু আজকের
শাড়ির আঁচলটা কিছুতেই বুকের ওপর দিয়ে ঠিক গতো লতিয়ে উঠছে
না। কারণ আজকে ও একটি বিশেষ পুরুষকে মুগ্ধ করতে চায়,—
প্রেমিকের অন্তরে স্বাস্থ্য ও সুসমা-সঞ্চার করার পক্ষে নারীসৌন্দর্যের
উপকারিতায় ওর অগাধ বিশ্বাস। এ কথা বেশি মনে করে'ই ওর
শাড়ি পরায় দেরি হচ্ছে। তাই বলে' বুলুর সাহায্য নেওয়া দরকার
নেই। বুলু এ-সব ব্যাপারে অত্যন্ত স্থূল, হয় ত' পেছনের দিকে কতগুলি
কুচি দিয়ে বসবে ! মা গো ! এর চেয়ে মরে' যাওয়া ভালো।

শাড়ি পরা ত' হ'ল—ও মা, বৃষ্টি এসে গেলো যে! চড় মেরে ঠাট্টা। অশ্রু আরেকটু হ'লে কেঁদে ফেলেছিলো আর কি! বৃষ্টিতে ভিজ্ঞে অভিসাবে যাওয়ার নিয়ম অবিশিষ্ট আছে—কিন্তু আশ্চর্য, সেই যুগে কোনো অনুরাগিণীরই পুরুসি হয়নি! তখনকার দিনের বেরসিক কবিদের শাপ দিয়ে রসাতলে পাঠিয়ে অশ্রু জানলায় এসে দাঁড়ালো। এত জোরে বৃষ্টি না এলে যেন পৃথিবী আর বাসুকির শিরোধার থাকতো না! এই বধায় কত কবির কলমের মর্চেই যেন মুছে যাচ্ছে। বিধাতা যে মঙ্গলময় নয় এর একটা সঙ্গ প্রমাণ পেয়ে অশ্রু খুসী হলো বলে' কাঁদতে চাইলো। সত্যি, এ সময়টা কি করে ই বা কাটবে? ঘুমিয়ে? কা'র সঙ্গে ঘুমিয়ে? বই পড়ে'? তেমন কোনো বই পৃথিবীতে লেখা হয়নি। একটু সেলাই করলে কেমন হয়? নিজের কপালটা? একটা চিঠি? কা'কে? যমকে?

বিরসমুখে জান্না থেকে ফিরে এসে অশ্রু ঘড়ির কাঁটাটাকে প্রকৃতিস্থ করলে। যাঈ বল, এখন গেলে হয় ত' দেখত প্রভাত ডেক-চেয়াবে শুয়ে ঘুমুচ্ছে। দুপুর বেলায় পুরুষের ঘুম ভারি বিস্ত্রী দেখতে, ভারি বিশ্বাস! তা ছাড়া বৃষ্টি এসে পড়ায় দুপুরবেলায় নিজস্বতাই হারিয়ে গেল—এই নির্জনতাব চেয়ে সেই নিস্তরুতা ঢের বেশি অর্থ-জ্ঞাপক, ঢের বেশি স্পষ্ট ছিলো। বৃষ্টিতে সেই প্রেমালাপ জমে যা পীক, অর্ধশুট, অনতিব্যক্ত—নিজের সামর্থ্যে ভর দিয়ে দাঁড়াতে পালে না বলে' চতুর্দিকে মেঘের রহস্যাবগুণ্ঠন টেনে কোনোরকমে মুখ বাঁচায়,—ঠুনকো, পল্কা, পান্সে! রৌদ্রদীপ্ত দুপুরের প্রেম স্পষ্ট, নির্ভীক, প্রথর—প্রতিটি বাক্য তরবারির তড়িৎ-বিকাশের মতো দৃষ্ট, তেজস্বী, ধারালো। সূচতুর ব্যঙ্গ, প্রচণ্ড কলহাস্ত! উলঙ্গতা আছে বলে'ই তার উজ্জলতা। বাইরের আকাশের সঙ্গে সঙ্গতি রাখতে

গিয়ে কণ্ঠস্বরে কৃত্রিমতা আসে না, আচরণে জড়তা। দৃষ্টি সেখানে বাস্পাকুল নয়; কঠিন, ক্ষুধার্ত। দেহে মল্লার বাজে না, বাজে দীপক! ছপূরের প্রেমে সতীবিরহব্যথী শিবের আশীর্বাদ!

এমন ছপূরটা আকাশের অশ্রুতে ভিজ়ে' ফ্যাকাসে, ভ্যাপসা হ'য়ে গেলো। অশ্রুর জীবনে এ একটা পরম ক্ষতি। কথার মূল্য রাখতে গিয়ে বিকেলে যখন ও যাবে তখন মাটির সঙ্গে-সঙ্গে হৃদয়ও ঠাণ্ডা হ'য়ে সব একেবারে মাটি ক'রে দেবে। তখন আকাশ আসবে জুড়িরে, হৃদয়েরও তখন গোধূলিবেলা। গোধূলির চেয়ে ছপূরের ধূলিই ওর বেশি পছন্দ। হাতে কিছু না পেয়ে অশ্রু গেল বুলুর সঙ্গে আলাপ করে' bored হ'তে। ওকে দিয়ে এক পেয়াল চা করিয়ে নিলে মন্দ হয় না।

বৃষ্টিকে এক সময়ে খামতে হলো। খামতে তাকে হতোই। সমস্ত কিছুরই একটা স্বাভাবিক অবসান আছে—এ একটা বড়োরকমের আশ্রু। নইলে স্বপ্ন বিধাতাই উঠতেন হাঁপিয়ে। এ-পৃথিবীটাও একদিন চলতে চলতে থেমে পড়বে—যাক্ গে চুলোয়। আজকের বিকেলেই ত' তার ধূমকেতুর সঙ্গে তার বাহনিবন্ধ হ'বার লগ্ন নয়। অশ্রু বুলুর চুল টেনে দিয়ে উঠে পড়লো।

খাটের নিচে স্মাগেলটা খুঁজছে, বুলু শুধোলো : সেজে-গুজে কোথায় যাক্ছিন্ পোড়ারমুখি ?

ঘাড় নিচু করে' রেখেই অশ্রু বললে—এই যদি সাজার উদাহরণ হয় তবে তোমর আদিম প্রপিতামহী ইভ-এর লজ্জায় জিভ্ কাটবার আর মরকার হ'বে না। বাঁচলাম। কিন্তু জুতো কোথায় লুকিয়েছিন্, বল।

কপালে চোখ তুলে বুলু বললে—আমি কি জানি ?

—অবিশ্রি ইভ বা উর্বনী কারুরই জুতো-পরার অভ্যেস ছিল না,—আমি ত' তাদেরই সমবয়সী। মহানুভূতি থাকা ভালো। চাইনে

জুতো! তাদের পাউরুটির কাজ দেবে। মুক্তহস্তে যা দান করব মুক্তপদে তা ফিরিয়ে নেব দেখিস্। বলে' অশ্রু চুলের খোঁপাটা ঘাড়ের ওপর নেড়ে চেড়ে বসিয়ে, ঘোমটাটা তার ওপর আঁতুতে করে' চাপিছে বেরিয়ে পড়লো। সামনের মাঠে—ভিজ্জা নরম সবুজ মাঠে। অমনি জানুলা দিয়ে স্রাণ্ডেল জোড়া ছুটে এলো। অশ্রু পেছন ফিরেও তাকালো না।

খালি-পায়ে মাঠ মাড়িয়ে যেতে-যেতে অশ্রুর রোমাঞ্চ হচ্ছিল। ঘাস-গুলিকে যেন পায়ের তলায় শিশু-সন্তানের চুমার মতন নরম লোভনীয় লাগছে। রাস্তায় একটা গাড়ি নেই যে ডাকবে। এ মাঠটুকু পেরিয়ে রাস্তায় পা পাততে হ'বে ভেবে অশ্রুর মনে আর সুখ ছিলো না। খানিকক্ষণ এখানেই টহল দেওয়া যাক। সুন্দর আকাশ—ডুয়িংকরে ঐ হাল্কা রঙের একটা কার্পেট হ'লে ভারি মানায়; ও রঙের কালো পানীয় পেলে অশ্রু তা এক চুমুকে খেয়ে ফেলতে পারে! হাওয়াতে একটু শীত-শীত করছে বুঝি, নয়ান্‌স্কের পাতলা ব্রাউজের ওপর অস্তুত একটা খদ্দেরের চাদর জড়ানো উচিত ছিল। আলিঙ্গন বহুকালস্থায়ী হ'তে পারে না,—এক ফাঁকে ঠাণ্ডা লেগে যেতে পারে। সর্দি হ'লে প্রেম জন্মানো ভারি কষ্টকর ব্যাপার। বারে বারে হাঁচি এলে কোনো কথাই গান্ধীর্থ থাকে না। হ্যাম্লেট যখন ওক্লিয়ার ঘরে এসেছিলো, কিংবা ওথেলো যখন নিদ্রিতা ডেম্‌ডে-মোনার শয্যা-পার্শ্বে, তখন দু'টি মেয়েই যদি হেঁচে উঠতো তা হ'লে দু' ছুটো খুন বেঁচে যেতো। বেঁচে যেতো বটে, কিন্তু শেইক্সপিয়ার বাঁচতো না। অতএব একটা গাড়ি নেওয়াই যুক্তিসঙ্গত হ'বে।

রাস্তা। গেলো মিনিট পাঁচেক কেটে। আকাশের রং বদলাতে শুরু করেছে—এ রঙ-এর পা-পোষেও অশ্রুর মন উঠবে না। এবারে

আবার বৃষ্টি নেমে এলেই অশ্রুকে বাধা হ'য়ে প্রতীক্ষমানা প্রিয়তার চোখের জলের সঙ্গে তার উপমা দিতে হ'বে। না, বৃষ্টি আসবার আগেই বিধাতা বৃদ্ধি করে' রাস্তার ওপর একখানা ভাঙা গাড়ি এনে দিলেন। বৃদ্ধি করে,'—দয়া করে' নয়। কারণ, অশ্রুকে ভিজতে হ'লে বিধাতারই হতো। মুশ্বিল; কেন না অশ্রু ডাক-বাংলোয় না গিয়ে সোজা বাড়ি ফিরে যেতো—একটা নূতন প্রেমাভিনয় দেখবার আনন্দ থেকে বিধাতা অকারণে বঞ্চিত হ'তেন তা হ'লে। বাড়লা-দেশের বিধাতার ভাগ্য ভালো। গাড়িটা খামিষে অশ্রু পা-দানির কাদা থেকে গাড়িটা বাঁচিয়ে বসে' পড়লো। গাড়ি চললো গড়িয়ে—গদাইলস্করি চালে। গাড়োয়ানকে তাড়া দেবে ভাবলে, কিন্তু অশ্বিনীকুমার দু'টিকে সায়েস্তা করা স্বয়ং সায়েস্তার্থীরাও কর্তব্য নয়। গাধা পিটিয়ে যে ঘোড়া করা যায় এ-বিষয়ে অশ্রুর আর সংশয় রইলো না।

ডাক-বাংলোটা তা হ'লে আছে—উড়ে' যায়নি। বিধাতাব অমানুষিকতার তালিকায এ-ব্যাপারটা আজকেব বিকেলেব জন্ত অস্তুত অস্তর্ভুক্ত হয়নি বলে' অশ্রু স্বস্তির নিশ্বাস ছাড়তে গিয়ে বাধা পেলো। কেননা নিশ্বাস এত দ্রুত হওয়া উচিত—বাবান্দায় প্রভাত, মশরীবে—চীনের দেয়ালের মতো। দৃষ্টি গিয়ে ঠেকলো, রইলো আটকে'। অশ্রুকে গাড়ি থেকে নামতে দেখে প্রভাতই এলো ছুটে—দূরে বন্ দেখতে পেয়ে গোল-কিপার যেমন ছুটে আসে। বললে,—বিকেল মরে' বাসি হ'বে গেলো,—এতক্ষণে বুঝি হ'ল তোমার ?

অশ্রু বললে,—গাড়োয়ানটাকে পয়সা দিয়ে বিদেয় কব ত' আগে—পরে বিকেলের বিকল হওয়ার কাহিনী বলা যাবে।

পকেটে হাত রেখে প্রভাত বললে,—গাড়িটাকে না ছাড়লেই ত' ভালো হ'ত, বেকতাম।

অশ্রু অন্ন একটু হেসে বললে—তোমার যেমন বুদ্ধি! তোমার পায়ে কি বাত হয়েছে যে গাড়ির ঝাঁকুনি খেয়ে ব্যায়াম করলে চাও। তা ছাড়া এমন সঙ্ঘ্য ক'জনের ভাগ্যে আসে! এমন সঙ্ঘ্যের জন্তে উন্মিলা কত সঙ্ঘ্যই বৃথা বাতি জ্বলেছে! গাড়ি চ'ড়ে পরে না-হয় খণ্ডরবাড়ি ঘেয়ো, এখন এস একটু হাঁটি।

গাড়োয়ান বিদায় নিতে প্রভাত বললে,—তোমার যে খালি পা!

খুকির মতো হাত তুলে অশ্রু বললে,—তবে কাঁধে তুলে নাও। সামনে একটা খাঁড়ি বা নর্দমা পড়লে আমাকে নিয়ে ডগলাস্ ফ্যায়ার ব্যাকসের মতো না হয় কসরৎ দেখিয়ে। হাঁটতে আমি খুব পারুবো; হাঁটতে আমার ভালো লাগে। এসো শিগ্গির।

রাস্তা বেশ নির্জন,—বৃষ্টি পড়ে' আকাশ তাজমহলের মেঝের মতন ঠাণ্ডা হ'য়ে গেছে—তাজমহল অশ্রু কোনোদিন দেখেনি, আকাশকেও ছোঁয়া গেলো না—কিন্তু উপমা তার জন্তে আর অসার্থক হ'বে না। চোখ দিয়ে ছোঁয়া, চোখ দিয়ে ছবি আঁকা। এই চোখ দিয়ে মৃত্যুর পরে নতুন তারার নতুন গ্রামের ছবি আঁকতেও ওর ভাবতে হয় না। নিশ্চয়। সেই গ্রামের রঙ্ এখনকার সাতটা রঙের থেকে আলাদা আরেকটা—সেই জীবনের অহুভূতি আরো বহুবিচিত্র,—মাটির দেহ নিয়ে তার সম্পূর্ণ কল্পনা করা যায় না। সেখানে আলো নেই, খালি অন্ধকার। ধূসর অস্পষ্টতা। অপরিচয়ের গভীর সম্পর্ক। প্রয়োজনের বোঝা Lethe-র পারে ফেলে এসেছে। সেখানে—সেই চিরসূর্যাস্তের দেশে সূচিরসুন্দরতা। অথচ কী আনন্দঘন উজ্জ্বল জীবন। সেই বচনাতীত অহুভূতিতে অশ্রু উত্তীর্ণ হ'বে কবে?

বৃষ্টির পর আকাশকে নীল চোখ ভাবলে দিগন্তরেখাকে মনে হ'বে ঠিক ভূকর মতো বঁাকা। এক বঁাক পাখি বেরিয়ে এসেছে। পাখার

অক্ষুঁ ঝাপট শোনা গেল। আকাশ ঘেন শব্দ করে' তা'র আনন্দ জানালো। হাঁটতে হাঁটতে অক্ষ বলল—তুপুবে ঘুমিয়েছিলে ?

প্রভাত রেইন্-কোটটা ডান কাঁধের ওপর গুছিয়ে রাখতে রাখতে বলল—তুমি আস-আস করে' ঘুম্নো আর হ'য়ে ওঠেনি। বাদলা-হাওয়া লেগে মন ভিজে যদি সেটিমেন্টাল হ'য়ে ওঠে তাহ'লে তোমার হাঁচি পাবে না আশা করি। কদিন পর দেখা হ'ল বল ত'—অথচ মনে হয় ঘেন 'সেদিন সকাল'।

অক্ষ নীরব হ'য়ে রইলো। প্রভাত বলে' চল্লো : ঘেদিন পিওন তোমার চিঠি দিয়ে গেলো সেদিন ক্যালেন্ডারে কোন্ তারিখ ছিল জানি না, কিন্তু মনে হয়েছিলো সেদিনই আমার জন্মদিন। কেন আবার হঠাৎ ডাকলে বল ত' ?

অক্ষ বললে—এই জগেই সঙ্কেবেলাটা আমি পছন্দ কবি না,—নিজের মনের চেহাবার ভালো ক'রে ঠাহর হয় না। সব ঝাপসা হ'য়ে আসে। তুপুবেই সেইজগে আসতে চেয়েছিলাম। বেশ একটা সহজ স্পষ্টতা থাকে। কেন আবার ডাকবো ? খুসি।

প্রভাত। তিন বছর পরে হঠাৎ আবার মনে করলে—এব কি কোনো কারণ নেই ?

অক্ষ। তিন বছর পরে হঠাৎ আমার দাঁতে ব্যথা হয়েছে—এবো কি কোনো বিশেষ কারণ আছে ?

প্রভাত। চল, নদীর ধারেই যাই।

অক্ষ। বেশি নির্জনতা আমার পছন্দ হয় না, আদি হাঁপিয়ে উঠি। সেই জগেই কল্কাতায় যাবো--কালই। তোমার সঙ্গে।

প্রভাত। কল্কাতায় কেন ?

অশ্রু। সব কেন র উত্তর দিতে গেলে কোটি কোটি কেনো-পনিষদেও কুলুবে না। তোমার নাম প্রভাত কেন ?

প্রভাত। কল্কাতায় ত' একলাই যেতে পারতে, আমাকে এতটা দৌড়িয়ে এনে কী লাভ হ'ল ?

অশ্রু। সব কাজই একলা করতে হ'বে বিধাতা মেয়েমানুষকে এমন দিব্যি দিয়ে দেননি। কল্কাতায় যাবো কারণ হলপাইগুড়িতে আর জন নেই ; তোমার সঙ্গে যাবো কারণ তোমার সঙ্গে এক গাড়িতে ট্র্যাভেল করতে আমার ভালো লাগবে। খুব।

প্রভাত। আমার ত' না-ও লাগতে পারে।

অশ্রু। বল কি, এ আমি বিশ্বাসই করবো না। আমি এখনো বৃড়ি হইনি।

প্রভাত। হওনি নাকি ?

অশ্রু। থাক, দরকারি কথাগুলি সেরে নি। আপাতত কল্কাতায় গিয়ে আমাকে এক হোটেলে উঠতে হবে—বাড়ির দরজা তেমনি বন্ধ। দরজার গোড়ায় বসে' যে ধরা দেবো আমি তেমন ধামিকও নই, দরজা যে ভেদ করব তেমন ধমুর্দ্ধরও নই। অতএব—

প্রভাত। হোটেলে ?

অশ্রু। হ্যা, আকাশ থেকে পড়লে যে ! গ্র্যাণ্ড হোটেলেই উঠতাম, কিন্তু -বেজায় খরচ। দু' একদিন হ'লে খুব চালু করে' থাকা যেতো—কোনো সাহেবের সঙ্গে বন্ধুতা করবার সুযোগো মিলে যেতো হয়তো কিন্তু প্রায় এক হপ্তার ওপর কল্কাতায়ই জিরোতে হ'বে। অতএব—হ্যা, অতএব ক্যালকটা-হোটেলেই ঘর নেবো।

প্রভাত। তোমার স্কিম তো খুব ইন্টারেস্টিং। তারপর ? আমি থাক বা কোথায় ?

অশ্র। দেখা করতে আসতে পারো দিনের বেলায়—রাত্রে বাইরের লোককে ম্যানেজার নিশ্চয়ই allow করবেন না। আমরা ঘুমানো চাই তো। বিকেলে আসবে--অনেক খিনিস-পত্র কেনার দরকার—কুকার, হোল্ড্ অল্—

প্রভাত। সেফ্ টিপিন্; হেয়াররিপ্,—

অশ্র। কেন য্যাঙ্গিন কলকাতায় থাকবো তা তুমি আন্দাজ করতে পেরেছো ?

প্রভাত। কি করে' পারবো ? সাত দিন থেকে কলকাতাকে কেন সপ্তম স্বর্গ করে' তুলবে তা তোমার বিধাতাই জানেন। মিস্ মেয়ো বোধ হয় য্যাঙ্গিনও ছিলো না।

অশ্র। বোকার মতো যা-তা বোলো না। থাকব মানে থাকতে হ'বে।

প্রভাত। নিশ্চয়। বোকার মতো মানে মূর্খের মতো।

অশ্র। কেন না কলকাতাতে নেমেই তুমি হাওড়া গিয়ে কোনো গাড়িতেই বার্থ রিজার্ভড্ পাবে না। পূজোব আগে কি রকম ভিড় হয়েছে আইডিয়া আছে তোমার ?

প্রভাত। পাজির পাতায় কখন পূজো আসে তারই আইডিয়া নেই—

অশ্র। অতএব—

প্রভাত। অতএব—

অশ্র। অতএব বার্থ পাবার জন্য অপেক্ষা করতে হবে। সাত দিন আগে টিকিট পাওয়া যাবে—দেখা যাক অন্তত শেয়ালদা-দিল্লি প্যাসেঞ্জারে পাশাপাশি দুটো বেকি পাওয়া যায় কি না। একেবারে পাইনায়—

প্রভাত। বলিহারি। আমি ভাবছিলাম যে-রকম কথার কদম ছুটিয়েছ, বুঝি ফংচু হ'য়ে কাম্ফাটকা যাচ্ছ। পার্টনা? আমাদের বন্ডিবাটি কি দোষ করলো?

অক্ষ। তোমার মাথায় যে গোবর তা এতক্ষণে বুঝতে পারলাম। যুক্তিটা শোন—

প্রভাত। পার্টনা যাবার পক্ষে আবার যুক্তি আছে নাকি?

অক্ষ। প্রতি একশো মাইল অন্তর একদিন করে' ব্রেক-জার্নি পাওয়া যায়—সে জ্ঞান তোমার আমার আছে? আমাদের টিকিট ত' নাহোরের—এগারো শ নিরানব্বই মাইল। ই, আই, আর-এর টাইম-টেব্ল আমার মুখস্ত। প্রথমেই নাম্বো পার্টনায়।

প্রভাত। তবু তোমাব পাটোয়ারি বুদ্ধিকে তারিফ করতে পারছি না, অক্ষ। পার্টনায় নাম্বো হাইকোর্ট দেখতে? একা চড়ে' যাবে দেখতে তুমি?

অক্ষ। পার্টনায় নেমে যে নালন্দাষ যাওয়া যায়—পুরোনো পার্টনীপুত্রে—ইতিহাস ত পোকায় কেটেছে। তা ছাড়া, সেখানে আমার একটি বন্ধু আছে।

প্রভাত। আশা কবি পুরুষ।

অক্ষ। নিশ্চয়। সমান sex-এ সত্যিকারের বন্ধু হয় না।

প্রভাত। বুঝলাম। তাবপর? পার্টনা থেকে কোথায়? বন্ধার?

অক্ষ। সে বুঝি এক শো মাইল পেরিয়ে?

প্রভাত। আমি তো আর টাইম-টেব্ল মুখস্ত করিনি।

অক্ষ। তারপর সটান এলাহাবাদ!

প্রভাত। আঃ, একটা জায়গার নাম করলে বটে।

অশ্রু। তার মানে? পার্টনার থেকে এলাহাবাদে এমন কি বেশি জৌলুস! একেবারে গদগদ হ'য়ে উঠলে যে—

প্রভাত। সেখানে হাইকোর্ট তো আছেই, যমুনাও আছে।

অশ্রু। কেন, পার্টনায় বুঝি গঙ্গা নেই?

প্রভাত। কোথায় গঙ্গা, কোথায় যমুনা! এসে মিললো এলাহাবাদে। ওখানে গঙ্গাও আছে যমুনাও আছে।

অশ্রু। লোহার শিকলে যমুনা তো সেখানে বন্দী; শুকনো, পচা, পিটোনো।

প্রভাত। তবু তার সঙ্গে গঙ্গার তুলনা হয় না। যমুনা গঙ্গার মতো দেবী নয়, শিবের অর্টায় তার জন্ম নয়; সে নিতান্ত নিরাভরণা, দীর্ঘকায়ী বিরহ-ব্যথিতা। ভারি লক্ষ্মী নদীটি। দুঃখিনী। পূর্ববঙ্গে এমনি একটি নদী আছে, তার নাম নীতললক্ষ্যা।

অশ্রু। তুমি যদি যমুনা নিয়ে অমন কবিত্ব কর তা হ'লে এলাহাবাদ পাওয়া বন্ধ করে' দেব।

প্রভাত। কিন্তু আর কোথায় যাবে? পশ্চিমে যতই এগোও যমুনাকে তুমি ছাড়তে পারবে না। অতীত রাতের একটি বিষণ্ণ স্মৃতির মতো তোমার মনে লেগে থাকবে। বেশ, এলাহাবাদ থেকে?

অশ্রু। পরে বিবেচনা করা যাবে। এখন এস ফেরা থাক।

অন্ধকার হ'য়ে এসেছে,—মেঘের আড়াল থেকে চাঁদ মুখ বাড়িয়েছে দেখে দু'জনের মুখ খুসি হ'য়ে উঠলো। অশ্রু বললে—খানিকটা জান-হাতি গেলেই আমাদের হষ্টেল, আমাকে পৌছে দিয়ে ফিরে যেতে পারবে তো? দিব্যি ফুটফুটে জ্যোৎস্না উঠেছে।

প্রভাত রেইন্-কোর্টটা অল্প কাঁধের ওপর তুলে নিতে-নিতে বললে—এতদিনে জ্যোৎস্নার উপকারিতার একটা উদাহরণ পাওয়া গেলো। নইলে এতদিন জ্যোৎস্নায় বরাবর কবিদের পেট ফেঁপেছে।

অশ্রু। বাজে কথা বলো না। যেতে পারবে তো একা?

প্রভাত। না-হয় একটা গাড়ি ডেকে নেবো।

অশ্রু। হ্যাঁ, তাই নিয়ো। গাড়ি তোমার জন্তে গড়াগড়ি যাচ্ছে কি না!

প্রভাত। কেন, তোমার হষ্টেলে একটু জায়গা হয় না?

অশ্রু। হয়! এই যে একসঙ্গে একটু হাঁটলাম তাতেই বাঙলা দেশে এতক্ষণে হয় তো ভূমিকম্প হচ্ছে। হয় তো দেখতে পাবো কালুকেই খান তিনেক ট্রান্স্ফার মার্টিফিকেটের দরখাস্ত পড়েছে।

প্রভাত। কারণ?

অশ্রু। কারণ আমার গায়ে সীতা-সাবিত্রীর পালিশ নেই। সীতা তবু রামায়ণে (বাল্মীকির রামায়ণে) পাতালে প্রবেশ করবার আগে রামকে যাচ্ছেতাই করে' গালাগালি দিয়েছিলো, আমার সে-গালাগালি দেবারে অধিকার নেই।

প্রভাত। সীতা আবার রামকে বকলো কখন?

অশ্রু। শুধু বকা, জন্তর মত মা বাপ তুলে'। সংস্কৃত জানো ত' মূল বাল্মীকি পড়ে' দেখো।

প্রভাত। আমার পড়ে' কাজ নেই। বাল্মীকির চেয়ে বাঙালির
রামায়ণ ঢের ভালো।

অশ্রু। মিথ্যে বানানো বলে'—কিন্তু এর বেশি আর পা বাড়িয়ে
কাজ নেই। এর পরেই স্কুল-কম্পাউণ্ড, যদি ওখানে এসে পড় তা হ'লে
ইস্কুলই হয় তো উঠে যাবে।

প্রভাত। বল কি? সত্যি, আমি এত সহজে স্কুল উঠে যাওয়ার
খুব পক্ষপাতী।

অশ্রু। আর পক্ষ পেতে লাভ নেই। আমি চল্লুম। দুটো মুখে
শুঁজেই দেব লম্বা ঘুম। ভারি ঠাণ্ডা মিষ্টি রাত।

প্রভাত। বটে। আর আমি এমনি দাঁড়িয়ে থাকবো?

অশ্রু। দাঁড়িয়ে থাকবে কেন, ডাক-বাংলায় ফিরে যাবে। একা
যাবার অভ্যাস কর। (গম্ভীর) একাই যেতে হ'বে। আব মায়া
বাড়িয়ে কাজ নেই। তবে ঐ কথা রইল, কালই কলকাতা যাচ্ছি। ঠিক
থেকো। আমি জিনিস-পত্র নিয়ে ছড়মুড় করে' গিয়ে পড়বো কিন্তু।

প্রভাত। তা তো পড়বে, কিন্তু কখনো কথা হয় নি। তোমার
একার কথাতে চললে এই ইস্কুলো চলতো।

অশ্রু। (ভেতরে যাবার জন্য পা বাড়িয়েছে) ইস্কুল না চললেও
নার্সিংসিঙ্ মেইল্ চলবে। এখন যাও, মেয়ে-ইস্কুলের দিকে হাঁ কবে'
চেয়ে থাকা ভদ্রতা নয়।

প্রভাত। আর মেয়ে-ইস্কুলের কম্পাউণ্ডের কাছে ছেড়ে দিয়ে
যাওয়াটাই ঘেন ভদ্রতা! এ-সবো কি বাল্মীকির রামায়ণ থেকে
শেখা নাকি?

অশ্রু। তোমার সঙ্গে বকর-বকর করতে পারি না। কাল—
কাল আবার দেখা হবে। বলে' অশ্রু ভেতরে ঢুকলো।

কিন্তু এ-সব ক্ষেত্রে পেছন ফিরে তাকাবার সনাতন একটা রীতি আছে—অশ্রু তার লোভ সম্বরণ করতে পারবে কেন? ব্যাপারটা ওর ভালো লাগলো না। চেয়ে দেখলে প্রভাত পকেট থেকে রুমাল বার করে' তাই নেড়ে-নেড়ে ওকে ডাকছে। প্রভাত তো দেখছি ভারি মেকলে, অশ্রু রীতিমত খান্না হ'য়ে ফিরে এলো।

অশ্রু। এখনো দাঁড়িয়ে আছ যে?

প্রভাত। তোমার যাবার পরমুহূর্তেই যদি চলে' যাই তবে ছবিটার সামঞ্জস্য থাকে না। যেখানে ব্যালেন্স নেই সেখানে সৌন্দর্যও নেই। দৃশ্যটায় কি রকম বেন একটা ফাঁক থেকে যাচ্ছিল। হ'তে গল্‌সোয়ার্দি কিংবা ওনিল, বুঝতে সমস্ত দৃশ্যটা কেমন নড়বড়ে, বেখাপ্পা, বেজুত ঠেকছে।

অশ্রু। আমি তো ভাবছিলাম, বাড়ি ফিরে তবে কবিত্ব করবো। তুমি যে একেবারে লোক হাসালে। একেবারে রুমাল তুলে ডাকাডাকি। একবার একটা এঞ্জিন বাঁচাবার জন্তে একটি মোয়ে রেললাইনে দাঁড়িয়ে রুমাল তুলেছিলো জানি। তোমার মতো বিপদ বাড়াতে নয়। যদি কেউ দেখে ফেলতো?

প্রভাত। তবু তোমার 'দেখে-ফেলার' ভয় গেলো না। ঘটাই তড়পাও, লোকনিন্দার হুকাহুয়া শুনে তুমিও ঘোমটা গুটোও। দেখতো তো বয়ে' যেতো। রুমালে কি আছে, তা তো আর দেখতে পেতো না।

অশ্রু। রুমালে কি আছে? দেখি? সেই জন্তে ডাকলে?

প্রভাত। ডাকবার একটা কারণ দেখাতে হ'লে রুমালের রহস্য আমি দেখাবো না।

অশ্রু। না, না; দেখি।

প্রভাত। (রুমালটি হাতের মুঠোর মধ্যে চেপে ধরে') চোখ বোজ।

অশ্রু। বাঃ, চোখ বুজে' কখন আবার কে দেখতে পেয়েছে!

প্রভাত। সত্যিকারের সব দেখা চোখ বুজেই ঘটেছে, অশ্রু।
চোখ বোজ।

অশ্রু। (চোখ বুজে) আমি বোকার মতো চোখ বুজলাম।
দেখাও দেখি—

প্রভাত। আর আমি বুদ্ধিমানের মতো—

অশ্রু হেসে বললে—তুমি তো ভীষণ villain। যদি কেউ দেখে
ফেলতো!

প্রভাত। তুমি তো আর দেখতে পেতে না।

অশ্রু। এবারে তোমার দৃশ্য তার পূর্ণ নাটকীয়তা লাভ করেছে?

প্রভাত। করেছে, কিন্তু তোমাকে কি রকম ঠকালাম বল তো!
অঙ্ককারে চোখ বুজে' রুমাল দেখা! চল হষ্টলে, এই গল্প সবাইকে
বলে' আসি।

অশ্রু। সবাই ঝাম্চে দেবে।

প্রভাত। এ কী রকম হ'ল জান? একবার এক মাদ্রাজি
ভদ্রলোক ভিক্টোরিয়া মেমোরিয়াল্ হ'ল-এ নিবিষ্টমনে ছবি দেখছেন—
যতই দেখেন ততই আবিষ্ট হ'ন। এমন সময় পেছন থেকে একটি
মারহাঠি ভদ্রলোক বললেন : এক চোখ বুজে' তাকান, ছবিটা খুলবে।
মাদ্রাজি ভদ্রলোক এক চোখ বুজবার কসরৎ করতে গিয়ে ঝগকালের
জন্তে ছ'চোখই বুজে' ফেললেন, আর সেই ফাঁকে তাঁর পকেট থেকে
মনিব্যাগটি অদৃশ্য হ'য়ে গেলো। তাঁর সর্বস্ব! তেমনি—

অশ্রু। তেমনি কি? একটা চুমুতেই আমার সর্বস্ব লুট করে
যায় না বোকারাম—

বলে'ই ফের পা বাড়ালো।

প্রভাত । (বাধা দিয়ে) যাচ্ছই ত,' তোমার একখানা হাত দাও ।
দেখি তুমি নার্ভাস হয়েছো কি না । যম্মাক্রান্ত কীটসের হাত ধরে'
কোলরিজ্ নাকি মৃত্যুকে স্পর্শ করতে পেরেছিলো ।

অশ্র । এবার যে মুখ ফুটে চাইতে পাব্ছো ।

প্রভাত । হাত চাওয়া যায়, কিন্তু চুমু চাওয়া যায় না । এবার থেকে
চাইতে পাববো আশা করি । প্রথম চুমু মাত্রেরই ভীক, সাবানের
বুদবুদেব মতো । প্রস্ফুটিত হ'তে না হ'তেই যায় শুকিয়ে । আমার
কি, স্বয়ং কডল্ফ ভ্যালেন্টিনেরো । (প্রথম চুমুতে চোখ চেয়ে থাকলে
কেন জানি বাধে—যেমন প্রথম কবিতার ছন্দে বাধে ।)

অশ্র । এখন ত' দেখছি কিছুতেই বাধ্ছে না । তুমি যাবে না ?

প্রভাত । যাচ্ছি । এক কাজ বর—ই্যা, আমি যাচ্ছি , তুমি
বরং আমার ষাবার পথে একদৃষ্টে চেয়ে থাকো ।

অশ্র । (হেসে) তাই মই ।

প্রভাত । (পেছন ফিরে) দরকার হ'লে ক্রমান্বয়ের বদলে খাঁচল
উডোতে পারো ।

অন্ধকার রাস্তায় প্রভাত ধীরে ধীরে অদৃশ্য হ'য়ে গেলো । অশ্র
ততক্ষণ দাঁড়িয়ে ।

ডাক বাংলায় ফিরে এসে প্রভাত বেয়ারাকে ডেকে তাড়াতাড়ি
 স্বাক্ষর খাওয়া দেবে নিলো। একে আবরাত বলে না,—কল্কাতার
 তো এখন সবে সন্ধ্যা—কিন্তু এরি মধ্যে এদেশের যুম এসেছে। প্রভাত
 বারান্দার ডেক-চেয়ারটা টেনে আনলো। কিন্তু চুপ করে বসে থাকা
 সম্ভব হ'লো না। পাইচারি করে' সমস্ত শরীরটাকে চঞ্চল, অস্থির,
 বেগময় করে' রাখতে চায়। আলস্য আজ ওকে তৃপ্তি দেবে না।
 এই উচ্ছলতা কমে' এসে যখন মাত্র উষ্ণতায় পর্যবসিত হ'বে তখনই
 কবিতা লেখা সম্ভব। ওয়ার্ডসওয়ার্থের কবিতার এই সংজ্ঞায় সে বিশ্বাস
 করে। মরুভূমি-সম্বন্ধে সত্যিকারের কবিতা লিখতে হ'লে ইজি-চেয়ার
 আর ইলেকট্রিক পাখা চাই। প্রেমিকার অন্তর্দান না ঘটলে প্রেমের
 কবিতায় প্রাণ আসে না।

যাক কবিতা, কাব্যের চেয়ে মানুষ বড়ো। লক্ষ এপিক একটা
 মানুষের সত্য চরিত্র বর্ণনা চলে না—সে এতো বিচিত্র, এতো বহল-
 প্রকাশময়! কাল প্রভাত ছিল সামান্য কেরানি, পাঁচ আঙুলের
 একটা আঙুল,—অজ্ঞাত, অবজ্ঞাত,—নেহাংই সাধারণ! ওর অস্তিত্ব
 সম্বন্ধে উদাসীন না থাকবার কোনো কারণই কাল ছিল না। বিকেল
 পাঁচটায় ড্যানহোর্সি স্কোয়ারের চার ধারে কেরানির যে বিপুল ঢল নামে
 তারই অন্তরালে আত্মগোপন করে' ছিলো,—ওকে সেখান থেকে
 অপমৃত করে' নিলেও সে মিছিলের তাল কাটতো না। ও এত
 অপ্ৰয়োজনীয়। ভগবানকে ও এইজন্মেই কোনোদিন ডাকেনি যে,
 ভগবান বলে' কেউ থাকলেও ওর কথা নিশ্চয়ই আর কানে তুলবেন না।
 এত তুচ্ছ লোকের এত অকিঞ্চিৎকর প্রার্থনা শোনার জন্যে তাঁকেও
 কান খাড়া করে' রাখতে হবে—ভগবানকে এত ছোট বলে' কল্পনা
 করতে ওর বাধতো। সেই প্রভাত আজ কয়েক ঘণ্টায় বেন খোলস

বদলে ফেলেছে। পৃথিবীর মাথার ওপরে যে এতো বড়ো একটা আকাশ আছে সে-কথা আজকে রাতে হঠাৎ আবিষ্কার করে' ওর তৃপ্তির যেন আর শেষ রইলো না। সব চেয়ে আশ্চর্য, সেই আকাশের মুকুরে প্রভাত নিজের মুখের ছায়া দেখছে—এবং ওর মুখ যে কত সুন্দর তা ও এই প্রথম টের পেলো। ওর নার্সিসাস্-এর কথা মনে পড়ে। নার্সিসাস্ ঝর্ণার পাশে দাঁড়িয়ে নিজের ছায়া দেখে মুগ্ধ হ'য়ে গিয়েছিলো—নিজেরই সঙ্গে সে প্রেমে পড়লো, নিজেরই বিরহে কাঁদলো, নিজেকেই পাবে না ভেবে অসীম বেদনায় আত্মহত্যা করলো। সে কী অপূর্ব মৃত্যু! নার্সিসাস্ ফুল হ'য়ে জেগে উঠলো ঝর্ণার ওপর!

প্রভাত ভাবলো আমরা প্রিয়াকে ভালোবাসি না, ভালবাসি আমরা আপন আত্মাকে—যে-আত্মা নারীকে প্রিয়া করে' দেখেছে। তাই সে আমাদের সব চেয়ে বড়ো বন্ধু, যার মধ্যে নিজেকেই বেশি করে' দেখতে পাই। যে-প্রতিভায় আমরা প্রস্তুরের বেদীতে দেবীর মূর্তি প্রতিষ্ঠা করি তার জন্তে আমাদের অহঙ্কারের অন্ত কৈ? প্রেমে আমাদের আনন্দ যতো, অহঙ্কার তার চেয়ে ঢের বেশি। এই অহঙ্কারে বিধাতাও আমাদের সমকক্ষ নন। তাই প্রেম যখন মরে, বেদনার চেয়ে অপমান এই জগেই বেশি লাগে যে, অহঙ্কার যায় ধূলিসাৎ হ'য়ে। অহঙ্কার যাওয়া মানে নিজের কাছে ব্যক্তিত্ব হারানো। নিজের কাছে লজ্জাই সব চেয়ে বড়ো লজ্জা।

নইলে, অশ্রু তো এখানে গৌণ,—ও যে কেরানি ছাড়া আর কিছু, ওরো যে এত বড়ো বায়ুমণ্ডলে নিশ্বাস ফেলবার অধিকার আছে, আকাশের আশ্বাদ নেবার—তা ওকে বোঝালো ওর সজ্জাগ্রত বুদ্ধি, নব-উন্মেষিত প্রতিভা! যেখানে হৃদয় জাগে, বুদ্ধি থাকে ঘুমিয়ে, সেখানে প্রেমের স্বভাব হয় ছিঁচ্কাঁড়নে সঁগাতসঁগে—আর যেখানে

হৃদয় নেই, খালি বুদ্ধি, সেখানে প্রেম অর্থ সকালে উঠে গরম দুধ
বাওয়া ও কাণ্ট-এর *Critique of Pure Reason*-পড়া। কিন্তু
বুদ্ধির সঙ্গে হৃদয় মেশাতে হবে। তা হ'লে ছোটো প্রেমপত্র লিখে
ছ'রাত পাশাপাশি শুয়ে ছোটো হাই তুলে পুন্ড্র-নরক থেকে রক্ষা পেয়ে
কায়ক্লেণে বাকি জীবনটা কাটিয়ে দেওয়া যাবে যা হোক।

ভাবতে বসলে মন যে বাঁধা মড়ক দিয়ে না চলে' অনি-গলিতে
গড়িয়ে পড়ে এর জন্তে প্রভাত মনকে শাসন করে' মোড ফেরালো।
এমন সময় ও কোনোদিন সংসারের ভাবনা না ভেবে বারান্দায় বসে'
জ্যোতির্বিজ্ঞা আলোচনা করবে এ-কথা ওব জন্মবার ছ'দিনের দিন
মা'র আঁতুড় ঘরে ঢুকে ওর ভাগ্যবিধাতা নিশ্চয়ই ওর কপালে লিখে
রেখে যান্ নি। ও যেন ফের নতুন মুখোস পরে' অশ্রুর কাছে আবির্ভূত
হ'ল—তার মানে ও ওর দ্বিতীয় চরিত্রাভিব্যক্তি আবিষ্কার করেছে।
ব্রাউনিঙ মনে পড়ে :

"God be thanked, the meanest of His creatures
Boasts two sou'-sides, one to face the world with,
One to show a woman when he loves her."

কথাটা সত্যি, কবিতায়ো শোনার ভালো, কিন্তু যে-মুখ করে'
আমরা এই নিরানন্দ রুক্ষ সংসারের বিরুদ্ধে দাঁড়িয়ে যুদ্ধ করি, প্রেমসীর
কাছে সে-মুখ তুলে ধরতে পারবো না কেন, লজ্জা কিসের? প্রেমসী
কাছে দাঁড়াতে হ'লেই সে-মুখে মেকি পাউডার ঘষতে হবে—
এই কল্পনা-বিলাসের তাৎপর্য কোথায়? প্রেমসীও আসবার সময়
টার আটপোরে আধ-ময়লা শাড়িখানি ছেড়ে জরির চুম্বকি দেওয়া
বেনাবসি পরে' এসে একেবারে নক্ষত্রমাণ্ডিত অমাবস্তা-রাত্রির উপমেধা
হ'লে উঠবেন—এরি বা কাব্যগত প্রয়োজনীয়তা কিসে? প্রভাত

কেরানি, ক্ষুদ্রস্বার্থপীড়িত, লোভী, সংকীর্ণচিত্ত—এ-সব পরিচয় একদম লুকিয়ে লেফাফাছুরন্ত হ'য়ে অশ্রুর কাছে এসে দেখা দেবে—উদার, মহানুভব, ইত্যাদি—! কেন? প্রেম করবার বেলায়ো যদি এত লুকোচুরি—যেখানে অজস্র আত্মপ্রকাশের তাগিদ—তবে প্রেম করার চেয়ে ছ'ছিলিম তামাক খাওয়ায় বেশি লাভ। এমনি করে' পোষাকি কাপড়-চোপড় পরে' পরস্পরকে দেখা দিতো বলে'ই ওখেলো আর ডেস্‌ডেমোনার মধ্যে এমন প্রকাণ্ড ফাঁক রয়ে' গেলো। ডেস্‌ডেমোনা ভালবেসেছিলো যোদ্ধা ওখেলোকে, ঘরোয়া ওখেলোকে নয়,—ফলে তার বুক পেতে ছুরি খেতে হ'লো। প্রেয়সীর কাছে মৃত্যুদোষ দেখানো নিষেধ আছে—এই নিয়ে রাশি-রাশি বই লেখা হ'ল—কেন বাপু, মৃত্যুদোষ নেই অথচ মানুষ—এমন অমানুষ আছে ক'টি? সব সময়ে নিজের সন্দেহ নষ্টনা করে' একটা কৃত্রিম উজ্জলতার মুখোম পবে' নিজের মহিমা বাড়াতে হ'বে—এই আত্ম-অপমান প্রত্যেক প্রেমিক কি কবে' সহ্য করেন? পাছে ব্যক্তির স্বরূপ জানলে প্রেয়সী নাকের ওপর কাপড় টেনে ঘান্‌ পিছিয়ে! (যেখানে এত ভয় এত সন্দেহ সেখানে প্রেমের ফাঁসি হওয়াই ত' উচিত একশোবার। যাকে জানতে চাইবো তাকে জানাবো না—এ অসামঞ্জস্যের কথা প্রেমের বেলায় ওঠে কেন? তাই প্রতিমূহর্তে প্রেমিক-প্রেমিকারা পরস্পরকে ঠকাচ্ছে। এবং সেই কারণেই “love marriage” আর টিকছে না, উঠছে হাঁপিয়ে, পদে পদে অমিল,—পোষাকি কাপড় চোপড় উইয়ে কেটেছে। জীর্ণ বসনের তলা থেকে দারিদ্র্য পড়েছে বেরিয়ে।)

প্রভাত কথাগুলো নিয়ে মনের মধ্যে এমন ভাবে নাড়াচাড়া করছে যেন অশ্রু ওর দেহের কুলে এসে একদিন উত্তীর্ণ হ'বেই। এমনি একটি বিদ্রী় আশা করাও প্রেমের ব্যাপারে স্বাভাবিক; প্রেমও তার একটা

সহজ পরিণতি খোজে, হয় বিরহে বিশ্বাসিত, নয় বিবাহে বৈরব্য! প্রভাত
কণ-বন্ধুতার উপযুক্ত দাম দিতে জানে, তাকে আটকে রাখবার জন্তে
তার গল্গায় দড়ি চাপিয়ে তার নিঃশ্বাস বন্ধ করে' দিতে হবে এই
বর্বরতা সে পছন্দ করে না। সে Moment Musical-এর ভক্ত।

তার কারণ প্রত্যেক ভালবাসাই গভীর বন্ধুতায় দৃঢ়ীভূত হ'য়ে দুই
দেহ আর দুই আত্মার ব্যবধান ঘোচাবে—মেয়েদের এমন প্রেমে প্রভাত
বিশ্বাসবান নয়। এ-কথা টের পেলে অশ্রু নিশ্চয়ই কোমরে কাপড়
বেঁধে একেবারে মারমুখো হ'য়ে উঠতো,—এমন সব তর্ক করতো হয়তো
যার যথার্থ্য প্রমাণ করতে প্রভাতকে এনসাইক্লোপিডিয়া খ্রাস করতে
হতো। কথাটা ওর তর্কের দিক দিখে ওঠেনি, অনুভূতির দিক থেকে
উঠেছে—তর্ক অবশ্য ও-ও করতে পারে না এমন নয়। মেয়েমানুষের
সঙ্গে তর্ক করায় এই অসুবিধে যে সব কথা বলা যায় না, দাঁতের ফাঁক
দিখে কথা বেরবার আগে জিভ কাটতে হয়—মেয়েরা সব ঠুনকো
পুতুল, গায়ে আঁচড় লাগবে। পাঞ্জা কষতে হ'লে সমতল জায়গায়
দাঁড়ানো উচিত। সত্বরের সিংহাসনে বসিয়ে মেয়েদেব সঙ্গে প্রেম করা
চলতে পারে, তর্ক করা নয়। তাঁদের দয়া কবে' নেমে আসতে হ'বে।

মেয়েদের প্রেম সন্ততির জন্তে, ব্যক্তির জন্তে নয়। মেয়েরা
ভালবাসে স্বামী-নামক একটা গুণবাচক বিশেষণকে, কোন বস্তু-
বিশেষকে নয়। তাই স্বামী যখন মরে তখন স্ত্রী কাঁদে বিধবা
হ'ল বলে', অনেক অসুবিধায় এবার তাকে পড়তে হ'বে। মেয়ে
হয়েছে প্রতিমা, পুরুষ হয়েছে প্রতীক। এই দু' মিলে আমাদের
প্রেম। শিশুকাল থেকে শিব গড়ে' স্বামীর পূজা করে' যে-ভাবটি
মেয়েরা মনে মনে লালন করে যৌবনোদগম হ'তেই সে-ভাবটি
যে-কেউর প্রতি অরোপিত করে' মেয়ে হয় পতিব্রতা। সে-

সৌভাগ্য তোমাঘো জুটতো আমারো জুটতো, ও-পাড়ার পঞ্চাননো
অযোগ্য হ'তো না।

বিশেষ করে' বাঙালি মেয়েদের দোষ দেওয়ার বাহাদুরি নেই—
বিশেষ অশ্রু অল্পপস্থিতিতে। বায়রণ যে বায়রণ সেও পর্যন্ত তার
Sardanapalus এ মেয়েদের প্রশংসায় পঞ্চমুখ হ'য়ে উঠেছে। বায়রণকে
ক্ষমা করা যেতে পারে কেননা ভাবপ্রকাশের বিচিত্রতাই কবি প্রতিভার
বিশেষত্ব। নারীর যা মূল্য তা কী সে সৃষ্টি করে তার মধ্যে, নয়, কী
সে সহ করে। সহ করাটা ভীক ধর্ম। সহ তাকেই করতে হয়
প্রকৃতি থাকে বেঁধেছে; তাই সেটা তার কৃতিত্ব নয়। খুব তীব্র বেদনা
বা আনন্দ অনুভব করবার তার ক্ষমতা নেই এবং সেই অন্তেই সে তেমন
সাহিত্য সৃষ্টি করতে পারে নি যা অমরত্ব লাভ করতে পেরেছে।
অমরত্ব লাভ করাটাই অবশ্য সাহিত্যিক উৎকর্ষের চিহ্ন নয়। তবু
অমরত্ব লাভ করা দূরে থাক, ছোটো নাম করা যায় তেমন নামও মেয়েদের
কোনো বাপ-মা রাখে নি। এবারে অশ্রু নিশ্চয়ই মারতে আসতো।
মেয়ে সৃষ্টি করতে পারে নি? কেন? মাদাম কুরি! বিজ্ঞানের কথা ছেড়ে
দাও, সাহিত্য। কেন, ব্যারেট? উগ্‌সেট? শীলা কেইন্দ্রিথ? চূপ
কর অশ্রু, হাসিয়ো না বলছি। তার চেয়ে বল না কেন অল্পরূপা দেবী!

মশার কামড় খেয়ে বাইরে বসে থাকলে পূর্বপুরুষরা উদ্ধার পাবে
না। এবার ঘুমুনো থাক। ঘুমুতে ঘাবার আগে একটা সিগারেট
খাওয়া যেতে পারে। সিগারেট, সেও খাওয়া; জল, সেও খাওয়া!
বাঙলা ভাবার ক্রিয়া নেই,—সে অন্তে জাতটাও অকর্মণ্য। ক্রিয়া নেই
বলে' আনন্দ নেই; তাই বেড়ে চলেছে ব্যাদি, বেড়ে চলেছে বার্ক্য।
কথা আবার ঘুরে থাকে। সিগারেটটা ফেলে দিয়ে' ঘুমুতে গেলেই আর
ঘুম আসবে না! তার চেয়ে আকাশের দিকে চেয়ে থাকা থাক।

টেলিস্কোপ ছাড়া গ্রহ নক্ষত্র সবকিছু কোন আবিষ্কার সম্ভব হবে না। খুব একটা দার্শনিক তথ্য নিয়ে আলোচনা করছি ভাবলে শিরদাঁড়াটা ওক্-চেয়ারের ওপর আঙ্গোছে মেতিয়ে পড়ে। সব মিথ্যে, বাজে, বিশ্বাস।

একবার নাকি দুই চীনে' ভদ্রলোক বার্লিনে গিয়েছিলো থিয়েটার দেখতে। দু'জনেরই সমান বিদ্যে, দু'জনেরই সমান রসিক। খানিকক্ষণ বসে' থেকে একজন লেগে গেল যন্ত্রপাতি দেখতে; আরেকজন কিন্তু কিছুতেই হার মানবে না। সে তেমনি ঠায় চুপ করে' বসে'-বসে' সেই দুর্বোধ ভাষা গিলতে লাগলো। একেই বলে রসগ্রাহিতা। প্রথম জন্ম হচ্ছে জ্যোতির্বিদ পণ্ডিত—সারা সৌরজগৎ ঘুরে বেড়ায়, অথচ না পায় সীমা না পায় থৈ; আরেকজন হচ্ছে দার্শনিক পণ্ডিত—দুর্জয় রহস্য হাত্‌ড়ে বেড়ায়, অথচ না পায় অর্থ না বা রস! আমি কবব কাব্যসৃষ্টি আমার পেছনে থাকবে সমালোচক, আমি গাইব গান পেছনে আসবে গ্রামোফোন। আমি সূর্যের চারধারে গ্রহ নক্ষত্রগুলোকে ঘুরিয়ে দিলাম—সে-ঘোরার তাপ-নির্ভয় করতে ভিড় কবে' এল অসংখ্য বৈজ্ঞানিক। সমালোচকের আন্দারে কবির কলম বেকে যায় না—পিথাগোরাস না এলেই পৃথিবী বুঝি হ'য়ে থাকত চ্যাপটা, আব সূর্য বেচারী ঘুরে ঘুরে দম খোয়াতো!

যাই বল, রসগ্রাহিতাই হচ্ছে সভ্যতার পরম পরিচয়। সৃষ্টিটা তত দারী নয়, যতোটা তার রহস্য-উদ্ধার। বুনো অসভ্যবাও এমন সব সৃষ্টি করেছে যার অর্থ ও মর্যাদা তারা বুঝতো না বলে'ই তারা অসভ্য—কিন্তু তাতে যদি আমাদের তাক লাগে তবেই বুঝব আমরা সভ্য হয়েছি। নাঃ, এ ভীষণ বাড়াবাড়ি হচ্ছে। আর পিন্ ফুটিয়ে সিগারেট খেয়ে কাজ নেই। ঘুনো থাক। কুঁজো থেকে বেয়ারা জল এনে দিলে, প্রভাত তা দিয়ে ঘাড় ধুতে বসলো।

অশ্রু জিনিস-পত্রের কিয়তি শোন : একটা প্রকাণ্ড ট্রাক—বুকে হাতি না নিয়ে এ ট্রাকটা নিলে রামমূর্তির খ্যাতি এক তিল কমতো না, প্রকাণ্ড বেডিং—তাতে খাটের গদি থেকে স্ক্রু করে' পা, পোষ পর্যন্ত আছে—ছটা ঋতুর ছ-প্রকার শয্যার সরঞ্জাম ; তা ছাড়া ছোট দুটো স্ট্রটকেস ; একটা খাবারের বাস্ক বেতের তৈরি ; একটা ফোন্ডিং-রকিং চেয়ার—একটি না হলে অশ্রু না হয় পড়া, না হয় ছুটির দিনে ছপুয়ে ঘুম্নো ; একটা বই-এর বাস্ক কেরোসিন-কাঠে প্যাক করা ; একটা ছোট বেডিং—পথে গাড়িতে পাত্বে বলে' ; একটা জলের কুঁছো—ভারি চমৎকার কাজ করা—এটা ফেলে আসতে পারতো, কিন্তু অমন চমৎকার কাজ করা বলে'ই অশ্রু মায়া লেগেছে : এই সব জিনিস প্ল্যাটফর্মে জড়ো করে' অশ্রু প্রভাতকে বললে—লাগেজ্ কর ।

প্রভাতের মাথায় যেন মালগুলো একসঙ্গে পড়লো ছেঙে—কর্ণের বাণ খেয়ে ঘটোংকচের মুখের চেহারাঘো এমনি অঘটন ঘটেনি । প্রভাত বললে—আমি আজ পর্যন্ত মনি-অর্ডার করতে শিখিনি,—আমার ঘাবা ওসব হবে না । যদি পারো তুমিই একলা এর ব্যবস্থা কর, নইলে থাক সব পড়ে'—পরপারে কিছুই সঙ্গে যাবে না ।

এই নিয়ে লেগে গেল তর্ক—তুমুল, উদ্দাম । পুরুষগুলো যে মেয়ে বিহনে একেবারে অসহায়, অকর্মণ্য—অশ্রু এ-কথা অনেক আগে থেকেই জানে । এগুলোর না আছে বুদ্ধি না আছে বোধ । প্রভাত অসহায়ের মতো মুচ্কে একটু হেসে বললে—বাহন একটা না হ'লে আমাদের সত্যিই মানায় না । গণেশের যেমন ইদুর ।

লাগেজ্-এর ব্যবস্থা অশ্রু একাই করলো । ডাইন-ট্রেনে ভিড় নেই—জানলার দিকের বার্থ টায় অশ্রু বিছানা পেতে' নিলো । বললে—মাঝের খানি-গদিটার ওপর গড়ে ঠাক, বুঝবে মজা ।

প্রভাত হেসে বললে—আমি মাঝের বকিটাতে বসছিই নে, তোমার বিছানাতেই আমার একটু জায়গা হবে—বসবার। শোবার সময় না হয় উঠে আসবো।

অশ্রু। শোব না হাতি!

প্রভাত। তুমি শুয়ো।

অশ্রু। আর তুমি?

প্রভাত। জেগে থাকবো। তোমাকে ঘুমুলে নিশ্চয়ই খুব বিক্রী দেবাবে না।

অশ্রু। এই, আস্তে। বলে' অণুদিকের জানলার ধারের বার্থ টায় যে প্রোট ভদ্রলোকটি পায়ের ওপর পা তুলে দিয়ে শুয়ে আছেন তাঁর দিকে ইঙ্গিত করলে।

গাড়ি দিলো ছেড়ে। স্টেশনে বুলুয়া আসবে বলে'ও আসেনি—তাই গুদের লক্ষ্য করে' সারা জলপাইগুড়ি শহরটার ওপর একটা বিষাক্ত দৃষ্টিশেল হেনে অশ্রু তর্কে মন দিলে। প্রভাত বলছিলো: মেয়েরা যে মত্ন্য হয়নি তার প্রমাণ—চলতে হ'লে হয় নেবে গুচ্ছের আঙা-বাচ্ছা, নয় রাশি রাশি মাল। কখনো কখনো দু'প্রস্থই; ভার কিংবা ভিড়।

অশ্রু প্রতিবাদ করে' উঠলো: মেয়েরা না থাকলে খেতে কি? চলত কি করে?

প্রভাত। এক জোড়া জুতো না হ'লেও আমাদের চলে না,— সকালে উঠে একটা dentifrice দরকার। মেয়েরা না থাকলে রেঁধে দেবার অল্পবিধে ঘটতো, ভাগিয়স্ মেয়েরা আছেন! উড়ে মইওয়ানা না থাকলে বিকেলে কল্কাতার রাস্তার গ্যাস জলতো না; রাস্তায় পড়তো না জল, 'জমাদাররা ধর্মঘট করলে শহরে লাগতো কলেরা। মেয়েদের উপকারিতায় আমি সন্দেহ করি নে।

অশ্রু রীতিমত ঝাঞ্জা হ'য়ে উঠলো : তুমি এমনি অপমান করে' কথা কইলে আমি গাড়ির শেকল টেনে দেব।

প্রভাত। তা মেয়েরা পারেন।

অশ্রু। মেয়েরা কী যে পারেন তা যদি তুমি জেনেও স্বীকার না কর সে তোমার একচোখোমি। ত্যাগে সংঘমে সেবায় আন্দোলনসর্গে এমন গরীয়সী আর কোথায় পাবে ?

প্রভাত। মানি ; বুদ্ধিতে নয় !

অশ্রু। মেয়ে ছাড়া শৈশব আমাদের অসহায়, যৌবন নিরানন্দ, প্রৌঢ়তা বিরস, মৃত্যু রুক্ষ, তৃষাক্ত।

প্রভাত। পুরুষ ছাড়া তোমাদের জন্ম আকাশকুসুম, যৌবন পঙ্কু, প্রৌঢ়তা দুর্বল, মৃত্যু বিষাক্ত।

অশ্রু। মেয়েদের দুই হাতে অজস্র সেবা, অকুপণ তিতিক্কা, অপূর্ব আত্মনিবেদন। দুঃখ-দুর্দিনে সাঙ্গনার দীপশিখা। মেয়েরা গৃহদীপ্তি, পুরুষের সৌভাগ্য-লক্ষ্মী।

প্রভাত। কবিত্ব কর, বাধা দেব না। শুন্তে আমার ভালোই লাগবে। মেয়েদের নিয়ে বিনিয়ে বিনিয়ে মিষ্টি ক'রে লেখা রবী-ঠাকুরের কবিতার আমি প্রকাণ্ড ভক্ত। সেগুলো সত্যকথন বলে' নয়, সেগুলো নেহাৎই কবিতা বলে'। যদি বল, ভাবুকের আদর্শ উন্নত হ'তে হ'তে অবশেষে মেয়ে-মাহুষের আকার নেয়, আমি তোমাদের মুখ চেয়ে সেই ভাবুকেও না হয় ক্ষমা করব। কিন্তু সত্যি করে' বল দেখি মেয়েরা কোনোদিন কোনো বড়ো বেদনা সয়েছে বা কোনো বড়ো মানন্দের অধিকারী হয়েছে ?

অশ্রু। তুমি বল কি ? প্রত্যেক মানবজন্মের পেছনে প্রকৃতির যে ভীত ও গভীর বেদনা আছে - তার চেয়ে মহত্বের বেদনার দৃষ্টান্ত

তুমি দেখাতে পারো? মেয়েরা বড়ো বেদনা সম্বন্ধে কে সয়েছে? পৃথিবীতে যাত্র দুটি মহান্ ও মর্মভেদী ক্রন্দন আছে—এক সন্তান যখন হয়, আর সন্তান যখন মরে—দু'টি কান্নাই মায়ের, মেয়ের।

প্রভাত। কথাটাকে তুমি সুন্দর করে' বন্দে বটে, কিন্তু এক হুঁসে এর ভাবের কুশাসা কেটে দিচ্ছি। প্রসবের বেদনাটা খুব বড়ো বেদনা নয়—তা হ'লে appendicitis operation করার বেদনাও তার সঙ্গে স্বচ্ছন্দে পারা দিতে পারে। ধর, রোগীকে ব্যথা না দিয়ে আকস্মিক যখন সহজে দাঁত তোলা যায়, তেমনি যদি painless delivery-র প্রচলন হয় তখন এ-বেদনার গর্ব যাবে ধূলিসাৎ হ'য়ে। শারীরিক কষ্টের কথা যদি বল, ট্রামগাড়ির তলায় পড়ে' যার পা যায় আটকে অথচ যে বেঁচে থাকে—তীর বেদনামুভবের ক্ষেত্রে তা হ'লে সে হিরো। আমি সেই দুঃখের কথা বলছি। তুমি মেয়ে বলে'ই নিতান্ত অসহিষ্ণু হ'য়ে কথাটার গুঢ় অর্থ বোঝনি। বেদনা অর্থ আত্মার বেদনা, আনন্দ অর্থ সৃষ্টির আনন্দ—অভিনবতার আনন্দ।

অক্ষ। হয় তো তেমন ঢের আছে; আমি জানি না বলে' দৃষ্টান্ত দিতে পারবো না।

প্রভাত। দৃষ্টান্ত নেই বলে'ই জান না। তেমন ভাবুক হবার সাধনা মেয়েদের 'নেই। তার জীবন স্বচ্ছ, প্রশান্ত, মন্থর—শ্রোতের ফেনিল উচ্ছ্বাসে আবর্তসংকল নয়, বেগবান নয়, সঙ্কানব্যাকুল নয়। তার প্রাণে না আছে তার, দেহে না আছে স্বাদ! আমার রেইন্-কোর্টটার মতো—জল থেকে ত্রাণ করে এই তার উপকারিতা। পুরুষের চেয়ে মেয়ে কত খর্ব, কত সংকীর্ণ! পুরুষ বাস করে একমাত্র বর্তমানে নয়, অতীতের সঙ্গে সে বিশ্বাসঘাতকতা করতে শেখে, দুই চোখে তার ভবিষ্যতের স্বপ্ন। পুরুষ অতীতকে সঙ্গে নিয়ে ভবিষ্যতের আবিষ্কারে

চলেছে। জীবন তার কতো বিস্তৃত, কত অগাধ। আর, মেয়েদের জগৎ হচ্ছে সামান্ত সংকীর্ণ এই ছোট বর্তমানটুকু—ভবিষ্যৎ সম্বন্ধে সে কোনো ভরসা রাখে না, বিশ্বাসিতর বালিতে অতীতকে সে মুছে দিয়ে এসেছে। তাই মেয়েরা জীবনে অগ্রসর হয় না, আত্মা যো খর্ব হ'য়ে থাকে।

অশ্র। যে-সমাজ খালি পক্ষপাতী পুরুষের সৃষ্টি, সেখানে মেয়েদের খর্বতা—

প্রভাত। তুমি এটা কেন লক্ষ্য করছ না আমি নারী-পুরুষের সামাজিক তারতম্য দিয়ে কথা বলছি না। আমি জানি সমাজ কৃত্রিম, বাইরের একটা খোলস মাত্র। সেখানে পুরুষ যদি অন্তায় করে' তোমাদের দাবিয়ে বাখে সেজন্য তোমাদের না হয় ক্ষমা করলাম।

অশ্র। আমাদের ক্ষমা।

প্রভাত। হ্যা, তোমাদের। কারণ, সেখানেও প্রমাণ পাওয়া যাচ্ছে শক্তিতে ও বুদ্ধিতে তোমরা ছোট। কেউ কাকে পদানত করে' রেখেছে—এ-ব্যাপারটার মধ্যে এক পক্ষের অত্যাচারের ঘটোই কেন না প্রমাণ পাওয়া থাক, অপর পক্ষের দুর্বলতাকে কি বলে' অস্বীকার করবে? রাজাকে নিষ্ঠুর অত্যাচারী বলে' গাল দিয়ে পরাধীন দেশের দাসত্বের না মেলে সাহসনা, না বা সমর্থন। আমি জানি, সমাজ নিয়ে তোমাদের ওপর অনেক জবরদস্তি হয়েছে, আমি সে-দিক দিয়ে থাকি না, কেননা সমাজ হয় তো, হয় তো। কেন নিশ্চয়ই উন্টে যাবে—কিন্তু অন্ধারকে শতবার ধুলেও তার মলিনতা ঘুচবে না। প্রকৃতি যে বিকৃতি ঘটিয়েছেন তাকে মারবে কি করে' ?

অশ্র। তার মানে ?

প্রভাত। তার মানে তোমরা সেই সংকীর্ণ ই থাকবে, দৃষ্টি তোমাদের বর্তমানের সীমাকে অতিক্রম করতে পারবে না। ছোট স্বার্থ নিয়ে

বলহ করবে কেননা সৃষ্টি করতে বুদ্ধি ও বেদনাবোধের যে বিকাশ দরকার তোমাদের মস্তিষ্কে তাঁর জায়গা নেই।

অশ্রু। তুমি যতই কেন না বল—একদিকে পুরুষকে আমরা নিশ্চয়ই হারিয়েছি। সে আমাদের রূপ! কবিরা আমাদের পায়ের তলায় পড়ে' গড়াগড়ি যাচ্ছে।

প্রভাত। জানি এ কথা বলে' তুমি অনেকটা আশ্বস্ত হ'বার ভান করবে। ওটা তোমাদের no-trump-এর বড়ো bid। রূপ তোমাদের আছে—তোমাদের আত্মরক্ষার অস্ত্র আত্মবঞ্চনার বর্ম—হাতির যেমন দাঁত, গণ্ডারের যেমন খড়্গ। শক্তি যার নেই তা'রই অবলম্বন হয় চাতুরী। আর সেই রূপের স্থায়িত্বই বা কতদিনের? একটি দু'টি সম্ভান হ'লেই সে-রূপ আইডিন্-লাগা মরা চামড়ার মতো খসে' পড়ে—প্রসব করবার পর পিপড়ের যেমন পাখা খসে।

অন্য বার্থে যে ভদ্রলোকটি শুয়েছিলেন তিনি এবার উঠে বসলেন। খাপ্ থেকে চশমাটি বা'র করে, নাকের মাঝামাঝি বসিয়ে প্রভাতের দিকে একটি বক্রদৃষ্টি নিক্ষেপ করে' প্রশ্ন করলেন : মশাইদের কতদূর যাওয়া হচ্ছে?

প্রশ্নটা শুনেই বোঝা গেলো এ-সব কথা-বার্তা শুনে ভদ্রলোকের চিন্তা প্রসন্ন হ'য়ে ওঠেনি; তবু কণ্ঠস্বরকে বিনয়-মিষ্ণ করে'ই প্রভাত জবাব দিলো : কল্কাতা। আপনি?

ভদ্রলোক বললেন—আমিও সেইখানে! কল্কাতায় কোথায় থাকা হয় মশাইদের? (অশ্রুকে লক্ষ্য করে') সঙ্গে উনি কে জিগ্গেস করতে পারি?

—পারেন না। বলে' প্রভাত মুখ ফিরিয়ে পুরোনো কথায় ফিরে গেলো : রূপের কথা বলছিলে না? পুরুষের তুলনায় 'মেয়ের রূপ যেন

শূর্যের পাশে জাপানি দেশলাই। পুরুষের তুলনায় খর্ব—মনে ও বাক্যে ত বটেই—কায়মনোবাক্যে। এমন “unaesthetic sex” আর আছে কোথায়? কি সাহিত্য, কি সঙ্গীত, কি ছবি—বধির, তোমরা বধির। বীঠোফেন্-ও বধির হয়েছিলেন কিন্তু সে বধিরতা তাঁর সৃষ্টি-সাধনাকে আহত করতে পারে নি; মিলটন হয়েছিলেন অন্ধ, কিন্তু সেই চিরশূর্ধাস্ত্রের অন্ধকারে যে-স্বর্গ রচনা করেছিলেন তার তুলনা নেই। আচ্ছা, সৃষ্টি-সাধনায় নারীকে ত’ কেউ বাধা দিতে আসেনি, সে কেন কবি হ’তে পারলো না, কেন পারলো না ছবি আঁকতে? উত্তর দাও অশ্রু। প্রতিভার যে অধিকারী হয় অবস্থার বশত। সে স্বীকার কবে না। সে গৃহত্যাগ করে, ভাগ্যের সঙ্গে যুদ্ধে নিরস্ত হ’বেই পথে বেবয়, অমানুষিক কষ্ট স্বীকার করে’ প্রতিভাকে সে একটু মহান্ মর্যাদা দান কবে। তোমরা কেন এত নির্জীব, কেন এত ভীক, কেন এত পরীক্ষাকুষ্ঠ? গৃহের দায়িত্বের কথা যদি তোল—তা হ’লে পুরুষের বেলায় পৃথিবীর দায়িত্বের কথা তুলবো। যদি সে প্রতিভার স্পর্শ পায় গৃহকে সে মানবে কেন, ভেঙে বেরিয়ে পড়বে। প্রতিভাবানও কি তোমার এই সংসারের ready-made তুচ্ছ নিয়ম-কানুন দিয়ে বাধা থাকবে? সে নিজে নিজের নিয়ম তৈরি কববে, নিজের নিয়ম নিজে ভাঙবে। ধরণী দেন শস্ত, তোমরা দাও সম্ভান। তোমাদের দিয়ে রচনা লিখতে হ’লে এই বলে’ই উপসংহার করতে হয়। রূপ? সম্যাসীরা যেমন গায়ে গেকিয়া টেনে ভণ্ডামি লুকিয়ে রাখে, তোমরাও তেমনি ছলাকলার আবরণে অন্তরের অন্তঃসারশূণ্যতা ঢেকে রেখেছো। কথা কইছ না কেন?

শ্রোতৃ ভদ্রলোকটি তাঁর সন্দিক দৃষ্টিবাণে অশ্রুর সর্বাঙ্গ এমন বিকৃত করছিলেন যে সে অসীম বিরক্তি নিয়ে তাড়াতাড়ি মাঝের বেঞ্চিটার

ভ্রলোকটির দিকে পিঠ করে' একেবারে প্রভাতের 'গা ঘেঁষে বলে' পড়লো। প্রভাত বুঝলো ব্যাপারটা। দু'জনে একসঙ্গে সামনের পরিত্যক্ত বেঞ্চিটার পা ছড়িয়ে দিল - সামনে খোলা জানলার ওপারে ধাবমান অঙ্ককার। আলোটা নিভিয়ে দিলে ভালো হ'ত। কিন্তু ভ্রলোকটি অম্পষ্ট একটি হুম বলে' ফের তেমনি পায়ের ওপর পা তুলে দিয়ে একটা খবরের কাগজ নিয়ে পড়েছেন এবার।

অক্ষ প্রভাতের কাঁধের ওপর মাথাটা প্রায় এলিয়ে দিয়ে বললে—
কিন্তু প্রেমের বেলায় আমাকে যদি তুমি প্রাধান্য না দাও, তা হ'লে কথা
কইবো না।

প্রভাত। তর্কের বেলায় অভিমান খাটে না। নারীর বেলায় প্রেম
কখনো পরম নয়; স্নেহটা একটা instinct, সে একটা গুরুত্ব
আছে। কিন্তু প্রেমে শুধু emotion নেই intellectও আছে,—
তোমাদের বেলায় খালি দু'ধের জলীয় অংশটুকু। বিয়ের পরে স্বামীর
সঙ্গে যে-প্রেম—সে যতই সত্য হোক—অনেকটা সমাজের দাবি,
সংসারের স্বেধে। বিয়ের আগে যে প্রেম—সে যতই সত্য হোক—
বিয়ের পরে তার আর অস্তিত্ব নেই, সে অস্ত গেছে। বিয়ের পরে খ্যাতি
বাঁচাতে একমাত্র মেয়েরাই বলতে পারে : ওঁকে আমি বোনের চোখে
দেখেছিলাম, কিংবা ভাগ্নীর। মেয়েরা আত্মিক সাহসে এত অধঃপতিত
যে তাদের সামান্য sense of justice পর্যন্ত নেই।

অক্ষ। তুমি মাতৃস্নেহকেও উড়িয়ে দেবে নাকি ?

প্রভাত। উড়িয়ে দেব না তবে জুড়েও যে বসতে দেব এমন নয়।
মাতৃস্নেহ খুব পবিত্র—ভালো ভালো পয়ার লেখা যেতে পারে ও-বিষয়ে ;
কিন্তু পিতৃস্নেহের সঙ্গে তার এই কয়েকই সমান আসন হয় না কারণ
পিতৃস্নেহে যেখানে অঙ্ককার আত্ম চরিতার্থতা, মাতৃস্নেহে সেখানে মাতৃ

হৃদয়াবেগ, একটা সামান্য অভ্যেস। পিতৃস্নেহ instinctive নয় intellectual—instinct-এর চেয়ে intellect বড়ো।

অশ্রু। আমি তা মানি না। যতই কেন না বিকল্প তর্ক কর, আমি চর্চাচিনে। বলে' অশ্রু আরো একটু ঘেঁষে এসে গুন্‌গুন্ করে' একটা স্বর ভাঁজতে লাগলো। এবার অশ্রু দম্বরমতো প্রভাতের কাঁধে মাথা রাখলে। ব্যাপারটা এতো সাজঘাতিক নয় যে ট্রেন উন্টে যাবে। তবু পেছনের বেঞ্চি থেকে ভদ্রলোকের আরেকটি নকল ছকার শোনা গেলো।

প্রভাত বললে—ভালো হ'য়ে উঠে বোস।

অশ্রু। বাঃ, শরীরকে একটু বিশ্রাম দিচ্ছি তাতে তোমার আপত্তি হ'বার কারণ কি? পুরুষদের শক্তি সম্বন্ধে এতো সব লম্বা লম্বা বক্তৃতা দিয়ে সামান্য একটা মেয়েব খোপার ভাব বইতে পারবে না এ-কথা শুনে এতক্ষণের নীরব ও অনুপস্থিত মেয়ের দল টিটকিরি দিয়ে উঠবে।

প্রভাত। কিন্তু ভদ্রলোক কি ভাবছেন বল তো?

অশ্রু। তোমার সাহসের দৌড় এবারে বোঝা গেলো। তোমার ভদ্রলোক কি ভাবছেন ভেবে তো গ্রহ-তারায় কলিশান্ লাগছে। তাঁকে যা খুসি ভাবতে দাও। শবীর যখন আহত হয় ক্ষণ হয়—তখন সেই কষ্ট লোকের দেখতে খুব ভালো লাগে : সেটা বেশ সহজ, স্বাভাবিক, কিন্তু শরীরকে আরাম দিতে গেলেই লোকের চোখে তা ময় না, লাগে দৃষ্টিকটু। এর কারণ কি বলতে পারো? আজ যদি আমার খুব জ্বর হ'য়ে কাঁপুনি হ'ত ও তোমার কাঁধে মাথা রেখে শুতাম তা হ'লে দৃষ্টটা মানাতো, হয়তো ঐ ভদ্রলোকের সহানুভূতিও পেতাম। কিন্তু সুস্থ শরীরটাকে একটু মোলায়েম আয়েস দিতে গেলেই যত

আপত্তি। প্রকাশে ফোডা কাট, দাঁত তোল,—বেশ; কেউ কিছু বলতে আসছে না, কেন না শরীর কষ্ট পাচ্ছে, কিন্তু প্রকাশে একটা চুমু দাও দিকি, লঙ্কাকাণ্ড হ'য়ে যাবে। নেংটি পরে' সন্ন্যাসী সেজে শরীরকে কষ্ট দাও লোকে বাহবা দেবে, কিন্তু একটা গরদের আলখান্না পরলেই হ'ল সে বিলাসী হল সে খারাপ। কেন? শরীরটা তো প্রতিনিয়ত কষ্ট পাচ্ছেই, একটু আরাম পেতে দেখলে লোকের হিংসে হয় কেন?

প্রভাত হয় তো কিছু বলতে যাচ্ছিলো, পেছন থেকে ভদ্রলোকটি ক্রুখে উঠলেন: মশাইরা কি মাঝে রাতেই এমনি বক্বক্ব করবেন নাকি? চূপ করুন না খানিকটা। একে ভুগছি Blood pressureএ, ভায় যতো সব—। সঙ্গে থাকতো পাঁচকড়ি—দিতো ঠাণ্ডা করে'।

কেউ চটলে তার ওষুধ হচ্ছে তা'কে আরো চটিয়ে দেবার—মিষ্টি কথা বলে'। তাই প্রভাত পেছন ফিরে অতি-বিনয়ে সন্তোষার্থকর্মদীক্ষিত যুবককে পর্যন্ত হার মানিয়ে বললে—আহা, ভারি কষ্ট হচ্ছে তো আপনার। আপনি শুয়ে পড়ুন, আলোটা নিভিয়ে দিই। বলে'ই উঠে দরজাব কাছে গিয়ে সুইচ অফ করে' দিলে।

গাড়িতে অন্ধকারের সঙ্গে বাতাসের বণ্ণা। অশ্রুকে অনুভব করে' নিতে প্রভাতের দেবি হ'ল না। অন্ধকারের মতো ঘন ও উদ্বেল।

গাড়ি এসে দাঁড়ালো স্টেশনে। প্রভাত বললে—চল রেট্রান্ট কার-এ, বেটাইম হলেও কিছু খাওয়া যাক। লোক থাকলেও এর চেয়ে ভালো company পাবো।

উৎফুল্ল হয়ে অশ্রু বলল—চল।

বেষ্ট্রুবাণ্ট কার-এ ঢুকে জানলার ধারে একটি ছোট টেবিল বেছে ওরা দু'জনে মুখোমুখি বসলো। টেবিলের ওপর দু'টো কলুইয়ের ভর রেখে সামনের দিকে সামান্য একটু ঝুঁকে পড়ে' অশ্রু বললো—যাই বল, আমি Eudemonist।

প্রভাত শকটার অর্থ জানতো না, বললে—তার মানে ?

অশ্রু। মানে খুব সোজা, শকটাই জাঁকালো। মানে হচ্ছে : যাতেই আমি আনন্দ পাবো তাই আমার ধর্ম। যেখানে আনন্দ সেখানে পাপ নেই।

প্রভাত। যেখানে পাপ আছে সেখানে আনন্দও আছে।

অশ্রু। সত্যিই আনন্দ থাকলে সেটা আর পাপপদবাচ্য রইলো না। যেখানে আনন্দ নেই অথচ কর্তব্য আছে সেইটেই পাপ। যেমন ধরো, আজ যদি তোমাকে বিয়ে করি, পশু'ই সেটা পাপ হ'য়ে দাঁড়াবে, কেন না আনন্দ যাবে মরে'। তাই করবো না বিয়ে—আনন্দকে জীইয়ে রাখতে চাই। বিয়ে বডো না আনন্দ বডো ?

ততক্ষণে বয় এসে কাছে দাঁড়িয়েছে। প্রভাত বললে—তোমার মস্তিষ্ক যে-প্রকার উত্তেজিত হয়েছে তাতে মিছরির জল পেনে স্বাস্থ্যকর হ'ত, তা যখন পাওয়া যাচ্ছে না, কিছু মাংসই নেওয়া যাক আপাতত।

ছুরি-কাটা সরিয়ে রেখে অশ্রু আঙুলের ডগাগুলি ঝোলার মধ্যে ডুবিয়ে দিয়ে বললে—আচ্ছা ধরো যদি আমরা মরে' যাই ?

প্রভাত। ওঃ, তুমি কী morbid।

মাংস-চিবোনো বন্ধ করে' অশ্রু বললে—সত্যিই, আনন্দদায়ক মুহূর্তে আমরা মৃত্যুর পদধ্বনি শুনি। দুঃখের সময় জীবন এসে উপহাস করে, কিন্তু আনন্দের সময় মৃত্যু করে আশীর্বাদ।

প্রভাত। দু'জনে একসঙ্গে বেষ্ট্রুবাণ্ট কার-এ বসে' কুকুট খাচ্ছি—এটা এমন কি একটা আনন্দদায়ক মুহূর্ত যে মৃত্যুর পদধ্বনি শুনে হ'বে।

অশ্র। তার মানেই তোমাদের তীব্র আনন্দানুভূতি নেই !

প্রভাত। এর আগে কোনোদিন বুঝি ফাউল খাওনি? ফাউলেই এত, বিফ-এ বোধহয় দশায় পড়বে। অত জোরে হেসো না, নামিয়ে দেবে। যদি একান্তই মরি এ-সময়, তবে যেন কপালে একটি জীবনী লেখক জোটে, এই প্রার্থনা করে' মরবো।

অশ্র। কারণ?

প্রভাত। রেট্রো-কার-এ বসে' দুটি নরনারী কোলমাথা মুখ নিয়ে একসঙ্গে হার্ট-ফেইল ক'রে পরস্পরের মাথা ঠুকে' দিলো এ-খবরটা পেলে অনেক জীবনী-লেখকই কলম উচিয়ে আসবেন। রক্তটোরে এ-খবরটা উঁচু দামে বিক্রি হ'য়ে, সুদূর পৃথিবীতে পর্যন্ত পরিব্যাপ্ত হ'য়ে পড়বে। যাদের জীবন যত ব্যর্থ তাদের জীবনী তত জমে। সেই জন্মেই রবিঠাকুরের জীবন-স্মৃতিটা কিছুই হয়নি। জীবনী লিখতে বসে' ঘোমটা টানাকে আমি সহজে পারি না। একটা পরিপূর্ণ উদ্ঘাটন চাই।

অশ্র। তার জন্মে অতি তুচ্ছ ঘটনার বিবৃতি করতে হবে? কখন খে'লো কখন আঁচালো।

প্রভাত। না। জীবনের বড়ো বড়ো উপলক্ষিক কথা বলতে হবে— বড় বড় আবিষ্কারের কথা, সেই উপলক্ষিক পেছনে হয়তো নিদারুণ স্থলন আছে, মহান অধঃপতন! অথচ তাকে এড়িয়ে ভালো মানুষটি মেজে ধর্মভীরু জনতার বাহবা নেওয়ার মতো কাপুরুষতা আর কি আছে? খালি কবিকে জানবো মানুষকে জানবো না—সে-জানা নিতান্তই অসম্পূর্ণ। জানো অশ্র, ব্রাহ্ম-সংস্কার আমাদের এ বিষয়ে দারুণ ক্ষতি করেছে। 'আমরা বড়ো বেশি রকম *prude*, মিন্‌মিনে, খুঁৎখুঁতে। প্রকাশব্যাপারে আমরা নিতান্তই দুর্বল, লাজুক, মুখ-

চোরা। তাই নাহিত্য আমাদের মেরেলি থেকে যাচ্ছে—বুক কাটে ও মুখ ফোটে না।

কথাটা অশ্রু এড়িয়ে গেলো! দাঁত থেকে আঙুল দিয়ে স্নানসের ভুক্তাবশিষ্ট অংশ বের করে' বললে—যাই বল, খুব সুখী জীবন নিয়ে ভালো জীবনী জমে না। সত্যিই, ব্যর্থতাটাই বেশি মজার! রানী এলিজাবেথের চেয়ে জোয়ান্ অফ আর্ককে এই জন্মেই ভালো লাগে, যে, বেচারিকে পুড়ে মরতে হয়েছিল। Austerlitzএ নেপোলিয়ান-এর যুদ্ধের খ্যাতি বহু-কীর্তিত, কিন্তু তোমার কি মনে হয় না St. Helenaতে এসেই তিনি অমর হ'লেন! তুমি বাইবেল পড়েছ ?

প্রভাত। না।

অশ্রু। বাইবেলে কথিত আছে Elijah এমন-কি মরেন নি পর্যন্ত, রথে করে' স্বর্গে বাহিত হ'লেন। এমন একটা সাম্রাজ্যিক রকমের গৌরবময় জীবন নিয়ে কোনো বড়ো লেখা হ'তেই পারে না। মহাভারতে কোন্ নারী-চরিত্র তোমার ভালো লাগে ?

প্রভাত। কা'দের ভালো লাগে না একধার থেকে নাম বলে' যেতে পারি : গান্ধারী, কুন্তী—

অশ্রু। একটি মাত্র মেয়েকে আমার ভাল লাগে,—সে দ্রৌপদী।

প্রভাত। কারণ ?

অশ্রু। একজনকে ভালবেসে পাঁচজনের হ'য়ে গেলো। এমন আর একটা ব্যর্থ আত্মোৎসর্গের দৃষ্টান্ত তুমি সমস্ত স্বর্গ খুঁজেও পাবে না।

প্রভাত। কিন্তু সে-ব্যর্থতাবোধ দ্রৌপদীর ছিল না।

অশ্রু। সেটা আরো দুঃখদায়ক।

প্রভাত। বাঃ, যেখানে বোধ নেই, সেখানে দুঃখ কোথায় ? তুমি তো একবারো বোধ করছ না যে তাজমহলের তলে না স্তলে ভীষণ দুঃখ,

কিন্তু মমতাকে তুলে আনতে গেলেই দেখবে তাজমহলটা ভিক্টোরিয়া মেমোরিয়াল-এর অধম হ'য়ে গেছে।

অক্ষ। কিন্তু দ্রৌপদী Polyandry নিয়ে সে-যুগে এত বড়ো একটা আধুনিক experiment করলো, কৃতকার্য হ'তে পারলো না। যাকে সে অর্জন করেছিল সে-অর্জুনকে সে পাঁচজনের মধ্যে একজন ক'রে দেখতে পারলো না। এটা কম ট্রাজিডি ?

খাওয়া ফুরিয়ে গেলো, কিন্তু পরের স্টেশনের তখনো দেবি আছে। অগত্যা দুটো স্মাণ্ড, উইচ ও দু' পেয়াল চা'র অর্ডার দিয়ে প্রভাত তার বুকপকেট থেকে এক কবিতা বা'র করে' বললে—তবে শোন :

দু'টি হাত জোড় করি' প্রথমে প্রণাম,
তার পরে হাত গিয়ে বাসা বাঁধে হাতের কুলায়ে
শীতল নরম,
তার পরে কথা নাই, চুপচাপ, একটু বা ঘাম,
তার পরে ঠোঁট ভাঙে অধরের পাথরের ঘায়ে—
এ-রকমি শুনেছি নিয়ম।
তার পরে ? তার পরে আর কি শুনিবে ?
মাথার উপর থেকে আকাশ গিয়েছে হ'য়ে চুরি।
একদম ফাঁকা !

বাতাস ফুরিয়ে গেছে এক শ্বাসে, সূর্য গেছে নিবে'
তার পরে কবিতার খোলা খাতা রহে কোল জুড়ি',
তার পরে ভাষা ভুলে থাকে ॥

চৌক গিলে প্রভাত বললে—মানেটা বুঝতে পারছ ত ?

অশ্র। তার মানে, কি রকম হয়েছে আমার কাছ থেকে একটা মত চাও ?

প্রভাত। তোমার মতকে আমি প্রাধান্য কোনো কালেই দিতে রাজি নই, বিশেষত সাহিত্যালোচনায়,—তবু যখন শোনালামই, মত জানতে চাওয়াটা স্বাভাবিক।

অশ্র। ছাই হয়েছে। প্রেমাস্পদা অস্তহিত হ'লে ও-রকম একটা অসহায় ভাব নিয়ে হাত পা ছড়িয়ে কবিতাব খাতা নিয়ে বসে' থাকতে হবে—এ-দুর্বলতা ও অস্বাস্থ্য সহিতে পারি না।

প্রভাত। তার মানেই, তুমি কিছু বোঝনি। কবিতাকে তোমরা হিতোপদেশ ছাড়া অন্য কিছু বলে' কবে বুঝবে ? এ শুধু একটা মানস-ভঙ্গির বর্ণনা,—এটা ভালো না মন্দ এ নিয়ে কে মাথা ঘামাতে বসেছে ! খালি কোলাহলই করতে পার, রসগ্রাহিতা তোমাদের নেই। অস্থির হ'য়ো না, আমি প্রমাণ দিচ্ছি। থিয়েটারে মেয়েদের মতো কাউকে চেঁচাতে শুনেছ ? সেই জন্মে গ্রীসে থিয়েটারে মেয়েদের প্রবেশ নিষিদ্ধ ছিলো।

অশ্র। কবিতা-বোঝার সঙ্গে থিয়েটারে ঢোকান সম্পর্ক কি ?

প্রভাত। সম্পর্ক এই, ললিতকলাচর্চায় তোমাদের দান করবার যদি কিছু থাকে, তা হচ্ছে কোলাহল। তোমাদের বুঝতে হবে বলে'ই সব-কিছুকে 'কথামালার' স্তরে নামিয়ে আনতে চাও। কিন্তু তোমার মুখের দিকে চেয়ে আমি কবিতা লিখিনি,—আমার Muse যদি খুসি হ'ন, তাই ঢের।

অশ্র। তোমার কবিতা ভালো হয়নি, এ-কথা বলার যদি আমার স্বাধীনতা না থাকে তবে আমাকে তুমি বৃথাই পরিশ্রম করে' কবিতা শোনালে ! কেন ভালো হয়নি, তার একটা যুক্তি পেলে তুমি খুসি

হও বুঝি, কিন্তু কেনই যে ভালো হয়েছে, তাই বা তুমি বোঝাতে পারবে? যতই কসরৎ কর, রবীন্দ্রনাথের সিংহাসন আর কাড়তে পারছ না। তিনি বাঙলা সাহিত্যে চিরজীবী।

প্রভাত। হোন্ তোমার রবীন্দ্রনাথ চিরজীবী, তাঁর আয়ুর অঙ্ক মহাকাল কষবে। কিন্তু তিনি চিরকাল বিরাট্ পর্বতের মতো পথ জুড়ে' বসে' থাকবেন আর আমরা সমস্বরে তাঁর সাহিত্যিক দীর্ঘায়ুতার জন্তে জয়ধ্বনি করবো, আমাদের সময় এত অপর্থাপ্ত নয়। রবীন্দ্রনাথকে চিরকাল বাঁচিয়ে রাখবার মানেই বাঙলা সাহিত্যটাকে রসাতলে পাঠানো। যে-রবীন্দ্রনাথ আমাদের বাধা হ'য়ে আছেন আমাদের বাঁচতে হ'লে তাঁকে আঘাত করতেই হবে।

অশ্র। তুমি যে এখনি কোমর বেঁধে লড়াইয়ে লাগলে দেখছি। যারা যতো বেশি দুর্বল যতো শ্লথপ্রাণ তাদেরই আশ্ফালন বেশি। চমকের চক্মকি ঠুকতে পারলেই তাদের চরম আত্মতৃপ্তি। এক লাফে সিঁড়ি ভাঙতে চায় acrobat-রা, আর্টিস্টরা নন্। রবীন্দ্রনাথকে ডিঙোনো সোজা, সমকক্ষ হওয়াই কঠিন সাধনা সাপেক্ষ।

প্রভাত। জান, কোনো স্বপ্নবিলাসীই সত্যিকারের কবি নয়— অস্বত বিংশ শতাব্দীতে নয়। খালি মলয় হাওয়া আর স্থানাটোজেনে ণাটি মাটির সাহিত্য হয় না—

অশ্র। আকাশের সাহিত্য হোক—তা'বই বিস্তৃতি ও বৈচিত্র্য আমরা চাই। মাটির নাম করে' আমরা পাঁকের উপাসক হ'তে চাই না।

প্রভাত। হাতে যা'র ধূলো লেগে নেই, ললাটে যার শ্রমের স্বেদবিন্দু শোভা পেল না, গায়ে যার লাগেনি দারিদ্র্যের আঘাত— ভেমন কবিকে আমরা মেঘলোকে নির্বাসন দেব। মেঘ তরঙ্গ, আকাশ,

আটিকা—ডেব হয়েছে ; এখন চাই মাটি, প্রতি দিবসের সংগ্রাম, প্রতি দিবসের পাপ !

অশ্র। কিন্তু প্রতি দিবসের সেই পরিচয়টাই পৃথিবীর 'বড়ো' পরিচয় নয়। মানুষ যখন মরে তখনো তা'র চোখ অর্ধ-নিম্নীলিত থাকে, জীবনকে দেখবার জগৎ চক্ষু আমাদের অর্ধ-উন্মীলিত রাখতে হবে। চোখ দু'টো বড়ো করলেই বড়ো কোরে' দেখা হয় না। ববীন্দ্রনাথ খুব প্রকাণ্ড আর্টিস্ট বলে'ই জীবনকে এমন সত্য—বহুশ্রাব্য বলে'ই সত্য—করে' উদ্ঘাটিত কবেছেন। আর তোমরা অতি-আধুনিকরা সেই জীবনকে বীভৎস, বিকৃত, বিস্ত্রী করে' দেখাচ্ছে। তোমরা বিংশ শতাব্দীর ব্যাধি।

প্রভাত। তুমিও দেখছি সাধারণ ruffian-এব দলে। গত কাল যা হ'য়ে গেছে এদেব পক্ষে তাই বড়ো নজির। অতীতের লাঠি দিয়ে তারা বর্তমানকে প্রহাব কবে। তোমাদের ববীন্দ্রনাথকেই ধর না। 'নষ্টনীড়' রচনা করে' তিনি তখনকার বাঙলা-সমাজে যে অনিষ্ট করেছেন বলে' অভিযোগ শোনা গেছিল, সেই 'নষ্টনীড়'ই এখন অতি-আধুনিকদের কাছে সংযম-শিক্ষার standard হয়েছে। কে জানে দশ বছর বাদে এই অতি-আধুনিকদের অসংযমই তুলনামূলক সমালোচনায় পববর্তী সাহিত্যিকদের কাছে মনে হ'বে বিরস, মিথ্যা এবং সম্পূর্ণরূপে উলঙ্ঘন বলে'ই কুৎসিত। তুমি খানিক আগে জোয়ান অফ আর্কেব নাম করেছিলে না? তাবই দৃষ্টান্ত নাও। ১৪৩১ খৃস্টাব্দে তাকে ঈশ্বরনিন্দার জগৎ পুড়িয়ে মারা হ'ল, পঁচিশ বছর পবে সেই ডাইনি মেয়েকেই ফের গির্জা নবজীবন-দান করলে, ১৯০৮ খৃস্টাব্দে তা'র প্রায়শ্চিত্ত হ'ল, ১৯২০ তে সে হ'ল canonized ! আজ যাকে তুমি ব্যাধি বলছ সেই এককালে হ'বে বিশল্যকরণী। নাও হ'তে পারে। তাব জন্তে ভীকর

মতো জীবনকে সম্পূর্ণ জানা ও জানানোর থেকে নিজেকে সঙ্গোপনে বঞ্চিত রাখবো—এ আর্টিস্টের ধর্ম নয়। গ্যায়টের *Die Leiden des 'Jungen Werthers* (উচ্চারণ ঠিক হয়নি নিশ্চয়ই) পড়ে' অনেক লোক নাকি আত্মহত্যা করেছিল। পবে গ্যায়টকে জিজ্ঞাসা করা হ'ল, এতগুলি মৃত্যুর জন্মে তিনি নিজেকে দায়ী মনে করে' দুঃখ-বোধ করছেন কি না। গ্যায়ট হেসে বললেন : মরতে দাও ওদের— জীবনে আরো অনেক কলঙ্ক আছে, আরো অনেক কুশ্রিতা। প্রচুর, প্রচুর, এখনো সম্পূর্ণ হয়নি। অতি আধুনিকেব লেখা পড়ে' কেউ যদি ভ্রষ্ট হয় তবে উত্তর দেব : হ'তে দাও, এই উনিশ শতাব্দীর পাপ ও দুঃখের জন্মে অস্তুত অতি-আধুনিকরা দায়ী নয়। ববীন্দ্রনাথের কবিতা পড়ে' যদি কেউ প্রেমে পড়ে' আত্মহত্যা করে তবে তোমাদের বি-ঠাকুর কি তাঁর বইগুলি পুড়িয়ে ফেলবেন ? তিনিও কি বলবেন না : মরতে দাও ভীকুদের ? কিন্তু আব না, স্টেশন এসে গেছে। এসো প্লাটফর্মে একটু হাঁটি। আজ বাত্রে আব ঘুম হচ্ছে না।

প্লাটফর্মেব যেখানটায় চাঁচামেচি একটু কম সে বকম একটা জায়গা বেছে নিয়ে অশ্রু ও প্রভাত পাইচারি কবুতে লাগলো। গাড়ি ছাড়তে দেরি আছে। নতুন করে' কথা শুরু কব্বাব ম তা আবহাওয়া পেয়েই প্রভাত ব'লে' চললো : অতীতে অভ্যস্ত জনসাধারণ আমাদেরকে যা'ব জন্মে নিন্দে কবুছে সে-ই আমাদের প্রথম গুণ আমাদের প্রধান মূলধন। আমবা সেই নিন্দনীয় গুণেরই অনুশীলন কব্বো—সে-ই আমাদের নিজস্বতা। আমবা নিজস্বতা বর্জন কব্বো না—আমরা ততোটা নির্ভীক। প্রত্যাহের পৃথিবী নিয়ে public-এর কারবার, তারা অসাধারণের আবির্ভাবে উদ্ব্যস্ত হতে চায় না,—তারা আরামলোভী, যা কিছু ভূতপূর্ব তারা তাদের ভূত। ওদের কথায় আমরা কান পাতি

না—সেই আমাদের বড়ো বিজ্ঞাপন। ওরা ঝড়কেও ঢেলা মারে, বগ্নার জলেও খুঁতু ছিটোয়। সত্যি অশ্রু, যে-আর্টিস্ট এই public-এর সঙ্গে চিরকাল মিতালি পাতিয়ে কায়ক্লেণে কলম বাঁচিয়েছে—কলমের 'খোঁচা মেরে এদের অস্থি, ক্ষতবিক্ষত করে' দেয়নি—সে কখনোই বড়ো হ'তে পারেনি জেনো। যারা মাঝারি তারাই করে মীমাংসা, যারা করে মীমাংসা তারাই জেনো মাঝারি। ববং মূর্খ ভালো, মাঝারিকে সঠিতে পারবো না। আমাদের সঙ্গে public-এর চিরজন্মের বিরোধ—তাদের আমরা ঘাড় ধবে' নবপ্রভাতের দেশে টেনে নিয়ে যাব; যতই তাবা হাত-পা ছুঁড়ুক, যেতে তাদের হবেই। তখন আবার দেখবে তারা আর সেখান থেকে অগ্রসর হ'তে চাইছে না। Public থেমে থাকতে চায়, ওরা ভীক, সন্দিক। আমরা এই জনতাব শত্রু, জনতাব মুক্তিদাতা।

খারাপ হওয়ার কথা বলছো? সরেসিনি দেখেও লোকেব কামোদ্রেক হয় বিশ্বাস কর? কালীর চরণামৃত খেয়ে একজন কলেরা হ'য়ে অক্সা পেয়েছিলো সে-খবর বাখ? Angleo ব ট্র্যাঞ্জিভিব কথা জান ত'? জানো না? Isabela-ব মতো পবিত্র, তাপসী মেয়েকে দেখে তাব জীবনে ঘটলো পরম অধঃপতন। চৈত্রমক্স্যা এলেই অধবে চুম্বসম্পূহা জাগে কেন? আমবা কী করে' খারাপ না হ'য়ে পারি? আমাদের চামডাব নিচে যে বক্তশ্রোত বইছে তা-ই আমাদের মাতাল কবে' রেখেছে। যতদিন একলা ছিলাম, ভালো ছিলাম, চবিত্রবান ছিলাম। তারপব তুমি এলে।

গাডিতে উঠে দেখা গেলো ভদ্রলোক তার দিকেব জানলা তিনটে তুলে দিয়ে অঘোরে ঘুমোছেন। আলো নেভানো, পাখা চলছে। হাইজিন-এর এটা কি-রকম নিয়ম ঠিক নিরূপণ কববাব চেষ্টা না করে' অশ্রু আর প্রভাত এবাব বেশ স্বচ্ছন্দে যথেষ্ট ঘোঁঘাঘোঁষি কবে'

বসতে পারলো। ফটো তুলে রঙ চড়ালে রাধা-কৃষ্ণের অনমান হ'তো না। ভাগিয়াম্ এটা গুরুপক্ষ না; চাঁদ উঠলেই দৃশ্যটা হ'তো বিকে, কথা-বার্তা হ'তো মাজা-ঘসা, পালিশ-করা। প্রেমের ব্যাপারে কবির। চাঁদকে কেন যে এত আঙ্কারা দিয়েছেন বলা কঠিন। অন্ধকারে কত সুবিধে।

এইখানে অক্ষ ও প্রভাতের মুখ না এঁকে যদি ওদেব দেহভঙ্গী দুটোকে নন্দলাল বসুর সূক্ষ্ম রেখায় এঁকে দেওয়া যেত, ত' ভালো হ'ত। এমন Pose-এর জন্মে কঠিনেটের বড়ো-বড়ো আঁকিরেরা পবন বড়ো-বড়ো দাম নিয়ে আসতেন। কথায় সেটা আঁকতে গেলে বেশি-বকম স্থূল হ'য়ে পড়বে। বেশি কথা বলাও মুঞ্চিল। ভাষায় সব কথা খুলে বলার লোভ এমন প্রচণ্ড হয় যে সুর যায় কেটে। তবু থানিকটা বলি : ওরা পাশাপাশি বসে, মাঝের বেঞ্চিতে প্রভাতের প্রসারিত পা-ব ওপর অক্ষ আনুগোছে তা'র পা দু'টি তুলে দিয়েছে এবং কাজে-কাজেই centre of gravitation-এর স্থান-পরিবর্তন হওয়ার দরুন অক্ষর মাথা প্রভাতের কাঁধের ওপর পড়েছে এলিয়ে; এবং দু'জনে নেহাৎই কথা কইছে বলে' ওদের গালে গাল লাগতে পারছে না। ওটুকু বাবধান না থাকলেই যেন ওরা ধরা পড়ে' যাবে।

প্রভাত বলল—আচ্ছা ও-কবিতা তো তোমার ভালো লাগেনি। ইস্টেলের কমপাউণ্ড থেকে তোমার সেই বিদায়-নেওয়া ব্যাপারটা নিয়ে কিছু একটা লিখবো ভাবছিলাম; মাত্র চার লাইন হয়েছে। শোন :

বন্ধের সম্মুখে আসি' যবে তুমি মাগিলে বিদায়,

ভয়কুণ্ঠ দু'টি স্তন শিহরিল উত্তপ্ত আশ্রয়ে :

পলক পতন মাত্র সহিল না; বুঝিলাম হায়,

চুষনের কালটুকু ফুরিয়েছে চুষনের শেষে।

অশ্রু বলে' উঠলো : অন্নীল ।

বলা-য় লাভ হ'লো এই অশ্রুর মাথাটা তার লোভনীয় উপাধান হারালো । প্রভাত সোজা হ'য়ে উঠে বসলো, বললে—কেন অন্নীল ? চুধন আর স্তন আছে বলে' ? চা খাওয়া বলতে পারবো, চুমু খাওয়া বলতে পারবো না ? তোমার ফুসফুস বলতে পারবো, বুকের পাঞ্জুরা বলতে পারবো, স্তন বলতে পারবো না ? লক্ষণ যে সূৰ্পণখার স্তন কেটে ফেলেছিলো, কৃষ্ণ যে পুতনার স্তনাগ্র দংশন করে' তাকে ঠাণ্ডা করলে সেগুলো অন্নীল ?

অশ্রু দিলো হেসে , বললে—মোটাই তা'র জন্তে নয় , একটি মাত্র 'হায়' ঢুকে ব্যাপারটাকে বিক্রী করে' তুলেছে । নইলে চলনুসই হয়েছে । ওখানেই ক্ষান্ত হওয়া উচিত,—এর পব অগ্রসব হ'লে তোমাকে পুলিশে ধরবে ।

প্রভাত বীতিমত খাঙ্গা হ'য়ে উঠলো : পুলিশে ধরবে ? অন্নীলতার জন্তে ? দুর্নীতির জন্তে ? জান অশ্রু, heresy-র ভয়ে মধ্যযুগে কোনো বড়ো সাহিত্য হ'লো না, বিংশ শতাব্দীতেও কোনো বড় সাহিত্য হ'বে না এই morality-র ভয়ে । কথাটা অবিশি জর্জম্যু-এর ।

অশ্রু । যাবই হোক, তোমবা অতি-আধুনিকবা এতো সব অন্নীলতা লিখ্ছ যে বীতিমত তোমাদের পেছনে পুলিশ লেলিয়ে দেওয়া উচিত ।

প্রভাত । কিন্তু বিচার করবে কে ? এতো আর জমির চৌহদ্দি-বিচার নয় , এখানে চাই সূক্ষ্ম রসবোধ, সূক্ষ্মতর কবিমনীষা—তোমাদের দেশের ক'টা বিচারকের তা আছে ? আমেরিকা তো ভীষণ শিক্ষিত ও সভ্য দেশ, কিন্তু সেখানে *Replenishing Jessica*-র বিচারের সময় জুরিরা যে-বিজ্ঞের পরিচয় দিয়েছেন তা শুন্দে তুমি হাঁ হ'য়ে যাবে । বারো জনের মধ্যে তিনজন রাতকাণা ব'লে কোনোদিন কোনো বই-ই

পড়েন নি, আর্টক্লন সমসাময়িক সাহিত্যের কোনোই খবর রাখেন না, বাকি একজন স্পষ্ট স্বীকার করলেন : বাড়িতে আমার হ'য়ে আমার জী-ই পড়াশোনা করেন। এরাই ত করবে আমাদের বিচার? পুলিশের হাতে ভারতীয় এই বলাৎকার (কথাটা অবিশি অতি-আধুনিক নয়) অসহ্য।

অশ্রু। তোমরা যে-রকম বাডাবাড়ি করছ তাতে শঙ্কিত হবার কারণ ঘটেছে।

প্রভাত। বেশি দামের আরব্যোপগ্রাস বা ব্যাসেব মূল মহাভারত না হয় লোকে কিনতে পাবে না, কালিদাসেব সমাস ভেঙে ভেঙে সংস্কৃত পড়বার ধৈর্য হয় ত' অনেকেরই নেই, ভারতচন্দ্র যোগাড় করা অনেকের পক্ষে দুষ্কর,—কিন্তু চার পয়সা দিয়ে খবরের কাগজে যে Legal Intelligence কিনতে পাওয়া যায় তা তুমি ঠেকাবে কি করে? দু' পয়সার বাঙলা কাগজগুলোও ধর্ষণ-বৃত্তান্তে ঠাসা। সেখানে ত উপগ্রাস নয় যে উড়িয়ে দেবে, মোটা সত্য কথা—প্রত্যক্ষ শু নিষ্ঠুর। তা পড়ে' পাঠকদের নৈতিক অবনতি হয় না? বেছে বেছে ঐ খবরগুলোর প্রাধান্য দেওয়ার কোনও উদ্দেশ্য নেই? তোমার সাহিত্যের বেলায় চরিত্র টলমল করে' ওঠে। তা হ'লে law-reports অশ্লীল, বাড়িতে পারিবারিক চিকিৎসার জন্যে আনা হোমিওপ্যাথিক বই অশ্লীল, দেয়ালে টাঙানো কালীর মূর্তি অশ্লীল, নিরাকার ব্রহ্ম অশ্লীল,—কেননা কোনো অঙ্গই তাঁর নেই যে।

অশ্রু। Law-reports বা ডাক্তারি বই-ব মর্ম বুঝতে হ'লে specialisation দরকার।

প্রভাত। সাহিত্যের বেলায়ই সে specialisation-এর কথা উঠবে না কেন? তুমি পঞ্চমালা শেষ কবে'ই পড়তে যাবে ভারতচন্দ্র,

Nursery Rhyme পড়ে'ই ছইটম্যান, বড্লেয়ার, বায়রণ? এই আম্পর্কী তোমার আসে কেন? ছেলের হাতে Rabelais বা Boecaccio পড়তে পারে এ ভয় যতখানি, ছেলে তার দাদার Anatomyর বই খুলে genital organs-এর ছবি দেখে ফেলতে পাবে—এ ভয়ো কম নয়। পরিণত বয়সের চিন্তাকে শিশুর বুদ্ধির আয়ত্তাধীন করে' তুলবো—এ জবরদস্তি সাহিত্যের বিচারেই উঠে থাকে। ছেলেদের ত সিগারেট খাওয়া অপবাধ—সেই জন্ত আমি খাবো না সিগারেট? বলে' প্রভাত একটা সিগারেট ধরালো।

এক মুখ ধোঁয়া ছেড়ে প্রভাত বলে' চললো: তুমি হেন্‌বি ভিজ্জেটেলির নাম শোননি। তিনি ছিলেন এক দুর্ধর্ষ প্রকাশক—তেমন প্রকাশক বাঙলা দেশে ক' শতাব্দী বাদে আসবে বলা যায় না। Zola-র ইংরিজি অনুবাদ তিনি ছাপিয়েছিলেন, তা ছাড়া তাঁর প্রিয় গ্রন্থকাব ছিল সব অশ্লীল লেখক: Flaubert, Goncourt, Gautier, Muirger, Maupassant, Paul Bourget। তাঁকে পুলিশে ধবলে, তাব অপরাধ এত জঘন্য বলে' বিবেচিত হ'ল যে তিনি তাব পক্ষে একটা উকিল পর্যন্ত পেলেন না। সত্তর বছর বয়সে তাঁর তিন মাস জেল হ'য়ে গেল। তুমি শুনে আশ্চর্য হবে অশ্রু, ভিজ্জেটেলির তবু জোলাব হুবহু অনুবাদ করান্ নি,—'an expurgated Zola outraged the sloppy Victorians।' এখন এই জোলা ইংলণ্ডেও বহুবণ্য! তোমার বইয়ের বাজে হাভলক এলিসের *The Psychology of Sex*-এর দু' তিনটে ভল্যুম দেখলাম। এলিস্ এখন ঋষিতুল্য বলে' বিশ্বকীর্তিত, কিন্তু এই এলিস্কেই একদিন রাজদ্বারে অভিযুক্ত হ'তে হয়েছিলো—ইংলণ্ডে বই তাঁর ছাপা হ'ল না। . তেমনি দেখো একদিন অতি-আধুনিকদের অশ্লীল বই-ই স্কুলপাঠ্য হ'বে—সুইনবার্ণ হয়েছে,

ইটম্যান হয়েছে—অথচ জীবদশায় এঁদের কম লাহনা ভোগ করতে হয় নি।

অশ্রু। সমাজে যে-রুচি প্রচলিত আছে তাকে নষ্ট করতে এলে নিশ্চয়ই সমাজের ইষ্ট হয় না। সমাজ ওঠে ক্ষেপে।

প্রভাত। এককালে মেয়েদের সেমিজ-পরাটাও সমাজের রুচিতে বাধতো; তখন ব্লাউজের প্রচলন হয় নি বলে' উত্তমাজ সম্বন্ধে তাঁদের বিশেষ আকর্ষণ ছিলো না। সেও একটা রুচি। এখন সে-কথা স্বপ্নে ভাবলে তোমরা স্বপ্নে জিভ কাটবে—গরমের দিনে খালি গায়ে শুয়েও। এককালে সহমরণে যাওয়াটা খুব উচ্চাঙ্গের সতীধর্ম ছিলো; এখন সে-অশুরোধ করলে তোমারা assault-এর চার্জ আনবে। বরং ছ'রাত্রি শোক করা সোজা, চিতেয় উঠে চিৎকার করাটা বর্বরতা। রুচির কথা বোলো না। ইংরেজ মেয়েরা দেখায় বুক, বাঙালি মেয়েবা পিঠ, আর হিন্দুস্থানি মেয়েরা পেট। স্মৃতিরকালের জন্মে কোনো রুচিই আর্টকে থাকে না। সব দেশেই সব সমাজেই রুচি তার চেহারা বদলাচ্ছে। জাপানে ও রাশিয়ায় মেয়েরা একসঙ্গে উলঙ্গ হ'য়ে স্নান করে—তুর্কি নিশ্চয়ই লজ্জায় নেতিয়ে পড়ছে—আমাদের কাছে এ-ফ্যাশান্ দস্তুরমতো অশ্লীল—ইংরেজদের কাছেও। এককালে ইংলণ্ডে মেয়ে'দর স্কাট জুতো ছাড়িয়ে রাস্তার ওপরে পড়ে' ধুলো না স্কাট দিলে আর রক্ষে ছিলো না, এখন সে-স্কাট হাঁটুর ওপর উঠেছে। পায়ের কোন্ point-এ এসে অশ্লীল বলে' থামতে হ'বে বলতে পারো? তিরিশ বছর আগে ankle দেখে যে চাঞ্চল্য হ'ত এখন হাঁটু দেখে তা হয় না; ডিকেন্সের সময় যা বুক বলে' নিন্দিত হ'ত এখন তা মাত্র কাঁধ! কিন্তু, আবার শুনছি স্কাটের নাকি অধঃপতন ঘটছে, অর্থাৎ ফের নিচে নেবে আসছে; এর যুক্তিটাও রুচিবৈষম্যের পরিচয় দেবে।

কারণ নাকি এই : অনাবরণ সৌন্দর্যকে বাধা দেয়। সৌন্দর্য আমাদের হচ্ছে ইমারা, রূপে নয় রেখায় ; রাসে নয় রসে ; রহস্যে অর্থাৎ গোপনতায়। তাই এখন আবার সমস্ত শরীর ঢেকে ফেলবার জন্যে সবাই বুঁকে পড়েছে দেখছি।

অশ্র। তোমাদের মাথা খেয়েছে যতো পাশ্চাত্য সাহিত্য। আমাদের সাংস্কৃতিক দেশে তোমরা যে-সব ভাব আমদানি করছ তাতে হাওয়া বিষিয়ে উঠেছে। যুরোপের ছাড়া কাপড় পরে' তোমরা আহ্লাদে আটখানা হ'য়ে যে সমস্যার সমাধানে কলম শানাচ্ছ সে-সব সমস্যাই ধোঁয়া, মনগড়া। যুরোপে যেটা জীবন-মরণের কথা, সেটা তোমাদের কাছে রঙিন ভাববিনাসিতা মাত্র।

প্রভাত। মুস্কিল এই, সাংস্কৃতিক দেশের শিবের যে-পূজোর প্রথা আছে তা শুনে মিস্ মেয়োর মূচ্ছাঁ হয়েছিলো। গোহাটির কামাখ্যা আমাদের সব চেয়ে বড়ো দেবী। দবজা জানলা বন্ধ রেখে যে-হাওয়া আমরা বিষিয়ে তুলেছি তাকে আমরা মুক্ত দিয়ে পবিত্র কবতে চাই। আমরা আজ ছোট শহরের ছোট গলিব বাসিন্দা নই, বিরাট পৃথিবীতে আমাদের বাসা, সব মানুষের বেদনা আমাদের নিজের বেদনা। আমাদের সমাজে সমস্যা সেই, তো কোথায় আছে? পরাধীনতাই বড়ো সমস্যা; তারপরে sex। এই যে দিনের পর দিন নর-নারীর সূচির ব্যবধান চলেছে এটা কি দেশের পক্ষে খুবই শুভ ; যে-দেশে নর-নারীর স্বাধীন বন্ধুতাব স্থান নেই—সে-দেশ উঠবেই ত' বিষিয়ে। পাশ্চাত্যের ভাব আমদানি করছি বলে' যে অভিযোগ করছ তারো ভারি মজা আছে। বাঙলার যেটা অশ্লীল, সংস্কৃতে সেটা নয়, ইংরিজিতে ত নয়-ই। আবার জার্মানিতে যেটা অশ্লীল নয় সেটা ইংরিজিতে জঘন্য। Dreiser-কে যখন তার *Sister Carrie*-র জন্য ধরুলো

(পড়নি বইটা? আমার কাছে আছে।) তখন সে বললে কি জ্ঞান : আমার নাম Dreiser না হ'য়ে যদি Dreisershefsky হ'ত আব আমি যদি আমেরিকা থেকে না এসে Warsaw থেকে আসতাম তা হ'লে কপালে এই দুঃখ থাকতো না। কিন্তু তা যখন নয়, বিদায়। গ্রাম্য খাটি ভাষায় লিখতে গেলেই মুশ্বিল, খুব পোষাকি কনে' লেখ, মানিয়ে যাবে। ইংলণ্ডে বই-র দাম কম হ'লে অশ্লীল, বই মাক উৎসর্গ করলে আর অশ্লীল নয়।

অশ্র। তুমি sexকে আমাদের দেশে খুব বড়ো সমস্যা বলে' মনে কর ?

প্রভাত। নিশ্চয়ই। ইথনেব মতো তাকে আমি ফুল নাই বললাম, তবে ঐ সমস্যাটার উপযুক্ত সমাধান হয়নি বলে'ই এত অস্বাস্থ্য এত চিত্ত-দারিদ্র্য। আমরা হাত বাড়িয়ে প্রতি কাজে নাবীণ সাহায্য পাই না, তাই কাজ আমাদের কাছে উৎসব হ'য়ে উঠে'নি। এই আডাল যদি'ন না ঘোচে তদিন sex বানান করতে গেলেই আমাদের দাঁত ভাঙবে। তাই আমাদের সাহিত্য মেয়েদের ব্রতকথার সামিল হ'বে উঠতে না পারলেই শিবের জটায় গঙ্গা গেলো শুকিয়ে। এমন বই লেখা চাই বা স্বচ্ছন্দে মেয়েদের পড়া-র টেবলে পড়ে' থাকতে পাববে—যা বাপ-মা-ভাই-বোন মিলে পড়ে' কাঁদতে পাববে। কিন্তু জীবনে এমন সব ব্যাপার নিত্যই ঘটছে, অশ্র যাতে আমরা বাপ-মাকে নিমন্ত্রণ করলেও তারা আসতে লজ্জা পাবেন। সাহিত্যের বেলায় তাদের এই অভিভাবকত্বের অর্থ কোথায় ?

অশ্র। কিন্তু সাহিত্য খালি যে যৌনসম্পর্ক নিয়েই আলোচনা করবে এ-অস্বাস্থ্যও বাঁ তুমি সমর্থন করছ কি করে' ? জীবনব্যাপাবে ওটাই কি summum bonum ?

প্রভাত । যদি বলি তাই, তুমি আমাকে কী ভাববে জানি না । মাহুষের যতো কিছু বৃহত্তর উপলব্ধি সব এই sex-এর সাহায্যেই ঘটেছে । ধরো প্রেম । প্রেম ত sex ছাড়া কিছুই নয় । তুমি ঐ শব্দ-টার একটা স্থানিক অর্থ করো না—ও একটা ধর্ম, বাঙলা ভাষায় ওকে অনুবাদ করতে গেলে বলতে হয় ভালোবাসা । খালি তাই নিয়েই সাহিত্য হবে,—লেখকরা দজি বা ছুতোয় হ'লে তেমন ফরমায়েস করা যেতো হয়তো,—কিন্তু যদি কারুর সাহিত্যে সত্যিই sex বড়ো উপাদান হ'য়ে ওঠে, তাকে যেন কৃত্রিম লজ্জা এসে অভিভূত না করে, সৃষ্টিকে সে যেন বলিষ্ঠ হ'তে দেয় । যে-লেখা গভীর উপলব্ধিপ্রসূত সে কখনোই অশ্লীল হ'তে পারে না—, তাই ভল্টেয়ার অশ্লীল নয়, হোরেস্ অশ্লীল নয়, বায়রণ অশ্লীল নয়, শেইকস্পিয়ার অশ্লীল নয় । কিন্তু এক সময় ইংলণ্ডে শেইকস্পিয়ারের অশ্লীলতা সংশোধন করতে এক মহাপুরুষের উদয় হয়েছিলো—নাম তাঁর টমাস বোল্ডলার, তিনি শেইকস্পিয়ারকে কাটতে বসলেন । কিন্তু আবার সেই মজা হ'ল, অশ্ল ।

অশ্ল । কি ?

প্রভাত । Victorianদের কাছে সেই bowdlerised শেইকস্পিয়ারই মনে হ'ল 'too frank'.

অশ্ল । আচ্ছা তুমি কি মনে কর না এই যে ঝাঁকে ঝাঁকে লালসালিষ্ট লেখা বেরুচ্ছে মাসিক কাগজে, তাদের বন্ধ কবা উচিত ?

প্রভাত । Gourmont-এর একটা কথা শোন : When morality triumphs, nasty things happen. প্রচার বন্ধ করলেই কলম বন্ধ হয় না । অশ্লীলতার বিচার যারা কববে তাদের বিত্তে-বুদ্ধির পরিচয় তোমাকে নতুন করে' আর দিতে হ'বে না । 'কিন্তু কি কারণে বন্ধ করবে শুনি ?

অশ্র। লেখা পড়ে' অপরিণতবয়স্ক ছেলে-মেয়েরা নষ্ট হ'বে বলে'।

প্রভাত। এটাই মজা অশ্র, যারা এই অশ্লীলতা prosecute-করে তাদের নষ্ট হবার ভয় নেই, নষ্ট হবে তাদের স্ত্রী, তাদের ছেলে-মেয়ে। নিজেদের এই প্রকার নিশ্চিত superiority-বোধটা অত্যন্ত কৌতুকেব কিন্তু। পবেব জন্মে তার মাথা-ব্যথা, নিজে সে নিমূর্ক। আচ্ছা, সিনেমা দেখে ছেলে মেয়ে স্ত্রী খারাপ হয় না, রাস্তায় কুকুর দেখে, চৌরঙ্গিতে মেমদের পা দেখে? তুমি shocked হ'য়ো না অশ্র। শাস্তি দেবে বলে' যে অশ্লীল বই তুমি কেড়ে নিলে, তোমাব সেই অশ্লীল নামাক্তিত কবে' দেবার দরুণই কি তা হ-ছ কবে' উড়ে যাবে না? ছেলেরা ইস্কুলের ঠিকানায ভি পি করে' বই নেবে, স্ত্রীরা দেওরদের দিয়ে বাজার থেকে কিনে আনবে ডবল দাম দিয়ে। এইটেই সব চেয়ে মজার, সাহিত্যের শ্লীলতাব বিচার হবে criminal law অনুসারে, সাহিত্যিক রসবোধেব নিয়মানুসাবে নয়। যা সত্যিই কুশ্রী তা আপনিই যাবে শুকিয়ে, আদালতেব লাল ফিতে বেঁধে তাকে মবাদা দেবার কারণ কি? ছেলে-মেয়েদের খাবাপ হ'বে ভেবে তোমাবো যে মাথা ধরে' গেছে। ছেলে-মেয়েদের sex সম্বন্ধে train কর না কেন? বার্ট্রাণ্ড্ রাসেল্ এর মতানুসাবে তুমি তোমার ছেলে-মেয়েদের সামনে ব্যায়াম করবার সময় নগ্ন হয়ে তাদের মিথ্যা। রহস্য সন্ধিৎসা নষ্ট করে' দিতে পারবে? যেখানে mystery সেখানেই অশ্লীলতা। ছেলে যখন বাপকে শুধায় : এঞ্জিন কি কবে' চলে, এরোপ্লেন কি কবে' ওড়ে, বাপ তাঁর সাধ্যমত উত্তর দিতে কুণ্ডা কবেন না। কিন্তু যখন ছেলে বলে : বাবা, আমি কী করে' হ'লাম, তখনই বাপ আমতা আমতা কবে' জবাব দেবেন : তুমি টান্দ থেকে নেমে এসেছ, ঈশ্বর তোমাকে দিয়ে গেছেন। টান্দ থেকে যে নেমে আসা যায় না, ঈশ্বরকে যে চোখে

দেখা যায় না এবং বাপের ঐ আমতা-আমতা করে' বলার জগ্গেই ছেলের কাছে ব্যাপারটা দাঁড়ায় রহস্যচ্ছন্ন, বাপ দাঁড়ান মিথ্যাবাদী। ছেলের কোঁতুল বাড়ে, এবং যদি খারাপ হওয়া বল সে তখন থেকেই 'খারাপ হয়। সাহিত্য পড়ে' খারাপ হওয়ার ভয়, বাড়িতে গর্ভিনী আত্মীয়বর্গকে দেখে ভয় নেই? আস্তে হেসো, ভদ্রলোক জেগে উঠতে পাবেন। ঘুমিয়ে আছেন বলে'ই এতো সব কথা বলা যাচ্ছে।

একবার আমেরিকায় স্কুল-মেয়েদের sex-informationএর আদি-কারণ জানবার জগ্গে চেষ্টা হ'য়েছিল; বেশি মেয়ে যোগ দেয়নি—মোট ১৫৪ জন। তালিকা যা হ'য়েছিল তা দেখ।

প্রভাত পকেট থেকে এক টুকরো কাগজ বের করে' বললে,—এটা আমি টুকে রেখেছি।

অক্ষ পড়তে লাগলো :

পড়ে'	৭২
কথাবার্তা করে'	১৪
মাষ্টার, নান'দের কাছ থেকে	৬
চাকরদের থেকে	১৬
দেখে (পশুপাখি বাপ মা ছেলেপিলে)	২৬
আত্মীয় স্বজন	৮
বুড়োবুড়ির থেকে	১৩

মোট—১৫৫

অক্ষ বললো : তবেই দেখতে পাচ্ছ পড়ে'ই বেশি মেয়ে বকেছে।

প্রভাত হেসে বললো : কি কি পড়ে' বকেছে 'তারো একটা হিসাব নাও। বলে' আরেক টুকরো কাগজ বার করলো।

অক্ষ পড়লো :

বাইবেল

ডিম্বিনারি

এনসাইক্লোপিডিয়া

শেইকস্পিয়ার

ডিকেন্স

ডাক্তারি বই

স্পেন্সারের *Faerie Queens*

খ্যাকারে

অক্স' এলিয়েট

স্বর্ট

মটলির *Rise of the Dutch Republic*

প্রভাত । আমাদের দেশেও যদি হিসেব নেওয়া সম্ভব হ'তো তো
এরি অনুরূপ মজার ব্যাপার ঘটতো নিশ্চয় ।

এনসাইক্লোপিডিয়াতে অশ্লীলতার কোনো ব্যাখ্যা নেই, তার
বিচাবের কোনো মানদণ্ড পাবে না । সব মিলে বই-র বিচার হ'বে,
না, একটা লাইনে বা একটা মাত্র প্রাদেশিক শব্দে, তা বোঝা কঠিন ।
তুমি ত স্তন সঙ্কে আপত্তি করেছিলে কিন্তু ফ্রান্সে বঙ্লেয়ার স্তনের সঙ্কে
শ্রেয়সীর উদরের বর্ণনা করেছিলো বলে' কেলেঙ্কারির আর সীমা রইলো
না । পেটো তো কবিতাকেই বনবাসে দিতে চেয়েছিলেন তাঁর Re-
publicএ, সেখানে "পাখা সব কবে এব" এর মতো নিষ্পাপ কবিতারো
স্থান হ'তো না, তিনি হোমারকে পযন্ত সাফ করতে চেয়েছিলেন । সায়
দেবে তুমি ? দেখ আমরা খুব ভালো দলে আছি—কে নেই আমাদের
পক্ষে ? ইউরিপিডিস্, শেইকস্পিয়ার, শেলি—

অক্ষ । শেলি ?

প্রভাত। হ্যা শেলি। *Queen Mab*এ blasphemyর অন্য অভিযুক্ত হয়েছিলেন। তুমি নাম শুনে যাও : বায়রণ, মুসে, ওভিড, ভলটেয়ার, রুমো, গ্যাঘটে, মলিয়ার, ডষ্টরভস্কি—এমন কি সেন্ট অগষ্টিন্ পর্যন্ত।

অশ্রু খোলা চুলগুলি ছ' হাতে মুঠি ভরে' ধরে' প্রভাত বললো : পৃথিবীর অনিষ্ট কববে মানুষের এই passion ? এ কথা তুমি বিশ্বাস করতে পারো ? সমালোচকদের মতো এই বিশ্বাসে আমরা সত্যিই আনন্দ পাই না অশ্রু, যে মানুষ সব সময়েই অবনত অধঃপতিত হ'বার জন্যে উন্মুখ হ'য়ে আছে। আমরা মানুষের মহত্বপূর্ণ ব্যক্তিত্বে বিশ্বাস করি। তুমি কি মনে কব শেইক্সপিয়ার-এর *Venus and Adonais* না। পড়লেই নিষ্পাপ ও নির্মল থাকবে ? এই পৃথিবীতে একমাত্র ঋতুসংহাবই কি পুণ্যসংহাব করতে বন্ধপরিকর ? এই পৃথিবীর পাপ ও লোভ, রোগ ও দাবিদ্রোহ (সবগুলিই মানুষের অনিষ্টকারী) মাঝে থেকেও যাবা ছ'চাবটে সংস্কৃত শ্লোক পড়তে ভয় পায়, sexএর নামে যাদের বহুষ্টকার হয়—তাদের সঙ্গে কা'ব তুলনা দেব ? একবার কোন্ এক ফাঁসির কয়েদিকে ফাঁসি-কাঠে লটকাবে বলে' জেল থেকে নিয়ে যেতে এসেছিলো। জেল থেকে ফাঁসি ব জায়গা কতটুকুনই বা পথ ! বৃষ্টি এসে গেল হঠাৎ। কয়েদি বললে : ছাতা দাও, ভিজতে পারবো না। ছাতা মাথায় দিয়ে কয়েদি ফাঁসি-কাঠে গলা পাতলে। এরাও সব যেন তাই,—ফাঁসি কয়েদি হ'য়ে ছাতা খুলেছে। কিন্তু ঢের হয়েছে অশ্রু, আর না।

আর না মানে, আব কথা নয়—এইবার একটু বিশ্বাস করা যাক। ঘুম অবশি খুব পাচ্ছে না, তবু দেহটাকে একটু প্রসারিত করতে পারলে আয়েস হ'ত। এই ভেবে প্রভাত মাথাটা একটু হেলিয়ে দিতেই অশ্রু

বুকের কুলায়ে আশ্রয় পেলো। গাড়ি পুরো দমে চলেছে,—অঙ্কার ক্রমেই আবছা হ'য়ে আসছে। ভদ্রলোক আডমোডা ভেঙে পাশ ফিরলেন; অশ্রু চঞ্চল হ'য়ে উঠতে চাইছিলো, কিন্তু বুকের ভার রইলো অটল হ'য়ে। এমনি উদাসীন হ'য়ে আধ-শোয়া অবস্থাটা মন্দ নয়। গেলো অনেকক্ষণ কেটে। নৈহাটি ছেড়েছে। প্রভাত উঠে' বসলো, কিন্তু বায়রণের কবিতাব দু'টো লাইন্ বলাব জন্মে। ঐ লাইন্-দু'টো বলবার প্রয়োজন হ'ত না যদি না অশ্রু (বোকার মতো) বলে' উঠত : কী গরম !

অতএব প্রভাত ভেবে দেখলো লাইন্ দু'টো বলা দবকার :

**"What men call gallantry and the gods adultery,
Is far more common where the climate's sultry."**

বলে' দু'হাত দিঘে খুব বড়ো একটা গোলাপফুলের মতো অশ্রুর মুখ একেবারে নিজের মুখের কাছে তুলে আনলে। হনিউডে হ'লে এখানে খুব এটা চমৎকার close-up হ'ত সন্দেহ নেই।

আগে থেকেই চিঠি দেওয়া ছিলো। সব ঠিক-ঠাক। অশ্রুকে হোটেনে পৌছে দিয়ে প্রভাত হারিসন রোডের মোড়ে এসে বাস নিলে। বাড়ি এসে গেল পনেরো মিনিটে। ওদেব গলিতে পা দিয়ে দেখলো কিছুই বদলায় নি। আশ্চর্য্য। বাকের বসে' তেমনি উড়ে দোকানিটা ফুলুরি ভাঙ্ছে, ফিরিওলা তপসে-মাছ হেঁকে যাচ্ছে, রাস্তার ওপরে কর্পোরেশানের একটা নো-বোর্ড লাগানো, দূরে একটা বোলার দাঁড়িয়ে। এই ওর পরিচিত পৃথিবী! আশ্চর্য্য! বাড়ি ঢুকে নিশ্চয়ই দেখতে পাবে মা ছাতে ঘুঁটে দিচ্ছেন, নাটু গালেব ওপরে মাছি তাক করছে। ওব বাড়িটা তেমনি বিবর্ণ বিমর্ষ হ'য়েই আছে। বাড়িটা মেঘলোকে প্রমোশান পায় নি।

নাটু বারান্দায় বসে' মহাশূণ্যকে মুখ ভেঙ্চাচ্ছে; পাছে দাদার পায়ের শব্দ চিনে আনন্দে চিৎকার করে ওঠে সেই ভয়ে প্রভাত অতি নিঃশব্দে পা ফেলে ফেলে ধরে ঢুকলো। সারা নাত্রিব অনিদ্রা—শবীর পড়ছে ভেঙে; তবু জুতো-জামা না খুলেই ভাঙা চেয়ারটায় বসে' পড়ে' পা ছড়িয়ে দিলো। নাটু এখন তার মাথার চুলগুলো টেনে-টেনে দেখছে দাঁত দিয়ে কামড়ে ধরা যায় কি না।

এখুনি মা এসে পড়বেন—অন্য কাজে ব্যস্ত আছেন নিশ্চয়। মা এসে গেলেই ফুরিয়ে গেল! স্নান করতে যা, পোস্তর বড়া হয়েছে গরম-গরম, চল্ আফিসে, জুতো ছুটো বুকশ' করে' নে—যা ধুলো জমেছে! মাথার চুলগুডি ববে কাটবি? কেমন লাগল 'জলপাইগুলি? কি বললে অশ্রু? বাপ্ জায়গা দিচ্ছে?

খেয়ে-দেয়ে পেটের ঝাঁ দিকে একটা বেদনা নিয়ে ছুটে ওর বাস্ ধরতে হ'বে—দাঁড়িয়েই যেতে হ'বে, আফিস-টাইমে জায়গা নেই বসবার। আফিসে গিয়ে চেয়ার টেনে বসতেই সামনে ওর সেই নাক্-চ্যাপটা ভবানীবাবুর সঙ্গে দেখা হ'য়ে যাবে—দেশলাইর কাঠি বার করে' অনবরত দাঁত খোঁচাচ্ছেন। কে একজন নাকি পিন দিয়ে দাঁত খুঁচিয়ে মরে' গেছেন। আচ্ছা, জাপানে না কি চুমু খাওয়া বারণ হ'য়ে গেছে, কারণ প্রতি চুমুতে নাকি হাজারে-হাজারে বীজাণু ঠোঁঠের খেয়া পারাপার করে। অশ্রুর যদি টি. বি থাকে? বাঙলা দেশে এত লোক টি. বি. তে মরে অথচ একটা স্ত্রানটোরিয়াম নেই। শেষকালে লুট হাম্‌স্‌ন্ পর্যন্ত টমাস্-মান্-এর দেখাদেখি স্ত্রানটোরিয়াম নিয়ে বই লিখলে : *Chapter the Last*। বাঙলা দেশে একটা থাকলে আরো কি গল্প লেখবার খোবাক জুটতো। আচ্ছা, টি. বি-টা খুব কাব্যিক ব্যারাম, তাই সব লেখকই বক্তামাশয় বা বেরিবেরি ছেড়ে টি. বি.-র রক্তরাগে ক্রমাল রাড়িয়েছেন। প্রেমসীদেব বেরিবেরি হ'য়ে পা ফুল্লে আর রক্ষে ছিলো না, কোনো প্রিয়াব গলগণ্ড হয়েছিলে' শোনা যায়নি। পৃথিবীতে কী রোগ নেই? যদি কেউ এসে বলে : একটা লোকের ঝাঁ কানটা ডান কানের জায়গায় এসে উল্টে' বসেছে—প্রভাত তা-ও বিশ্বাস করবে। মানুষের এইটুকুন শরীরে ছ শ' ছাপ্পানটা ব্যাধি। তবু তাকে চোখ লাল করে' তন্নি করা হ'ল কি না—ভালো হও। শরীরে রক্ত দিয়ে বললে কি না—সচ্ছরিত্র হও ; মহয়ার ক্ষেত তৈরি করে' বলা হ'ল—ওখান দিয়ে হেঁটো না, গড়িয়ে পড়বে। মহয়া নামটি বেশ। বধুকে পাবার আগের ডাক-নাম, পেল পবে তার নাম হওয়া উচিত ড্রাক্কা। একবার কে এক মাষ্টার ড্রাক্কার মানে করেছিলো কিসমিস। 'বক্ষে ড্রাক্কা গুচ্ছে গুচ্ছে'—এমন একটা

লাইনের টুকরো এতদিনে বাঙলা কবিতায় পাওয়া গেলো। বাঙলা কবিতা নিয়ে মাথা না ঘামালেও চলবে—মার গলার আওয়াজ পাওয়া গেছে। ঘরের দিকে এসে পড়লেন বুঝি। ও এতক্ষণ অশ্রুকে না ভেবে বেরিবেরি নিয়ে রিসার্চ করছিলো। সত্যি, অশ্রুকে এত কাছে পেয়ে এসেছে অথচ ওকে ভাবা যাচ্ছে না। আকাশ-ভরা রোদের দিকে চেয়ে জ্যোৎস্নার কথা ভাবা মুশ্কিল। অশ্রুর চোখ ভাবতে গিয়ে ভুরু মনে পড়ে, ভুরুর দীর্ঘতা অনুসরণ করতে গিয়ে মাঝপথে হঠাৎ ঠোট দু'টি এসে আব্দার জানায়। এতো নিবিড় করে' অশ্রুকে স্পর্শ করা হোল অথচ ওর হাতের আঙুলগুলো নিয়ে নাড়াচাড়া করা হয়নি! সিংহের সৌন্দর্য যেমন কেশরে, নারীর সৌন্দর্য তেমন নখাকুরে! প্যারিস্ যে হেলেন্কে চুরি করে' নিয়ে গিয়েছিলো তা শুধু হেলেনের আঙুলে প্রলুক হ'য়ে। রামের চেয়ে মেনিলিউস্ কত উদার—সীতাকে অগ্নিপ্রবেশ করতে হয়েছিলো, হেলেন্ একেবারে স্বামীর বাহুপ্রবেশ করলে। একেই বলে গ্রীক। আচ্ছা, টেলিমেকাস্-এর সঙ্গে হেলেনের মেটা কি সত্যি? টেলিমেকাস্টা ভারি ভীক—আমাদের লক্ষ্মণ-টাইপের। লক্ষ্মণটা চোদ্দ বছর সীতার পা-ই দেখলে—এতো বড় শুজ্বুক বান্নিকী ছাড়া কেউ কল্পনা করতে পারতো না। আচ্ছা, বান্নিকী হ'লে ট্রেনের সেই ভদ্রলোককে সেই ব্যাধের মত অভিশাপ দিতেন? সেই ভদ্রলোক কেমন ঠেসে ঘুমুলে! ভুঁড়িটি কি অটুট! অশ্রুকে অত সব বক্তৃতা না দিয়ে কোলের ওপর ছোট খুকটির মতো ঘুম পাড়িয়ে দিলেই ত' হ'ত ভালো। চোখের পাতায় চুমু খাওয়াটা এলিজাবেথান্ যুগে একটা ফ্যাশান্ ছিলো, ভালবাসারো ফ্যাশান্ বদলায়। passion-এর জন্মেই passion, যেমন আর্টের জন্মেই আর্ট—এ নিয়ম উঠে গেল কেন? Paolo ও Francesca-র

ভালোবাসো ভুলতে ভালো—নরকেও তারা বিচ্ছিন্ন হয় নি, কিন্তু তেমন ভালোবাসা বিংশ শতাব্দীতে সহিবে না—Paolo, Francesca-র কি-রকম আত্মীয় ছিলো, বিয়ে হ'তে পারতো না—তবু তাদের মিলন হ'ল। আচ্ছা, অর্জুন তো তাব মামাতো বোন সুভদ্রাকে পরম আরামে বিয়ে করলে। মাদ্রাজে কোনো কোনো জাতে নিবিবাদে ভাগ্নিকে বিয়ে করা চলে। বড়ো সব মজার আইন,—মনু মতে বাপের ও মার দুই দিকেই সাত ঘন বাঘন, পৈথিনসির মতে বাপের দিকে পাঁচ ঘন ও মার দিকে তিন। বাঙালি ব্রাহ্মণবা তাই নিঃসহকাবে পালন করছেন,—মনু এখানে অমান্ত। আবার বেদ কী বলে শোন। বেদের মতে পিসির মেঘে আর মামার ছেলেতে পরম বন্ধুতার সুযোগ আছে এবং উল্টোউল্টি। মাদ্রাজিবা চালাক—এই নিয়মটা লুফে নিয়েছে। অস্তঃপুরে cousinদের মধ্যেই যে প্রেম ভালো জমে এ-কথা অস্বীকার করা আব বেদকে ভ্রান্ত বলা সমান মিথ্যা। বাইবে আক্র, ভেতরে মিল—এমন একটা মধুব সম্পর্কের ক্ষেত্র আছে বলে'ই বাঙালির অস্তঃপুর বলতে আজো আমাদের মন আনচান করে' ওঠে। আচ্ছা, এমন যদি হয় (হ'লেই হ'ল) অশ্রু ওব বোন—মামাতো মাসতুতো নয়—একেবারে সহোদরা! ধবা যাক্, শিশুকালে অশ্রু যাব মরে'—শ্মশানে নিয়ে যায়, খুব বৃষ্টি নামে, শব ফেলে সব শ্মশান-বন্ধুরা আশ্রয় খোঁজে, বৃষ্টি থামলে এসে দেখে শব অন্তর্দান করেছে। এবং সেই শব যদি আজ (ধবা যাক্) কুড়ি-বছর পবে বোন বলে' মাটি-ফিকেট দেখায়—তবে? সত্যি, উগ্র ও উন্মুখ অধরৌষ্ঠেব কাছে অশ্রুর আত্মদানে মহত্ব আছে। অশ্রুব গলা ঠিক শব্দের মতো। এবার কাছে পেলে ও ভালো করে' অশ্রুকে দেখবে খুঁটিয়ে খুঁটিয়ে। দেহের মতো সৌধ আর আছে কী? পৃথিবীতে কিছুই

সম্পূর্ণ করে' দেখা হয় না। মানচিত্রে ওপোর্টো বলে' যে-জায়গা আছে এ-জন্মে তার মাটি ও মাড়িয়ে আসতে পারবে না। এই সময়ে ব্রুনে গ্রীন পার্কে যে মেয়েটি বেড়াচ্ছে (একটি না একটি মেয়ে নিশ্চয়ই সে-পার্কে এখন আছে) তার সঙ্গে আলাপ করা হবে না। সত্যি, কত অল্প আয়,—কী ভীষণ! এতো আশা অপূর্ণ থেকে যাবে—এতো সব স্পর্শাতীত হ'য়ে রইলো! হাত বাড়িয়ে আকাশকে পাওয়া যায় না বলে'ই নাকি আকাশ সুন্দর! পেতে পারে না বলে'ই মানুষ ছোট। ছোটখাটো জীবন—ছোটখাটো সংসার—মন্দ কি? ছোট একটি বিছানা—ছ'টি করে' ছোট ছোট হাত পা—একটি শিশু! যদি শুধায় কোথেকে এলাম—প্রভাত তার ঠিক উত্তর দেবে—অন্ধরে অন্ধরে। অশ্রুকে লজ্জিত হ'তে দেবে না।

দুপুরে একটা কাণ্ড ঘটে' গেলো। খাওয়ার পর খানিকক্ষণ পাইচারি করা অশ্রম অভ্যাস। এবং আজকে ইস্কুল বলে', কোনো উপদ্রব নেই বলে' দুপুরে নিশ্চয়ই একটু ঘুমুনো যাবে। বেশ পরিষ্কার তক্তকে বিছানা—অচেনা বিছানায় চট করে' ঘুম আসবে না বলে' অশ্র একটা দৈনিক কাগজ যোগাড় করেছে। এই শেষ বিজ্ঞাপনটা পড়া হ'লেই কাগজটা বাতাহত কদলী-পত্রবৎ ভূপতিত হ'বাব আয়োজন করবে এমন সময় দোর গোড়ায় জুতোর শব্দ হ'ল। অশ্রম জিহ্বা এমন অসাবধান যে চুলকে উঠলো : এসেছ ? যেন আফিস পালিয়ে এলেই প্রভাতেব চতুর্ভুজ ফললাভ হ'বে ! কিন্তু এটা স্পষ্টই বোঝা যাচ্ছে জুতোব অধিকাংশটা নিশ্চয়ই প্রভাত নয়—অশ্রম সেজকাকা।

অশ্রম বিছানার ওপর উঠে বসে' দু'হাত পেছনে তুলে একবাজ্যের চুল নিয়ে হাঁপিয়ে উঠলো। সেজকাকা মোজা চেয়াপ টেনে বসে' পড়লেন, মার্চ করতে এসে পুনিসেব কতাব বোধকরি এমনি মনোভাব হয় ; অপারেশান্-এর আগেব মুহূর্তের কগীব মতো অশ্রম সহসা নার্ভাস হ'য়ে পড়লো। তবু তাড়াতাড়ি নিজেকে সামলে নিষে খাট থেকে নিচু হ'য়ে সেজকাকাকে প্রণাম করবাব জগ্ন হাত বাডালো, কোঁচা দিয়ে সেজকাকা জুতো রাখলেন ঢেকে। বোঝা গেল প্রণাম তিনি নেবেন না।

কিন্তু কথা আবস্ত হওয়া দরকার। সেজকাকাই গলা খাখ'বে নিলেন, বললেন,—কার সঙ্গে এলি ?

অশ্রম তখন খাটের একেবারে ধারটাতে বসে' হাঁটুটুকোকে একটা acute angle ঝাঁকিয়ে পা-দুটোকে দিয়েছে খাটের তলায় চালিয়ে ! দুই চোখে বুদ্ধি ও' প্রতিভা যেন চক্চক্ করছে,—লনাটে প্রতিভার দীপ্তি। হাত দু'টি যে টান করে' রেখেছে বিছানার ওপর তাতে পর্যন্ত

যেন নিঃশঙ্কতার একটা ভাব আছে। হাঁটু দুটো একটু ছুলিয়ে ও গরু কণেকের আয়বিক দৌর্বল্যকে ধমক দিলে। বললে—জনপাইগুড়ি থেকে এক ট্রেনে একলা চলে' আসার মধ্যে অন্ধেরো বীরত্ব নেই! তবে সৌভাগ্যবশত একলা ছিলাম না, সঙ্গে সাথী ছিলো।

সেজকাকার এত রাগ হ'ল যে পাঞ্জাবি গলাব বোতামটা খুলে ফেলতে হ'ল। বললেন—কে সে লোক ?

অশ্রু অক্ষরগুলো স্পষ্ট করে' উচ্চারণ করলো : শ্রীপ্রভাতমোহন—

সেজকাকার মুখের যা একখানা হাঁচ কবলেন ষ্টাডি-হিসেবে যে কোনো মিউজিয়মে স্থান পেতে পারে : ঐ হতচ্ছাড়া বিশ্বঘাটে ছোঁড়াটা—ঐ চবিত্রহীন—

অশ্রু বীতিমত কোতুক বোধ কবলো। প্রভাতের নাম মাহাত্ম্য এমন প্রবল ভাবে হি'সেও হ'ল একু। হাসির ভুবুড়ি চেপে একটা কিছু বলা দবকার, তাই : চক্ষু না থাকলে তাকে অন্যাসে চক্ষুহীন বলা যায়, কিন্তু চবিত্র বস্তুটি যে কোথায় আছে, বা কোথায় নেই occultist'বা পবস্তু সন্ধান পান না।

এব উত্তর কি হ'তে পাবে সেজকাকাকে তা ভাবতে দিয়ে ইতিমধ্যে আমবা তাঁর দেহবর্ণনাটা সেরে নি। এটা অবশ্য খুব জরুরি নয়, তবু সেজকাকাকে আমাদের মনে ধবেছে। সব চেয়ে যেটা প্রথবরূপে ব্যক্তিব্যঞ্জক তা হচ্ছে সেজকাকার মুখে পড়া নাক, অনেকটা ধনেশ পাখির ঠোঁটের মতো—এবং সেই নাকের ওপর একটি মটর দানার মত ছোট আঁচল। দেখলেই কড়ে' আঙুলেব টোকা মেরে ফেলে দেবার পরখ করতে ইচ্ছা করে—আঁচলটা এমনি আনুতো হ'বে বসেছে। এটুকুই যদি সে মুখের বিশেষত্ব হ'ত—তা হলে বোঝা যেতো সেজকাকা মাত্র পিউরিটান, কিন্তু সেই উচ্চতথঙ্কের মতো

নাসিকার তলদেশে একটি স্থূল ও হৃষ্টপুষ্ট গুম্ফ বিবাজ করছে, শুধু বিবাজ করছে না, সম্মার্জনীর মতো একটা মার্জনহীন রুক্ষতা নিয়ে সর্বদাই মারমুখো হ'য়ে আছে। গৌফের প্রত্যস্ত প্রদেশ-ভুটে। আগে ঠোঁটের সমাস্তবাল করে' ছাঁটা ছিল, কিন্তু একদিন অবাধ্য স্কুব গল্পের সেই আদর্শ বিচারক বাদবের মত সমান করে' গৌফের চৌহদ্দি ভাগ করতে গিয়ে গুম্ফটিকে একেবানে নামাবন্ধন তলায় ঠেলে এনে তাব দাবোযানি দিয়েছে। এবং তাতেই চেহারাব আরেকটি বিশেষণ বেড়েছে : পরনিন্দুক।

অশ্রব কথার উত্তরে সেজকাকা কিছুই ভাবতে পারলেন না। অতএব প্রশ্ন পাল্টানো আবশ্যকীয় হ'য়ে উঠলো। বললেন—বাডি না গিয়ে এখানে এসে উঠেছিঁস্ যে ?

মিহি করে' হেসে অশ্র বললে—বাডর দরজা ত' তোমরাই বন্ধ করে' দিয়েছ। আমাকে তোমরা যে অপমান করেছো একমাত্র মেধে হয়েছি বলে'ই আমাকে তা পিঠ পেতে সহিতে হবে এতো বড় অমানুষ হ'য়ে তোমাদের বংশে আমি জন্মাইনি, সেজকাকা।

হেসে কথাটা বললে বলে' কথাটা সেন্টিমেন্টাল্ হ'ল না। সেজকাকা তাঁর গুম্ফবিন্দুটি উন্নত করে' (ঘৃণাব পরিচায়ক) বললেন—তুমি যথেষ্টাচারী হ'য়ে ঘুরে বেড়াবে আর আমরা অভিভাবক হয়ে তাই দেখে নির্লিপ্তের মতো হাই তুলবো আমাদের কি এত বড়ো অমানুষ হ'তে উপদেশ দাও নাকি ?

বোঝা গেলো সেজকাকা চটছেন, সম্বোধনের ভাষা তাঁর মধ্যমপুরুষে পল্লব হয়েছে। অশ্র বিনীত স্বরেই বললে—ভাষার যথেষ্ট প্রয়োগের জন্যে কতগুলো কথার অপপ্রয়োগ ঘটেছে, নইলে যথেষ্টাচারী কথাটা

শুনতে যতো। খারাপ তার সত্যিকারের অর্থটা তত গুণ্ডাকারজনক নয়। নিজে যা ভাল বলে' বুঝবো অকুণ্ঠচিত্তে তাই পালন কব্বো—এর মতো চবিত্রগর্ব আব কি আছে? পরেছাচাবজনিত অপমান আর আত্মহত্যা সমান জিনিস।

সেজকাকার এবার দাঁত দেখা গেল, পান-খাওয়া পোকা কাটা দাঁত, অর্থাৎ—খেলো কথা ভাষায় বলতে গেলে—সেজকাকা দাঁত খিঁচোলেন : তাই বিয়ের সভা থেকে পালিয়ে যাওয়া'ক তুমি চবিত্র-গর্বের নমুনা বলে' আত্মতৃপ্তি লাভ করছো?

ঘাড়ের ওপর খোঁপাটাকে জুং করে' বসিয়ে অশ শাদা খরখরে গলায় বলল—সে তিন বছরের কথা। কেন পালিয়ে এসেছিলাম তার অর্থটা এখন অস্পষ্ট হ'য়ে এসেছে বটে, কিন্তু মিথ্যা হয় নি। যদি তুমি শুনতে চাও ত বলি।

গুন্ডবিন্দুকে সূচ্যগ্রবৎ তীক্ষ্ণ করে' সেজকাকা বললেন— শুনি।

অশ্রু ডান হাটুর ওপর অতি ধীরে বা calfটি স্থাপন কব্বলো, বিছানায় আধখানা কাং হ'তে পারলে অতীত দিনেব গল্প বলায় যে সহজ একটা সুখ আছে তা সম্পূর্ণ করে' সম্ভোগ করা যেতো, কিন্তু সেজকাকা নেহাৎই সেজকাকা। পায়েব ওপর পা তোলাটি পযস্ত তাঁন লক্ষ্যভ্রষ্ট হ'ল না। অশ্রু বলল—বিয়েতে সম্মত হওয়াটাই প্রথমত আমার ভুল হয়েছিলো, শতকরা নিবানবুই জন বাঙালি মেয়েব মতো আমিও যাচাই করে' দেখলাম না—বিয়ে কবতে আমি প্রস্তুত আছি কি না। নানান পারিবারিক ঘটনা-আবতে পড়ে' আমিও একটা খড বরতে ছুটেছিলাম। কিন্তু ভুল আমার ভাঙল,—ঠিক বিয়ে'ন লগ্ন এসে পৌঁছতেই। ভুল যদি ভাঙলই, ভাঙুক, তার সময়টা ঠিক পাজির সঙ্গে মিল বাখছে কি না সে-দেখবার সময় আর ছিলো না। পাললাম। কেন বিয়ে করছি,

কাকে বিয়ে করছি এই প্রশ্নগুলো এমন গোলমাল বাধিয়ে তুললো যে বিয়ের বাণ্ডি আমার কানেই ঢুকলো না।

সেজকাকা। বিয়েটা ভুল হচ্ছিল কিসে? এমন সুযোগ্য পাত্র।

অশ্রু। সেখানেই লাগলো খটকা—ঠিক সুযোগ্য কি না। তা ছাড়া পাত্র সুযোগ্য হ'লেই মিলনটা সুভোগ্য হবে কি না—

সেজকাকা ধমকে উঠলেন : তাব মানে ?

অশ্রু। ঐ তো মুশ্কিল, তুমি সেজকাকা হ'য়ে বসে' থাকলে খোলা-খুলি কিছুই বলা যাবে না। সম্পর্কের মিথ্যা সৌজন্যেব খোলস না ধসাতে পারলে পদে পদে আমার বাধবে। Confession করতে গিয়ে যদি দেখি যে পুরোত ধমকাচ্ছেন তা হ'লে পুবোতেবো। ধর্গচ্যুতি ঘটে। ডাক্তারের কাছে নোগেব হিষ্টি বলতে কগীব লজ্জা কবলে চলে না, উকিলের কাছে মক্কেল যদি মিথ্যাবাদী হয় তা হ'লে মোকদ্দমা যাব ফেসে। তোমার অভিভাবকত্বের সিংহাসন ছেড়ে তুমি যদি আমান মদে সমতল জায়গায় এসে না দাঁড়াও, তা হ'লে আমাকে প্রশ্ন করা বৃথা।

চেয়ারে সামান্য স্থান পরিবর্তনপূর্বক দেহভার পুনঃস্থাপন কবে' সেজকাকা বললেন—আচ্ছা।

অশ্রু বাঁ পায়ের পাতাটি সামান্য একটু ছুলিয়ে-ডুলিয়ে বলে চললো : শতকরা নিরানব্বই জন বাঙালি মেঘের মতো দূরদণ্ডিতাহীন অন্ধ আত্ম-দানের লজ্জা আমার সহিলো না, আমি ঐ বাকি একজন। আমি অসাধারণ। বাঁ হাতে ত্যাগ করবাব স্বাধীনতা না বেখে দক্ষিণ হস্তে আমি গ্রহণ করতে বাজি নই। আমি বাবে বাবে গ্রহণ করবো, বাবে বাবে আমার যাত্রার প্রতিবন্ধককে উত্তীর্ণ হ'য়ে যাবো। সেই পণ করে'ই সেদিন বেরিয়েছিলাম।

সেজকাকা। তাই আমাদের সবাইব মুখে কলঙ্কের কালি মাখিয়ে তুমি এমন একটা অনাচার করলে !

অশ্রু। কণ্ঠের হাডে যদি থাইসিসের পোকা পাওয়া যায়, তবে সে-হাড উপড়েই ফেলা উচিত, কণ্ঠভরণ শোভা পাবে না ভেবে সেই পচা হাড পুষে' বাখ, স্বাস্থ্যের লক্ষণ নয়। তোমাদের কলঙ্কের কালির ভয়ে আমার জঘন্য আত্মবলিটা নীতিশাস্ত্রের দিক থেকে যতই কীর্তিত হ'ত না কেন, আমার পক্ষে সেটা হ'ত পরম অসতীত্ব। (এখানে সেজকাকা একটা মুখভঙ্গী করলেন) একটা ভুল যদি করে'ই থাকি তা সংশোধন করবার স্বাধীনতা আমার থাকবে না—সমাজের এই জুলুম আমি মানবো না। একটা গোটা মানুষের চেয়ে তোমাদের দশ জনের আরামের সমাজ নিশ্চয়ই বড়ো নয়। তা ছাড়া—

সেজকাকা ছু'পাটি দাঁত দৃঢ়বদ্ধ কবে' কীটকৃত দস্তবন্ধ দিয়ে আওয়াজ করলেন : তা ছাড়া ?

অশ্রু। তা ছাড়া আমার এই বিয়ের পেছনে একজনের বেদনা ছিলো। তখন মন ছিলো কাঁচা, আমার মিলনোৎসবে কোনো উপবাসী আত্মা পিপাসার্ত চাতকের মতো চেয়ে আছে এ ভাবতে আমার হৃদয় বেঁদে উঠলো। সে-দিনের কথা বলছি, নইলে সেই মিলন যদি আমার সতি হ'ত তা হ'লে অশ্রুবর্ষণকে আমি গ্রাহ্য করতাম না। সে মিলন শালগ্রাম পাথরের মতোই মিথ্যা বলে' আমি বেকলাম, এনং যেখানে এসে প্রথম বিশ্রাম নিলাম সে হচ্ছে প্রভাতের বাড়ি।

সেজকাকা। যে ছেলে এমন কবে' কাঁদলে তাকে বরণ করলেই তো ল্যাঠা চুকে যেতো।

অশ্রু। ওর কাঁদা মোছাতে গিয়ে আমাকে হ'তো কাঁদতে,—ল্যাঠা চুকতো না। তা ছাড়া কাঁদতে পারাটাই ভালোবাসার পরম মূল্য নয়।

সে-পরীক্ষাই আমার, সে-অনুসন্ধান। তোমাব সঙ্গে এ-সব বিষয় নিয়ে সবিস্তার ব্যাখ্যা করায় অস্ববিধা আছে। তুমি যে আমার সেজকাকা এ-কথা তুমি কিছুতেই ভুলতে পারছো না।

সেজকাকা জোর দিয়ে উঠলেন : নিশ্চয়ই না। ছেলে হ'লে বেত নিয়ে আস্তাম, একান্ত মেয়ে হয়েছিস বলে'ই—

অশ্রু গম্ভীর হ'য়ে বললে : তাই শুধু ধম্কে অভিভাবকত্ব মাইনে নিতে এসেছ ?

ঘৃণায় মূখ কুঞ্চিত করে' সেজকাকা বললেন—তাই পুরুষ দেখে বেড়ানোই তোমার পবমার্থ ? এই তোমার পরীক্ষা !

অশ্রু কঠিন হ'য়ে বললে—*Don't be vulgar.* (হঠাৎ এব ফের জয়েম-এব কথা মনে পড়লো। সব অশ্লীলতাই ঠাইলে, ব্যবহাবে। *Per se* কোনো জিনিসই অশ্লীল নয়। ঐ কথাটাই যদি সেজকাকা এ-রকম ক'নে বলতেন : নব নব জীবনের স্পর্শ ও স্বাদ পাবাব জন্মে— তা হ'লে ভাষাটা ববীজনাথিবো অযোগ্য হ'ত না।)

সেজকাকা চেয়ার ছেড়ে উঠে' বললেন—তা হ'লে যাচ্ছিস না তুই বাড়ি ?

অশ্রুও উঠে পড়লো, আর সঙ্গে সঙ্গে খোঁপাও গেলো ধূপ্ কবে' ভেঙে। এবার অশ্রু আর খোঁপা মেরামত করতে বসলো না। দীর্ঘ, ঘন চুল—ঠিক এমিলিয়া ভিভিয়ানিব চুলের মতো। সবাক্ষে ওর *greek contour* (*contour* এর বাঙলা কবা যাক দেহবন্ধিমা)

অশ্রু বললে—এব পরেও তুমি যেতে বল ? তোমাদের বলহুভাজন হ'য়ে।

সেজকাকা। কিছু তোমাব নামে চতুর্দিকে তো টি টি পড়ে' গেছে। জনপাইগুড়িতে তো কম কেলেকাবি কর নি।

অশ্রু। জীবনের অভিধানে ও শব্দটার বিভিন্ন অর্থ, সেজকাকা। সে-জন্মে আমি মাথা ঘামাই না, তোমরাও না ঘামালে ঘুমতে পারবে। যে পঞ্চসতীর নাম কবে' তোমাদের মহাপাতক নাশ হয়, আমিও না-হয় তাদের দলভুক্ত হ'লাম। ক্ষতি কি ?

ইদানি বেলাগুলো আচম্কা পড়ে' আসে; আকাশকে বোগী ভাবলে ভাবা যেতে পারে ও হাট-ফেইল্ করলে। এমনি সময় ব্যাপারটা ঘোনালো হ'য়ে উঠলো প্রভাতের আবির্ভাবে—আকস্মিক ও প্রত্যাশিত। সেজকাকা বলে' উঠলেন : এই যে।

এবং কালবিলম্ব না করে' প্রভাতের একটা হাত ধরে' তাকে বাইবে গাবান্দায় টেনে আনলেন। ব্যাপারটা বেশ নাটকীয়, নাই বা হ'ল সন্দেহ—আমাদের বঙ্গবঙ্গমকে অনায়াসে চলতে পারে। ওবা বেরিয়ে গেলে অশ্রু খোঁপা বাঁধতে বসলো।

গাবান্দায় দু'টো চেযাবে দু'জনে বসলো। স্বর নিচু ক'রে নাকের নাচিলটি একটু চুলকে সেজকাকা বললেন—আপনি ত অশ্রুকে ভালোবাসেন, না ?

প্রভাত ঘাব্ড়ে গেলো; তাব চেয়ে, আকাশে ক'টা তারা আছে জিগ্গেস্ করলে একটা আন্দাজি উত্তর দেওয়া সহজ হ'তো। উত্তরের যাখার্থ্য প্রমাণ করতে প্রশ্নকতাবই হ'তো মুস্বিল। এমন একটা প্রশ্ন নিয়ে কোনো বিজ্ঞানই ভয়ে ঘাঁটাঘাঁটি করে নি। যা-ই উত্তর দাও, সম্পূর্ণ হ'বে না। যদি বল, ইয়া, সন্দেহ ঘুচবে না; যদি বল, না; ঘুচবে না ভয়।

প্রভাত বললো এখনো বুঝতে পাবিনি।

সেজকাকা ভাবলেন এই বিনয়ই চরিত্রহীনতা। তবু অসন্তোষ দমন করে বললেন—অশ্রুকে বিয়ে করুন না কেন! আপদ যায় চুকে'।

এর উত্তর হ'ল কাটখোটা। প্রভাত ঠাট্টার স্বরে বললো—
মোটো মাইনে পাই পয়ষটি টাকা, ঐ টাকার মাইনেতে কিছুই চলে
না মশাই।

সেজকাকা একেবারে হাওড়া ব্রিজ থেকে গঙ্গায় পড়লেন; কিন্তু
ডাঙা পেতে দেরি হ'ল না। ডাঙা যখন পেলেন চোখ তাঁর রাগে ও
অপমানে রাঙা হ'য়ে উঠেছে। সামনের খেতপাথরের টেবিলের
ওপর একটা ভীষণ ঘুঘি মেরে বলে' উঠলেন : তোমাদের এই নষ্টামি
আমি দেখে নেব। বলে'ই ডান-হাতে কোঁচা ধরে' তিনি উঠে
দাঁড়ালেন। সাঁ সাঁ করে' বেরিয়ে যাচ্ছেন, অশ্রু তাড়াতাড়ি চৌকাঠের
কাছে এসে হাঁকলে : তিনুকে একদিন পাঠিয়ে দিযো কিন্তু।

প্রভাত সেই বারান্দার চেয়ারে বসেই হাঁক দিলে : বয়! চা
নিয়ে এসো।

ম্যানেজারকে বলে' অশ্রু ঘরে একটা ইঞ্জি-চেয়ার আনিচ্ছে।
 রাতের খাওয়ায়ো অনেকগুলি কোর্স দেয়; অশ্রু ভোজনব্যাপারে
 অতিমাত্রায় বর্বব হ'লেও এত সে গলাধঃকরণ করতে পারে না।
 ইস্কুলে যখন পড়তো তখন কম খাওয়াই ছিলো লেডি হওয়ার নিশান,
 —কিন্তু লেডি হওয়ার সাধনায় ইদানি টিলে দিয়ে অশ্রু বড বড গ্রাস
 মুখে পুরে' শব্দ কবে' খায আর অত্রাঙ্গ পোষাক পনে' ব্যায়াম কবে।
 শবীর তার এত সেরেছে যে অটো ভ্যাকসিন্ নিয়েছে বলে' ভুল হয়।

ইঞ্জি-চেয়ারে চিৎ হওয়া যতটুকুন সম্ভব শরীরকে ততটা টেলে দিয়ে
 অশ্রু তন্নয় হ'য়ে কী সব ভাবতে বসলো। মানুষের ভাবনায় অন্তত
 কোনো ডিমিপ্রিন্ খাটে না—তা প্রজাপতির মতো পাতলা পাখা মেলে
 উড়ে' চলে। রাত এখন মন্দ হয় নি, এগারোটা বাজে। পাশেব ঘরে
 কে একটা ভদ্রলোক গুন্ গুন্ করে' গান গাইছেন। সামনের দবজাটা
 খুলে অশ্রু তাব ঘরেই চেযাব পেতে শুয়েছে। শিগগিব ঘুম আসবে না।

ইঞ্জি-চেযাবটা সম্ভব হয়েছে পৃথিবীতে monarchyর পতন হয়েছে
 বলে'। ডেমোক্রেসির যুগ না এলে এমন হাত পা ছড়িয়ে আরাম করার
 কথা ভাবাই যেতো না। তখন সব সময়েই শিরদাঁড়া খাড়া কনে' বুক
 ফুলিয়ে বসে' থাকতে হ'ত—কখন ওপবওয়ালার হুকুম আসে, এখনই
 হুকুম তামিল করতে হ'বে, সময় নেই। এখন আর আমবা ওপবওয়ালার
 বলে' কাউকে স্বীকাবই করি না—আমাদের হাতে এখন টের সময়,
 একটু জিরিয়ে নিচ্ছি। যদি কিছু বলবাব থাকে, একটা চেযার টেনে
 সামনে বসো, আস্তে আস্তে শোনা যাবে, আমার হাত পা গুটোনো
 চলবে না। শবীরকে আবাম দেওয়াব মতো কীর্তি আর কিছুতে হ'তে
 পারে না। শরণযায় শুয়েও ভীষ্মদেব আরাম করে' গদ্যদক পান
 করবার জন্তে অর্জুনকে অনুবোধ করেছিলেন। আত্মহত্যা করবার

জন্মে টেবিলের ওপর থেকে বিষের শিশি আন্তে গিয়ে চেয়াবের পায়াল
 গুতো খেয়ে আত্মঘাতী আহা করে' ওঠে, পায়ের ওপর হাত বুলোয়।
 শরীর দেবতা—private divinity। এই শরীর স্পর্শ করে'ই
 নোফালিস্ মন্দির স্পর্শ করতেন। St. Paulটা এমন মূর্খ, শরীর ও
 তার আচ্ছাদনের পবিত্রতার অর্থই নাকি আত্মাব অশুচিতা। তাঁর
 মতে উকুন হচ্ছে দেবপূজার বড়ো নৈবেদ্য! এই সুস্থ দৃঢ় pagan
 শরীর একটা প্রকাণ্ড সম্পত্তি। একে সহজে কষ্ট দিতে নেই। শ্রান্ত
 হ'য়ে দুই বলিষ্ঠ পুরুষ বাছুর উপাধান পাওয়াব মতো শান্তি আব
 কোথায় আছে। প্রভাত বেশ বলশালী, তবু যেন কোথায় খুঁৎ আছে।
 শুকে দেখা আর নন্দনকাননে ইভ-এব সাপ দেখাব একই অর্থ।
 মিলটন পর্যন্ত তাঁর *Paradise Lost*এ মেয়েদেব ওপর চটে' গেলেন।
 য়াডাম হ'ল খালি ঈশ্বরের জন্মে, ইভ হ'ল য়াডামের মাঝে যে
 ঈশ্বর আছেন তাঁর জন্মে। ইভ-এব চেয়ে য়াডাম্ হ'ল বেশি সুন্দর
 —অশ্রু চেয়ে প্রভাত। প্রভাতেব মুখে ভীকৃতামঘ নির্গলতা নেই, তাই
 ভালো লাগে, তবু সব মিলিয়ে কেন আবিাব ভালো লাগে না।
 আকাশের ঝড় ভালো লাগে বলে' নিদ্রাহীন নিদাঘনিশীথেব শ্রান্তিও
 ভালো লাগবে এটা বাডাবাডি। কত বকম contradictions নিয়ে
 মানুষের জীবন। ট্রেনের প্রভাতকে মনে হয় pagan, কল্কাতাব
 প্রভাতকে মনে হয় philistine। অশ্রু যেন কাষাহীন নীহারিকা।
 কভু ম্যাডানো, কভু মেসালিনা, কভু ব্লু-স্টিকিঙ। কভু রাধা, কভু রামী।
 তরকারির স্বাদ যেমন নূনে, জীবনের স্বাদ তেমনি তাব contradic-
 tionsএ। এক নিয়মকে চিরকাল আকড়ে থাকে তারাই যারা বামন,
 আকাজক্ষায় যারা বেঁটে। ক্যাস্টর-অয়েল শরীরের পক্ষে মাঝে মাঝে
 উপকারী ব'লেই তাকে চিরকালের জন্মে খাণ্ডে রূপান্তরিত করে' নেওয়া

ও চিরকালের জন্তে জীবনধারণের আনন্দ থেকে বঞ্চিত হওয়া এক জিনিস। একমাত্র তারাই consistent যারা মৃত। যে বাঁচবে সে বাড়বে, আপনাকে নিয়ে বারে বারে ছাঁটকাট করবে, ফ্যানেলের জামার মতন জীবনো তার বাবে বারে খেপে যাবে। নইলে না আঁচিয়ে খালি বসে' বসে' একঘেয়ে খাওয়ার মধ্যে স্বাস্থ্য নেই। নিজের সঙ্গে বারে বারে মুগ্ধচন্দ্রিকা হওয়া দরকার, নানা আত্মাব দর্পণে নিজের নানা প্রতিকৃতি। একই নারী একজনের স্ত্রী হ'য়ে আরেকজনের মা। Prism যেমন আলোর বিভিন্ন বঙ প্রতিফলিত করে, তেমনি মানুষের আত্মা। নির্মলের কাছে সে যা, প্রভাতের কাছে তা নয়। নির্মলটা সত্যিই কী কঠিন, নির্মলো ঠিক স্ফটিকের মতো। আত্মা এবং দেহের পার্থক্য বোঝে না। যাকে আত্মা দেবে তাব কাছে আত্মদান করতে না পারলে ওব প্রেমের পরিপূর্ণতা নেই। যার আত্মা ও আবিষ্কার করতে পারবে না তাকে স্পর্শ করতেও ওর লজ্জা। প্রেমের পরিণতিই হচ্ছে বিবাহ—এব কাছে। তাই অশ্রুর উৎসুক অধবকে উপবাসী বেখে ও বললে : যদি আমার সঙ্গে গৃহ নাও, তবেই আমার ইহকালটা তোমাব তৃষ্ণাত অধবে ক্ষয় হবে' দিতে পারি, নচেৎ নয়। অশ্রুকে ও প্রত্যাখ্যান করলে। অশ্রু বিয়ে করতে চায় না অথচ প্রেম প্রত্যাশা করে এটা নির্মলের কাছে ব্যভিচার। নির্মল এখনো টেনিসের প্রতিবেশী। বিয়ে করবার কুৎসিত কোতূহল অশ্রুব নেই বলে' দু'টো চুমু খাওয়ায় যেন সূর্য্য চন্দ্র ধমঘট করে' বসবে। আক খাবার জন্তে দাঁত উপযুক্ত মজবুত নয় বলে' মোহনভোগ খাওয়া যাবে না এটা চরিত্রের একটা বড়ো কৃতিত্ব নয়। তা হ'লে একজামিন দিতে যাবার আগে লিখে-পড়ে' প্রস্তুত হওয়ারো কোনো সার্থকতা নেই। স্টেজে নামবার আগে যেন রিহাসেল দিতে হ'বে না। সাতার শিখতে

গিয়ে জলে একবার ডুব দিলেই সেটা ব্যভিচার। নির্মল ওকালতি করলে পয়সা পেতো। নির্মল! ওদের ইস্কুলের একটি মেয়ে একবার নির্মল বানান্ করেছিলো দস্ত্য ন-য় দীর্ঘ ঙ্গ দিয়ে। ঐ বানানটি ভুল হ'লেও ওর ভালো লাগে। ঐ ভুল বানানে শব্দটার একটা ব্যক্তিহু হুটে ওঠে। শব্দের বানান্ ও মানুষের ব্যবহার নিয়ে কোনো কানুন করতে যাওয়াই অন্য়। বাঙলা ভাষা থেকে তিনটে স, দুটো ন, দুটো জ কবে নির্বাসিত হ'বে। সোজা হ'তে পারলেই সব সহজ হ'য়ে যায়। বাঙলা টাইপ-রাইটারে একটা উ লিখতে হ'লে তিনবার চাবি টিপতে হয়, ততক্ষণে ইংরাজিতে God বা Sex লেখা হ'য়ে যাচ্ছে। কেউ কেউ যে বাঙলা অক্ষরগুলিকে রোমান্ অক্ষরে রূপান্তরিত করতে চাচ্ছেন সেটা ভালোই। অক্ষর নাম ভাগ্যিস নগেন্দ্রবালা হয়নি। নামের মধ্যে সতিষ্ঠ একটা চরিত্রাভিব্যক্তির পরিচয় পাওয়া যায়। শেলি বললেই মনে কেমন আবেশ আসে, *Adonais*-এর *frail form*-এর কথা মনে পড়ে। রমেটি ছাড়া ইংরেজ লেখকদের কারুর নামে *vowel-ending* আছে বলে' তো মনে হয় না! ফিললজি পড়তে বড়ো ইচ্ছা করে। একবার ওদের ইংরিজি অনার্স ক্লাশের একটি মেয়ে মাস্টারকে বলেছিলো : আমাদের ফাইললজি ক্লাশ কখন হ'বে? মাস্টার বলেছিলেন : ফাইলসপি ক্লাশের পরে। আরেক বার কোন্ একটা ছেলে-কলেজে মাস্টার বোর্ডে নোটিশ দিয়েছিলেন : *Mr So and So will not take his classes* একটা ছেলে দুষ্টুমি করে' *classes* এর c-টি দিলো মুছে। পরদিন মাস্টার এ'স ব্যাপারটা দেখলেন এবং গম্ভীর হ'য়ে 1-টিও মুছে দিলেন। ওদের ক্লাসের মেয়েগুলি কী অসম্ভব রকম খারাপ কথা বলতো। কলেজের মেয়েদের সম্বন্ধে ছেলেদের ধারণা ওরা যেন সব *Dresden*

China, ঝকঝকে, নির্মল। আবার নির্মল! অশ্রুকে সে হয়তো ভাবতো Psyche. নিজে কিন্তু Pan হ'য়ে ওর গুহায় কোনো দিন এলো না। কী কঠিন, স্বয়ং Circe এলেও হয়তো কেঁদে কেঁদে আত্মহত্যা করতো। সেই বিস্ত্রী দঙ্কলের মাঝে একটি মেয়ের সে দেখা পেয়েছিলো—ক্ষণকালের জন্মে—নাম তার ইন্দিরা। রবীন্দ্রনাথকে চুরি করে' বলতে হয় মেয়েটি যেন আত্মার শিখা; আর অতি-আধুনিক ভাষায়—আত্মার ফোয়ারা! শেলির Asiaও এর তুলনায় স্থূল। সমস্তটি দেহ যেন একটি ভঙ্গী, ইসারা! যেন দেবী Diana! বাঙলার সরস্বতীর চেয়ে স্বকোমল, উমিলার চেয়ে নিঃশব্দচারিণী! গোধুলির শেষ রশ্মি দিয়ে ওকে তৈরি করা হয়েছে। মাটিতে এসে যে কেন ও পা ঠেকালো তারারা বলতে পারে। কী চমৎকার গান গাইত! ওর শরীরে যেন স্নায়ু নেই, খালি সুর। এই ধুলির ধরিত্রীতে ও আকাশের বাণী নিয়ে এসেছিলো। কলেজে কারু সঙ্গে মিশতো না, চুপ করে' কোণটিতে বসে' বই পড়তো। একবার আমাকে শুধু বলেছিলো: প্রেমের চেয়ে আর্ট বড়ো, আমি সেই আর্টের উপাসিকা। সেই ইন্দিরাকে নির্মল বিয়ে করেছে। বিয়ে না করতে পারলে যেন ওর ঘুম হ'তো না। আনন্দের চেয়ে যেন আরাম বড়ো। প্রেমকে দীর্ঘায়ু করতে ও ভোগকে দীর্ঘ করতে চায়। যেন প্রেমের তীব্রতার চেয়ে সন্তোষের দীর্ঘতাটাই বেশি কামা। যেন কতকগুলি তালি দিলেই জুতো টেকে! আমরা খালি টেঁকাবার জন্মই ব্যস্ত; গ্রীন্-হাউসে কৃত্রিম উদ্ভাপ দিয়ে যেমন পরদেশী গাছ বা অগাছাকে বাঁচিয়ে রাখা হয়, তেমনি বিয়ে করে' আমরা প্রেমকে বাঁচিয়ে রাখতে চাই। কাঁচের ঘরে তিল পড়ে, গাছ যায় কুঁকড়ে, মরে'; তার চেয়ে খোলা হাওয়া অনেক ভালো। সম্ভানকে বৈধ করতে গিয়েই প্রেমের ঘটছে সর্বনাশ। তবে বিয়ে করার

অনেক সুবিধে—ঝক্কি কম। খাও, দাও, প্রসব কর—ইহকালেব
 ষোলকলা পূর্ণ হ'ল। জন্মশাসন পর্যন্ত নীতিসঙ্গত নয়, কেন না
 ধর্মের আদিম উপদেশকে অমান্য করা হয়। কলকাতায় কোনো
 বার্থ-কন্ট্রোল clinic নেই কেন? ধন্য শহর এই কলকাতা। সমুদ্রের
 তরঙ্গ গর্জন শুনে যেমন মন প্রশান্ত হয়, কলকাতাও তেমনি
 আত্মবিশ্রুত করে। ল্যাশের মতো শহর খুব ভালো লাগে আমায়।
 কবিত্ব শক্তি থাকলে আমি এই জনতার কবি হতাম। গাঁয়ে যাও,
 সামান্য একটা মাছির শব্দ তোমাকে উচাটন করে' দেবে,—সব
 আওয়াজ সেখানে আলাদা-আলাদা। বাঁশের পাতায় হাওয়ার শব্দ,
 ঘরে চলা গরুর ডাক, পাপড়ির ওপর শিশির পড়াব শব্দ। বাবাঃ,
 কান পেতে এত শুনতে হয় বলেই গাঁয়ে মন ওঠে বিষিয়ে, সব
 কিছু দেখা ও শোনার অর্থ ভীষণতমরূপে স্পষ্টে বলেই গাঁয়ে গিয়ে
 মনের আর ছুটি থাকে না, সেটা প্রকাণ্ড জুলুম। লাখো লাখো
 কোলাহলকে পাঞ্চ করে' খেয়ে কলকাতা যেন একটা মস্তমত্তা দানবী-র
 মতো আর্তনাদ উগরে দিচ্ছে। কান খাড়া করে' বাথতে হয় না, মন
 জুড়ায়, ঘুম পায়। বিকালবেলা যে-মুটেটা মোটরের মাড-পার্ভের সঙ্গে
 ধাক্কা লেগে-পড়ে' গিয়ে চৌচিমে উঠেছিলো তার কান্না ঐ ফিরিওয়ালার
 হাঁক থেকে আলাদা করে' নেওয়া অসম্ভব,—একটা ঢেউ থেকে আরেকটা
 ঢেউকে ছিনিয়ে নেয় কার সাধ্য। সমুদ্রে ফেনা, শহরে মানুষ। কেউ
 কাকে চেনে না। পাশের ঘরে ভদ্রলোকটি যে গুন্‌গুন্‌ করে' গান
 গাইছেন তিনি এটিকেট বাঁচাতে ককখনো এঘরের চৌকাঠ মাড়াবেন না;
 আর আমি যদি দরজা ঠেলে সেই ঘরে গিয়ে ঢুকি গল্প করবার জন্যেই,
 নির্মলের জামায় সেটা হ'বে ব্যভিচার। ঐ ভদ্রলোক যদি আজ রাতে
 আত্মহত্যা করেন, তবেই ঐ ঘরে ঢোকা আমার সম্ভব হ'তে পারে; কিংবা

এখনি যদি হোটেলের আগুন লেগে যায়, ভদ্রলোকের সঙ্গে একটা অসতর্ক কোলাকুলি হ'লেও বেমানান হ'বে না। শুক্রিন মতো আমবা নিজের নিজের খোলার মধ্যে আত্মগোপন করে' সংকুচিত হ'য়ে আছি। কাছে থেকেও দূবে'—কথাটার কবিত্ব আছে, সেটা অর্থবান হ'য়ে ওঠে প্রতিবেশীর বেলায়। এত কাছে যে মনে হয় nuisance, এত দূবে যে গ্রহ-নক্ষত্র দ্বারা আমবা প্রভাবিত হ'লেও কোনো কালে প্রতিবেশী দ্বারা হ'বে না। এমন মেয়ে নেই যে আঘাত দাঁড়িয়ে মুখেব চেহারা না দেখেছে এবং না ভেবেছে আমি একজন পবিত্র স্ত্রী। মাহুষের মুখের চেয়ে সত্যিকারের আয়না কী আছে পৃথিবীতে। সেখানেই আমাদের সত্যিকারের ছায়া পড়ে, সেখানেই আমবা সৌন্দর্যের পরখ করতে পারি। সৌন্দর্য খালি গুণবত্যায় নয়, আত্মার মাধু্যে নয়—পোষাকে, খোঁপায়, দাঁড়াবার বা শোবার ভঙ্গীটিতে। বাঙালি মেয়েদের পোষাকে বড় নেই, বৈচিত্র্য নেই,—এটা জাতীয় শুভলক্ষণ নয়। আজ ঘোবে গিয়ে ধতগুলি মেম দেখলাম সব ক'টার পোষাকেব বড় আলাদা,—দেখলে রামধনু লজ্জায় মিলিয়ে যাবে। তবু পরিচ্ছদ আমবা ভালবাসি, ব্রহ্ম-মন্দিরে উপাসনা করতে গিয়ে আমরা পরম্পরের শাড়ি ও খোঁপার তারতম্য বিচার কবি। ছেলেবা ফুটবল আর রাজনীতি নিয়ে আলোচনা করে' যেমন সুখ পায়, আমরাও বেঁচে যাই পোষাক বা স্বামীর কথা বলে'। সে-খিষেটারে আমবা যাইনে যেখানে সামাজিক নাটক অভিনীত হয়, কেননা পোষাক নেই। 'সীতা'র পরে 'ষোড়শী' দেখে অনেক মেয়ে ভেবেছিলো' ওটা একটা কমিক, কেন না serious হ'লে পোষাক থাকতো। যাই বল, পোষাকের একটা নৈতিক মূল্য আছে। একটা ভালো ছাঁটের ব্লাউজ গায়ে দিলেই পৃথিবীকে লাগে স্তম্ভর, আকাশকে মনে হয় লোভনীয়। শাড়িটা যদি লম্বায় মোটে চুরাঙ্গিশ ইঞ্চি হয় তবে

নিশ্চয়ই সে রাতে ভালো ঘুম হ'বে না, দুঃস্বপ্ন দেখবো। শিঙ না পবলে রবীন্দ্রনাথ ককখনো এত বড়ো কবি হ'তে পারতেন না। সাহেববা যে ডিনারের আগে ড্রেস করে তা শুধু ভালো হজম হ'বে বলে'। কিন্তু পোষাক অর্থ কি তার দৈর্ঘ্য না হ্রস্বতা। পোষাকের বেলায় একটু বাছল্য থাকা ভালো, নইলে বহুশবিরহিত হ'লে মেয়ে আর মোয়া একজাতীয় হ'য়ে উঠবে। চুল ছেঁটে ফেলায় সূবিধে অনেক, কিন্তু ওটাই বাঙালি মেয়ের বিশেষত্ব, তার নিজস্ব হেডড্রেস। দেশের একটা নিজস্বতা থাকা ভালো, যদিও Bendar মতে স্বদেশ-প্রেমই হচ্ছে পৃথিবীর সব চেয়ে অনিষ্টকারী। সেটা ভারতবর্ষের বেলায় খাটে না। কেন না যে-দেশ পরাবীন তাব বিশ্বপ্রেমের স্বপ্ন দেখা আব কুঁজোর চিৎ হয়ে শোয়া সমান হাস্যাম্পদ। উৎকট স্বদেশপ্রেমের জগ্রে সব দেশ মিলতে পাচ্ছে না—এটা তখনই ভারতবর্ষের পক্ষে সমস্যা হ'য়ে উঠবে যখন ভারতবর্ষ স্বাবীন, স্বতন্ত্র। আমি ভারতবর্ষের স্বাধীনতার জগ্রে কী কবলাম? চুল বাঁধলাম আর প্রেম কবলাম। তা ও একটা মনেব মতো কবে' করতে পাবলাম কৈ? কোথাও যেন পূর্ণতা নেই। আচ্ছা, চোখ বুজে' বিয়ে কবে' ফেললে কেমন হয়— একেবারে একটি নিরীহ অচেনা লোককে। সেই বিয়ের সভা থেকে পাড়িয়ে না এলে এতদিনে আমাব কী বকম চেহারা হ'ত। সেই চেহারায় আমাকে মানাতো না। কতগুলি চেহারা আছে যাদের মরুলেই বেশি মানায়—যেমন ধবো ইফিজেনিয়া। বার্ণাড শ'-ব ছেলেপিলে থাকলে তাঁর লেখার দাম অনেক ক'মে যেতো। আমাব সমবয়সী পিস্তুতো বোন্ পুষ্টি যে ছ'টি সম্মান প্রদব কবে' শবীনে ও মনে মাইয়ে পড়েছে তার এক চুল এদিক-ওদিক হ'লে সৃষ্টির সামঞ্জস্য থাকতো না। পুষ্টিকে ওর স্বামী যে-সব চিঠি লিখতো তাব দুয়েকটা

পড়েছিলাম—উঃ, কী ভাল্গার। অথচ ওর স্বামী একজন সংস্কৃতে
 এম-এ। স্বামীর বিরুদ্ধে ডিফামেশান্ আনা যায় কি না জানি না;
 বাঙলা দেশে ডিভোর্স থাকলে ঐ বকম একটা চিঠিই যথেষ্ট। এগুলি
 ন্যায়সঙ্গত, এতে চরিত্রহানি হবার সম্ভাবনা নেই। স্ত্রী-র সঙ্গে ব্যবহারে
 ব্যভিচার বলে' কোনো শব্দ নেই।.....দেখালে একটা টিক্‌টিকি পোকা
 ধরবার ভয়ে ওং পেতেছে। পোকাটা এমন বোকা যে বুঝতে পারছে
 না, বলা দিলেই যেন ওর মোক্ষলাভ হ'বে। আবশুনা, টিক্‌টিকি,
 ছারপোকা, ইঁদুব, কেঁচো, জেঁক, কচ্ছপ, ক্যান্ডাক, বিধাতার কী
 অপূর্ব সৃষ্টি। রেন্স্‌ মশা নিয়ে কবিতা লিখেছে—কচ্ছপ নিয়ে। শুধু
 তাই নয়, চাম্‌টিকে আছে, গুগ্‌লি আছে। যাব কোথা? গো-সাপেব
 কথা নাই বললাম। বিধাতার কচি ভালো। লিংকন্‌ বলতেন : গবিবদেব
 ওপর ভগবানের গভীর মমতা, নইলে ঝাঁকে-ঝাঁকে এত গরিব সৃষ্টি
 করবেন কেন? ফুলের চেয়ে আগাছাকেই প্রকৃতি বেশি ভালোবাসে,
 তাই পৃথিবীতে যতো ফুল তাব চেয়ে ঘাস বেশি। দুমেকটা মশা
 কাম্‌ডাছে, ঘুমুতে যেতে বলছে। ঘুমুবার আগে বাথ্‌ রুমে যেতে হ'বে
 —দাত মাজতে হ'বে। দাঁত না মাজলে রাতে দুঃস্বপ্ন দেখবো। দুঃস্বপ্ন
 দেখে ওং পেয়ে জড়িয়ে বব্বার লোক নেই পাশে। থাকলে সেটাই
 একটা প্রকাণ্ড দুঃস্বপ্ন হ'তো। বিছানায় পাশ-বালিশ আমি পছন্দ করি
 না। প্রভাতেব কাছ থেকে একটা সিগারেট চেয়ে বাথলে মন্দ হ'ত না,
 এখন একটু চেষ্টা করা যেতো। এমন কোনো dentifrice নেই যে
 নিকোটিন্‌এর কোটিং তুলতে পারে। সিগারেটটা unaesthetic তো
 বটেই, চুমোব স্বাদ কেড়ে নেয়। তবু এখন একটু ধোঁয়া ছাড়তে পারলে
 কী এমন মন্দ হ'ত। কোনো ভদ্র মেয়ে কোনো দিন গাঁজা খেয়েছে?
 খায় নি, অথচ গাঁজার গল্প করতে ওস্তাদ। কেন খায় নি? কৌতূহল

হয় না? গাঁজা না খেয়ে মরলে সেই মৃত্যুটা অসার্থক মনে হয় না? বায়স্কোপের সবগুলি গল্প গাঁজাখুরি—মানে, conclusionগুলি। সব filmএর শেষেই জোড়াতালি দিয়ে বিয়ে ঘটতেই হ'বে। বিয়ে অম্নি হ'লেই হ'ল। যেখান থেকে গল্পের শুরু হওয়া উচিত, সেখানেই ওরা যবনিকা ফেলে দেয়। মাতার জঠরে শিশুর বন্দীত্ব নিয়ে কেউ একটা গল্প লেখেনি কেন, কিংবা মৃত্যুর পরে। অভিজ্ঞতাই কাব্যকাবক নয়, প্রতিমা বা কল্পনা। সংস্কৃত আলংকারিকরা তা বুঝতেন। রামন কিস্তি রীতি বা স্টাইলকেই বলেছেন কাব্যের প্রাণ, রস নয়। বাঙলা দেশে সবাই বেমালুম আওড়াচ্ছে : সত্য, শিব, সুন্দর। ঐ তিনটে শব্দকে কোনো মানে নেই, এমন কি শুদেব ধ্বনি-মাবুয পযস্ত কাম' এসেছে। বাথ-রুমের বাল্ব-টার আবার কী হ'ল? মুঙ্গিল। এখন এখ দুই কি করে? থাক। এতেই হ'বে - হ্যাঁ, জলের টান্‌লারটা পাওয়া গেছে, জলগুলিতে স্বাদ নেই। আঃ, মোলায়েম। ববিঠাকুর পেয়-এব সঙ্গে 'এলেম' মিলিয়েছেন, তাব চেয়ে 'মোলায়েম' ভালো মিল। মশারি টাঙানো আমাব দ্বারা পোমাবে না। যে গবম, ব্লাউজটা খলে' ফেলতে হ'বে—শাড়িটাও নিতে হ'বে বদলে। নাঃ, মশা আছে—না-ঘুমিয়ে ছটফট কবে' বাত কাটাবার মতো প্রেমের বয়স চলে' গেছে—আমার ত' বটেই, পৃথিবীবো। দবজাটায় খিল ভালো কবে' আটতে হ'বে বৈ কি, কেননা আততায়ী এলে স্টকেস থেকে ছোঁবা বার করে' প্যাচ দেখানোর হাঙ্গাম অনেক। আততায়ীব হাতে নিশ্চয়ই এতটা সময় নেই যে ইজি-চেয়ারে বসে' দু'ঘণ্টা তর্ক করবে। শোয়া থাক। আমি ত' শুলাম, কিন্তু এ কথা খুব সহজেই ভাবা যেতে পারে যে এ-রাত্রে এখন কারু কারু ঘুম আসছে না। ধরা থাকে রোগী, এঞ্জিন ড্রাইভার, সিগনেলাব, নবদম্পতি,

বেশী। আমার আবার মস্ত দোষ আছে। শাদা ঘোড়ায় চড়ে' টগবগ করে' ছুটছি—এই কথা না ভাবতে পাবলে আমার ঘুম আসে না। আমার পেছনে তেত্রিশ কোটি সৈন্য,—আমার তুলনা শুধু আমিই। আমার আগে কোন ইতিহাস হয়নি। ণ কাং হ'য়ে পিলেব দিকটা চেপে ববলে আমার সহজে ঘুম আসে— শাদা ঘোড়া কুয়াসা হ'য়ে মিলিয়ে যাচ্ছে, টিক্‌টিকি, ক্যাঙ্কার, ইজিচেয়াব, তোয়ালে, বার্নার্ড ণ'ন দাডি, চেস্টারটনের ভুঁডি, সেজ- কাকার আঁচিল, টিক্‌চার আই গডিন, হাইড্রোজেন পোবাক্‌সাইড, বাক্যং বসাত্মকং কাব্যং, সেনেট হাউস, স্মেলিং সল্ট, বৈঠকখানা রোড, বাডেন-বাডেন, মুসোলিনি, ণবং চাটুজে, ক্যালগাব, পাটনা, গোলঘব, গঙ্গা ..

প্রভাত বললে—তিন দিনের আগে তুমি বার্থ পাচ্ছ না। তা-ও-
13 up-এ শেয়ালদা থেকে যে-ট্রেনটা বেনাবস হ'য়ে দিল্লি যায় সেটায়।
7 up-এ একটা আপনার বার্থ পাওয়া যেতে পারে, কিন্তু তোমার পক্ষে
সেটা সুবিধের হ'বে না।

অশ্রু বললে—তাও একটা মাত্র।

প্রভাত। আপাতত একটা হ'লেই চলবে।

অশ্রু। তার মানে? আমি একা যাব নাকি?

প্রভাত। কাজে কাজেই। ছুটি পাওয়া গেলো না।

অশ্রু। ছুটি পাওয়া গেলো না মানে?

প্রভাত। যদি শুদ্ধ ভাষায় বললে কথাটা তোমার বোধগম্য হয়,
তা হ'লে বলি, অবকাশের আবেদন প্রত্যাখ্যাত হয়েছে।

অশ্রু। এ-চাকরি তুমি ছেড়ে দাও।

প্রভাত। প্রেমের জন্মে এত বড়ো আত্মত্যাগের কথা শুনে বিংশ
শতাব্দী সভ্য জগৎ আমাকে উপহাস করবে! বিবাহের চেয়ে ক্ষুধা
মারাত্মক তোমার সঙ্গ—আমার খুব কামনীয় সন্দেহ নেই, কিন্তু তব
জন্মে চাকরি খুইয়ে মা ও নাটুকে শুকিয়ে মারবো এত বড়ো প্রেমিক
তোমাদের সত্যযুগেও মানাতো না। সে-সব যুগে সুবিধে ছিলো এই,
বাড়িতে সব সময়েই খাবার থাকত। লক্ষ্মণেব ভ্রাতৃভক্তিটা প্রশংসনীয়
হ'তে পারলো এই জন্মেই যে উমিলাকে উপোস করতে হয়নি। ইস্কুল-
মাস্টাররা ত' নর-নারীর প্রেমের চেয়ে ভগবদ্ভক্তিকে উঁচু আসন দেবেন—
যদিও সত্য কথা বলতে গেলে ছুটোর কোনোটাই ক্ষুধার মতো প্রবল
নয়। তবু আজ যদি আমি ধর্মেরো ডাক শুনে মা ও ভাইকে ফেলে
গৃহত্যাগ করি, এতো বড়ো অধর্ম পরশুরামও ভাবতে পারতো না।

অশ্রু। তা হ'লে কী হ'বে?

প্রভাত। সমস্তা মোটেই কঠিন নয়। টিকিট লাহোরেরই কেটে সোজা পার্টনায় চলে' যাও এখন। সেখানে না তোমার কে বন্ধু আছেন!

অশ্রু। সে এলাহাবাদ-ব্যাঙ্কে বদলি হয়েছে।

প্রভাত। ব্যাঙ্কে বদলি হয়েছে মানে?

অশ্রু। ঐ hybrideটায় দু'টো অর্থ বোঝা গেলো। মানে সে ব্যাঙ্কে কাজ করে—নিশ্চয়ই ইম্পিরিয়াল ব্যাঙ্কে—এবং পার্টনা থেকে বদলি হয়েছে এলাহাবাদে।

প্রভাত। (হেসে) তা হ'লে তোমার পার্টনা পিট্টান দিলে?

অশ্রু। তা ত' দিলে, কিন্তু তুমি করবে কী?

প্রভাত। কী আর কব্ব! আফিস থেকে এসে হাই তুলবো আর তুড়ি দেব। নিত্যকালের মতো কলকাতা আবার কার্নিয়ে যাবে।

অশ্রু। না, ঠাট্টা নয়, be serious.

প্রভাত। সিবিয়াস্‌ই তো হচ্ছি। ছুটি পেলাম না এর চেয়ে গুরুতর বা গভীর কথা আর কী হ'তে পারে। আজ বুধবার, চল শনিবারে তোমাকে তুলে দিয়ে আসি। সোজা এলাহাবাদই যাও।

অশ্রু। হ্যাঁ, ঐ বদ্দি ট্রেনে চড়ে' একা একা ছটফট কব্বতে করতে আমি মাঝে বাই আর কী। ঐ ট্রেনে চড়ে আমি স্বর্গেও যেতে চাইনে। তার চেয়ে এক কাজ কবি, এম। তোমার পুজোর ক'দিনো কি ছুটি নেই'?

প্রভাত। আছে। মোটে তিন দিন। সেই তিন দিনে এলাহাবাদে যাওয়া এবং আসা ছাড়া তিনটে কথা বলবাবো সময় পাব না। কিন্তু সেই পুজোর তিন দিনেবো দেবি আছে। তুমি ততদিন কলকাতায়

থাকতে চাও নাকি ? এই হোটেলেই ? তা হ'লে ততদিনে তোমার মনি-বাগটি পটল তুলবেন।

অশ্রু। না, আমি এই ফাঁকে ক'টা দিন পুঁজি-দিদির বাড়ি কাটিয়ে আসি।

প্রভাত। সে কোথায় ?

অশ্রু। দিলদারনগবে,—মোগলসরাইব ডাইনে। মেইন্ লাইনেই পড়বে। তোমার সাথে 13 up বোধ হয় ওখানে একটু বিশ্রাম নেবেন। দেখি টাইম টেবলটা ?

টাইম-টেবলটায় চোখ বুলিয়ে অশ্রু বললে—একটা দশ মিনিট। মন্দ নয়। তোমার ছুটির তারিখ আমাকে জানাবে, আমি সেই অনুসারে দিলদারনগব ছাড়ব। দু'জনের সাক্ষাৎকার হ'বে এলাহাবাদে।

প্রভাত। আমাকে কি তোমার সেই বন্ধু জাযগা দেবেন ?

অশ্রু। কেন, এলাহাবাদে পঁচিশ গুণ্ডা হোটেল তা ছাড়া ষমুনা আছে।

প্রভাত। তা ত' বুঝলাম, কিন্তু আমাকে কেনই বা যেতে হ'বে—

অশ্রু। সেটা বুঝ না ? এমনি, বেড়াতে—দু'টো দিন অন্তরকম আকাশ দেখতে, অন্তরকম আবহাওয়া। তোমার যদি যেতে ইচ্ছে না করে, সে আলাদা কথা। জোব করে' সম্মতি আদায় করবাব মতো অসম্ভ্যতা আমার নেই। বেশ, আমি একলাই যাবো।

অশ্রু রীতিমত অভিমান কবেছে। তাডাতাডি কোনো কথা কয়ে' এই অভিমানের কুয়াসাটুকু উড়িয়ে দেওয়ার চেষ্টা কবাই বোকামি। প্রভাত চূপ কবে' রইলো।

অশ্রু বলে' চল্লো : আমাকে নিয়ে তোমার মনে নানারকম সন্দেহ চলেছে আমি বুঝি। কী যে তুমি আমাকে ভাবছ না, জানি না। এই

দীর্ঘ তিন বছর পবে হঠাৎ অজ্ঞাতবাস ছেড়ে কেন আবার তোমার একান্ত কাছে এসে পড়লাম—এই প্রশ্নটার উত্তর আমি দেব। শুন্বে ?

ট্যান্ডি চৌরঙ্গিতে এসে পড়েছে। এম্পাযাবে ওদের যাত্রার আজ শেষ হওয়ার কথা ছিল, কিন্তু অশ্রু ট্যান্ডি-ড্রাইভারকে বারণ করলে। গাড়ি চললো দক্ষিণে।

প্রভাত বললো—যাবে না ?

অশ্রু। না। তোমাকে সেই ধাঁধাটা বুঝিয়ে দেব, শুন্বে ব্যাখ্যাটা ?

প্রভাত। তা যদি বল, ব্যাখ্যান চেয়ে ধাঁধা অনেক সত্য, অনেক মধুর। ধবে' না ও গ্রহণ্যতার ষড়যন্ত্রে আবার আমাদের দেখা হয়েছে।

অশ্রু। না, ষড়যন্ত্র নয়। আমি এতদিন ইচ্ছে করে'ই নিজেকে লুকিয়ে ছিলাম। এই তিন বছরে আমি তোমার পরীক্ষা নিয়েছি। দাঁড়াও, আমাকেই সবটা বলতে দাও। পরিষ্কার কথাকে আমরা ভয় কবি বলে'ই দেহ-মনে এত অপবিচ্ছন্ন হ'য়ে আছি। সামান্য ক্রমাল নিয়ে ওথেলো যে কাণ্ডটা কবে' বসলো, মাথা ঠাণ্ডা বেখে তা নিয়ে পাঁচ মিনিট ডেসডোমোনার সঙ্গে কথা কইলে ব্যাপারটা ট্রাজিডি না হ'য়ে ফার্স হতো। তোমার সঙ্গে আমার গভীর স্নেহতা হয়েছিলো এবং তাবই চানে বিয়ে' সভা থেকে আমি উঠে এসেছিলাম। কিন্তু তোমাকে ভালবাসি বলে'ই তোমাকে বিয়ে কবে' তোমার পরম সর্বনাশ ঘটাবো, আমি তোমার তেমন মঙ্গলাকাজক্ষী নই। তা ছাড়া তখন বিয়ে করতে আমি প্রস্তুত ছিলাম না, আজো হইনি, কারণ আজো আমি শাস্ত নই, নিজেকে নিরাশ্রয় নিবালস্ব ভাববাব মতো দৌর্বল্য আমার আগেনি। চলে' গেলাম জলপাইগুড়ি সামান্য টিচারি নিয়ে। বাড়ির সদর দরজায় খিল পড়লো, বাবা দুর্ভাগ্য দুর্বাসাকে পর্যন্ত অতিক্রম করলেন ; আত্মীয়-স্বজনরা কলঙ্কিনী বলে' আখ্যাত

করে' আমাকে তাঁদের পুত্রী-পৌত্রীদের কাছে নরকের দ্বাররূপে দাঁড় করিয়ে নিশ্চিত হ'লেন। সে-সব আমি নীরবে সহ কবেই' তীব্র প্রতিবাদ কবেছি। কিন্তু তাবপরে জলপাইগুড়িতেই একটা কাণ্ড হ'য়ে গেলো।

প্রভাত নিবিষ্টমনে সিগারেট টানছে। অশ্রু খোঁপাটা ঘাড়ের ওপর জুং করে' বসিয়ে বলে চললো: সেই কথাই তবু 'সেজকাকা বলতে এসেছিলেন। কাণ্ডটা আব কিছু নয়, আরেকজনকে ভালো বাসলাম। তোমাকে তখনো ভুলিনি, তোমার প্রতি আমার মমতা স্নিগ্ধ মাতৃস্নেহের মতোই অপরিমিত, তবু চিত্র আবাব উন্মুখ হ'য়ে উঠলো। নবাবিষ্কাবেব আশায় অধীব মনকে বাঁধি কি করে' ? তুমি shocked হচ্ছ ?

হাওয়ায় সিগারেটের ছাই উড়িয়ে দিয়ে প্রভাত বললে—না।

—এমন পুরুষ আছে যাব জন্মে হৃদয়ে শুভকামনাব আর অন্ত থাকে না, বাতে শুধে আকাশেব দিকে চেয়ে তার কথা ভাবতে ইচ্ছে হয়, ভাবলে ভালো লাগে এবং এত ভালো লাগে যে চোখে জল আসে। সে অনুস্থ হ'লে অজস্র সেবায় তার জন্মে স্নেহপাত কবতে সাধ হয়, সে বিপন্ন হ'লে তাব জন্মে নিজেকে বিকৃত উন্মুক্ত কবে' দেবাব উন্মত্ততা আসে। সে আমার তুমি। কিন্তু এমন পুরুষেরো দেখা পেলাম যাকে জয় কববার জন্মে প্রাণে জাগে প্রচণ্ড লোভ; যাব নৃশংস ঔদ্ধত্যকে শৈশুগতায় রূপান্তরিত করবাব ইচ্ছা হয়। সে তাব অবিচল পবিত্রতাব পাহাড় থেকে নেমে এসে আমার পায়েব ধূলায় কলঙ্কিত হ'বে এত বড়ো প্রলোভন দমন করতে ক্লিওপেট্রা পাবতো কিনা জানি না, আমি পারলাম না। আমি গেলাম এগিয়ে, কিন্তু হটে' এলাম। নে আমার নির্মল। তুমি শুন্ছ ?

প্রভাত। শুনছি, কিন্তু কথাটা এমন কিছু নয় যে তোমাকে এতো উত্তেজিত হতে হবে!

অশ্র। নির্মলের কথা বলতে গিয়ে আমি উত্তেজিত না হ'য়ে পারি না। খুব ধীরে ধীরে একটা যুদ্ধ বা ভূমিকম্পের বর্ণনা করলে সে-বর্ণনা ব্যর্থ হবে। আমি দু'জনকে ভালবাসলাম, কিন্তু সত্য কথা বলতে যদি বাধা না দাও ত' বলি, আজো আমার ভালবাসার অস্ত পাইনি।

প্রভাত। যেন না পাও, তাই প্রার্থনা করি। নব নব অচবিতার্থ-ভায় প্রেম তোমাব মহনীয় হ'য়ে উঠুক।

অশ্র। নির্মলকে পারলাম না পরাভূত করতে, আমাব প্রেম কিন্তু তবু সংকুচিত হ'ল না। যে-প্রেমেব পরিণতি বিবাহ নয় এবং যে-বিবাহের পরিণতি সম্মানজনন নয় সে-প্রেম ও সে বিবাহকে নির্মল ঘৃণা করে। আমি তাকে বিয়ে করতে রাজি হ'লুম না বলে' সে আমার চুম্বন পর্যন্ত মহাস্রমুখে প্রত্যাখ্যান করলে। জলপাইগুড়িতে প্রায় দু'বছর আমার এই ভীষণ পরীক্ষা চলেছে। বাইরে হারালাম বটে, কিন্তু অন্তরে বলবতী হ'য়ে উঠলাম। সেই পরীক্ষার সাক্ষীরূপে যাকে পেলাম সে আমার ব্যর্থতা।

অশ্র চেয়ে দেখলে প্রভাত গদিতে ঠেস দিয়ে ভয় হ'য়ে শুনছে।

—নির্মলকে হারালাম বটে, কিন্তু তোমাকে হারাবো ভাবতে মন কেঁদে উঠলো। এই তিন বছরে তুমি হয় ত' অনাত্মীয় হ'য়ে গেছ, হয় ত' অশ্রর নাম তোমার সেদিনকার অশ্রর মতোই মুছে গেছে, তবু তোমাকে না ডেকে পারলাম কে? দেখলাম সেই ডাকে তুমি সাড়া দিয়েছো, মনে হ'ল আমি যদি ভুলক্রমে নির্মলের অস্ত:পুরিকাও হ'তাম, তুমি এমনি করে'ই সাড়া দিতে!

প্রভাত। আর আমি যদি এতো দিনে একটি অন্তঃপুরিকাকে অন্তরে এনে প্রতিষ্ঠিত করতাম!

অশ্র। তা হ'লেও আমার ডাক অনুচ্চাবিত থাকতো না। তোমার স্মৃতি আমার জীবনের একটা বিশ্রাম-নৌড। তোমাকে নিয়ে যদি আনন্দার্ভ নাই হ'তে পারি, তবু তোমার প্রতি আমার স্মৃতিতল এই স্নেহটি অমর হ'য়ে থাকতো। কিন্তু এই দীর্ঘ বিরহক্রিষ্ট দিন-রাত্রির অত্যাচার তোমাকে বশীভূত করতে পাবেনি,—আজো তুমি মুক্ত। তুমি নির্মলের মতো বিয়ে করনি। কেন করনি?

প্রভাত। সে একটা accident! যদি আমাকেও পরিষ্কার করে' কথা বলবার অনুমতি দাও তো বলি, তোমাকে ভালবেসেছি বলেই অন্য কাউকে আমি বিয়ে করবো না সন্ন্যাসধর্মেব এই উচ্চাदर्শ আমার সামনে উপস্থিত নেই। তা ছাড়া বিয়ে-কবাব কতকগুলো ব্যাবহাবিক সূবিধে আছে; আমার মা বুডো হয়েছেন, অবস্থা এত স্বচ্ছল নয় যে রান্নার ঠাকুর রাখি—মা-ই সব কবেন, বৌ এলে মাকে ছুটি দিতে পারতো। তাই বলে' বৌকে যে ভাল লাগতো না, তা-ও নয়—বিনা-দামের উপহারের প্রতি যেমন মমতা হয় আমার এক তিলো কম হ'ত না তার তুলনায়। কিন্তু যাই বল অশ্র, নির্মলেব কথায় সূগভীর একটা সত্য আছে। সেই সত্য তোমার আমার কাছে সূপ্রত্যক্ষ নয় বলে'ই তাকে অস্বীকার করবার সংস্কার যেন আমাদের না হয়।

অশ্র। প্রতিদিনকার ছোটখাটো গ্লানিতে সে-প্রেম কি মলিন হ'য়ে উঠতো না?

প্রভাত। যাতে মলিন না হয় তার চেষ্টা করতে, সে-চেষ্টায় পরাঙ্মুখ বলে'ই তো আমাদের নর-নারীর সম্পর্কে এতো কুশ্রিতা আত্ম-প্রকাশ করেছে। স্ত্রীকে ফ'ল দিন আমরা সামগ্রী মনে করবো, এবং

স্বামীকে যতো দিন তোমরা দেহদাস মনে করবে ততদিন আমাদের সংসার অশুচি হ'য়ে থাকবে। এবং তারই প্রতিকারকল্পে প্রেমের প্রয়োজনীয়তা আছে। নির্মলের কথা মিথ্যা নয়, অশ্রু। যে-প্রেম জীবনের পরম উপকার সাধন করে সে-প্রেমকে জীবন থেকে বিচ্ছিন্ন করে' রাখলে জীবনে না থাকে স্বাদ, না তৃপ্তি। আমরা স্ত্রী-পুরুষের পরস্পরকে পবিচ্ছিন্নরূপে আয়ত্ত্ব করে' ফেলি বলে'ই আমাদের জীবনের রহস্য যায় মরে,' মিলন হয় মলিন। কিন্তু তুমি যে নির্মলের অন্তঃপুরিকা হ'য়েও আমার প্রতি অন্তঃশীল স্নেহ লালন করবার গর্ব কবছ, তা মিথ্যা। দাঁড়াও, আমাকে শেষ করতে দাও। তোমার স্নেহেব খাঁটিত্ব সম্বন্ধে সন্দেহ আমি না-ই বা করলাম, কিন্তু যে-স্নেহেব বাহ্যভিব্যক্তি নেই আমি তাব দাম দিতে বিমুখ থাকবো। আবার কথা আছে। সান্নিধ্য না থাকলে স্নেহের সার্থকতা কোথায়। প্রেম শুধু চিত্তের প্রসাধন নয়, জীবনের সর্বব্যাপি নাশক মহৌষধি। যে-মন অগ্ৰত্ব একবার বিক্ষিপ্ত হয় সে-মনেব একনিষ্ঠতা নষ্ট হয় বলে'ই স্নেহের ঘটে অপমৃত্যু।

অশ্রু। দৈনিক প্রয়োজন-কথাটা যদি ব্যাপকভাবে নাও তো পলি, দৈহিক প্রয়োজনেই যদি বিয়ে ক'রতে হয়, তবে তাই বলে' স্যাক্ষিককে নিশ্চয় কবে' লুপ্ত কবে' zero হ'য়ে বসে' থাকতে হ'বে— সমাজের দেওয়া এই বিধি আমবা বিপদ ঘটাবো। একজনের স্ত্রী ভয়েছি বোলে' আবেকজনেব বন্ধু থাকতে পারবো না এতো বড়ো একনিষ্ঠতার বড়াই করলে আমার গা জ্বলে। গৃহিণী অর্থ সমস্ত বাহিরকে ঠেলে ফেলে গৃহবন্দিনী হ'য়ে থাকা নয়। সামান্য সংসারে আমার প্রকাণ্ড ভবিষ্যতকে কুণ্ঠিত, সংকুচিত করে' রাখতে পারবো না।

প্রভাত। দোষ সমাজবিধির নয়, অশ্রু, দোষ যদি কারুব থাকে, তবে এই মানুষের চিত্তবৃত্তির ভঙ্গুভতার। প্রেম দীর্ঘকাল স্থায়ী হয় না

বলে'ই তা মধুর, বিরহের উত্তেজনা সমগ্র জীবনব্যাপী হ'লে আমরা অথর্ব, পঙ্গু হ'য়ে থাকতাম। আমরা খুব অল্প দিন বাঁচি বলে'ই জীবনকে এতো নিবিড় করে' আঁকড়ে ধরতে চাই। দৈহিক প্রয়োজন কথাটা ব্যবহার করে' ভালোই করেছ। কেননা এই দেহই তোমার চিত্তের পরিপন্থী হ'য়ে উঠতো; উঠতোই। তখন তুমি বহুসন্তানপরিবৃত্তা, সংসার-ভারে ভুয়ে পড়েছ, মন তোমার তখন বিস্তৃত ক্ষেত্র লাভ করেছে, দায়িত্বের তোমার আর সীমা নেই—অতীত কালের দিকে ফিরে তাকাবাব তোমার না আছে অবকাশ, না বা অভিলাষ। যৌবন যে অবিনশ্বর নয় তার জন্মে সমাজকে দায়ী কবলে ঘোরতর অন্যায হবে। এবং যৌবনকালে যদি তুমি কাউকে পুচ্ছটি উচ্ছে তুলে নাচাবাব পবামর্শ দিয়ে থাক, পরে তুমিই তা কেটে ফেলবাব বিধান দেবে। যাক, লেইক এসে গেছে। তোমার কাঁধের সেফ্টিপিন্টা যে আমার চাদবে আটকে রাইলো, দাঁড়াও, ছাড়িয়ে নি।

লেইক থেকে ফিরে এসে অশ্রু দেখলে তার ঘরের কাছে চেয়ার টেনে তিনু বসে' আছে। 'এই যে দিদি' বলে তিনু তৎক্ষণাৎ লাফিয়ে উঠে অশ্রুকে একেবারে জড়িয়ে ধরলো। প্রথমটা আনন্দে অভিভূত হ'তে গিয়ে পরক্ষণেই অশ্রু উঠলো চমকে। হু'হাতে তিনুর মুখ তুলে ধরে' শুধোল : তোমার মাথায় এ...সের ব্যাণ্ডেজ ?

তিমুর মুখ দীপ্ত, দুই চোখে খুসির চাঞ্চল্য, বললে—মোটব-
যাকুনিডেন্ট হ'য়েছে, দিদি। তেমন কিছু লাগেনি, ইঞ্চি দুয়েক
কেটেছে মাত্র।

অশ্রু ছোট ভাইটির চুলে হাত বুলুতে বুলুতে বললে : কিছু খাবি ?

তিমুর বললে : খাওয়াব সময় নেই দিদি, আমাকে এখন এক
বন্ধুর বাড়ি যেতে হবে। বিকেলে কাল জাহাজ ছাড়বে আমাদের।
কলম্বো হ'য়ে যাচ্ছি দিদি। ভাগিয়াস তোমার সঙ্গে দেখা হ'ল।
এখন যাই ?

বলে' তিমুর নত হয়ে অশ্রুর পায়ের ধুলো নিতে যাচ্ছিলো, অশ্রু তাকে
একবারে শিশুটির মতো বুকে টেনে নিলো। বললো—বাবা জানেন ?

তিমুর দিলে হেসে। বললে—বাবা ? যে-দিন আমাকে বাড়ির বাব
ক'বে দিলেন সে-দিনই জানতেন পাতালের দিকে পা বাড়াতে আমার
আব দেবি নেই। মন্দ কি, পাতালই আবিষ্কার কবে' আমি না হয়।
ক লকে খবরের কাগজে নামটা যদি বেবোয়, বাবাব অগোচর থাকবে.
না। হয়তো মনে-মনে আবাব অভিশাপ দেবেন।

তিমুর মুখের উপর স্থির দৃষ্টি নিবন্ধ কবে' অশ্রু বললে—বাবা
তোকে ও ভাড়িয়ে দিয়েছেন নাকি।

তিমুর মুখ আনন্দে আবার উদ্ভাসিত হ'য়ে উঠলো। বললো—
নিশ্চয়। তুমি যে অগ্রাঘ কবেছো তার চেয়ে আমার এই সাগরলঙ্ঘন
ঘোবতর পাপ। বাবার আদেশকে মান্য কববাব মতো বিবেক পেলাম
না দিদি। বাবার চেয়েও বড়ো অভিভাবক আছে সে আমার সত্যো-
পলকি, আমার মনুষ্যত্ব। সেই প্রথম আমি বিদ্রোহ কবতে শিখলাম।
বাবাকে আমি দোষ দিতে পারি না।' আর আমার সময় নেই।
তোমার জন্তে বসে' বসে' অনেক সময় আমার চলে' গেছে। আবেকটু

দেখি করলে হয় তো দেখা হ'ত না। যোগাড-যন্ত্র এখনো অনেক বাকি আছে।

অশ্রু বললে—প্যাসেজ জোটালি কী করে' ?

—সে জুটে যায় দিদি। আমি যে খালাসী সেজেছি। একবার যেতে পারলেই হ'ল—তারপরে আমাকে পায় কে। সময় নেই দিদি।

অশ্রু নীরবে তিনুর ললাটে চুষন করলে, বললে—তোমার জন্মে উদ্বেগের আমার অন্ত থাকবে না, তিনু।

আকাশে বড়ের মতো তিনুর মুখে হাসি লেগেই আছে। তিনু দরজার দিকে ছু'পা এগিয়েছিল, থামলো। বললে—আমার জন্মে বৃথা উদ্বেগ করে' মানসিক অশান্তি সৃষ্টি হবে' কিছুই লাভ হ'বে না। যে-পথে আমি চলেছি, বেগে চলেছি, পিছে তাকিয়ে দেখবার সময় নেই। উদ্বেগ না করে' আশীর্বাদ করো। বলে' তিনু অন্তর্হিত হ'লো।

বুকটা খালি হ'য়ে গেছে। তিনু! কী আশ্চর্য চক্ষু। ঐ চোখ কার ছিলো মনে করতে পারছি না,—স্বপ্ন আর বিদ্যুৎ—শেলির ছিলো হয় তো। সমুদ্র উত্তীর্ণ হবে বলে' এতো আনন্দ, যেন একটী আধ্যাত্মিক অনুভূতি। ও-ও গৃহছাড়া! 'বাবাব দোষ নেই', মহত্ব,—ও ঘব ছেড়ে আকাশকে পেয়েছে—অগাধ, বিস্তীর্ণ! কোথায় গেলো ছুটে'। পথে আবার কোনো দুর্ঘটনা হ'ল, স্বচ্ছন্দে যেন সাগবে তুলতে পারে। তিনু কত সুন্দর হয়েছে—কী বলিষ্ঠ। ওর চোখের মাঝে বসে' মা

যেন হাসছেন! আশীর্বাদ করবো বই কি তিনু, সত্যোপলব্ধির জগ্গে সফ্রেটিস থেকে আজ পর্যন্ত যারা মরেছে তাদের মহৎ দৃষ্টান্ত তোমাকে প্ররোচিত করুক। তুচ্ছ শাসনের কাছে তোমার সত্যকে লজ্জিত করে না,—হোক সে পিতা, হোক সে প্রভু, হোক সে ভগবান্! তোমার জগ্গে উদ্বিগ্ন হবে' লাভ নেই—তুমি যদি তোমার সত্যের জগ্গে মব-ও, আমি তোমার চিতায় ফুল দিয়ে আসবো। সত্যকে আবিষ্কার করবার জগ্গে তুমি সহস্র ভুলের মধ্য দিয়ে যাও, লক্ষ লাঞ্চার মধ্যে—সে-গৌরবে তুমি অমর হ'য়ে থাকবে। তিনু, তিনু, তিনু। তোমার প্রশস্ত উন্নত কপাল, ঘন কুঞ্চিত চুল, বিস্ফারিত বুক, দৃঢ় দীর্ঘ বাহু, ঋজু দেহ যেন উদ্বিগ্ন শিখা! চোখে বিপুল সম্ভাবনার স্বপ্ন, চিবুকে তেজস্বিতা, দুই হাতে নিদারুণ প্রতিজ্ঞা। তিনু।

অশ্রু সেকেও ক্লাশে মেয়েদের কামরাতেই উঠলো। টিকিট শেষ পর্যন্ত লাহোরের না কেটে দিল্লির কেটেছে। গাড়ি ছাড়বে রাত স-দশটায়। মন্দের ভালো—গায়ের ওপর একটা পাতলা চাদর টেনে দিয়ে ঘুম্নো যাবে,—সকালবেলা ঝাঝায় পৌঁছবার আগে ও হাই তুলছে না। এটাব সঙ্গে আবার রেষ্টুরান্ট্, কার্ নেই, থাকলেও একা-একা খাওয়ায় আবাম নেই; ঝাঝা কিংবা কিউল-এ পৌঁছে প্ল্যাটফর্ম থেকে চার-পয়সা-নামে এক পেয়লা পান্‌মে চা খেলে ওর আর জাত যাবে না। একটা বই কিন্বে এড্‌গার ওয়ালেস্-এর? এই ষ্টলে যে মারি ষ্টোপ্‌স্‌ও পাওয়া যায়। ট্রেনে বসে' বই পড়ার মতো ঞাকামি নেই; তার চেয়ে বাসর-ঘরে বরের গান গাওয়া বরং সহ করা চলে। গাড়িটা ছেড়ে দিলেই একটা নতুন জগতে এসে পড়্বে; গীতায় মৃত্যুয যে ব্যাখ্যা আছে তারই একটা লৌকিক উদাহরণ! বাথ-রুমে যথেষ্ট জল পাওয়া যাবে ত' ? স্নান করতে না পারলে মবে'ই যাবে অশ্রু। একটা স্যাংলো-ইঞ্জিয়ান মেয়ে উঠলো। একা যাচ্ছে বুঝি। ওব সঙ্গে আলাপ করা যাবে—বর্ধমানের বেশি নয় কিন্তু! মেয়েটি মোজা পবেছে কি না বোঝা যাচ্ছে না। ই্যা পরেছে—বাঁচা গেলো। মাঝেব বার্থটা কিন্তু খালি রইলো।- রাত্রে শীত করলে ওটায় না হয় উঠে আসবে—তার জরে জানালাগুলো ও কিছুতেই তুলে দিতে পার্বে না।

—ঘণ্টা দিয়েছে, উঠে পড় অশ্রু। দিলদারনগরে পৌঁছেই চিঠি দিয়েো কিন্তু। আমার আপিসের মর্জি বুঝে এলাহাবাদ ফাবার দিন ঠিক করা যাবে। জান্‌লা দিয়ে মুখ বার করে' থেকো না যেন। (স্বল্প হাসি)

—আর তুমি সাবধান হ'য়ে বাড়ি য়েয়ো। বাস্-এর জান্‌লা দিয়ে হাত বার করে' রেখো না, সেদিন কাগজে পড়লাম কা'র কনুই গেছে থেঁৎলে। (স্বল্প হাসি)

অশ্রু জানালা দিয়ে হাত বাড়িয়ে দিলে, প্রভাত তা সম্পূর্ণরূপে গ্রহণ করলো।

অশ্রু। কীটসের হাত ধবে' কোনবিজ্ঞ তো মৃত্যুর স্পর্শ পোয়-
ছিলো। আমার হাত ধরে' তুমি কী স্পর্শ কবছো? (স্বল্প হাসি)

প্রভাত। মুক্তি। (স্তব্ধতা)

নিচ্ছেদে গভীর বেদনা আছে,—এমন বেদনা যে, যেন কে হৃৎপিণ্ড উপড়ে নিচ্ছে—তবু ট্রেন চলে গেলে ট্রেনের ফাঁকা লাইন দু'টোর মতোই মনে জাগে মুক্তি, উপশম। যেন একটা নিদাক্ষণ উদ্বেগ থেকে বাচলাম, ডংকঠা গেলো ঘুচে'। না আছে দ্বৈততা, না বা দ্বিধা। বেশ একটা নিশ্চিন্ত অবস্থা,—পীডাবসানে সামান্য একটু দুর্বলতা মাত্র। যাই বলো, পবিত্রিত জগতে ঔজ্জ্বল্য নাই থাক, অন্ধকারস্নিগ্ধ একটা জাদু আছে—মনকে ঘুম পাড়িয়ে দেয়। চেনা জায়গায় সহজে হাত-পা লাড়তে পারি, হেঁচট খেতে হয় না,—সে-জায়গার চাবপাশে খোদনই। প্রেমের পৃথিবী একটা প্রকাণ্ড পাহাড়ের চূড়ায়, স্থান সেখানে এতো সংকীর্ণ যে দু'জনকে স্পর্শ না কবে' দাঁড়ানো যায় না। একটু এ দিক ও-দিক হ'লেই সেই উঁচু চূড়া থেকে নিচে গড়িয়ে পড়তে হ'বে, তারপর সে-চোট সঘে' স্তম্ভ হ'য়ে যেন নিজের পুরোনো জায়গাটুকুতে আর ফিরে যাওয়া যায় না, জীবনে দেখা দেয় পক্ষাঘাত। ঐ পর্বতচূড়ায় দাঁড়িয়ে প্রতি মুহূর্তেই পতনের আশঙ্কায় পীড়িত আত হ'য়ে থাকার

প্রাণের একটা আদর্শবৃত্তি নয়। তাব চেয়ে নিরীহ অনলঙ্কৃত সমতল জাঘগাটি বেশি কমনীয়। স্বস্তি ভালো স্থণের চেয়ে। আমার চেনা জগতে স্তব্ধতা; প্রেমের জগৎ প্রগল্ভ,—তাই আসে শ্রান্তি। প্রেমের জীবন একটা নিয়মতিরিক্ত অস্বাভাবিক জীবন। প্রেম ক্ষণস্থায়ী বলেই তাব এত প্রশংসা। প্রেম অবিনশ্বব হয়নি বলেই জীবনধাবণে মাধুর্য আছে।

এই অবসাদটুকু ভারি আরামদায়ক।

বন্ধু,

স্টেশনে নেমে দেখলাম স্বয়ং নগেনবাবুই উপস্থিত আছেন। খুব সমাবোহ কবে' অভ্যর্থনা কবলেন—এমন বাড়াবাড়ি করতে, লাগলেন যে কুণ্ঠিত হ'তে হ'ল। অথচ লোকটি বেশ। ভদ্রলোক বললে সব মিলিয়ে আমাদের মনে যে একটি সৌম্য শান্ত ও বিনয়ম্বিষ্ক চেহারা মনে পড়ে নগেনবাবু তাব এক চুল ফাবাক নয়। আমার আসাব টেলি পেয়ে তিনি যেন হাতেব মুঠোয় চাঁদ পেয়েছেন। উপমাটা সেকলে বলে'ই কথার আস্তুরিকতা নষ্ট হযেছে, ভেবো না। তাঁদের বাড়িতে আমি পদার্পণ করব—এতো বডো সৌভাগ্যেব বব তিনি পরজন্মেও নাকি চাইতে সাহস কবতেন না। লোকটি বেশ অমায়িক ; সম্পর্কেব স্মবিধা পেয়ে আমার সঙ্গে অসংকোচে আলাপ কবতে পাবছেন। আসাব মন্দ লাগেনি।

একাই আমার পছন্দ হ'ল—দড়ির একা। জিনিস-পত্রগুলো আবেকটা একায় বোঝাই হ'ল। নগেনবাবু যত দূব সম্ভব সংকুচিত হ'য়ে বসলেন, বললেন : হঠাৎ গরিবদেব ঘরে ?

বললাম : আশাব মধ্যে আনন্দ নেই ববং ক্লাস্তি আছে ; যদি আনন্দ থাকে তবে আকস্মিকতায়। এবং সে-আনন্দ উভয়ত।

নগেনবাবু সসম্বমে বললেন : কিন্তু এই হতচ্ছাড়া দেশ কি তোমার ভালো লাগবে ? (নগেনবাবু আমাকে আপনি বলে' সম্বোধন করলে ভালো লাগতো না—প্রথমত তিনি বযসে আসাব চেব বডো, দ্বিতীয়ত সম্পর্কেব মযাদা তাঁকে দেওয়া উচিত।)

বললাম : দেশ দেখতে যে অস্তুত এখানে আসিনি সেটা বোঝা মোটেই কঠিন নয়। এসেছি আপনাদের দেখতে। পুষ্টি-দিব সঙ্গে শেষ দেখা প্রায় ন'-বছর আগে—যে-বাব ওব প্রথম ছেলে হয়। পুষ্টি-দিকে দেখবার

অগ্রে মনটা আইটাই করছে। ওব সঙ্গে ছেলেবেলাটা আমার কী ফুটিতেই যে কেটেছে। এক দিনেব একটা মজার গল্প শুনে বাখুন। গল্পটা বলব গনে করে'ই আগে থেকে এক চোট হেসে নিলাম। যাবা হাসির গল্প নিজে গস্তীর থেকে বলতে পাবে না তাদের তুলনা হয় ঠিক সেই জাতীয় কবির সঙ্গে, যারা কবিতা লিখবাব অবকাশে অন্তকে ছন্দ বা শব্দবিদ্যাস সম্বন্ধে উপদেশ দেয়। হাসি খামিয়ে গল্পটা ফের বলবাব আয়োজন করছি, নগেনবাবুর মুখেব দিকে চেয়ে মুখ আমার শুকিয়ে গেলো। স্ত্রীর শৈশবকালের এমন একটা গল্প শুনবাব কৌতূহল দমন করে' নগেনবাবু তাঁর মুখের চেহারাকে হঠাৎ এমন নিকংসাস্ত করে' তুলেছেন দেখে একেবাবে স্তব্ধ হ'য়ে গেলাম। মুখের সামান্য একটি রেখায় আবহাওয়া গেল বদলে। নগেনবাবু কিছু একটা বলবেন ই, তান প্রত্যাশায় চূপ করে' বইলাম।

স্টেশন থেকে গাড়ি অনেকটা পথ এসে গেছে, কিন্তু ওঁবা তখনো দূরে। কণ্ঠস্ববকে যতদূর সম্ভব পাতলা করবার চেষ্টা কর' নগেনবাবু বললেন : আমার তৃতীয় ছেলেটি মৃত্যু-শয্যায়—

শুনে' পবম ব্যথায় চম্কে উঠলাম। খবরটা যেন তেমন কিছু অসাধারণ নয় এমনি ভাবে নগেনবাবু এই বেদনাদায়ক সংবাদটা আমাকে জানালেন, কিন্তু তাঁর ঐ কষ্টকল্পিত cynicism আমার ভালো লাগলো না। এতক্ষণ এই ভীষণ খবরটা গোপন করে' আমার কৃত্রিম, সম্বন্ধনার আয়োজনে তিনি এত ব্যস্ত হ'য়ে উঠেছিলেন বলে' আমার মন অপ্রসন্ন হ'য়ে উঠলো। আমার এই হাসি-খুসি ও আনন্দকোলাহলের মাঝে আসন্ন মৃত্যুর ছায়া পড়লে পাছে আমি বিরক্ত,—হ্যাঁ, বিরক্ত হই—সেই ভয়ে তিনি এমন একটা খবর প্রকাশ করেন নি। ছেলেকে মৃত্যু-শয্যায় রেখে আমাকে অভিনন্দিত করতে এসেছেন।

বললাম : বলেন কি ? কী অসুখ ? অবস্থা কি খুবই খারাপ ?

আমার গলায় সহানুভূতির আমেজ পেয়ে নগেনবাবু গলা এবার অনায়াসে ভারি হ'য়ে উঠলো : ডবল নিমুনিয়া। কাল স্বাত্রেই যাচ্ছিল, আজকেব দিনটুকু আব ঘাবে না হয়তো। গিয়ে দেখি কি না সন্দেহ।

চিন্তিত হ'বার কারণ ঘটলো। এক সঙ্গে কত চিন্তা যে মনে ভিড করে এলো তাব ইয়ত্তা নেই। আমার চিন্তার সূত্র অনুসরণ করতে না পেবে নগেনবাবু বললেন : বাড়িতে উঠলে তোমার অনেক অসুবিধে হ'বে। এমন জায়গা, একটা ডাক বাংলো পর্যন্ত নেই। বন্ধাবে যেতে পাবো, ডাউন ট্রেন কাছাকাছিই আছে। ফিরবে নাকি ?

কঠিন হ'য়ে বললাম : আপনি পাগল হয়েছেন ?

দেখ দেখি আমার সম্বন্ধে লোকের কী অগ্রাঘ ভূণ ধাবনা। আমি ভালো শাড়ী পরি বলে' যেন ধুলোর ওপ বসতে পাববো না। এই নিয়ে তর্ক করে' কোনো লাভ হ'ত না, যে-তর্কের major premiscগুলো প্রমাণ সাপেক্ষ নয়, সে-তর্কে আমি সাধারণত চূপ কবে' থাকতেই ভালোবানি। উপদেশের চেয়ে উদাহরণ বড়ো—এটা আমাব কাছে উপদেশ মাত্র নয়—এটা আমি কায়মনোবাক্যে মানতে চাই। দেখ, মানুষের অসুদৃষ্টি কত কম, তাব সব বিচার নির্ভব কবে বাইরে মার্কার ওপব। আমার বাবা পুরুষদের বড়ো চুল বাখা ছ'চোখে দেখতে পারেন না। অরবিন্দ ঘোষের সঙ্গে বাবার দেখা হ'লে বাবা তাঁকে যে কী বলে' সম্বন্ধনা কবতেন ভাবতে আমি নিউরে উঠছি। মানুষের অন্তরের পরিচয় পেতে হ'লে গুপ্তচরের মতো লুকিয়ে লুকিয়ে আত্মার অনুধাবন কবতে হয়—কার বা তত সময় ও ধৈর্য আছে বল। একটা সিদ্ধান্তে তাডাতাডি না আসতে পারলে মূনের অসাম্য অবস্থাটা আমাদের পীড়া দেয়। তাই তুমি দেখতে পাবে আমাদের দেশের বেশিব

ভাগ বাঙলা নভেলই এই ভুল-বোঝাকে কেন্দ্র করে' বেড়ে উঠেছে ওটা একটা নেহাৎ শস্তা চালাকি। যেমন ধরো শরৎ চাটুজ্জে। তাঁর যে বইগুলো উৎরেছে সবগুলিতে এই ভুল-বোঝার ঘোর-প্যাচেব জটিলতা এত বেশি যে কোতূহল উদ্দীপ্ত করে বলে' ভালো লাগে। আমরা পরস্পরকে প্রকাশ্যে মন্দেহ করি, করি অবিশ্বাস ও অবহেলা; কিন্তু নিহুতে বসে' একে-অন্যের কথা ভেবে প্রেমবিগলিত হ'রে কাঁদি আর কপাল কুটি—এই দৃশ্য দেখলে আমি পডতে পডতে পযন্ত উচ্চহাস্য না কবে' থাকতে পারি না। ভাবি : লোকগুলি কী ভীষণ বোকা। এই জন্মেই দেশ আমাদের এগোচ্ছে না। সাম্না-সাম্নি মুখোমুখি দাড়িয়ে কথা কয়ে' দু' মিনিটে যাব মীমাংসা হয় তাকে এমনি করে' অনাবশ্যক ঘোরালো করে' তোলায় আমাদের আয়ুক্ষয় হয় না? ভুল-ও বুঝবো, ভাল-ও বাসবো, এ কী অত্যাচার! তুমি বলবে এটাই স্বাভাবিক চিন্তা-বৃত্তি। আমি এটা মানি না, তোমাব সেই বৃত্তিকে শাসন কবতে হ'বে। স্পষ্টতা থাকবে না কেন, কেন থাকবে না সাহস? যাচাই কববো না অথচ যা চাই তা না পেলে গাল ফুলাবো—এই 'ছিঁচ কাঁদুনে নাকে-ঘা' স্বভাব আমাদের যাবে করে? জীবনে যা ঘটে তাই আর্টে ঘটতে হ'বে এই সাহিত্যধর্মে যদি তুমি বিশ্বাসবান্ হওই, তবে তোমাকেও বলি আর্টে' এমন অনেক জিনিস real হ'তে বাধ্য যা জীবন কোনদিন প্রত্যক্ষই কবে নি। যেমন ধবো কথোপকথন। মানো ত?

অতএব, তুমি বুঝতেই পাচ্ছ, এম্নি সব আজগুবি চিন্তাঘ ব্যাপ্ত হ'য়ে বাকি বাস্তাটা নগেনবাবুর সঙ্গে আব কোনো কথা হ'ল না। আরো খানিকটা সময় কাটিয়ে যেখানে এসে একটা দাঁড়ালো, দেখে বিশ্বাস হচ্ছিলো না,—শুনলাম সেটাই নগেনবাবুর বাসা। আস্তাবলে সহিসদের মাচা করে' শুতে দেখেছি, কিন্তু নগেনবাবুর বাসায় মাচাবো

বালাই নেই। সব সমতল। এত অপরিষ্কার তুমি কল্পনা করতে পারবে না। বীভৎস রস বলে' একটা রস আছে, ঐ রস নিয়ে আমাদের দেশে কোনো লেখকই চর্চা করেন না দেখে আমার কষ্ট হয়। একমাত্র করুণ রসই বাঙলা দেশে কাটে—এটা নরম মাটির দোষ। যদি পবকে কাঁদাবে আশা কবে' লেখায় নিজের খানিকটা কাঁদতে পাবো তো বাঙলা দেশে সেই সাহিত্য তোমার সফল রচনা হ'ল। গল্পের ফর্ম বা টেকনিকের জগ্রে নয়—কান্নাব কাঁদা থাকলেই তার দাম হ'বে। দেশের চরিত্রগুলো স্যাৎসেতে, খটখটে নয়। কিন্তু, সত্যি বলছি, যদি কেউ আস্তবিক অনুভব করে' পুষ্টিদিব এই বাসা নিয়ে কবিতা লেখে, খাটি বীভৎস রস সে নিশ্চয়ই জমাতে পাববে, এবং সেটা বসন্তটি হিসেবে পিছিয়ে থাকবে না।

ছোট বাসা, তিনটে ঘর—টিনের চাল, ভেতরে একটুখানি উঠোন। তিনটি ঘর ভরে' কিলবিল কববাব জগ্রে বিধাতা যেমন পুষ্টিদিব কোলে ছ'টি সস্তান দিয়েছেন তেমনি উঠোন ভরে' দিয়েছেন আগাছা। যেখানেই পা দেবে পায়ের ধুলো নিতে কোনো অনুগত ভক্তই সেখানে দাড়াবে না, ছুটে পালাবে। যে ঘরটাতে এসে আমি প্রথম দাঁড়ালাম সে-ঘরটার অবিকল বর্ণনা দিতে পারলে তোমাদের দলীয় অনেক সাহিত্যিককেই আমার তাঁবেদারি করতে হ'ত। মেঝেটা মাটির, তার ওপর একটা মাদুর বিছিয়ে পুষ্টি-দি রসে' আছে, কোলে মুমূর্ সস্তান,— ছেলেটির বয়স পাঁচ বছর বয়েক মাস হ'বে, চাব পাশে স্তৃপীকৃত অপরিচ্ছন্নতা। কতকগুলি ময়লা কাপড়, ময়লা বিছানা (তোলা হয় নি), কতগুলি খালা-বাটি (মাজা হয় নি), কতগুলি অর্ধনগ্ন ছেলে-পিলে (তারস্বরে চৈচাচ্ছে)। পুষ্টি-দির চেহারা কি রকম ধসকে গেছে, নগেনবাবু কিন্তু যেমন মস্ত, তেমনি মজবুৎ) ওর দিকে চেয়ে আমার

ভারি করুণা হ'লে। ওকে নিচু হ'য়ে প্রণাম করে ওর পাশে বসে পড়লাম। পুষ্টি-দির দু' চোখের কোণ বেয়ে অশ্রুরেখা নেমে এসেছে। ওর ছেলের শরীরে একটু হাতবুলিয়ে বললাম : ডাক্তার দেখে কি বলছে ?

পুষ্টি-দি ছেলের মুখের ওপর নিনিমেষ দৃষ্টি রেখে বললে : আর ডাক্তার ! দেখছিস না কেমন করছে। বাছাকে আর রাখতে পারলাম না !—পুষ্টি-দির বুক ভেঙে দীর্ঘশ্বাস পড়লো।

নিজেকে যে কী অসহায় লাগতে লাগলো তুমি বুঝে নিয়ো। সেই ঘরের চেহারা দেখে কাকে অভিশাপ দেবো ঠিক করতে পারলাম না। রোদের পানে তাকানো যায় না, অথচ এত বেলা পর্যন্ত ছেলেপিলে-গুলির না হয়েছে স্নান, না বা খাওয়া। সকালবেলা যা ক'টি মুড়ি খেয়েছিলো তারো জায়গাগুলো এখনো ধোয়া হয়নি। নগেনবাবু ছোট ভাই-এর বৌ এইখানেই আছে—সেই তদারক করছে, কিন্তু একা মানুষ পেরে উঠছে না। মেয়েটি আনাড়ি ; ভাসুর বর্তমান বলে' ব্রীড়াবনতমুখী—মাথার ওপরে ঘোমটা তার সব সময়েই আনমিত। সংসার সামলানো তার কাজ নয়। পুষ্টি-দি ছেলে কোলে করে তিন দিন ধরে' বসে' আছে, মমতার খুব বড় নিদর্শন হ'লেও এটা স্বাস্থ্যকরতাব বড়ো লক্ষণ বলে' মানতে পারলাম না। কিন্তু পুষ্টি-দিকে সে কথা বলতে যাওয়ার মতো ধৃষ্টতা আর কিছু হ'তে পারে না। দুঃখের এত নিখুঁত প্রতিচ্ছবি আমি আগে আর কোথাও দেখিনি। মুমূর্ষু ছেলেকে কোলে নিয়ে পুষ্টি-দির শংকাকুল পীড়িত মুখের তুলনা দিতে পারি, আমার হাতে বাঙলা ভাষা আজো তত শক্তিমান হ'য়ে ওঠেনি। এমন নিদারুণ নিঃসহায়তার ছবি আর নেই।

আমার মতো অপরিচিত আগন্তুককে দেখেই ছেলেমেয়েগুলো কাণ্ডা খামিয়ে দম নেবার চেষ্টা করছিল, ওদের চোখে আমার আবির্ভাবটা

পরম বিশ্বয়কর, ওদের পারিপার্শ্বিক অবস্থার মধ্যে আমি মোটেই খাপ খাচ্ছি না বলে' ওরা কান্না থামিয়ে আমাকে প্রাধান্য দিচ্ছে। এমন কাঙাল হতচ্ছাড়া চেহারা দেখে আমার বরাবর ঘণাই হয়েছে, ছেলে-বেলায় তিনুর কানে একবার পুঁষ হয়েছিলো বলে' তিনুকে আমি কতদিন ছুঁইনি (ভাবতে পারো—তিনুকে ?), কিন্তু ওদের প্রতি কখন যে বুকে স্নেহ সঞ্চিত হ'য়ে উঠেছে—টের পেলাম না। ওদের আত্মীয় করবার জন্যে ওদের দিকে এগোব ভাবছি এমন সময় পূর্বোক্ত বউটি এসে সেই ঘরে কুণ্ঠিত হ'য়ে দাঁড়ালো। এতক্ষণে রান্না তার শেষ হয়েছে বৃষ্টি—এবাব ছেলেপিলেগুলোর গাত্রমার্জনা হ'বে। বৌটি আসতেই নগেনবাবু (তিনি এতক্ষণ একটা চেয়ারে অবসন্ন হ'য়ে বসেছিলেন) তাকে লক্ষ্য করে' বললেন : ওদের পরে হবে'খন। তুমি আগে অশ্রু বন্ধান্নে বন্দোবস্ত কবে' দাও। বান্না হয়েছে কিছু ? (বৌটি আস্তে মাথাটি একটু নামিয়ে সম্মতিসূচক সঙ্কেত করলে) তা হ'লে, গরিবের ঘরে য হায়েছে তাই চাবটি বেড়ে দাও ওকে। কলকাতা থেকে আসছে, নিশ্চয়ই খুব tired, না অশ্রু ।

তোমাদের পুরুষদের এই একটা প্রবল দোষ মেয়েদের হিতসাধনের বেলায় তোমাদের সীমাজ্ঞান থাকে না। নগেনবাবুর এই অতিশয়োক্তি আমার কাছে এত অগ্ৰাঘা মনে হ'ল যে দস্তুরমতো অপমানিত বোধ করলাম। এতগুলি অভুক্ত আত শিশুকে ফেলে আমার কাল্পনিক শ্রান্তি লাফবের জন্যে তিনি ব্যস্ত হ'য়ে উঠলেন, তাঁর এই আতিথ্যের দৃষ্টান্ত এ-যুগে অচল। অতিথির ৩প্তির জন্যে কর্ণের যুগে পুত্রহত্যার পুরস্কার মিলতো, অর্থাৎ মরা ছেলে বেঁচে উঠতো ফের, কিন্তু এ-যুগে ছেলে একবার মরলে আব বাঁচে না—তাই অনাবশ্যক আতিথ্যের মূল্য দিয়ে ক্ষতুর হবাব ভদ্রতা আমাদের পোষায় কৈ। ও-যুগে এমন কতকগুলো

স্ববিধে ছিলো যে হিংসে হয়। শিবিরাজা নিজের দেহমাংস আত্মধির
 জন্তে অনায়াসে কাটতে লাগলেন, তাতেও ওজনে তার সমান হ'ল না
 বলে' নিজের তুলনাদেও আরোহণ করতে দ্বিধা করলেন না—জয়-
 জয়কার পড়ে' গেল, এমন আত্মদান আব দেখা যায় নি; কিন্তু মজা
 এই যে, অতিথি শুধু-অতিথি নয়, ছদ্মবেশী ইন্দ্র। যখনই এমনি একটা
 মহৎ অভিনয় হয়েছে—তখনই দেখতে পাবে পবীত্রাকর্তারা আগে
 থেকেই ছদ্মবেশী হ'য়ে এসেছেন; নইলে যেন এমন একটা ত্যাগেব
 মর্ষাদা হয় না—তাকে পুরস্কৃত করতেই হ'বে ভেবে দেবতাদের আগে
 থেকে পরামর্শ চলছিল। সে-যুগে ত্যাগ বা আতিথেয়তাটাই বড়ো ছিল
 না, বড়ো ছিল তার পুরস্কারের লোভটা। সে জন্তে সে-যুগেব ত্যাগের
 কথা পড়ে' হাত-তালি দিতে হাত ওঠে না। বৃষকেতুকে কর্ণ যখন
 স্বহস্তে বধ করলে—মান্নাম সেটা একটা বড়ো বকমের অতিথি-
 পরায়ণতা—কিন্তু পেটুক বামনটা কেন দেবতা হ'য়ে দেখা দিলো ?
 বৃষকেতু ফের বেঁচে উঠলো বলে'ই কি কর্ণের আতিথেয়তাটা ছোলো
 হ'য়ে গেলো না? এই জন্তেই ত' সন্দেহ হয় যে কর্ণও আগে থেকে
 জান্ত বৃষকেতু তার নিজের মাংসই খেতে বসবে। আমাদের ত্যাগ ঐ
 বাজে ঠুনকো ত্যাগের তুলনায় কত মহনীয়—আমরা ঘুণাকরেও আশা
 করি না যে আমাদের বেলায় নিষ্ঠুর অতিথি প্রেমিক দেবতা হয়ে
 উঠবেন। যা আমরা হাবাই হাসিমুখেই হারাই, ফিরে পাবার লোভ
 রেখে সে মহান্ কৃতিকে আমরা কলুষিত করি না। এমন কি পরজন্মে
 এ-কৃতির পূরণ হ'তে পারে এমন একটা সামান্য ইচ্ছাকে পর্যন্ত লালন
 করতে আমাদের ঘুণা বোধ হয়! আমাদের ভাগ্যের ছদ্মবেশ নয়, সে
 নয় নৃশংস—আমরা 'জানি সে-ভাগ্য চেহারা বদলে এসে বর দিলে
 আমাদের আত্মদানের অমর্ষাদা করবে না। এবং তা জেনেই আমরা
 আত্মোৎসর্গ করতে অকুণ্ঠিত থাকি।

নগেনবাবুর কথার কোনো প্রতিবাদ না করে' আমি পুষ্টি-দির ছেলে-মেয়েদেব নিয়ে পড়লাম। ওরা প্রথমে কেউ ভয় পেলো, কিন্তু আমার বাক্সে যে একটা বিস্কুটের টিন আছে তা বের করে' ওদের বন্ধুতা কিনে নিতে আমার দেরি হ'ল না। তুমি বললে বিশ্বাস কববে, আঁচলটা বুকের ওপর বিস্তৃত না রেখে দড়ির মতো পাকিয়ে কোমরে বেঁধে নিলাম, খুলে ফেললাম জুতো; ছেলেমেয়েদের কুয়োঁর ধাবে নিয়ে গিয়ে বাক্স থেকে সাবান বার ক'রে স্নান করাতে বসলাম। বউটি নিজে জল তুলে দিতে এসেছিলো, বললাম : তুমি ততক্ষণ ঘরগুলো নিকোও, আমি এ-সব একাঠি পারবো। স্নান করতে করতে ছেলেমেয়েদেব কলরবের আর বিরাম নেই, কে আগে স্নান করবে এই নিয়ে প্রতিযোগিতা লেগেছে—তাদের কত দিনকার কত ছোট-খাটো ইতিহাস - দুঃখের ও সুখের—টুকরো-টুকরো করে' আমাকে শুন্তে হ'ল, আমি ওদের বাঙা-মাসি হ'য়েও এতদিন বিস্কুটের টিন ও সাবান নিয়ে আসিনি কেন এটা ওদের একটা বড়ো নালিশ। একজনের কথায় বেশিক্ষণ মনোযোগ দিয়ে অকারণ পক্ষপাতিত্ব দেখাবাব সাধ্য নেই, বাকি হাতগুলি আমার চিবুক ধরে' টেনে তাদের দিকে দৃষ্টি নিবদ্ধ করবার জন্তে সচেষ্টি হ'য়ে আছে। স্নান করিয়ে একটা বড়ো খালার চারধারে ওদের বসিয়ে নিজেই ওদের খাইয়ে দিতে লাগলাম। বৌটিই পরিবেষণ করছিলো। আমি যে অল্পবটনব্যাপারে মোটেই সমদর্শী নই—প্রত্যেকের মুখেই এই অভিযোগ। বাত্রে ঠিক আমার পাশটিতে কে শোবে তাই নিয়ে ওরা ঘরোয়া বিবাদ শুরু করে' দিলো; ওরা দুইমি করলেও ওদের মা'র মতো আমি প্রহার করব না এই অভয় পেয়ে ওরা উঠলো লাফিয়ে। খাইয়ে দাইয়ে মিষ্টি করে' বললাম : তোমরা এবার চুপটি করে' ঘুমোও গে; কাকিমা ঐ বারান্দায় মাদুর পেতে দিয়েছেন।

গোলমাল চেষ্টামেচি করো না, দেখছ না ভাইটির অসুখ করেছে, নগেনবাবু বললেন, আমি নাকি জাহু জানি—সবাই স্ফুস্ফু করে' মাহুরে গিয়ে শুল! শিয়রে দাঁড়িয়ে খানিকক্ষণ পাখা করলাম' (আমার পাখা-চালানোও পক্ষপাতিত্বহীন নয়) ওদের ঘুমুতে দেরি হ'ল না। সব চেয়ে ছোট মেয়েটির বয়েস এগার মাস; বউটিই তাকে দুধ খাইয়ে ঘুম পাড়িয়েছে।

পুষ্টি-দিকে গিয়ে বললাম : এবার তুমি ওঠ, তিন দিন তোমার স্নান নেই, খাওয়া নেই। ছেলেকে আমার কোলে দাও, তুমি এই কাঁকে মাথায় একটু জল দিয়ে মুখে দুটো গুঁজে এস গে।

পুষ্টি-দে এমন আবিষ্ট হ'য়ে আমার দিকে তাকালো যে বি এ পাশ করে' ও এত কলঙ্কভাগিনী হ'য়ে আমাব এমন একটা কথা বলবার কথা নয়। নাক সিঁটকে বরং 'বন্ধার ফিরে যাচ্ছি' বলে' সেজে-গুঁজে একায় গিয়ে উঠলেই আমাকে মানাতো। তা ছেড়ে, এ কী রূপ! যে-ছালের শাড়িটা পরেছিলাম কাদায় আর জলে তা মপমপ করছে; মাথার গোপাটার আব ইজ্জত নেই। আমার সম্বন্ধে এরা যতো ধারণা করেছিল তার সঙ্গে মিল রাখতে পারছি না বলে' ওদেব হতাশ করলাম যা হোক।

পুষ্টি-দি' কিছুতেই ছেলে ছেড়ে উঠবে না, যেন এমনি করে' ধরে' রাখলেই ওকে বাখা যাবে। শেষে অনুন্নয় কবে', পায়ে ধ'রে, শাসিয়ে, ধমকে পুষ্টি-দিকে স্নান করতে পাঠালাম। আর ওর মুমূর্ সস্তানটিকে আমিই কোলে নিয়ে বসলাম। এত সন্তর্পণে এত স্নেহে কোনো জিনিস ছুঁয়েছি বলে' মনে হ'ল না। নির্মল করতলটি মমতায় কোমল করে' ওর কপালের ওপর রাখলাম—জরে পুড়ে' যাচ্ছে। হাত পা ঠাণ্ডা,—নিশ্বাসের ওগে কসরৎ করে' ওর ক্ষীণ কঙ্কাল-কল্প দেহটা

বারে বারে সংকুচিত হচ্ছে। ওর মুখেব দিকে চেয়ে পৃথিবীর কোনো সুন্দর দৃশ্যের কথাই মনে করতে পারলাম না। কিন্তু পরে যখন কোনোদিন আবার সুন্দর দৃশ্যের মুখোমুখি হ'ব, তখন পুষ্টি-দিব্ব এই ছেলের মৃত্যুব দুঃখটা ভুলেও মনে আনবো না। বাস্তবিক আমাদের জীবনে যদি অতীতকাল বলে' কিছু থাকতো এবং যা আমরা ফেলে এসেছি তা যদি ভুলতে না পারতাম—অর্থাৎ পৃথিবী গোল না হ'য়ে চৌকোণ ও সমতল যদি হ'তো—অর্থাৎ কিছু-কিছু অদৃশ্য না থেকে সবই যদি থাকতো উন্মুক্ত, উদ্ঘাটিত—তা হ'লে আমাদের আত্মহত্যা করা ছাড়া আর গতি ছিলো না।

দেখ, আমরা প্রাণী-হিসেবে বড় অনগ্রসর। বিজ্ঞান দিখে সব জিনিস আমরা বুঝতে গেছি ব'লেই আমাদের মুস্তিল আরো বেড়েছে। মৃত্যু বুঝি, কিন্তু মৃত্যুর সার্থকতা বুঝি না। এখনে আমাদের কোনো প্রতিকার নেই বলে' প্রতিবাদ করতে লজ্জা পাই। এতকাল বৃদ্ধিমান থেকে মরবার বেলায় আমাদের অজ্ঞানতা চাড়া দিখে ওঠে, তখন প্রলাপ বকতে আমাদের সুখ হয় : ভোগ, ভাগ্য, ভগবান। আমরা এখনে পশুবো অধম হ'য়ে গেছি। বুঝতে চাই অথচ বুঝতে পাবি না বলে' আমাদের শোক ভীতন হ'য়ে ওঠে। সহজে নিশ্চিন্ত হ'তে পাবি না। দু'টি দিনের জন্তে এসে এই শরীর নিয়ে এত টানা-হেঁচড়া, এত উদ্বেগ, এত খানি—দস্তশূল থেকে স্বক কবে' মৃত্যুশেল - তবু আমাদের কবিতা লিখতে হয়, প্রেম না কবলে পৃথিবী পবিত্র হয় না। আচ্ছা, তোমাব কি মনে হয় না, প্রকৃতির রাজ্যে কোনো একটা শৃঙ্খলা নেই, নীতি নেই—ইচ্ছ মতো অভিন্যাস জাবি কবে'ই তা'ব রাজত্ব চলেছে। যৌবন কখন আসবে প্রকৃতি তার একটা সময় নির্ধারিত কবে' দিখেছে, মৃত্যুর বেলায় তার এই অব্যবস্থা কেন? বিয়ে কবে' যৌবন

প্রমাণিত করবার আগে আমরা কেমন নিশ্চিত হ'য়ে সংসারের দায়িত্ব ও কলুষ থেকে আত্মরক্ষা করে' আনন্দ পাই ; তেমনি এমন যদি একটা ভাগ্যিথ থাকতো যার আগে প্রকৃতি মৃত্যুবাণ হান্বে না, তা হ'লে আমরা পৃথিবীর চেহারা দু'দিনে বদলে দিতে পারতাম। তুমি হয় তো বলবে আমরা এত স্বপ্নায়ু যে আমরা চিনজীবিনী প্রকৃতির নীতির বিচার কি ক'রে করব ? প্রকৃতি কোটি কোটি বৎসর পরেও তাঁর ভুল সংশোধন করলে তাঁর আয়ুর অল্পপাতে সেটাকে অতি-বিলম্বিত বলে' নিন্দিত করতে পারবো না। আমরা আমাদের মূর্খতাব নানারকম হেতুবাদ বা'র কবে' ফেলেছি। নইলে টিকতাম কি করে' ?

আমি গল্প-লিখিয়ে হিসেবে একজন কাঁচা আর্টিস্ট বলে' তোমাকে আগেই বুঝতে দিয়েছি যে পুসি-দর ছেলেটি নেই, কিন্তু অত সহজে তোমাকে বুঝতে দেওয়ার উদ্দেশ্য আমার ছিলো না। তুমি অনেক মৃত্যু দেখেছ—তোমাব দুটি বোন একসঙ্গে এক বিছানায় শুয়ে মাঝে গেছল—মৃত্যুর খবরে তুমি হয় ত' আব চঞ্চল হ'ও না, ওটা তোমার কাছে হয় ত' বাজাব-দবেব মতোই একটা বাজে খবর। কিন্তু এমন প্রত্যক্ষ ও পবিত্র করে' কোনো মৃত্যু আমি দেখিনি, অল্পভবণ কবি নি। আমার জীবনে একমাত্র মা'ব মৃত্যুব বেদনা আছে, তবে মা যখন মারা যান আমি তখন মঘমনসিংহে বিজাময়ী বোডিং এ যুঝছি। সে-দিনেব কাগ্নাঘ আমার ভীততা ছিল, কিন্তু মনে হয় প্রাণ ছিলো না। শিশুব মৃত্যুব চে'ষ করণ কিছু বলনা করা যায় বলে' ভাবা আমার দুঃসাধ্য।

ঘডি থাকলে দেখতে পেতাম স্নান করে' খেয়ে নিতে পুসি-দর দু'মিনিটো লাগে নি। এই যে সামান্য সময়টুকু দূরে রয়েছে তার মধ্যে নিশ্চয়ই ঘমের পেয়াদাগুলো ভিড কবে' এসেছে—মাকে দেখেই বোধ

হয় সমস্বমে এবার সরে' দাঁড়াবে। পুষ্টি-দির কোলে ছেলে ফিরিয়ে দিয়ে দু'হাতে তাডাতাডি ঘরটা গুছিয়ে ফেললাম। নগেনবাবু ও তাঁর ভাই ইতিমধ্যে আহাৰ সেরে ষথাক্রমে ডাক্তার ও শ্মশানবন্ধুর খোঁজে বেরিয়ে পড়েছেন।

বালতি তিনেক ডল কোন রকমে মাথায় টেলে দু'টি মুখে তুলতে বউটির সঙ্গে এক পালে বসে' পড়লাম। সেই অত্যন্ত কালের মধ্যে ভাব হ'য়ে গেলো এবং বি. এ. পাশ করে' ওব বরের বিষয় প্রশ্নাদি করছি দেখে বউটির খুসির আর শেষ বইলো না। বউটির নাম কালিদাসী। ভাবি লাজুক, স্নিগ্ধ মেয়েটি। বর ছাড়া আর কোনো কথোপকথনের বিষয় নেই বলে' কাজে কাজেই সেখানেই আমার রসনাকে পসিয়ে নিতে হ'ল। বর্ণনাট, রুচ হ'লে ক্ষমা করো। কালিদাসীর বরের নাম খগেন্দ্রনাথ। দেখ, নাম সম্বন্ধে আমাদের দেশে একটা নতুন নিয়ম করা উচিত।

শৈশবাবস্থায় আমাদের মূক অসহায় পোষ বাপ মা যথেষ্টাচারে আমাদের ওপর নামের এই জুলুম চালাবেন এটা অসহ। এবং সেই নামের বোঝা চিরকাল অম্লানমুখে বহন করে' আমাদের পিতৃভক্তি সাব্যস্ত করতে হ'বে। নামের মধ্যে মনস্তত্ত্ব আছে বলে' ক্রয়েড কিছু লিখেছেন কি না জানি না, তবে খগেন্দ্রনাথ যে চাকবি-বাকরি না করে' বসে' বসে' দাদার অগ্রধ্বংস কব্ছেন তাই কারণ ওঁব বাপ মা ওকে ঋণ্ড বলে' আদর কবতেন বলে'। আমরা যখন বড়ো হ'য়ে চিন্তা করতে শিখি তখন আমাদের নামের উপযোগিতা পরীক্ষা করবার স্বাধীনতা দেওয়া উচিত। গোত্র থেকে না-হয় আমাদের ত্রাণ নেই, কিন্তু ছোর করে' চাপানো এই নামের দাসত্ব আমাদের চিরকাল কবতে হ'বে— এতেই আমাদের দাস-মনোভাবের প্রথম সূচনা।

অপ্রাসঙ্গিক হ'লেও খগেনবাবু কথাটা সেবে নি। লেখাপড়া বিশেষ কিছু করেন নি, ভালো লাগতো না নাকি। ছেলেবেলা থেকে দাদার ছায়ায়ই বধিত হয়েছেন। এ-পর্যন্ত এক পয়সাও বোজগ ব করেন নি, তবুও তাঁর বিয়ে করায় যে সমাজের পক্ষ থেকে একটা আপত্তি উঠতে পারে তা শোনার তাব দৈর্ঘ্য ছিলো না। নির্মলের সমাজনীতি কিন্তু উন্টো বকমের। বেকার হয়েছে বলে' তার বিয়ে করার অধিকার লুপ্ত হ'বে এবং বেকার হয়েছে বলে' তাব হাত দু'টো কাটা যাবে—এ দু'টো নিয়মই ওর কাছে সমান বর্বব। নির্মল বলে : খাওয়া যদি তার পাপ না হয়, ঘুমোনা যদি তাব পাপ না হয়, বিয়ে করাও তার পাপ হবে না। উত্তরে বলেছিলাম : এই জন্মেই পাপ হ'বে যে কতগুলি নির্দোষ ছেলে পিলে মারা যাবে। এর পরে নির্মল বা বলেছিলো তা একান্ত ছেলেমাহুশি। বিষয়বস্তু ছেড়ে বর্ক যদি অবশেষে ব্যক্তিকে লক্ষ্য করে তা হ'লে তাকে বাচালতা ছাড়া আব কি বলবো ? বাড়িতে একটা টাইপ-রাইটার আছে, খগেনবাব বোজ খান চারেক করে' আফিসে আফিসে দবখাস্ত পাঠান, লক্ষ্য হ'বে ঘুমোন, আব গলা ছেড়ে গান ধরেন। কালিদাসীর যে দু'টি ছেলে পেটেই মারা গেছে সে লজ্জাটিও সে গোপন করতে পারুলো না। মাঝে তারা যেতোই ; নির্মল হ'লে বলতো : বড়ো লোকের ছেলেরা বড়ো হ'য়েও মারা যায়। নির্মলের সঙ্গে এই জন্মে তক কবে' স্থখ হয় না। ঢাল তবোয়াল না নিয়ে যুদ্ধে গিয়ে মৃত্যুটা দিয়ে আসাই ওর মতে প্রকাণ্ড adventure। ছেলেদের না খেতে দিয়ে না চিকিৎসা করে' মরতে দেওয়াটার কোনো অস্বাভাবিকতা নেই। নির্মলের মতে সন্তান হোমিওপ্যাথি চিকিৎসায় মরলে আপশোষ থাকতো কেন, ম্যানোপ্যাথি করলাম না, ম্যানোপ্যাথিতে গেলে আপশোষ থাকতো গলিতে এত বড়ো জলজ্যান্ত একটা

কবরেজ ছিল। ও সব ধোঁকা, ওর মধ্যে সত্য নেই। না খেতে পেয়ে মরাটা নাকি আমাদের কল্পনার আতিশয্য, খেয়ে পেট ফেঁপেও টেব লোক মরে। বিয়ে করাটা ওর মতে শুধু সংস্কার নয় -- আত্মবলীয়া ধর্ম।

এই খগেনবাবুর সঙ্গে আমার পরে আলাপ হয়েছিলো, — সে-কথা পরে বলা যাবে। এখন পুষ্টি-দিবর ঘবে ফের গিয়ে বসি। দেখতে দেখতে সন্ধ্যা হয়ে গেলো, ছেলে-পিলেগুলো জেগে উঠে কেউ কান্না ও কেউ কলরব করে' বাডি মাথায় করবাব যোগাড় কবছিলো, আমি যে ঘাইনি তা দেখে আশ্চর্য হ'য়ে ওরা মুখগুলিকে এমন নম্র ও কমলীয় কাব' তুললো যে চুগু না খেয়ে পাবলাম না। বিকেলে ওদের খাওয়া বলে' কোনো ছাঙ্কাম নেই, বাড়ির সামান্য মাঠে ওদের ছোটোছোটো কবতে পাঠিয়ে দিলাম। ওদের দুকোচুনি খেলায় কতক্ষণের জাগ্র আমাকে বুদ্ধি হ'তে হ'ল। তোমাকে এত সব কথা খটিয়ে নিখছি তা'ব কাবণ আমি পুষ্টি-দিবর সংসার দুই হাতে নিবিড় কবে' স্পর্শ কবে' ও নব্ব একটি পনম তুপি লাভ কবেছি—হোক তা মৃত্যু দিয়ে বিস্তৃত, লাবিত্র্য মলিন, দুঃখে কলঙ্কিত।

এইটুকু পড়ে' তোমাব কি মনে হছে না আমি যদি পুষ্টি দিবর অবস্থায় পড়তাম, তো নী করতাম? হয় তা' এট বকম করে'ই মানিয়ে যতে হ'তো। আমি কিন্তু এ-ঘবেব বাইবে যখন বেরুতে পাবো তখন এই দিনের স্মৃতিটা কী কুংসিতই যে লাগবে। তবু আজকে পুষ্টি-দিবর সংকীর্ণ সংসারের গীমায় ক'টি নুহত আবদ্ধ খেকেই সত্যিই হাঁপিয়ে উঠছি না।

হ্যা, দেখতে দেখতে বিকেল হ'য়ে গেলো। ছেলেটি তখনো ধুকধুক করছে। রোগীর সেই বিচীষিকাময় স্বরুতান তুলনা দিতে পারি এমন শক্তি আমার নেই, আসন্ন ঘটিকাব উপমাটা

নেহাংই অবাস্তব হ'বে। তারপর এলো কালো রাত্রি। মাঝখানের অনেকটা সময় মুছে' দিলাম, কেননা চিঠি তা হ'লে অত্যন্ত বড়ো হ'য়ে বাবে। ডাক্তার বলে' গিয়েছেন, আজ রাত্রে টিকেও যেতে পারে। পুষ্টি-দিকে বললাম : এবার একে আমাব কোলে দিয়ে তুমি একটু ঘুমবার চেষ্টা কর। পুষ্টি-দির আপত্তি আমি শুনবো কেন ? ছেলেব গায়ের ওপর একখানি হাত বে'থ পুষ্টি-দি আমার কোল ঘেঁষে একটু শুল, এবং খানিক বাদেই তের পেলাম সে-হাত শিথিল হ'য়ে বিছানার ওপর নেতিয়ে পড়েছে ; বুঝলাম মৃত্যুকে পারলেও ঘুমকে ঠেকায় পুষ্টি-দির সে-সাধ্য আর এখন নেই। নগেনবাবু বারন্দায় খানিক পাইচাৰি কবে' একটা চেয়ারেই বসে' বসে' ঘুমিয়ে নিচ্ছেন, খগেনবাবু সঙ্গীক ছাব রুদ্ধ করে' তাঁর ঘবে অধিষ্ঠান করেছেন। কোনোদিন গভীর বাত বিনিদ্র কাটিয়েছি বলে' মনে হয় না, কিন্তু মরস্ত ছেলেটিকে কোলে নিয়ে চূপ করে' বসে থাকতে-থাকতে আমার সত্যিই ভারি ভয় করতে লাগলো। মনে হ'ল মৃত্যুর একটা স্পষ্ট মতি আছে, আর সে-মতি মমতাময়ী মা'ব মতি নয়। আচ্ছা, বাঙলা সাহিত্যিকবা মৃত্যুধর্ষণা করতে এত কুণ্ঠিত কেন ? সে-তেজ সে-কল্পনা তোমরা কবে লাভ কববে ? তোমাদের মধ্যে নাকি একটা প্রবাদ আছে যে গল্পে নাথকের মৃত্যু হ'লেই সে গল্প জোলো, ফাকাসে হ'য়ে গেলো। তোমরা নেহাংই বাঙালি, ভিক্টর হিউগো-র টুপি ধরবাবো তোমাদের ষোগ্যতা নেই। তোমাদের মধ্যে কেউ কেউ তোমাদের স্বপক্ষে এমন আরেকটা যুক্তি দেন যে আমাব হাসি পায়। তাঁরা বলেন : সংসাবে মৃত্যু তো আছেই, সাহিত্যে তাকে খুঁচিয়ে লাভ কী ? সুখের ছবি একে জীবনটাকে একটু রঙিন করে' নেওয়া যাক। এর জবাবে যদি বলি : পৃথিবীতে তের লোকই ত' বেশ স্বচ্ছন্দে বেঁচে থাকে, তাদের

নিযে এতো বাড়াবাড়ি করলেই বা কোন্ মোক্ষলাভ ঘটবে, তা হ'লে আমার এ-যুক্তিটা একই জাতের হবে নিশ্চয়। যা ঘটছে তা বলতে আমবা সর্বদা লুকিয়ে বেড়াই কেন? ঘটনার মুখোমুখি দাঁড়াতে কেন আমাদের এতো ভয়? আজ নগেনবাবু যদি মরতেন, তবে পুনি-দির সংসারে এই মৃত্যুটা কি একটা মহাকাব্যের কথাবস্তু হ'তে পারতো না? তোমাদের হাতে এমন বিষয়বস্তু পড়লে তোমরা নিশ্চয়ই আগ্রহ দেখাতে না। একটা প্রেমের গল্পের প্লট পেলেই তোমাদের কলমে সুডসুডি ধরে।

খোকাকে কোলে নিয়ে বসে' থাকতে থাকতে আমার মনে হ'ল— এ আমারই ছেলে, আমারই জন্মে এর জন্ম, আজ শুকে হারাতে বসেছি। ভাবতেই শবীবের সবগুলি শিবা-উপশিবা টন্টন্ কবে' উঠলো। না না না—প্রাণ চেষ্টিয়ে উঠেছিলাম আব কি—আমি সম্মান চাইনে, অকাবণ মৃত্যুর বিক্রমে আমি এই দণ্ড প্রচাব করতে চাই। যৌবনোচ্ছ্বাস হ'তেই মেয়েবা শুনেছি নাকি মাতৃত্বের অভিনাষিনী হয়ে ওঠে—ওটা যদি সত্যি হয়, তবে ওটাকে যৌবনাবস্থাব অন্যান্য গুণ অধ্যাসের মতই শানন ও চিকিৎসা করা উচিত। তুমি মনে করো না (কবছ না অবশি) যে, আমি আমার মতগুলিকে অশ্রের ঘাড়ে জোব কবে' চাপিয়ে দিতে চাই, আমি তত বড়ো অক্ষ অত্যাচারী নই। হ্যাঁ, আমি নিজের কথাই বলছি, নিজের কথা বলতেই আমি ভালোবাসি। খে-দুঃখ নিজে পাবো সেই দুঃখে ভাগ বসাবাব জন্তে আরো কতগুলি অনাথ ও আতুর শিশুদের আমন্ত্রণ কবব আমি ততটা বদান্ত নই। ধরো আজ যদি আমি একটি গরীব কেবানিকে বিয়ে কবি (মোটো ষাট টাকা মাইনে) ও সম্মানধারণ কববাব ভাগিদে আমার যদি ইস্কুলের চাকরি না থাকে, তবে সেই সম্মান কি আমার পক্ষে পাপ—হ্যাঁ,

পাপ হ'বে না? আমি উত্তর দিচ্ছি : হ্যাঁ নিশ্চয়ই পাপ হ'বে, কেননা ষাট টাকায আমাব সম্মানেব উপযুক্ত ভরণপোষণ হ'বে না। অতএব সে-ক্ষেত্রে আগন্তুক সম্মানকে প্রতাবিত করাই হ'বে সমীচীন। বিয়েই বা কেন কবতে যাওয়া? সম্মানকে বৈধ কববার জ্ঞেই ত' বিয়ে। সংসারকে সংকীর্ণ করে' দেবার জ্ঞে যেখানে সম্মানেব অনধিকার প্রবেশের সুবিধে নেই, যেখানে আব বাধা কিসেব? আর্থিক অবস্থা স্বচ্ছল না হ'লে বরং সে-বিষয়ে ভাবা যেতে পাবে। সম্মানকে ভরণপোষণ করবার সম্ভতি নেই বলে' গবির কেবানিটিব সঙ্গে বিয়ের আগে প্রেম কবা যাবে না এটা একটা বর্বর প্রথা। বড়ো বাজে বকছি, না?

হঠাৎ লক্ষ্য করলাম খোকা যাই যাই কবে' উঠাচ। 'বাবা যাবে। ঘরে যে লগ্ননটি জলছে সেটা নিতান্তই অক্ষম মনে হ'ল। ঐ টুকুন আলোতে মৃত্যুক নিগম কবা যাবে না। ডাকলাম : পু। কে তা'ব উত্তর দেন? পুসি দি ঘুমে গা ঢেলে দিয়েছে। আবার ডাকলাম, হাত ববে' নেড়ে দিলাম, চিংকাব কবে' উঠলাম—পুসি দি আরেকটু ভালো হ'বে পা মেলে শুল। এত দিন বাত প্রতীক্ষা কবে' ও এমন একটা দৃশ্য দেখতে পাবে না? এবাব এমন চেচিয়ে উঠলাম যে বিধাতাবো কানে তাল লাগলো হয়তো। (তুমি তখন কী করছিলে?) নগেনবাবু লাফ দিয়ে উঠলেন, বলাম : খোকা কেমন করছে, বোধ হয় নেই। দীনতা ও সাংসারিক ক্রটি টাকবান জ্ঞে যে নগেনবাবু নিজের ছেলেব আসন্ন মৃত্যুর খবর দিতে 'আমাব কাছে প্রথম সংকোচ দেখিয়েছিলেন, তিনি এখন সৌজনেব সীমা অতিক্রম করে' এমন একটি আর্তনাদ করে' উঠলেন যে পুসি দির কথা ছেড়ে দাও, মনে হ'ল মরা খোকাও বোধ হয় নড়ে' উঠেছে। পুসি দি এবাব কাগলো।

আমি এখানেই থামি, কি বল? আর বেশি লিখবো না, পরের ব্যাপারটা তোমাকে ভেবে নিতে দিলাম। সবিস্তারে বলে' তোমার কল্পনাকে খণ্ডিত করতে চাইনে। পারো যদি, তোমার ভবিষ্যৎ কোনো উপন্যাসে একটা শিশু-মৃত্যুর ছব্ব বর্ণনা দিয়ে। আমি লিখে ফেললে তুমি plagiarise করতে পারো।

সে-ঘরে তিষ্ঠোয় কার সাধ্য? বাইরে বেরিয়ে এলাম। আকাশের দিকে তাকিয়ে যে একটা দীর্ঘশ্বাস ফেলবো সে-কথাও ভুলে যেতে হ'লো। এখন ধীরে-ধীরে বেশ লিখতে পারছি বটে, কিন্তু তখন নিজের নিশ্বাসপতন সম্বন্ধে সন্দেহান হ'য়ে উঠেছিলাম; সত্যি। আয়ুর ভিখারি এই শিশুটির মৃত্যুতে কা'র উপকার হ'ল জানি না, আমি কিন্তু একটা পরম শিক্ষা পেয়ে গেলাম, বন্ধু। আমাদের আয়ু এত স্বল্প বলে'ই জীবনকে আমরা এমন ভীকুর মতো আঁকড়ে ধরতে চাই। ভীকু বলে'ই আমাদের ভালোবাসায় মাধুর্য আছে। (এই কথাটা একান্তরূপে নীরস ও বিশ্বাস হ'লেও আমার বারে বারে আঁওড়াতে ভালো লাগে) 'মরিতে চাহিনা আমি সুন্দর ভুবনে'- কবিতা লেখবার কোনো বয়সেই আমি এই ভীষণ লাইন্টা লিখতাম না। না মরলে এ জীবন আমাদের কাছে একটা মৃতিমান অভিশাপ হ'য়ে থাকতো। তখন শোপেনহাওয়ারের মতো আমরা আত্মহত্যার গুণকীর্তন করতাম। হারাবো বলে'ই ভালোবাসায় বল পাই, তেমনি মরব বলে'ই জীবনের শত কৃত্রিমতার মধ্যে আনন্দ ও সৌন্দর্য আবিষ্কার করবার জন্মে আমরা মত্ত হ'য়ে উঠি। ক্রিকেট খেলোয়াড় এক সময়ে আউট হ'বে বলে'ই সে-খেলায় সে রস পায়; একেবারেই আউট হবার কথা যদি তা'র না থাকতো তবে সে ব্যাট দিয়ে স্ট্যাম্পগুলোকে চুরমার করে' মাঠ থেকে বেরিয়ে আসতো নিশ্চয়ই।

আগি কাল এলাহাবাদ যাচ্ছি। তুমি এসো। শরীফ বেগ ভানো আছে। ইতি।

পুনশ্চ : খগেনবাবুর সঙ্গে আলাপ হওয়ার কথাটা বলা হ'ল না—কথা দিয়ে কথা বা-তে পাবি না এ আমাব একটা দুর্বলতা। ওটা শোনবার জন্যে তুমি কৌতূহলী না হ'লেই ভানো কববে।

এলাহাবাদে নির্মলকে টেলি করা হয়েছিলো, তবু স্টেশনে তাকে না থাকতে দেখে অশ্রু দস্তুরমতো রাগ হ'লো। ভাবলো দূর ছাই, একটা হোটেলে গিয়ে ওঠা যাক—পেছনে গাইড্রা কার্ড নিয়ে ফিরি করতে শুরু করেছে। একটা হোটেল নিয়ে দরাদরি করছে এমন সময় একটি প্রিয়দর্শন ছেলে কাছে এসে স্মিতমুখে শুধালো : আপনিই শ্রীমতী অশ্রু দেবী ?

ছেলেটির বৎস অশ্রু চেয়ে ছোট, এবং অধিক মাত্রায় শুধু ভাষা প্রয়োগ করবার তাগিদে সে শ্রীমতীটিও উহ রাখলো না। অশ্রু হেসে বললে—হ্যাঁ, আব তুমি ?

—আমি শ্রীনির্মল গুপ্তের ভাই, শ্রীমতী ইন্দিরা দেবীর ঠাকুবপো। আশুন আমার সঙ্গে, গাড়ি তৈরি আছে। এই বলে বিমল (ছেলেটির নাম,—ভাইদেব নাম মিলিয়ে রাখার প্রথাটা এতদিনে উঠে যাওয়া উচিত হোটেলের গাইডটাকে এক কড়া ধমক দিয়ে অশ্রুকে নিয়ে প্যাট্‌ফর্মের বাইবে চলে' এলো।

গাড়িতে উঠে ই অশ্রু বললে—তোমার দাদা এখানে আছেন ?

বিমল ড্রাইভারের পাশে বসে' ছিলো, ঘাড় ফিরিয়ে বললে—না।

- কোথায় গেছেন ?

—এলাহাবাদটা তাঁকে স্মৃতি কবুছে না। ছুটি নিয়ে বেরিয়েছেন। কোথায় গেছেন ঠিক বলতে পারি না। বৌদিও জানেন বলে' মনে হচ্ছে না। স্বল্প একটু হেসে বিমল ফের বললে—এখানে কদিন আছেন ত' ?

অশ্রু বিমলা হ'য়ে পড়েছিলো। বললে—কেন বল দেখি ?

বিমল একটু লজ্জিত হ'য়ে বললে—এমনি। অবশি এখানে থাকবার বিশেষ কোনো আকর্ষণ নেই। খস্কবাগ বা ভরদাজ আশ্রম দেখাব চেয়ে দুটো গাছ দেখায় বিশ্বয় বেশি। তবে—

অশ্রু। থামলে কেন ?

বিমল। তবে যমুনার ওপর নৌকো নিয়ে বেড়ানোর মত স্থখ স্বর্গে গিয়েও কল্পনা করতে পারবো না। অবিষ্টি একা-একা নয়।

কথা শুনে অশ্রু বিমলের মুখের দিকে দৃষ্টি নিবদ্ধ করতে বাধ্য হ'ল। বিমলের বয়েস বড় জোর সতেরো হ'বে, মুখে টাটকা ফুলের একটা সজীবতা আছে, ঠোঁটের ওপর থেকে চিবুক পর্যন্ত ভাবি সুন্দর, একটি তিল থেকে আরো খুলেছে। মুখ নাকি মনের মূর্তি—অশ্রু বিমলের মুখে তার মনের লেখা যেন এক নিমিষে পড়ে' নিলে। বললে—বেশ, আমাকে বেড়িয়ে এনো একদিন।

বিমল নেহাৎ ছেলেমানুষ, আনন্দের আতিশয্যে গাড়ির মধ্যেই লাফিয়ে উঠলো। বললো—সে অত্যন্ত চমৎকার হ'বে। পশু' কল্কাতা থেকে বীণাবাও এসেছে, আপনি যদি যান তবে বীণাকও নেওয়া যাবে, নিশ্চয়ই। আজই চলুন, কেমন ? প্রয়াগ পর্যন্ত গিয়ে আমাদের দরকার নেই, আমরা ত' ভাল ছুঁয়ে তরে' যেতে চাই না, কি বলুন ? আমরা এখনো দাঁত দিয়ে চিবিয়ে মাংস খাই। আমি লক্ষ্য করেছি অশ্রুদি, যে, ক'দিন থেকে আজকাল চাঁদ উঠছে। এমন একটা gala night আজ কাটবে যে—

অশ্রু' কথাটাকে একটু বাঁকা করে' বললে—কে এই বীণা ?

এবারে বিমল আর ঘাড় ফেরালো না। যেন বলেজের বিষয় গল্প করছে (বিমল ফাস্ট' ইয়ারে পড়ে) এমনি শুধু'নো গলায় সে এইটুকু'ন মাত্র বললে—ও আমাদের পাড়ার ডাক্তার বাবুর ভাইঝি ছুটিতে এসেছে এখানে।

আর কিছু প্রশ্ন করবার আগেই মোটরটা বাড়ির ফটকের কাছে দাঁড়ালো। অশ্রু গাড়ি থেকে নেমেই সটান' বাড়ির মধ্যে ঢুকে পড়লো।

পর্দা সরিয়ে বিমল ততক্ষণে সোফার-এর সাহায্যে মোট-ঘাটগুলি নাযাচ্ছে।

পর্দা সরাতেই দেখা গেলো—ইন্দিরা। এই ইন্দিরা? অশ্রু ঠোঁট দু'টো ইঞ্চি দেডেক ফাঁক করে' রইলো। ইন্দিরা, না নির্মলের ধর্মপত্নী!

এইখানে আবার ছবি আঁকা দরকার। এইবারে গগন ঠাকুরের ডাক পড়বে—কেন না নির্মলের ধর্মপত্নী অন্তঃসত্ত্বা। একটা ব্যঙ্গচিত্র না হ'লে আর মানাবে না। হ্যাঁ, ব্যঙ্গচিত্রই। প্রতিটি রেখায় শ্লেষ, প্রতিটি টানে কৌতুক। যে-দেহ ছিলো ভাণ্ড, এখন তা হয়েছে ভাঁড়,—অমৃতলতা হয়েছে বৃক্ষকাণ্ড। ইন্দিরার এই শারীরিক ও মানসিক অধঃপতনের জন্মে অশ্রু তৈরি ছিলো না। ইন্দিরা যে এত শিগ্গিরই বাজে হ'য়ে যাবে তা জানলে ও যমুনার সবগুলো নৌকোকে ডুবতে অভিশাপ দিয়ে ফের চুপি-চুপি আরেকটা মেয়ে-ইঞ্চলে গিয়ে টিগারি নিতো। এ-দাসত্বের ছবি দেখে ওর মন হাঁপিয়ে উঠেছে, - মেয়েদের এই বন্দীদশা ঘোচাবাব জন্ম কবে আবার নতুন করে' এলিজাবেথ ক্রাই-র আবির্ভাব হ'বে?

ইন্দিরা এগিয়ে-এসে, অশ্রুর একখানি হাত ধ'রে কাছে টেনে আনলো। অতি কাতর স্বরে বললে—ভারি কুৎসিত হ'য়ে গেছি।

ইন্দিরার ডায়রি থেকে :

ইন্দিরা ডায়রিতে তারিখ দেয় না, সামান্য দুয়েকটি বানান ভুল করে। খুব সরু নিব-এ বেশ ধরে' ধবে' লেখে, মনে হয় যা লিখেছে তার চেয়ে চিন্তা করেছে বেশ। কেন না ভাষায় ওর না আছে বেগ, না বা ফেনা। হাতের লেখাটি সরু বলে' মনে হয় ওর মনটি কোমল ও করুণ। চিন্তা ও করতে পারে বটে, কিন্তু তার ফলে ব্যক্তিত্ব অর্জন করতে পারে নি। মানে, ব্যক্তিত্বের অর্থ ওর কাছে আত্ম-প্রকাশ নয়। চিন্তায় ওর স্বাতন্ত্র্য আছে, কিন্তু তার প্রকাশে আছে কুঠা; আলস্য বললে আরো ঠিক হ'বে।

অঙ্কপাত করে' ও ওর নিজের মনের ইতিহাস নিয়েছে এই ডায়রিতে; চূপ করে' বসে' বসে' ভাবলে চিন্তা হ'ত অসংলগ্ন, বিষয় হ'ত অবাস্তব—মনের চেহারার রেখাটিও চোখে পড়তো না। নিভৃত মুহূর্তে ও ওর গৃহকোণটিতে বসে' মনের সঙ্গে মুখচন্দ্রিকা করেছে, সে-স্বপ্নকে ভাষায় মূর্তি না দিয়ে ওর স্বষ্টি ছিলো না। এমনি করে' কত সময় যে অপব্যয় করেছে তাব হিসেব নেই—দু'টো উল বুনলে তার চেয়ে বেশি কাজ দিতো—অস্তিত এই ছিল ওর বাড়ির লোকের মত। রূপকথায় সোনার কাঠির কথা শুনেছিলো—সে বোধ হয় মানুষের হাতের কলম—যে-কলম মনের মৌনভঙ্গ করে। ডায়রি লেখাটা ইন্দিরার কাছে গ্যাকামি মনে হ'ত না (যদিও আসলে ওটা গ্যাকামি) —মনে হ'ত অন্তর্যামীর সঙ্গে একটা গোপন সাক্ষাৎকার; তার মধ্যে মুক্তির স্বাদ আছে। মুহূর্তটি ছোট, কিন্তু মুক্তি আকাশ-বিস্তার।

ডায়রিতে কেন তারিখ দেয় না, জিগ্গেন করলে ইন্দিরা হয়তো বলতো : আমি তো' জীবনের ঘটনাগুলি কুড়িয়ে-কুড়িয়ে গুছিয়ে রাখছি না যে তার পারস্পর্ষ না রাখলে ইতিহাস তার বন্ধনী হারাবে, 'আমি লিখছি আমার আত্মার রূপকথা ; ছাপলে তা জনসাধারণের উপকারে আসবে না। কেননা এ আমার একান্ত নিজের, যেমন আমার চুল ঝাঁধবার রীতিটা অণ্ডের অননুকরণীয়। ডায়রি লেখাটা আমার মনের একটা বিশেষ ও পৃথক প্রতিষ্ঠা ; ওটা একটা সাবেক ও মামুলি ইয়ার-বুক নয়।

ইন্দিরার কথা এ-পর্যন্ত অমুধাবন করে' আমাদের মধ্যে থেকে' কেউ যদি প্রশ্ন করে : তা তো বুঝলাম ; কিন্তু এতো সব চোখা চোখা মত পোষণ ক'রেও তুমি তা পালন করতে পারলে না, এর কারণ কি ? এর উত্তরে ইন্দিরা কী বলবে আমরা আন্দাজ করতে পারছি না ; তবে মায়ন্তন দিগন্তরেখার মতো ওর চোখ নিশ্চয়ই বাষ্পাকুল হ'য়ে উঠবে, এবং আমরা তাকে স্বচ্ছন্দে ক্ষমা করতে পারবো। শুধু ক্ষমা করতে পারবো না, ইন্দিরা আমাদের মনে একটু দোলা দেবে। কখনো-কখনো মনে হ'বে ভীক হ'য়ে ইন্দিরা ভালোই করেছে, কেননা মনের গলি-ঘুঁজিতে বেড়াবার যার ছাড়পত্র আছে সে শুধু বিবেক, পাড়ার পাঁচ জন নয়। বাইরে সে-মন উদ্ঘাটিত হ'লেই পাড়ার পাঁচ জনের পাঁচন-বড়ি-প্রয়োগের প্রয়োজন হ'ত। এই প্রকাশ-কুণ্ঠতাটাই ইন্দিরার গুণ হ'য়েও বড়ো দোষ। অস্তুত অশ্রু তাই ভাবলে। ওর মতে ওজস্বিনী ভাষার চেয়ে একটা উলঙ্গ ভাব অনেক শক্তিশালী। পালিত হওয়ার চেয়ে প্রচারিত হওয়াতেই তার সার্থকতা।

মোটামুটি ইন্দিরার ডায়রির সমালোচনা এইটুকু। বানান ভুল নিয়ে ঠাট্টা করা ওর মুখরুচির প্রশংসা করা সমান নিরর্থক। আমরা কটু

কথা বলতে পারি না এমন নয়, তবে সমালোচনাকে নৈব্যক্তিক করার পক্ষপাতী আমরা নই—অস্তুত ইন্দিরার সম্বন্ধে। কেন না—সে-কথা পরেই হবে'খন।

মা বলেন গৃহকর্মে আমার মন নেই; মাসিকসওদার হিসেব রাখতে গিয়ে সামান্য যোগ করতে ভুল করেছি—আমার উপায় কী হবে? কলেজে মেয়েরা রাজনীতি করছে, তাদের কোলাহলে গলা সেধে মেলাতে পারি না, সবাই বলে : দুয়ো! কিছু হ'বে না আমাকে দিয়ে। বাবা একটা খুব ভালো বিয়ের সম্বন্ধ খুঁজে এনেছেন, কিন্তু আমি এমন বেসরসিক মেয়ে, সে-খবরটা পেয়ে আয়নায় দাঁড়িয়ে নিজের মুখও দেখলুম না একটাবার। সত্যিই, আমি এত নিস্পৃহ কেন হ'লুম? জীবনে এমন কোনো ঘা খাইনি যে জীবনকে ঘানি বলে' সস্তা দুঃখবাদ করব। মোটামুট, কেন জানি ভালো লাগে না। কারণটা খুঁজতে হবে।

মনকে স্পষ্ট জিগ্গেস করলুম : কী চাই? মন অনবরত চোঁখ ঠাবে, জবাব দেয় না। কিন্তু জবাব আমার পেতেই হ'বে। আমার বয়সী মেয়েরা চায় কী? প্রেমিক স্বামী, সুশৃঙ্খল সংসার, নীরোগ সন্তান? আমার মনে হয় বিশ্বাস, অ-শ্রীল [টীকা; শব্দটা প্রচলিতার্থে নয়]; আহত কেঁচোর মতো শরীরটা সংকুচিত হ'য়ে আসে। কর্ম চাই? কী কাজ করবো? মেয়েদের অবরোধমুক্ত, দৃষ্ট, স্বাভাবিক-শালিনী করবার জন্তে মশাল হাতে নিয়ে সমুদ্রাশ্রম পৃথিবী

প্রদক্ষিণ করবো? না ভাই, পারবো না! যে পারে সৌন্দর্যের চিত্রবীপ জালিয়ে, আমি প্রশংসা করবো। জীবনে আদর্শপূজা করতে আমার ভয় করে, যজ্ঞ পণ্ড'হ'বে বলে' নয়, সমিধ-ই আমি সংগ্রহ করতে পারবো না; ক্লাস্ত হ'য়ে পড়বো। প্রেম চাই? পাওয়া যাবে না এমন প্রেম? কী হ'বে তা দিয়ে? মিছিমিছি তবে স্নায়ুগুলোকে খাটিয়ে ক্লিষ্ট করে' লাভ কী? বেশ পাওয়া যাবে এমন প্রেম! তবে প্রেম আর রইলো কোথায়?

যা আমার কাছে আছে তাই নিয়ে আমি বেশ আছি। [টীকা : কয়েক লাইন আগেই লেখা হয়েছে : 'ভালো লাগে না।' এই থেকে আমরা ইন্দিরার অস্থিরচিত্ততা অনুমান করতে পারি। ওর যে ভালো লাগে না সেই হয়তো ওর বেশ থাকা।] কী আমার আছে জিগ্গেস করবে? গভীর ক'রে উত্তর দেব : আমার কর্মহীন নীরব নিঃসঙ্গতা! সেই আমার জীবনের উদার শান্তি। আমি পৃথিবীর কোনো কাজে আসবো না, সামান্য একটা ওয়াড় মেলাই করলুম না কোনো-দিন—এই প্রশংসাপত্র দিয়ে বিধাতা কেন আমাকে এত অপ্রাকৃতিক করলেন আমার এ-প্রশ্নেরো কোনো জবাবদিহি নেই। সুপ্রচুর অবকাশ পেয়েছি—চৈত্রমধ্যাহ্নের আকাশের মতো অব্যাহত। কিন্তু সুখ এই যে, হাতে কোনো কাজ নেই। বাবার গরম জামা-কাপড়গুলো রোড্রে দেবার কথা ছিলো, প্রতিনিধিরূপে কালিন্দীকে প্রেরণ করলুম। [টীকা : ছন্দ দেখে অনুমান হচ্ছে কালিন্দী ইন্দিরার ছোট বোন।] কালিন্দী বেশ বাধ্য মেয়ে, কোমরে আঁচলটাকে বাশীকৃত

করে' ঘর-দোর নিয়ে ঘেমে উঠেছে ; খড়কে-ডুরে শাড়িটিতে ওকে কী যে মানিয়েছে বললে ওর আত্মতৃপ্তির আর সীমা থাকছে না। কালিন্দী আমার নয়নরঞ্জিকা। [টীকা : কালিন্দী সম্বন্ধে ওর বাগ্‌বাহুল্যের অর্থ এই যে, ও ছিলো বলে'ই ইন্দ্রিরা বেঁকু গেছে, নইলে এই নীরব নিঃসঙ্গতা ওকে আর ভোগ করতে হ'ত না। আফিসের জামা-কাপড় রৌদ্রে না দিয়ে রাখলে ওর মা যে ওকে আদর করে' পিঠে খেতে দিতেন অতো বড়ো দুঃখ না করাই ভালো।]

আমি এই কর্মহীন নীরব নিঃসঙ্গতার উপাসিকা—এই আমার গৌরব। সংসারের সেবাষ আমার স্থান নেই, পরোপকার আমার ব্রত নয়—এই আমার অসাধারণত্ব। গান দিতে চাও দিয়ো, কিন্তু যদি বলি এই নিঃসঙ্গতাটিই আমার আধ্যাত্মিকতা, বলবে : তোমার মুখে কথাটা মানায় না, ইন্দ্রিরা ! না মানাক, কতি নেই, কিন্তু এই নিঃসঙ্গতা নিয়ে সমস্ত আকাশ ও পৃথিবী ঘিরে আমি মনে-মনে যে একটি নীড় নির্মাণ করেছি তা'র কথা বলে'ও তোমাদের লাভ নেই। [টীকা : কেন না সে-নীড়ে আর কারু নিমন্ত্রণ হ'বে না।] প্রকৃতির সঙ্গে এমন একটা হৃদয়যোগকে তোমরা নিশ্চয়ই বিদ্রূপ করবে, বলবে : অলস বিলাসিতা মাত্র। আমি তা গ্রাহ্য করি না। সূর্যোদয়ের আগে চোখ চেয়ে যে-জগৎকে আমি আবিষ্কার করে' মুগ্ধ হই, ঘুমেও সেই জগতের বহুবর্ণতা আমার হৃদয়ে লেগে থাকে। যাই তোমরা বল, আমার চিন্তের আুরতি এই প্রকৃতিকে নিয়ে। আমার অহুত্ব অত্যন্ত গভীর বলে'ই আমি কবি হ'তে পারলুম না।

আমি যে কত সুন্দর তা তোমরা কেউ কল্পনাও করতে পারবে না। কালিদাসের কাব্যে ত্রিংশবধুর রূপবর্ণনায় ধারা মুগ্ধ হয়েছে তাদের আমি প্রথমেই বাতিল করে' দিচ্ছি। আমার সঙ্গে তরলিকা স্বরশৈবলিনীর লাবণ্য—এ কথা কে না জানে? সে-বিশেষণটাকে আমি গ্রাহ্যই করিনে। কবির! আমার সঙ্গে অরণ্যচন্দ্রিকার তুলনা দেবেন—ভঙ্গুর উপমা। জানো, আমি এই বিশ্বপ্রকৃতি; মানবীর মূর্তিতে বিধাতার অন্তরছায়া। পায়ের নিচে মাটি আমার কঠিন, বায়ু ঘন, নিঃশ্বাস গ্রহণ একটা কঠোর শাস্তি মাত্র। শারীর বিজ্ঞানের অধীন আছি বলে' আমার কখনো-কখনো নিজের ওপর অবজ্ঞা আসে, আমাকে মৃত্যুর অনুঘাতিনী হ'তে হ'বে ভেবে আমার হাসি পায়, সৌরজগতে আবার একদিন পথ হারিয়ে ফেলব বলে' একটা আনন্দময় আতঙ্ক লাভ করি। সে কবে? [টীকা : উল্লিখিত কথাগুলি থেকে ইন্দিরার চরিত্রের আরেকটু পরিচয় পাওয়া যাচ্ছে,—ইন্দিরা নিজের সম্বন্ধে অতিমাত্রাধ সজ্ঞান, বলা যেতে পারে স্বার্থপর। তবু ভেনাস ডি মাইলোর সঙ্গে ওর জ্ঞাতিত্ব নেই।]

কর্মবাহুল্যে মানুষ কত কুশ্রী হ'য়ে পড়েছে,—পৃথিবী-ব্যাপী এবার ধর্মঘট হোক। আজ সমস্ত বিকেল ধরে' কী সুকোমল ধারাসুর ঝরছে। খোলা বারান্দায় বসে' চুলগুলি ছড়িয়ে দিয়ে রবীন্দ্রনাথের একটা গান গাইলুম, আকাশ কান পেতে শুনল, মুগ্ধ হ'য়ে গেলো। গানটি যেন আমাকে অমর্ত-লোকের পারে নিয়ে এসেছে। এই জন্টেই ত' রবীন্দ্রনাথকে আমি কবিশ্রেষ্ঠ বলে' সম্বন্ধিত করি। [টীকা : সাহিত্যকে

স্বমধুর করতে হ'লে জীবন থেকে তাকে দূরে সরিয়ে আনতে হ'বে—এই কৌশল রবীন্দ্রনাথের জানা আছে বলেই তিনি শিল্পীশ্রেষ্ঠ। ইন্দিরা রাশ্চার সাহিত্য পড়েছে বলে' মনে হয় না, তা হ'লে গোগল এর হতাশা বা উষ্টয়ভঙ্কির অবিশ্বাসকে কমা করতে পারতো না নিশ্চয়ই।]

প্রেমের চেয়ে যে-আর্ট বড়ো আমি সেই আর্টের উপাসিকা। বাহ্যিক প্রকাশ থেকে নিষ্কর্ষিত করে' আর্টের যে একটি অবাস্তব রূপ আছে আমি তাকে, কায়মনে ভালোবেসেছি। বাহ্যাদম্বরের আতিশয্যে মানুষ এই সহজ আনন্দবোধটি হারিয়ে ফেলেছে—তোমাদের চিত্তদারিদ্র্য আর সওয়া যায় না। আমি এই বিরল, দুর্লভ গুণটির অমুশীলন করব। সবাইর মতো সীমা-লাহিত সংসারের পঙ্কিল আবর্তে তার সমাধি দেব না। এই আমার জীবনের সংজ্ঞা ও সার্থকতা।

আমি বাজে, বিলাসি, ভাবুক। [টীকা: কথাগুলি সমার্থসূচক।] আমাকে করুণা করবে, তোমাদের অসীম ময়া—কিন্তু আমার এই ভাববিদ্যাৎ দিয়ে সমস্ত বায়ুমণ্ডলকে পরিপূর্ণ, পরিব্যাপ্ত করে' রাখবো, কেউ না কেউ প্রভাবিত হ'বেই। তোমরা বলশালী হও, আমি হ'ব সুন্দর। [টীকা: ইন্দিরার মতটা আধুনিক নয় মনে হচ্ছে। বলের মধ্যে যে-সৌন্দর্য আছে সেটা প্রথমে ও বর্বর, ওর মতে শিল্প-সৌন্দর্য হচ্ছে দুর্বল, নিরীহ, ভঙ্গপ্রবণ—এবং সেইটেই হচ্ছে জীবনের রূপময়তা।]

কালিন্দীর পেটের মধ্যে ফোড়া হয়েছে,—দাঁড়ের ক্রটির জন্মে। সাহেব জাঙ্কার এসেছিলো, বললে, অজ্ঞান করে' কেটে

ফেলতে হবে। বাবা দাক্ষণ ভড়কে' গেছেন; সহজে সারানো যায় কি না, সেই ভেবে হোমিয়োপ্যাথির শরণাপন্ন হয়েছেন— কালিন্দীর যন্ত্রণার দিনগুলি বেড়ে গেছে।

মাঝরাতে ঘুম ছেড়ে ধড়ফড় কবে' জেগে উঠলুম— পাশের ঘরে কালিন্দী চিৎকার করছে। ভয়ে বেদনায় শরীর কেঁপে উঠতে লাগলো। মনে হ'ল মিথ্যা এই প্রকৃতির শুভময় সৌন্দর্যপ্রেরণা—এর অস্তরের কুশ্রীতা আমি ধরে' ফেলেছি। প্রলয়পয়োধির তরঙ্গ-আঘাতে যে ছিন্নভিন্ন হচ্ছে, ফুলের পাপড়িতে শিশির-পড়ার শব্দ শুনে সে আর মুগ্ধ হয় না। মৃত্যুকে তবু কমা করা যায়, কেন না সেটা একটা পরমরমণীয় মোহময় বিশ্বাসিত মাত্র—ভারি রোমান্টিক,—কিন্তু এই খণ্ডিত লাস্ত্রিত বিপর্ষস্ত জীবনের মতো জঘন্যতা আর কোথায় আছে? এই সৃষ্টিটা বিধাতার বীভৎস রসের পরাকাষ্ঠা। [টীকা : ইন্দিরাকে অনুধাবন করা কঠিন মনে হচ্ছে, ওর ভাবের সঙ্গতি পাওয়া যাচ্ছে কি?]

কিন্তু এই জীবনে মর্ত্যাতীত সৌন্দর্যের সাধনা করবো সমস্ত অস্তর দিয়ে এই উপলব্ধিটি আমি লাভ করেছিলুম, কালিন্দীর চিৎকারে আমার সে-খ্যান ভেঙে যেতে বসেছে। ভাবলুম এই স্থূল ইঞ্জিয়সর্বস্ব দেহটাই হচ্ছে সৌন্দর্যসাধনার বাধা,—আমি যদি সহসা একদিন কুষ্ঠরোগে আক্রান্ত হই, অথচ আত্মহত্যা করতে ইচ্ছা না হয়। যদি একটা অনিবার্য দুর্ঘটনার বিকলাঙ্গ, আকার-ভ্রষ্টা হয়ে পড়ি। এই মাংসল মূন্ডয় শরীর নিয়ে আমরা কী করে' সুন্দর হ'বার স্বপ্ন দেখতে পারি। এমন একটা গানি নিরন্তর আমাদের সহিতে হলে

বলে' আমার লজ্জার আর সীমা থাকে না। শারীরিক প্রক্রিয়া-
গুলো কী নিদারুণ রূপে স্থূল, এর সামান্য ব্যতিক্রমের শাস্তি
জঘন্যরূপে সুপ্রত্যক্ষ! [টীকা : সম্ভানধারণযোগ্য রমণী
না হ'য়ে এই অসুভূতি নিয়ে একটা দীর্ঘায়ু ফুল হ'লেই বোধ-
হয় ইন্দিরাকে মানাতো ভালো। তবু দেহ সম্বন্ধে ওর এই
লোকাভীত ধারণাটা আধুনিক কালে শুধু যে অপক তাই নয়,
দস্তুরমতো অভব্য। কেন না এই দেহগঠন যদি উপযুক্ত
সাধনার বলে ভাস্কর্যের সীমায় উপনীত হয়, তবে তার চেয়ে
অধিকতর সৌন্দর্য কল্পনা করা দুক্লহ, এমন কি দেহের এই
বৈধ স্বাভাবিক প্রক্রিয়াগুলোও অভিজাত। স্বাস্থ্য আব
সৌন্দর্য সমপদবাচ্য; রোগ যেমন আছে তেমন তার
চিকিৎসাও আছে। ইন্দিরা এ-যুগে পেছিয়ে পড়েছে,
ওকে সফ্রেটিসের ভগ্নীরূপে পেলো আমরা খুসি হ'তাম।]

কালিন্দীর গিয়রে বসে' ওর কপালে হাত রাখলুম।
ষড়্গায় মুখ বিকৃত করে' [টীকা : ইন্দিরা দেখছি রিয়ালিষ্টিক
হ'বার চেষ্টা করছে।] বললে : দিদি, আর পারি না। পবে
একটা বেদনাহীন মুহূর্তে ফের বললে : বিজ্ঞান এখনো যথেষ্ট
উন্নত হয় নি। আমরা আরো দু' শতাব্দী পরে এসে কেন
জন্মালুম না? দু' শতাব্দী পরে ক্রমবিবর্তনে এই পৃথিবী
আরো সহজ হ'য়ে উঠবে, না? তোমার কী মনে হয়?
[টীকা : এ ধরনের কথা শুনে আমরা স্বচ্ছন্দে আন্দাজ করতে
পারছি। কালিন্দী সাবালিকা হ'য়ে উঠেছে—আইনের অর্থে
ত' বটেই, বুদ্ধির অর্থে। অর্থাৎ, মনে হচ্ছে, সে হার্বাট
স্পেন্সার পড়েছে, যদিও স্পেন্সারের মত উন্নটো—ক্রম-

বিবর্তনের ফল যে নিছক জটিলতা এ-ই তিনি বিশ্বাস করেন।]
 হঠাৎ ব্যথার আরেকটা চাড়া উঠলো, কালিন্দীর মুখ নীল-
 বিষণ্ণ, হাত-পা শিথিল হিম হ'য়ে এল। চিৎকারটা যেখানে
 বাজায় হ'য়ে উঠলো, শুনতে পেলুম ও করুণস্বরে আমার কাছে
 এক প্রশ্ন বিষ চাইছে। মরলে পয়ে নরক আছে কি না জানি-
 না, কিন্তু ক্যান্সার নেই। [টীকা: পেটে ফোড়া আর
 ক্যান্সার হওয়া এক নয়।]

আমার চোখের সামনে বিলীয়মান অন্ধকার,—কালিন্দী
 একটু ঘুমিয়ে পড়েছে হয় তো, চূপ করে' আছে। বাইরে
 বেরিয়ে এলুম, সৃষ্টির সেই অস্পষ্টতার মধ্যে আমার সামান্য
 অস্তিত্বটুকু যে কী ভালো লাগলো কেমন করে' বোঝাই।
 মনে হ'ল মৃত্যু মিথ্যা—এই যে বিশ্বাস নিতে পারছি স্নহ
 স্নন্দর দেহে—এর চেয়ে বিলাস আর কী আছে! বেশি দিন
 না-ই বা বাঁচলুম, কিন্তু যত দিন আছি তত দিন যেন
 অত্যন্তমাত্রায় বেঁচে যেতে পারি এই প্রার্থনা।

কালিন্দী আবার চিৎকার করে' উঠেছে। ওর আর্তনাদ
 শোনবার জন্তে আর দাঁড়ালুম না, ধীরে ধীরে বাগানে চলে'
 এলুম। [টীকা: এই ভোরে ওর বাগানে চলে' আসাটি
 আমাদের ভালোই লাগলো; শুকে আমরা স্বার্থপর বা
 স্নেহবিমুখ বলে' নিন্দা করলে সেটা স্তায়ালুগত হ'বে না।
 ওর মৌন্দর্ষবোধটি আমাদের মনোজ্ঞ হয়েছে।]

টের পেলুম রম্যাপতি আমার আত্মীয় হয়! কিন্তু এ-
 বিষয়ে সজ্ঞান হওয়ার আর অর্থ নেই। কেন না রম্যাপতি

যেদিন এসেছিলো কপালে তথাকথিত আত্মীয়তার নিদর্শন
 এঁকে আসে নি, এসেছিলো একান্তরূপে পুরুষ হ'য়ে—যদি
 উপমা দিতে হয় বলি, একটা নৈব্যক্তিক জ্যোতিষ্মান
 আবির্ভাবের মতো। এখন, ফিরে যাও, বললেই মন শোনে
 কৈ? [টীকা: রমাপতি ইন্দিরার কি রকম আত্মীয় হয়,
 ডায়রিতে তা লুকিয়ে রাখাটাকে নিশ্চয়ই ভীকতা বলবো।
 রমাপতি মামা না কাকা, দাদা না আর-কিছু জানা উচিত
 ছিলো। 'তথাকথিত' কথাটি প্রাণধানযোগ্য। অর্থাৎ কৃত্রিম
 সম্পর্কটার স্বভাবসিদ্ধ এমন কোনো ক্ষমতা নেই যে তার
 সৃষ্ট ব্যবধানগুলিকে রক্ষা করে' চলে, তাই রমাপতি আত্মীয়
 হ'য়েও ইন্দিরার এমন হেঁহ বা হৃদয়তার অধিকারী হযেছে যা
 সম্পর্কের অতিরিক্ত, তার সীমার বহির্ভূত। শিশুকাল
 থেকে যে-সাহচর্য নরনারীব হ'য়ে থাকে সেটার রহস্য-
 বিলোপ ঘটে বলে'ই আত্মীয়তাটা টিকে থাকে, তাই
 পৃথিবীতে সহোদব ভায়ে-বোনে প্রেম বড়ো একটা দেখা যায়
 না, যদিও *Samne* মে-সংস্কারো ভেঙেছে। রমাপতি যদি
 ছেলেবেলায় ইন্দিরার সঙ্গে খুব মেলা-মেশা করত তা হ'লে
 হয়ত রমাপতিকে দাদা বা মামা বা কাকা বা আর-
 কিছু ডেকে ডেকে ইন্দিরার মন ও রসনা অভ্যস্ত হ'য়ে
 পড়তো; আত্মীয়তার প্রাচীর ভাঙতো না বোধ হয়। কিন্তু
 রমাপতিকে এখন কাকা বা মামা বা দাদা বা আর-কিছু
 বলে' রসনা ডাকবে কেন, মনই বা কি করে' সাহ দেবে?
 রমাপতি নামটা উচ্চারণ করতে পর্যন্ত ওর রোমাঞ্চ হয় মনে
 হচ্ছে।]

রমাপতির প্রতি আমার এই অনুভূতিটির কি সংজ্ঞা দেব ভেবে উঠতে পারি না। বাংলা ভাষায় শব্দসম্পদ এতো কম যে ঠিক atmosphere-যুক্ত একটা প্রতিশব্দ পাব না। প্রেম কথাটার না আছে অর্থ না বা ইঙ্গিত; তার চেয়ে স্নেহ কথাটায় সংকেতময়তা বেশি আছে। কিন্তু ঐটুকু কথায় কুলবে না কিছুতেই। বন্ধুতা, মিথুনাসক্তি? কথাগুলি অত্যন্ত রুঢ় বলেই যে বরখাস্ত করছি তা নয়, কথাগুলির অর্থ সত্যিই অসম্পূর্ণ; আমার এই অনুভূতিটি সত্যিই অনিরূপনীয়! [টীকা : অনুভূতিটির না পেলেও atmosphere কথাটার বাংলা প্রতিশব্দ পাওয়া দুষ্কর হ'ত না।]

কেন রমাপতিকে ভালবাসি [টীকা : এইখানে ভালবাসি কথাটা ক্রিয়া, অনুভূতি বা বিশেষ্য নয়, তাই গ্রাহ্য।] এই প্রশ্ন ক'রে সন্তুষ্ট হ'তে পারি না। রমাপতির রূপ নেই, বিত্ত নেই,—মুখশ্রী নেহাৎ সাধারণ, স্বাস্থ্যগৌরবেও কুলীন নয়—মায়াস কলেজ থেকে রিসার্চ করবার জন্যে সামান্য একটা বৃত্তি পায় মাত্র। [টীকা : বোঝা যাচ্ছে সেই সূত্রেই রমাপতি কলকাতায় এসেছে পড়াশুনা করতে। বিজ্ঞান-বিষয়ে গভীর গবেষণা করতে গিয়ে যে একটি চাকরবর্ধনা আত্মীয়ের প্রতি অলস দৃষ্টিতে তাকানো যাবে না এমন আত্মসংঘের প্রমাণ দিতে স্বয়ং সত্যবাদী যুধিষ্ঠিরো লজ্জিত হ'তেন।] কিন্তু ওর একটি ভীষণ গুণ আছে,—তা হচ্ছে ওর অনন্যপরায়ণ পাঠাসক্তি। ওর ছোট ঘরটিতে বসে' সমস্ত দিন (কলেজের সময়টুকু ছাড়া) যন্ত্রপাতি নিয়ে ঘাঁটাঘাঁটি করে, চোখের দৃষ্টি তীক্ষ্ণতর করে' কি-এক অভূতপূর্ব আবিষ্কারের আশায়

কলকলার ওপব ঝুঁকে থাকে। এই অথও মনোযোগ বা অন্যান্য জিনিসের [টীকা : ইন্দিরা স্বয়ং ?] প্রতি ওর এই ঐদাসীন্দ্ৰ ও অবহেলা দেখে রাগ হয়, কিন্তু রাগতে পারি না। [টীকা : কি করে'ই বা পারবে ? রমাপতিকে যে ওর ভাল লাগবে এতে আর সন্দেহ কি ? ও অলস কর্ম বিমুখ—রমাপতির একনিষ্ঠ কর্মপরায়ণতা। ইন্দিরা মৃদুস্বভাব আবাগুখী, আর রমাপতির দেহে যেমন দৃঢ়তা, বচনে তেমনি সুস্পষ্ট তেজ। প্রীতির মূলেই বৈষম্য,—যত গভীর, প্রীতিও তদনুপাতে প্রগাঢ়। রমাপতি যদি তার ল্যাবরটারিতে দিন-রাত মাথা গুঁজে' পড়ে' না থাকতো' মাঠে বসে' যদি বাশি বাজাতো বা ইঞ্জি-চেয়ারে গা ছড়িয়ে বসে' বিডি ফুঁকতো তা হ'লে ইন্দিরার পক্ষে তার সংজ্ঞানির্গম করতে বেগ পেতে হ'তো না—অর্থাৎ শুদ্ধভাষায় যাকে বলে গ্যাকামি।]

রমাপতি আমার আত্মীয়, ওর সঙ্গে সামান্য কথা-অনুরাগ সম্ভোগ করাতেও আমাব বাধা আছে এ-কথা আজ বললেই বা শুনি কি করে' ? টের পেলুম, ইদানি আমাদের দু'জনের ওপর সংসারের সন্দিক দৃষ্টির ছায়া পড়েছে। [টীকা : ইদানি কথাটি লক্ষ্য করবার। মনে হচ্ছে, প্রথমত এদের পরস্পরের সান্নিধ্য নিবিড়তর হ'য়ে উঠেছিলো এই আত্মীয়তারই ছাড়পত্রে। নর নারীর একটা সামান্য শারীরিক নৈকট্য ঘটায়ও যেখানে সুবিধে নেই সেখানে,—হোক না কৃত্রিম, হোক না মূল্যহীন—এই আত্মীয়তার ওজুহাতকে নিন্দা করাটা ঠিক হ'বে না। সেই কৃত্রিম আত্মীয়টা ইদানি সত্য ও সুগভীর

হ'য়ে উঠতে চাইছে বলে' সংসার বা তথা সমাজের সহ হচ্ছে না।] মন বিমুখ হ'য়ে রইলো ; যেটা অন্ডায় বলে' বুঝি— সেটাকে শাসন করবার জন্তে যে সশস্ত্র বিদ্রোহ করব মনের মধ্যে সেই শক্তি খুঁজে পেলুম না কেন ? বুঝলুম, রমাপতির কাছ থেকে আমাকে বিছিন্ন করে' বাথে এমন কোনো অন্তরায়কে আমি কখনো কল্যাণকর বলে' স্বীকার করবো না, কিন্তু এ নিয়ে যে সহানুভূতিহীন সংসারের সঙ্গে একটা ক্ষমাহীন সংগ্রাম করবো সেটাও আমার কাছে অবিনয় মনে হ'ল। অন্ড মেয়ে হ'লে কি কবত জানি না, আমি আমার ঘরে ফিরে এসে নির্জনে কাঁদতে বসলুম। [টীকা : গৌয়ার ওথেলো (স্ত্রীর বৃকে) ছুরি বসিয়ে অদৃশ্য হ'লে কি এসে মুমূর্ষু ডেসডেমোনাকে জিগ্গেস করলে, কে এই সর্বনাশ করেছে ? শ্রীমতী ডেসডেমোনা মবলো বলে'ই গলে গিয়ে তার মিথ্যা কথাকে বললাম—'স্বর্গীয় মিথ্যাবাদ।' এই মিথ্যাবাদিনী ভীক ডেসডেমোনাই গৌয়ার ওথেলোকে বিয়ে করবার জন্তে বাপের সঙ্গে বাক্যের লড়াই করতে কসুর করে নি। এই খানটাতে বাঙালি মেয়ের সঙ্গে তার কুটুস্থিতা নেই। ইন্দিরা ঘরে গিয়ে যে কাণ্ডটা করে' বসলো সেটা প্রাক্-গান্ধি-যুগের বাঙালি মেয়ের প্রকৃষ্ট চরিত্র-নমুনা।]

রমাপতিকে আমি বিয়ে করবো এমন একটা স্থূল নীচ অশ্লীল ইচ্ছা পোষণ করতে আমার শরীর-মন কণ্টকিত হ'য়ে উঠলো। [টীকা : ইচ্ছাটা নীচ মনে হ'বার কারণ এই নয় যে রমাপতির সঙ্গে ওর ক্ষীণ রক্তসম্পর্ক আছে ; কারণ, ও বিয়ে-ব্যাপারটাকেই ঐ সব বিশেষণে আখ্যাত করে' থাকে।

আমাদের মধ্যে কেউ কেউ চটবেন, কিন্তু ব্যক্তিগত চিন্তা বা ধারণার স্বাধীনতার আমরা পক্ষপাতী।] অথচ রমাপতিকে আমার চিরকালের জন্ম ছেড়ে থাকতে হ'বে সমাজের এই অহুশাসন মেনে নিলেই যে একটা কীর্তি করা হ'বে এ-কথাও মানতে পারিনে। রমাপতির সঙ্গে [টীকা : ইন্দিরা রমাপতির পরিবর্তে সর্বনাম ব্যবহার করতে চায় না, ঐ নামটি বারে বারে লিখতে গুর ভাল লাগে বোধ হয়।] এ-বিষয় নিয়ে একটা পরিষ্কার কথা বলা চলে না? যা গো, কি লজ্জা। নিজেকে স্পষ্ট করে' ব্যক্ত করে' দিতে আমি মরে' গেলেও পারবো না, কাঙালপনাকে আমি ঘৃণা করি।

কিন্তু আমি ত' ঘাফ্রা করতে চাই না, আমি চাই ওব সঙ্গে এমন একটা আলোচনা করতে যেটা বুদ্ধি দিয়ে আয়ত্ত করা যাবে এবং যেটার সাহায্যে বর্তমান সমস্যার সমাধান হ'বে। যেন এত সহজেই এ-সমস্যার মীমাংসা হয়, অসীম সময় এ সঙ্কিকে টিকতে দেবে কেন? তবু রমাপতির ঘরের দিকে অগ্রসর হ'লুম। দরজা ভেজানো ছিলো, ঠেলা দিয়ে ঢুকে পড়ে'ও গুর ধ্যান ভাঙতে পারলুম না। দোরের দিকে 'পিঠ করে' ব'সে আছে—সামনে টেবিলের উপর মাথাটা আনমিত। টেবিলের এক কোণে একটা মোমবাতি জ্বলছে—এই রমাপতির চুল ধরল বলে'—রমাপতির জ্রক্বেপ নেই। গুর নোয়ানো ঘাড়টা স্পর্শ করতে ভারি ইচ্ছে হ'ল, কিন্তু ইচ্ছেটাকে দমন করলুম। দৈহিক সংস্পর্শের আবিলতা দিয়ে আত্মাকে কুণ্ঠিত করতে চাই নে। খুব কাছে এসে দাঁড়ালুম; তবু রমাপতির মুখ তুলে চাইবার নাম নেই।

[টীকা : রমাপতি যে বিশ্বামিত্রের চেয়ে বড়ো সাধক এ-সত্যটা সহজেই প্রতিপাদিত হ'ল ।]

এক বলক হাওয়ায় দুর্বল দীপশিখাটা নিবে গেলো এবং দেশলাই খুঁজতে গিয়ে রমাপতি আমার ডান হাতটা ধরে' ফেললে । অন্ধকারে রমাপতির মুখ দেখা গেলো না বটে, কিন্তু কণ্ঠস্বরে ওর সমস্ত অস্তিত্বটুকু যেন সঙ্গীতময় হ'য়ে উঠেছে । [টীকা : ইন্দিরার রচনার অপরাপর ক্রটির মধ্যে একটা বড়ো ক্রটি এই যে, ও মোটেই পুঙ্খানুপুঙ্খরূপে বলে না । এইখানে রমাপতি ওকে দেখে কি-কি কথা বললে জানলে আমরা খুশি হ'তাম ।] ধীবে ধীরে হাত ছাড়িয়ে নিলুম, হাতের স্পর্শ অবশেষে হয় তো অধরেব স্পৃহা হ'য়ে উঠবে, তা ছাড়া এই অন্ধকারটি উপগ্রাসের মতো মধুর বটে, কিন্তু মোমবাতিটা ফেব না জ্বাললে অন্ধকারেই এই এঁদো বংশিত সংসাবটা মুখ ভেঙচাবে । দেয়ালের প্রত্যেকখানি ইট সহস্রচক্ষু ইন্দ্রেব মতো পাপীষান্ ।

আলো জ্বালা হ'ল, সান্নিধ্যটিও নিভৃত হ'য়ে উঠেছে, কিন্তু কোনো কথাই বলতে পারলুম না । যেন রাত করে' এতো সব খুঁটিনাটি বিষয় নিয়ে মাথা না ঘামালে এ-রাত আর পোহাত না । হঠাৎ বারান্দায় একটা শব্দ হ'তেই চেয়ার ছেড়ে উঠে হেসে বললুম : চলি এবার, বাইরে গুপ্তচরবা পদচারণ কবছে । রমাপতি কিছু বললে না, একটু হেসে মুখ নীচু করে' কাজে মন দিলে ।

কেনেঙ্কারির আর সীমা রইলো না। আমাকে নিয়ে রমাপতির ছুঁনি এতো বেড়ে উঠেছে যে, রমাপতি বাবার মুখের ওপরেই সটান বলে' বসলো : ইন্দিরাকে আমি বিয়ে করবো, এবং রমাপতির প্রার্থনাটা যে অর্থোক্তিক নয় তার পক্ষে আইনস্বীকৃত নানা প্রথার নজির দেখাতে লাগলো। লাভ হ'ল এই, বাবাও রমাপতির মুখের ওপর স্বচ্ছন্দে বলে' বসলেন : আমার বাড়ি থেকে বেরিয়ে যাও। রমাপতি তার ট্রাক গুছোতে বসলো।

রমাপতি সোজা আমার ঘরে এসে হাজির; বললে, আমাকে তার অনুসরণ করতে হবে। বললে : এ-সব নিয়মের দাসত্ব যদি আমাদেরো করতে হয়, তবে আমাদের নিগ্রো হ'য়ে জন্মানোই উচিত ছিলো। বিয়েতে অনুষ্ঠানটাই বড়ো নয় ইন্দিরা, বড়ো হচ্ছে তার psychology। আমি আর তুমি cousin কি নই সেটা আমাদের অন্তবেব দিক থেকে একে-বারেই সমস্যা নয়। তুমি এসো আমার সঙ্গে চলে'। তুমি যে আমাকে ভালোবাসো এতে আমি সন্দেহ করি না, কিন্তু নিশ্চয় জড়পদার্থের মতো বসে' বসে' অন্ডায় অত্যাচার সহিতে হ'বে এ আমি সহিতে পারি না। এসো তুমি। যদি তোমাকে কেউ রক্ষিতা বলে, সে ভাষার অপপ্রয়োগ করবে মাত্র। [টীকা : রমাপতির কথায় ওদের সামাজিক সম্পর্কের ইতিহাসটুকু পাওয়া গেলো। এবারো আমরা চটে' উঠতে পারতাম, কিন্তু রোগ সাবানোর চেয়ে রোগ ঘাতে না হয় তারই জন্তু সতর্ক থাকা ভালো বটে, কিন্তু রোগ যদি একবার হয়ই, তবে রোগীকে সেই উপদেশ দেওয়ার চেয়ে চিকিৎসা করাই সন্ধিবেচনার কাজ হ'বে।]

ভয়ে মুখ শুকিয়ে গেলো। বমাপতি হঠাৎ এমন ক্রিপ্ত হ'য়ে উঠলো কেন? নিবাকুল কণ্ঠে বললুম : বিয়েটাকেই তুমি শ্রীতির একটা চরম পরিণাত বলে' বিশ্বাস কর কেন? ওর সমগ্র রূপটি যখন চোখের সামনে তুলে ধরি তখন স্বপ্নায় আমার আত্মা অশুচি হ'য়ে ওঠে। তোমাকে আমি সেই গ্রানির মাঝে দেখতে চাইনে, বমাপতি। [টীকা : বমাপতির নামটা উচ্চারণ করে' ইন্দিরা সাহসের পরিচয় দিয়েছে।] ছু'টো শব্দকে একত্র বেখে যে নতুন একটা ব্যাধি সৃষ্টি হয়, তাকে তুমি যতই সম্মান দাও না কেন, আমি তার অমর্যাদা করি। তোমাকে অভয় দিলুম বমাপতি, এ দেহ আমার নিজের—অতৃপ্ত আত্মা তোমার। [টীকা : লিখতে বসে' কথাগুলিকে ইন্দিরা নাটকীয় করে' তুলেছে—কেননা সাধাবণত অভিবান সামনে বেখে সে কথা কয় না, তাই সন্দেহ হাচ্ছ বমাপতিকে দাদা না বলার জন্মে যে খানিক আগে ওকে তাবিফ্ কবেছিলাম সেটা ভুল ও হ'তে পারে। ওটা বোধ হয় নেপথ্যেব সাহস—প্রত্যক্ষ বঙ্গমঞ্চের নয়।]

এততে ও বমাপতি সম্পূর্ণ সুখী হ'ল না, বললে : তোমার দেহের ওপর যে আমার খুব লোভ আছে তা মনে কোরো না, ইন্দিরা। আমি কখনোই এতো বড়ো অমানুষ হ'ব না যে তোমাব ইচ্ছাব বিকল্পে দাবি খাটাতে যাবো। তুমি সংসারে সন্ন্যাসিনী থেকে—আমাব আপত্তি নেই, কিন্তু মনে রেখো, আমার সংসাবে। তবু তুমি আমাব সঙ্গে এসো ইন্দিরা। বেশ, এই একসপেরিমেন্টটাই করা যাবে— তা ছাড়া এই একটা বর্বর রীতিকে সংশোধন করা চাই।

বিবাহের চেয়ে বড়ো

বললুম : আমাকে ভাববার সময় দাও, রাত্রে এসো।

রমাপতি ধীরে বললে : তোমাকে আমার চাই, আমার কর্মের অনুপ্রেরণা রূপে—তোমাকে কাছে না পেলে আমার তপস্যা নিশ্চয় হ'য়ে পড়বে, ইন্দিরা। [টীকা : মেয়েমানুষ যে কখনো পুরুষের সাধনার সহায়ক হ'তে পারে এই প্রথম শুন্লাম। একস্পেরিয়েন্টটা নতুন বটে।]

সময় চাইলুম বটে, কিন্তু ভেবে নিতে আমার এক মিনিটেরো বেশি লাগলো না। রমাপতির সঙ্গে আমি যাবো না ; না। তাব কারণ খুব সহজ ; প্রথমত বিবাহের স্থলতা আমার সুরুচিসম্পন্ন সৌন্দর্যবোধকে পীড়িত করবে ; তা ছাড়া দিবারাত্র রমাপতির সান্নিধ্যে থেকে আমি যে তপস্বিনী থাকতে পারবো নমনীয় স্নায়ুগুলোর ওপর আমার তত বিশ্বাস নেই। ব্যাপারটাকে আমি সর্বাস্তুরূপে উপেক্ষা করলুম। কিন্তু এর চেয়েও যে-কারণটা সত্য সেটা আমি প্রকাশ করছি। সেটা হচ্ছে এই—[টীকা : এই পযস্ত লিখে হঠাৎ ইন্দিরা থেমে গেছে। কর্মাস্তরে যেতে হয়েছিলো হয়তো।]

কথ্য বাঙলা ভাষা যে কী জোরালো বাবার মুখের গাল খেয়ে হৃদয়ঙ্গম করলুম। কী যে আমাকে না বললেন ভেবে পাইনে ; কান দুটো অত গরম না করে' যদি কান পেতে শুন্তুম ত' আমার শব্দসংগ্রহের তালিকাটা বেড়ে যেতো। মজা এই, একটি কথাবো প্রতিবাদ করলুম না ; প্রতিবাদ যে করা যায় না তা নয়—করলুম না কারণ কোলাহলকে আমি বরদাস্ত

করতে পারি নে, তা মনকে যে বিক্ষিপ্ত করে তা নয়, কলুষিত করে। অধোবদনে চূপ করে' সবগুলি গালই হজম করলুম,— জানালা দিয়ে যতগুলি শুভানুধ্যায়ী আত্মীয়-আত্মীয়া একটা রোমহর্ষণ লড়াই দেখবার জন্তে অপেক্ষা করছিলেন, তাঁদেরকে বঞ্চিত করতে হ'ল।

আমি পারিবারিক শান্তি নষ্ট করতে চাই নে। আমার ভেতরে এমন উষ্ণ শক্তি নেই যে সমস্ত অশান্তি-অত্যাচার অতিক্রম করে' তৃপ্তিব স্বাদ পেতে পারি। তা ছাড়া, পরিবার-পরিজনকে ক্ষুণ্ণ করলে তার যে একটা নিশ্চিত প্রতিক্রিয়া হ'বেই রমাপতির সাহায্য না নিয়েও বিজ্ঞানের এই সামান্য তথ্যটুকু বুঝবার বুদ্ধি আমাব আছে। নিজের স্বথের জন্তে আর সবাইকে বিমুখ করে' তুলব এতো বড়ো দুঃসাহস আমার নেই। আমি সত্যিই আত্মবঞ্চনা করছি না, আমার ভীকৃতাকে সমর্থন করতে যাওয়ায় আমাব দবকার কি? আমি যে ভীক, পরনির্ভরশীল সে-কথা স্বীকার করতে আমার লজ্জা নেই। আমি রমাপতিকে ভালোবাসি, রমাপতির জন্তে শকুন্তলার মতো তপস্বী আমাকে খুব মানাবে—তার জন্তে আমি শুভকামনার দীপ জ্বেনে' প্রতীক্ষা কবে' থাকবো, এ-জন্মে না হয়, অমৃততীর্থে। [টীকা : পরজন্মে বিশ্বাস করাটা ভাব-প্রবণ বাঙালি-মেয়ের বিশেষত্ব। তবু ইন্দিরাকে একটু স্বতন্ত্র বলতে হ'বে, কেননা পরজন্মে সে আবার এই পৃথিবীতেই আসতে চায় নি।] সংসারের আর সবাই ষেটাকে একান্ত অপ্রার্থিত বলে' ছুঁড়ে ফেলতে চায়, ধূলায় লুণ্ঠিত হ'য়ে সেই বস্তুটাকে প্রাণপণে আঁকড়ে ধরলেই খুব বড়ো একটা কিছু

লাভ করতে পারবো বলে' ত' আমার মনে হয় না। তাব চেয়ে এই নির্জনে গভীর বিচ্ছেদবেদনায় এই আমার বিপুলতর মহত্তর উপলব্ধি, রমাপতি। সহজ হ'বার সাধনাই বড়ো সাধনা, সামঞ্জস্যই আমার বড়ো কাম্য। [টীকা: অনিখিত অংশটুকুর বিস্তৃত ব্যাখ্যা পাওয়া গেল যা হোক।]

জান্নাব ধারে চেয়াব টেনে বসে' ছিলুম, জান্নাব পরপারে বারান্দায় রমাপতির আবির্ভাব হ'ল; একটু তন্দ্রাচ্ছন্ন ছিলুম বোধ হয়, রমাপতিব স্বর শুনে শিউরে উঠলুম। রমাপতি বললে: 'চলে' এসো ইন্দিরা, রাস্তায় নাম্লেই ট্যাক্সি পাবো। বেশি দেরি কোরো না। আমাব চোখের সামনে দিয়ে অলক্ষিত বিরাট পৃথিবী ঘেন বায়স্কোপেব ছাবর ফিতাব মতো ঘুরে যেতে লাগলো, আকাশ ছ'লে উঠেছে। তবু প্রাণপণ চেষ্টা করে' বললুম: না। রমাপতি কি যেন ফের বললে, শুন্তে পেলুম না, কান দুটো ঝাঁ ঝাঁ করছে। এবাব জান্নাটাকে আরো ঘেবে রমাপতি কাতরকণ্ঠে কি যেন আবার বলছে, কঠিন হ'য়ে জান্না ধীরে বন্ধ করে' দিলুম। [টীকা: রমাপতির কাতর কণ্ঠে বলবাব জন্তেই নিশ্চয়। সে যদি খুব পুরুষবচন প্রয়োগ করতে পারতো, তবে এই কৃত্রিম অবরোধ আর বেশিক্ষণ রক্ষা করা ইন্দিবাব সাধ্য ছিলো না, কেননা তার চোখে 'আকাশ ছ'লে' উঠেছিলো, পৃথিবীও উঠেছিলো টলে'। রমাপতি তা'র জীবনের পরমতম মুহূর্তটি এমন অবহেলায় হারিয়ে ফেললো সামান্য accent ভুল করে'! রমাপতি তার নাম বদলে নিক-রমাপদ!]

মাগো, কী মুক্তিই আমি ভোগ করছি! রমাপতি চলে গেছে অপমানিত হয়ে,—যেন বেঁচে গেছি! এই পারিবারিক শান্তিতেই আমার পরমার্থ। বাক্যযন্ত্রণা যে কী যন্ত্রণা যে না হয়েছে তার পক্ষে কল্পনা করা অসম্ভব। বাবা মা'র ধারালো জিভ্ দুটো একটু জুড়িয়েছে,—কাকিমাদের অভদ্র ইঙ্গিত করা এবার বুঝি ক্ষান্ত হ'ল। খুব ঠেসে পড়ছি—ইংরেজি সাহিত্য নয়, ইকনমিক্‌স্‌, ইকনামিক্‌স্‌ যদিও আমার সাবজেক্ট নয়। পড়ছি মনকে বাধ্য করতে, কঠোর নিয়ম প্রতিপালনে অভ্যস্ত করতে। সকলের কাছ থেকে সরে' গিয়ে কোণটিতে বসে' আমার ঘবেব মধ্যে আকাশকে অনেক ছোট করে' এনেছি। গিয়ে অবধি রমাপতি এক খানিও চিঠি লেখেনি। [টীকা: ডায়েরিটি ছোট, মনে হচ্ছে ইন্দিবা এখনো তার বিচ্ছেদের অশ্রু-সমুদ্র পেরিয়ে আসেনি।]

বেশ ছিলুম, চুপচাপ, প্রায় আত্মসর্বস্ব হ'য়ে। ইকনমিক্‌স্‌টা অঙ্কের মতোই শুকনো, তাই এখন পলিটিক্স-এ [টীকা: পলিটিক্স-পার্ঠে] মন দিয়েছি। রমাপতি এখন প্রায় একটা স্বপ্নের সুখকর স্বাতন্ত্র্য মতো অস্পষ্ট হ'য়ে এসেছে। ওর ঠিকানা জানিনে বলে' মনে উদ্বেগের বদলে শান্তিই বিরাজ করছে! বেশ ছিলুম, ভেবেছিলুম, একটা আয়ত্তাতীত দুর্লভ আদর্শের মতো রমাপতি চিরকাল আমার নাগালের বাইবে অধিষ্ঠান করবে [টীকা: এক কথা পুনঃপুনঃ বলাটা ভাষানৌষ্ঠবের পবিচয় নয়! 'আয়ত্তাতীত' 'দুর্লভ' 'নাগালের

বাইরে' এই বিশেষণাধিক্যের প্রয়োজন ছিলো না।] আর আমি একদিন কালিন্দীর মতই অপার ব্যর্থতায় ডুবে যাব। [টীকা : বোঝা গেলো কালিন্দী আর নেই। কিসে মারা গেলো ও ? গ্লবিউল্ খেয়ে, না, অস্ত্র করতে গিয়ে ? 'অপার ব্যর্থতা' কিন্তু কালিন্দীর বেলায় ভিন্নার্থ-সূচক। অকাল মৃত্যুই কালিন্দীর ব্যর্থতা। প্রসঙ্গক্রমে ইন্দিরার মতটা এখানে একটু আধুনিক হয়েছে।]

সংসারের আবিল আবর্ত থেকে নিজেকে সম্বর্পণে সরিয়ে রেখেছিলুম, হঠাৎ আবার কোলাহল উঠলো। বাবা এততেও আমার জন্মে নিশ্চিত হ'ন নি ; কোথা থেকে একটি পাত্র জুটিয়ে এনেছেন, সে আমাকে পছন্দ করতে শিগ'গিরই একদিন মশরীরে আবিভূঁত হ'বে ; যদি আমি তার সংসার-সুখবিধায়িনী বলে' মনোনীত হই তবে আসন্ন শ্রাবণেই আমাকে দাসী হ'তে হ'বে। নিভুল বিধান ! কিন্তু জিহ্বাকে এবার আর শাসন করতে পারলুম না ; বিহ্যদীপ্ত কণ্ঠে বলে' উঠলুম : না। এ-সব ক্ষেত্রে যুক্তিবহুল দীর্ঘ বক্তৃতা করায় আমি অভ্যস্ত নই—এ একটি শব্দই স্থিরলক্ষ্য মৃত্যুবাণের মতো বাবা-মা'র কল্পনার প্রাসাদ একেবারে ভূমিসাৎ করে' দিলো। [টীকা : 'না' বলার সঙ্গে ইন্দিরার গ্রীবা-ভঙ্গিও অর্থ টাকে পরিষ্কৃত করতে সাহায্য করেছে। কেন না প্রত্যেকটি বাক্যোচ্চারণের সঙ্গে কম-বেশি যে-সব অঙ্গ-সঞ্চালন হয়, সেই ভঙ্গিগুলিই অর্থের সম্পূর্ণতা দান করে।] মুহূর্তমধ্যে আমার মাথার ওপর ঝড় ভেঙে পড়লো—সেই কোলাহলে কান পাতে কা'র সাধ্য। অকারণে বাবা আবার বেচার

রমাপতিকে লক্ষ্য করে' গর্জাতে লেগে গেছেন, মা'র বিবোধগার বিরাম মান্ছে না, কাকিমাদের অভদ্র ইন্ধিত স্ক্র হযেছে। কাকাদের একটা বন্দুক ছিলো, রতু কাকা [টীকা : নাম বোধহয় রতন কিংবা রতিপ্রসন্ন!] সেইটে নিয়ে রমাপতির মুণ্ডচ্ছেদ করতে [টীকা : বন্দুকে মুণ্ডচ্ছেদ হয় না] এখুনিই বেরিয়ে পড়লো বুঝি। প্রতি মুহূর্তে জীবন দুর্বহ হ'য়ে উঠতে লাগলো। অপ্রকাশে যে অপবাদ চলেছে তার জ্বালা আমাকে দগ্ধ কবে' দিচ্ছে। [টীকা : রমাপতির সঙ্গে 'তথাকথিত' আত্মীয়তাটাব জন্মেই এমন একটা পৈশাচিক গোমলান হচ্ছে।]

ইাপিয়ে উঠলুম, কিন্তু কিছু যে একটা করব তা'র পথ পেলুম না। যদি বাইবে বেরিয়ে যাই, কতদূর গিয়েই হয় তো হঠকাবিতার জন্মে অনুতাপ করবো। অনুতাপ আমি করতে পারবো না, [টীকা : যেন ইন্দিরা ততখানি ভীক নয়।] মরে' গেলেও নয়, যা আমি করবো তার ফল-ভোগ করবার জন্মে প্রস্তুত থাকবো। তাই আবার সংসারে শান্তি আনবার জন্মে রাজি হ'য়ে গেলুম। আমার আত্মবলি ইফিজেনিয়ার চেয়ে কম কিসে ?

সকালবেলা ভাবী বর এসেছিলেন আমাকে দেখতে ; ভালো করে' দেখাবার জন্মে কাকিমাদের নির্দেশ মতো রঙিন শাড়ি পরলুম, আয়নায় দাঁড়িয়ে মুখে ঠেসে স্নো ঘষতেও ছাড়লুম না। আমার দেহটা যে এত প্রখররূপে অভিব্যক্ত আজ টের পেয়ে আমার লজ্জার আর সীমা রইলো না। অনাবৃত হাতের তালু দুটোকে পর্যন্ত কুৎসিত মনে হ'তে

লাগলো। মনে হ'ল একটা হিংস্র মাংসলোলুপ পশুর সামনে অগ্রসর হচ্ছি।

ভদ্রলোকটি প্রথমেই সাফাই গাইলেন ছোটকাকাকে লক্ষ্য করে: আমাদের দেশে মেয়ে-দেখার এই প্রথাটা সাজ্যাতিক রকম বর্বর; কিন্তু এ ছাড়া উপায়ো নেই কিছু, কেননা স্বাধীনভাবে মেলা-মেশাটা এখনো ব্যাপকভাবে প্রচলিত হয়নি। অগত্যা এই পথেরই শরণ নিতে হচ্ছে। তা ছাড়া মিশতে পারলেই যে মিলতে পারা যাবে তার মানে নেই, কেননা হৃদয়তা ও বিয়ে সমান-স্তরের জিনিস নয়। কাকারা ঘাড় নেড়ে খুব মায় দিতে লাগলেন।

ভদ্রলোক সামান্য দুয়েকটি যা প্রশ্ন কবেলেন সোফায় বসে' ঘাড় হেঁট কবে' ঠিক-ঠিক জবাব দিলুম, একটা গান শুনিযে দিলুম পযস্ত। বলা বাহুল্য আমার চেহারাটা তাঁব মনে ধরেছে।

এখন কী করবো বলতে পারো, রমাপতি? আমি এখন আগাগোড়া একটা মাটির ঢেলা, একটা কামময় মাংসপিণ্ড। আমার মন কলঙ্কিত হ'য়ে উঠেছে, দেহ ভরে' আমাকে কলুষ বহন করতে হ'বে। সোন্দরের অমরাবতী থেকে আমি নির্বাসিত হ'লুম; দূরে দাঁড়িয়ে তুমি আমার এ অপমৃত্যু আর দেখো না।

শ্রাবণ পেরিয়ে ভাদ্রে পা দিয়েছি, রমাপতি। তুমি কোথায়?

কী লোভী এই পুরুষ! প্রণয়োপসনা করে' চিত্তজয়
করবার প্রতীক্ষাটুকু পর্যন্ত তার ময় না, কর্কশ বাহু
বিস্তার কবে' দেয়। অমানুষিক ঘৃণায় সরে' গিয়ে নিজের
নারীত্ব বক্ষা করি।

স্বামীর সন্ধিগ্ন হ'বার কারণ ঘটলো। আমাব প্রাগ-
বিবাহযুগের কি-একটা শ্রুতিমধুব কলঙ্ক-কথা তাঁরো কর্ণগোচর
হয়েছিলো, তিনি মনে-মনে সেটাকে অতিরঞ্জিত করতে
বসলেন। আমাব এই ঔদাসীণ্য এই অন্তমনস্কতা সবই
যে ব্রহ্মপতির বিচ্ছেদব্যথান পনিণাম এমন একটা নিষ্ঠুর
কথা আমার সামনে বলতে স্বামী সংকোচ করলেন না।
[টীকা : ইন্দিরা বেশ রীতি-মাফিক হ'য়ে উঠেছে, স্বামীর নাম
লেখনার মুখে আনছে না পর্যন্ত।] স্বামীর মুখেব দিকে চেয়ে
দেখলুম, সে মুখ ঘৃণায় কুটিল কুঞ্চিত হ'বে উঠেছে।
সংগ্রামে আবার হলাহল উঠলো।

খবরটা ও-সংসানেও ছড়িয়ে পড়লো, স্বামীর বন্ধু মহলেও।
বাবা ফেব তর্জন-গর্জন স্কক কবলেন, মা কান্নাকাটি,
কাকাদের মর্চে-পড়া বন্দুক আবার তেল মেখে ঝকঝক করে'
উঠলো। প্রবাসী ব্রহ্মপতির লাঞ্ছনাব কথা ভেবে আমাব
দুঃখের আব শেষ রইলো না।

বিক্রীত মনে ব্রহ্মপতিকে ডেকে এনে তাকে অপমান
করবো আমি ব্রহ্মপতিকে অত ছোট মন নিয়ে ভালোবাসি
নি। আমার পৃথিবীতে আর তার পদবেথা পড়বে না,
বিশ্বরণের কূলে তাব চিত্তারচনা কবেছি। আমার এই
ঔদাসীণ্যের মূলে ব্রহ্মপতির বিচ্ছেদ নয়, এই নিরর্থক

দেহসর্বস্ব বিবাহ। অথচ এই যোয়ালই আমাকে বইতে হ'বে, মুক্তি আমি পাব না, পেতেও চাই নে। একটা উত্তম কুশীতা থেকে আত্মরক্ষা করছি মাত্র। কিন্তু ঝড়ের ফণা গেলিহান হ'য়ে উঠেছে।

আমি যে আমার স্বামীকে খুব ভালোবাসি তার একটা লৌকিক প্রমাণ না দেখাতে পাবলে রমাপতির লাহনা ও অপমান সমাপ্ত হবে না। অতএব উৎসুক স্বামীর কাছে অপ্রতিরোধে আত্মদান করলুম। সে-গভীর পরাজয় সে-অনপন্যেয় দাসত্বের লজ্জা আমাকে মুখ বুজে' সহিতে হচ্ছে। আমার দেহ রাহুপৃষ্ঠ চন্দ্রের মতো অপবিত্র হ'য়ে উঠলো; সে-রাতে কত যে কাঁদলুম বলতে পারি নে।

স্বামী প্রসন্ন হ'য়ে উঠছেন, আমি ভাল করে' ককেট্রি আরম্ভ কবেছি। এ লজ্জা আমার ঘুচবে কবে? রমাপতি, এই মর্ষাদাহীন আত্মবিক্রয়েব গ্লানি আমি সহিতে পারছি না।

কয়েক মাস যেতেই টের পেলুম আমার শরীরটা অসমঞ্জস হ'য়ে উঠছে। ব্যাপারটা উপলব্ধি করতে দেরি হ'ল না। ছি ছি, পরাজয়ের শেষ কলঙ্ক-কালিমায় আমার সর্বস্ব লিপ্ত হ'য়ে গেলো। এখন মরতেই শুধু বাকি আছে। ছি ছি ছি—ঘুণাটা তবু সম্যক প্রকাশ করতে পারছি না। এই অবাঞ্ছিত সম্মানধারণে গর্ব কোথায়, কিসের আনন্দ? যে-মিলনের পারম্পরিক সমন্বয় ছিল না, সেটা তো দৌরাশ্ব্যেরই নামাস্তর বলতে হ'বে। তবু স্বামী খুশি হয়েছেন, পঞ্চায়তের দিন ঠিক করে' শাওডি পাঁচ কাঁক উলু

দিয়ে উঠলেন, লজ্জায় মাটির সঙ্গে মিশে যেতে চাইলুম। দৌহিত্রের জন্মসম্ভাবনার সংবাদ পেয়ে এক লেফাফায় মা-বাবা আনন্দ-অভিনন্দন পাঠিয়েছেন, তার মধ্যে কাকি-মারাও খেলো রসিকতা করে' পাঠিয়েছে। সমস্ত ব্যাপারটা আগাগোড়া যে কী গহিত কী বীভৎস ভাবতে পারিনে। সর্বাস্তঃকরণে ঘৃণা করলুম, অথচ স্বামীর কাছ থেকে সতীত্ব রক্ষা করতে পারলুম না।

আমার সেই সোনার দেহ! নরদুর্লভ সৌন্দর্যের উপাসনা করবো এই ছিলো আমার অভিলাষ, নিজের আত্মাকে পবিত্র, দেহকে পরিচ্ছন্ন, দৃষ্টিকে জ্যোতিষ্মান করবো এই পণ করে' রম্যপতিকে ভালোবেসেছিলুম; কিন্তু আমার যে কী অধঃস্থলন ঘটেছে তা আমি ছাড়া আন কে বুঝবে? আমার আত্মা কুণ্ঠিত, দেহ কলুষিত, দৃষ্টি কৌতূহলী! আমি এখন একটা যন্ত্র মাত্র। [টীকা: ইন্দিরাকে মোটামুটি আমরা ক্ষমা করলাম। সে রম্যপতিকে বিয়ে করে' অসামাজিক অগ্ৰায়াচরণ করে নি, দস্তবমতো গোত্রাস্তরিত হ'য়ে বিয়ে করেছে, এবং আদর্শ স্ত্রীব মতো এক বৎসর না পেরতেই সন্তানের জননী হ'তে চলেছে। সমাজ ও আইন মনের অপ্রকাশ্য তত্ত্বাদি নিয়েই মাথা ঘামায় না, বাইরের ক্রিয়া নিয়েই তাদের কারবার। তাই সমাজ ও আইনের বিচারে শ্রীমতী ইন্দিবা দেবী বেকসুর খালাস পেলেন।]

শায়রি-পড়া সাক্ষ করে' অশ্রু হাই তুললো। ইন্দিরা ঘরের কাছে মন দিয়েছে। অশ্রু একবার চোখ ভরে' ইন্দিরাকে দেখে নিলো। চোখে চোখে তাকিয়ে থেকে সত্যি করে' দেখা হয় না; চোখের দৃষ্টি অনগ্রলক্ষ্য হ'য়ে ওঠে বলে' দেখাটা হয় সংকীর্ণ। কিন্তু যাকে দেখা যায় সে যদি চোখ ফিরিয়ে অন্তমনস্ক, উদাসীন থাকে, তবেই তাকে সম্পূর্ণ ও অসীম করে' দেখা হয়। মানুষের আত্মার পরিচয় চোখের তারায় বা মুখ-মুকুরে—এ-মতটা বিকল্পেও সত্যি নয়। মানুষের আত্মার পরিচয় একমাত্র তার অঙ্গ-প্রত্যঙ্গে—গ্রীবা-সঞ্চালনে, কখনো-কখনো বা ডান হাতটি বাড়িয়ে দেওয়ায়। তাই ইন্দিরা যে পেছন ফিরে দাঁড়িয়ে একটা ময়লা নেক্‌ড়া দিয়ে আলমারির কাঁচ সাফ করছে—শুধু ঐ পেছন-ফিরে-দাঁড়িয়ে থাকার মধ্যস্থতায়ই তার অসীম বেদনার ছায়া পড়লো। নেহাৎ যে আনাড়ি সে-ও ইন্দিরার এই আলস্যমস্তুর অবস্থান-ভঙ্গিটি দেখে ঠিক ঠাহর করে' নিতে পারবে যে সে এত শ্রান্ত যে, স্থূল বৃন্তবন্ধন ছেড়ে একটি ক্ষীণ বিলীয়মান স্নগন্ধ হ'য়ে শূন্যে মিলিয়ে যেতে পারলেই বুঝি সে বাঁচে, সে এত ব্যর্থ যে চাঁদ অস্ত গেলে নিশীথ-রাত্রির নদীর যা অবস্থা, তারো ঠিক তাই। অশ্রু তাড়াতাড়ি খাতাটা মুড়ে রেখে ইন্দিরার খোঁপার ওপর ধীরে হাত রাখলো।

ব্যথা অশ্রু বোধ করতে পারে বটে, কিন্তু ঘেঁটে ঘেঁটে তাকে ফেনাতে তার লজ্জা হয়। তাই সোজা মুখের ওপর সে বলে' বসলো : তোমার ষ্টাইলটি চমৎকার, ইন্দু। ষ্টাইলই নাকি ব্যক্তি—তারো চেয়ে বড়ো সত্য—হাতের লেখাটাই ব্যক্তিত্বের বড়ো সার্টিফিকেট। বার্নার্ড শ'র লেখা পড়ে'ই মনে হবে যে তাঁর হাতের লেখা বিচ্ছিন্ন; তোমার হাতের লেখা দেখে নিশ্চয়ই মনে হ'বে যে তোমার অনুভূতিগুলি মানুষের রক্তের চেয়েও গাঢ়, সমাহিত দুঃখের চেয়েও গভীর

তোমার কথাই আমি পুনরুক্তি করছি : তুমি অত বেশি গভীর হয়েছ বলেই কবি হ'তে পারলে না। তবু তুমি বেঁচে গেছ। তুমি লেখ।

কথাটার অশ্রু এতো জোর দিয়ে বসলো যে ইন্দিরা উঠলো চমকে।

—হ্যাঁ, তুমি লেখ। সেই তোমার বিশীর্ণ জীবনের বসন্ত হ'য়ে উঠুক ; শকুন্তলার তপস্যা যেমন প্রেমের, তোমার তপস্যা হোক তেমনি গভীর আত্মবিবৃতির। নিজেকে উদ্ঘাটিত করা চাই—উলঙ্গ উজ্জল উদার ! কারু প্রকাশ কর্মে, কারু বা কর্মহীন আত্মোপলব্ধিতে। কেউ হাতে নেয় লাঙল, কেউ বা অস্ত্র, কেউ বা কলম। তুমি কলম নাও ইন্দিরা।

ইন্দিরা হাসলো। বললো—পাগুল আর কাকে বলে ? বিধাতা আমাদের হাতে আঙুল দিয়েছেন কলম বা তুলি ধরতে নয়, আলমারির কাঁচ সাফ করতে। আজ যদি কলম ধরে' আঙুলের অপব্যবহার করি, তা হ'লে লক্ষ্মীর শাপে ঘরের কলসের জল আমার শুকিয়ে যাবে। কতো আমার কাজ এখনো পড়ে' আছে, জানো ? যে আসছে তার জন্তে কাঁথা সেলাই করতে হ'বে, ঝিনুক ধরে' দুধ খাওয়বার অভ্যাস করতে হ'বে, তার অসুখ করলে ডাক্তারের জন্তে জরের তালিকা তৈরি করে' রাখতে হ'বে। তা ছাড়া আমার আর কিছুই লেখবার নেই, অশ্রু। এককালে লিখেছিলুম, কারণ রমাপতির কাছে জবাবদিহি না দিয়ে আমি পার পেতুম না। রমাপতি কাছে ছিলো না বটে, কিন্তু সমস্ত আকাশ পরিব্যাপ্ত করে' ছিলো। এখন আমি বন্দিনী, শুধু সংসারে নয় অশ্রু, আমার দেহের কাগাগারে।

অশ্রু জিগগেস না করে' পারলো না : রমাপতি কোথায় এখন ?

ইন্দিরার মুখের ভাবের একটুও পরিবর্তন হ'ল না। তেমনি বললো—জানি না। তার খোঁজ করতে আমার স্পৃহাও নেই।

আমার এত উদ্ভৃক্ত = ক্তি নেই অশ্রু যে, রমাপতিকে মনে-মনে চিরস্মরণীয় রেখে দু' বেলার দৈহিক কর্তব্যগুলোকে স্তম্ভস্পন্ন করতে পারবো। সজ্জ্বর্ষ বাণিয়ে তা সহ্য করবার মত আমার মেরুদণ্ড বলশালী নয়! তাই রমাপতিকে আমি হারিয়ে যেতে দেয়েছি। ছেলেবেলার মার কোলে শুয়ে গাছের পাতার ফাঁকে যে-আকাশ দেখা যায় সে-আকাশকেও পরে মনে হয় ধূলা দিয়ে তৈরি। আমি রমাপতিকে ভুলতে পেরেছি বলেই তাকে ভালোবেসেছিলুম বলে' আর অনুতাপ করি না।

এ-উত্তরে অশ্রু খুশি হবে কেন? তাই ফের জিগ্গেস করলো : কিন্তু যা তুমি দেহে-মনে একান্তরূপে বিশ্বাস করেছিলে তার থেকে এতো সহজে তুমি ব্রষ্ট হ'লে কেন? আমি হ'লে—রমাপতির সঙ্গে না হোক, নিজেকে একা বেরিয়ে পড়তুম।

ইন্দিরার মুখে আবার সেই স্নান হাসি। বললো—আর আমি একটিও কথা না কয়ে' গলায় আঁচল জড়িয়ে নীচ হ'য়ে' প্রণামের ভঙ্গিতে ঘাতকের খড়্গ আহ্বান করলুম, অশ্রু। আমি না বলতে পারি কথা, না পারি করতে প্রতিকার। আজ মৃত্যু যদি আসে, আমি এমন দুর্বল যে একবাবো বলবো না হয় ত' : না, আমি মবতে চাই না। আমি ধীরে দু' বাছ প্রসারিত করে' দেব! কিন্তু বলো : কেবোসিন ঢেলে দেশলাইর কাঠি ধরাও, ভয়ে আমার বাথ রুমে ঢুকে দু' ঘণ্টা ঠাণ্ডা জলে স্নান করতে হ'বে। মরবো ভাবলে আমার ভারি তৃপ্তি লাগে, কিন্তু রোগের যন্ত্রণায় আমাকে অন্ধকার ঘরে শুয়ে থাকতে হ'বে ভাবলে আমার না পায় খিদে, না থাকে ঘুম।

ইন্দিরার কতকগুলি রুক্ষ চুল হাতে নিয়ে অশ্রু বললো—কিন্তু চেহারার একী ছিঁড়ি করে' রেখেছো? মরবে কি করে' ? একরূপ দেখে ষমেরো কুচি হবে না যে।

ইন্দিরার স্বর শুকনো, কঠিন হ'য়ে উঠলো : যে-যমের কুচিতে আমার দেহ এ-রূপ ধরেছে তার থেকে ত্রাণ পেলেও যে আমি বাঁচি। কিন্তু অত কথায় কাজ নেই অশ্রু, খানিক আগে বিমল এসে খবর দিয়ে গেলো রাত্রে গাড়িতে কর্তা আসছেন।

অশ্রু উৎফুল্ল হবার ভাগ করলো : তাই নাকি? তা হ'লে তৈরি হ'তে হয়।

—তৈরি! কেন?

—বাঃ, একটা বাক্যুদ্ধ হ'বে না?

—বাক্যুদ্ধ কেন?

—তোমার এই দুর্বস্থা কেন করলো? তার কি অধিকার ছিলো?

ইন্দিরা এবার হেসে ফেললে। বললো : দুর্বস্থা তুমি কাকে বলছ? এই আমার ইহজীবনের লক্ষ্য, নারীজীবনের পরমার্থ যে! আমার স্বামী আমাকে আদর্শ গৃহিনীর পদে প্রতিষ্ঠিত করেছেন। তাঁর প্রতি আমার এত কৃতজ্ঞ হওয়া উচিত যে তাঁর প্রতি একটিও নির্দয় উক্তি আমি সহিবো না।

অশ্রু হেসে বললো : শুনে খুশি হ'লাম। কিন্তু প্রভাতের কোনো খবর আসছে না কেন বুঝতে পারছি না। ও এলে দিবি লাম্বোর দিকে ভেসে পড়তাম।

—আমার স্বামীর সঙ্গে বাক্যুদ্ধ না করে'ই?

—তোমার স্বামীর সঙ্গে আমার নিজের লাভের জন্তে লড়াই করার আর কোনো'ই ত' দরকার নেই। তোমার মতো আমি এমন সর্বস্ব দিয়ে লাভ করতে চাই নি বলে'ই ত তাকে আমি ছেড়েছি। তুমি তোমার স্বামী-পুত্র নিয়ে সুখে থাক, আমি এমন মারাত্মক সুখ চাইনে, ইন্দিরা।

অশ্রু সরে' যাচ্ছিলো, ইন্দিরা তার আঁচলটা ধরে' ফেললে। বললো—তুমি এখানে আছ জানলে আমার স্বামী নিশ্চয়ই এক বিষয় হাঁ করে' বিশ্বয়ে চিৎকার করে' উঠবেন। জান ত', তোমার প্রতি তিনি তত ভক্তিমান নন যে, গ্রীকদের মতো কোনো সংবাদ জিজ্ঞাসা না করে'ই পাশ্চ-অর্ধ নিয়ে অতিথিকে সম্বর্ধনা করবেন! সত্যিই, তৈরি থাক, অশ্রু।

অশ্রু খিলখিল করে' হেসে উঠলো। বললো—এ তুমি নিশ্চয়ই স্বামীর প্রতি নির্দয় ভাষা প্রয়োগ করছ। তুমি আজো তত বড় সতী হ'য়ে উঠতে পারো নি। দাঁড়াও, প্রভাতকে একটা চিঠি লিখে আসছি ফের। আরো কথা আছে।

ধীরে ধীরে বিকেল হ'য়ে এলো। আটটা বাজতেই নির্মলের ট্রেন এলাহাবাদ পৌঁছবে। বাড়িতে আসতে কতটুকুই বা পথ! ধরা যাক পাঁচ মিনিট—সঙ্গে মাল-পত্র থাকবে না বলে' হেঁটে আসবারই সম্ভাবনা। আরো ঘণ্টা তিনেক বাকি আছে দেখছি। অশ্রু এতো সময় করবে কী? হঠাৎ মনে পড়লো বীণা ও বিমলের সঙ্গে তার আজ ঘমুনায়ে বেড়াতে যাবার কথা আছে। ফিরতে যদি রাত বেশি হ'য়ে যায়? তার চেয়ে প্রভাতকে একটা লম্বা চিঠি লেখা যাক। কেন যে এতদিন ও চুপ করে' থেকে চিস্তিত করছে—

দরজায় টোকা পড়লো। বিমল বললো—তৈরি হয়েছেন, অশ্রু-দি? বীণা এসেছে।

দরজা খুলে অশ্রু বেরিয়ে এলো। শুকনো মুখে বললো—বড্ড বিচ্ছিরি মাথা ধরেছে, তোমরা দু'টিতেই বেড়িয়ে এসো। আমাকে আরেক দিন নিয়ে যেয়ো না-হয়।

অশ্রু-দির সহাঁহুভূতিপূর্ণ বিবেচনায় দারুণ খুদি হ'য়ে বিমল আর বাগ্‌বিস্তার না করে' চলে' গেলো। দাদা আসছেন, তাই ঘর-

দোর ফিটফিট করে' রাখতে বৌদি' ত ব্যস্তই থাকবেন। তা ছাড়া বুড়ো বয়সে বৌদির নৌকায় বেড়াবার সখ নেই। বৌদি যে অশ্রু-দ্রব সমবয়সী, এ-কথা কেউ শপথ করে' বললেও বিমল বিশ্বাস করতো না; কেন না বিয়ে করলেই লোকে বুড়ো হয় কি না ঠিক নেই, তবে লোকে বুড়ো হ'লেই বুঝি বিয়ে করে। তবু, বৌদিও সঙ্গে যাবেন বলে' বীণার অভিভাবকদের মত নেওয়া হয়েছে বলে', তাঁকেও একবার জিজ্ঞাসা করা দরকার। বীণা জাম্বুক, নেহাৎ ভগবান মদয় বলে'ই বৌদিও মুখ ফেরাবেন।

—যমুনায় বেড়াতে যাবে বৌদি? ফোঁট থেকে ব্রিজ্।

—দূর পাগলা।—বৌদি বামুটা দিয়ে উঠলেন।

বিমল বীণার মুখের পানে চেয়ে এমন একটু হাসলো যে সেই আনন্দের রঙ বীণারো সারা দেহে বিকীর্ণ হ'য়ে পড়লো।

অশ্রু জানালা দিয়ে দেখতে পেলো বীণা আর বিমল টাঙায় গিয়ে উঠলো—কোচোয়ানেব পেছনে—পাশাপাশি। ছ'জনেই নীরব, স্পর্শ-বিরহিত। বসবার জায়গায় বীণা নিজের শাড়িটাকে পর্যন্ত বিস্তৃত হ'তে দেখে নি, নিজের চতুর্দিকে সংকুচিত করে' বেখেছে--পাছে তার সামান্য একটু ছোঁয়া লেগে এই নির্বচন গভীরতার তপোভঙ্গ হয়। বিমল উদাসীন, যেন নিষ্ক্রিয় অসহযোগ আন্দোলনের নেতা! বীণা যে তার কাছে আছে, ঘিরে আছে নির্নিরীক্ষ্য বায়ুমণ্ডলীর মতো—এ-টুকু সে না-দেখে ও না, ছুঁয়ে সর্বাঙ্গ দিয়ে অনুভব করেছে। কথা বলাটা অবাস্তব, ছোঁয়াটা ছন্দপতন। বিমলের এই সেই বয়েস যখন মাধুরীকে ভালোবেসে গল্পে মাধুরীর সঙ্গে কাল্পনিক কথোপকথনচ্ছলে মাধু বলে ডাকতে সাধ হয়। এই সেই বয়েস যখন বীণা যমুনার জলের ওপর নৌকায় উঠে হঠাৎ ঠিক ঠাহর করতে পারবে না—কোনুটা বেশি সুন্দর, ইলিশ-মাছের

আশের মতো চিক্চিকে জ্যোৎস্না-খোয়া জল, এই ভয়ঙ্কর নিশ্চকতা না
 বিমলের মুখ। ব্যস্ততা নেই, প্রকাশ-প্রাচুর্য নেই, প্রশ্ন নেই, উত্তর নেই,
 লক্ষ্যাভিমুখী সন্ধান নেই—শুধু নিজের অনুভূতিতে নিজেই নির্বাসিত।
 এই সেই ব্যেস! টাঙা যতোক্ষণ না অদৃশ্য হ'ল অশ্রু জানলা ছেড়ে
 উঠলো না। খানিকক্ষণ এটা-ওটা নাড়াচাড়া করে' অশ্রু অবশেষে
 বাথ-রুমে গিয়ে ঢুকলো গাত্রমার্জনা করতে। বিকেলে স্নান করাটা
 তার একটা দৈনন্দিন বিলাসিতা। ইন্দিরার মতো শরীর নিয়ে সে
 ছিনিমিনি খেলতে বসেনি। যে যৌবন বাইরের খোলস মাত্র তা খসে'
 গেলে ওর দুঃখ নেই, কিন্তু যৌবনকে অতিক্রম করে'ও তার স্বাস্থ্য যেন
 এমনি দৃষ্ট থাকে। ও শুধু হৃদয়ানুভূতি দিয়ে নয়, দেহের প্রতিটি
 রোমকূপ দিয়ে আকাশ ও জীবনের আনন্দ পান করতে চায়। ওর এই
 দেহ মনকে আঘাত থেকে রক্ষা করবে, স্নান হ'তে দেবে না—প্রাণকে
 বৃহত্তর উপলব্ধির দিকে নিত্যকাল উন্মুখ, ধাবমান রাখবে—ওর এই
 স্বাস্থ্যই দেহকে কলুষিত হ'তে দেবে না। অশ্রু স্নানের ঘরের দরজা বন্ধ
 করে' কাপড় ছাড়তে লাগলো। বাথ-রুমের উঁচু জানলা দিয়ে পডস্ত
 রৌদ্রের সোনার একটু টুকরো গামলার ওপরে পড়ে' ঝিকমিক করছে।
 অশ্রু Donneএর ভক্ত—টার অনেক লাইন তার মুখে-মুখে। এখন সে
 এই তিনটি লাইন আবৃত্তি করছে :

Full nakedness ! All joys are due to thee :

As souls unbodies, bodies unclothed must be

To taste whole joys.

রাত বেশি হয় নি। কিন্তু নিম্নম ঘুমন্ত পাড়াটার দিকে তাকালে মনে হয় ভোর হ'তে বুঝি আর দেরি নেই। অশ্রু সাদাসিধে একখানি শাড়ি পারুলো; বিকেলের বাঁধা চুলগুলি খুলে ফেলে পিঠের থেকে দু'ভাগ করে' বুকের ওপর মেলে রাখলো। রূপোর একটা কুম্ভকো ফুল খোঁপায় গুঁজলে তাকে মানায় বটে, কিন্তু তাতে নেহাৎই চপলমতি বলেজের মেয়ে বলে' মনে হয়। তাই সে ইন্দিরার বাগান থেকে একটি রজনীগন্ধার কলি ছিঁড়ে এনে খোলা চুলের মধ্যে আলগোছে আটকে নিয়েছে।

ইন্দিরা তোলা-উম্মনে লুচি ভাজছে—স্বামী-সেবায় তার বেশ হাত খোলে। স্বামীর আহার যোগাতে সে কার্পণ্য করবে এতটা অমুদার সে নয়। তাই রাতের জন্মে মেজে থাকতেও সে ভোলেনি। সতীত্বের একজিবিশানে ইন্দিবাকে গোল্ড্ মেডেল দেওয়া উচিত। স্বামীর হৃবিধের জন্মে সে নিজেকে সতী বানিয়ে বসেছে।

মোনার অবসর। অশ্রু তাড়াতাড়ি নয়—খুব আন্তে, সংকুত করে' বললে—মস্থর পদক্ষেপে নির্মলেব ঘবে এমে প্রবেশ করুলো। নির্মলের ঘরটা একটু বাইরের দিকে—একটা বাবান্দা না পেরলে সে-ঘরের নাগাল পাওয়া যায় না। সেই বাবান্দাতেই ইন্দিরা একটা কাঠের টুলে আয়েস করে' বসে' স্বামী-আপ্যায়নের যোগাড় করছিলো। অশ্রুকে সে দেখে ফেলুলো। জানতো বটে নির্মলের সঙ্গে অশ্রুর আজ বাতেই দেখা-করার জোর তাগিদ পড়েছে; খবরটা ইন্দিরার কাছে তার সন্তানধারণের চেতনার মতো মারাত্মক নয়। অশ্রু যেমন মেয়ে—এবং তার সঙ্গে ওর যতটা ঘনিষ্ঠতা, তাতে তার গায়ে-পড়ে' আলাপ করাটার ব্যাখ্যায় সে নির্লজ্জ বলে' অভিহিত হ'ত না। তবু অশ্রুকে আজ যেন ওর কেমনতরো লাগলো। অশ্রুর মধ্যে আজ সব চেয়ে অত্যাগরূপে প্রখর হচ্ছে এই—ও মোটেই আজ সাজ করেনি, নিতান্তই

খেলো একটি শাড়ি, মোটা একটা শাদা ব্লাউজ—এবং চুলের আড়ালে সুন্দর একটি রজনীগন্ধার কোরক—রম্যপতির প্রতি ওর কিশোরকালের প্রথম প্রেমের সলজ্জ অহুভূতির মতো। রজনীগন্ধা দেখে হঠাৎ রম্যপতিকে মনে পড়লো বলে' ইন্দিরার কাছে অশ্রু এই নিরলঙ্কার চেহারা সন্দেহের কুয়াসায় কেমন-ধেন ঝাপসা হ'য়ে উঠলো। ইচ্ছা হ'ল অশ্রু আবির্ভাবের আগেই সে গিয়ে তার স্বামীর পাশে দাঁড়িয়ে তাঁকে রক্ষা করে।

বিয়ের আগে নির্মলের সঙ্গে অশ্রু যে একটা ব্যাপার হ'য়ে গেছে সেটা ইন্দিরা আগে অস্পষ্ট করে' জানলেও অশ্রু এমন মুখচোরা বা লাজুক নয় যে, শতকরা নিরানববুই জন বাঙালি মেয়ের মতো মূঢ় আত্ম সমর্থনের চেষ্টায় তা ফিকে বা ফাঁকা করে' তুলবে। বরং সে এমন স্পষ্ট ও প্রথর যে, রঙ ছাড়িয়ে ব্যাপারটাকে বিচিত্র করে' বর্ণনা করে' সে নিজের চরিত্রকে প্রাঘ্য বলে'ই সমপ্রমাণ করতে চেষ্টা পেয়েছে। অশ্রুর কাছে যেটা হ'ত অঘণ্ট সেটা অশ্রুর কাছে নিতাস্তই নগণ্য, বরং উন্টো করে' স্থলপাঠ্য রচনার ভাষায় সেটা তার আত্মোপলক্ষির সোপানস্বরূপ! নির্মল যে তাকে দুই হাতে ঘূণায় ঠেলে ফেলে দিয়েছিলো সে-কথা গম্ভীর হয়ে বলতে সে মনে বেশ জোর পায়, এবং যে-তাকে ঠেলে ফেলে দিয়েছিলো তারই-দুয়ারে অবতীর্ণ হ'য়ে সে নতুন করে' বন্ধুতা প্রার্থনা করে! ব্যাপারটার মধ্যে স্বাভাবিকতা কিছু নেই—প্রস্তাব শুনে ইন্দিরা হেসেছিলো মাত্র, কিন্তু বাস্তবে অশ্রু এই উত্তোগ দেখে তাকে আশীর্বাদ করতে ওর হাত উঠলো না। বরং যে-লোক একদিন একটি মেয়ের এত সব অসদাচার ও অবরতার বিরুদ্ধে নিজের পুরুষত্বকে দুর্গাম রেখেছিলো সেই তার স্বামী, এ-কথা জেনে ইন্দিরার গৌরবের আর সীমা রইলো না। স্বামীর কাছে সে সশরীরে নিজেকে বলি

দিয়েছে মাত্র—এই চেতনাটাকেই সে হঠাৎ আজ রূপান্তরিত করে' নিল : স্বামীর চরিতার্থতার জন্ত সে সাধ্বী ও পতিব্রতীর মতো নিজেকে স্বেচ্ছায় ও সশ্রমে উৎসর্গ করেছে। দেহের মতো সব বাঁধা বিধান আছে তার থেকে একচুলও বিচ্যুতি ঘটেনি;—মন একটা বাজে বিলাসিতা, তাকে বেশি দিন পুষিয়ে রাখার খরচ পোষায় না। অতএব—

মৃত রমাপতি, তুমি মৃত। তোমার ছায়া আমরা দেখেছিলাম। ইন্দিরার মন-মুকুরে—সে-আয়না চৌচির হ'ল। তোমার মূর্তিও তাই বিখণ্ডিত—এই অবমাননা তুমি ময়োনা। তোমাকে আমরা সময়ের নদীতে বিসর্জন দিলাম। তুমি এখন কোথায় আছ, সামান্য কোনো ইস্কুল-মাষ্টারি করবার অবকাশে ইন্দিরার মতোই অপ্রয়োজনে পৃথিবীর জনসংখ্যা বাড়িয়ে চলেছে কি না—সেই সব অবাস্তব বিষয়ের খোঁজ করে' তোমার লৌকিক অস্তিত্ব প্রমাণ করা একেবারেই বৃথা, রমাপতি। আমাদের রমাপতি আজ মবলো—সেই রমাপতি সূর্যের আলোতে বেশিকাল স্বপ্রকাশ থাকে না, সেই রমাপতি অসাবধানে নারীর জীবনে একবার মাত্র পদার্পণ করে।

ইন্দিরার আজ বিধবা-বেশ। দেখবে এস। সীমস্তে সিদ্ধুর—শৃঙ্গারভূষণ; পায়ে আলতা, ছ'হাত-ভরে' তার আভরণ। পরনে মারহাঠি গরদের শাড়ি, ব্লাউজ-পিস্টা দিবিয়া খাপ খেয়েছে—বাহু ছ'টি লীলা-বল্লয়িত; দুই চোখে ভারী মাতৃস্বের মধুরতা! তুমি তার এ বিধবা-বেশ দেখো না। তোমার কাছে সে গণতোষিণী।

ইন্দিরার এতক্ষণে ঠাহর হ'ল অশ্রুর এই আকস্মিক আবির্ভাবের পেছনে একটা গূঢ় অর্থ আছে। সহসা কলেজের বন্ধুর প্রতি তার এই অসুযোগের কোনই মানে হয় না, এর সঙ্গে আরেকটি উদ্ভেজনা ছিল। মেটা যে কার প্রতি, দাঁত দিয়ে ঠোঁটটা একটু কামড়ে ইন্দিরা ঠিক

ধরতে পেরেছে। অবশি অশ্রুও সেটা সোজাসুজি খুলে বলেছিলো—
 কোথাও তার বাধে নি। সে নাকি দেশভ্রমণে বেরিয়েছে, মাঝ-পথে
 থেমে সে তার অগ্রতম শিকারের জন্তু কয়েকদিন শুৎ পেতে থাকবে—
 তারপর দু'জনে একসঙ্গে লাহোরের দিকে ভেসে পড়বার আগে সে
 ইতিমধ্যে একা নির্মলের সঙ্গে মরা প্রেমটাকে একটু ঝালিয়ে নেবে
 মাত্র। দেহস্থ-কাঙাল স্বামীর প্রতি ইন্দিবার স্নেহ জ্যাম্-এর মতন
 ঘন ছিল না বলে' অশ্রুর এই প্রোগ্রামটা তার কাছে গোড়াতে মনঃপূত
 হয় নি, এমন বলা যায় না। যেহে যেমন বেহায়া—ইন্দিরা এখন
 রীতিমত বর্বর ভাষায় ভাবতে পারছে—তার পক্ষে এই দুর্নীতিটা
 অশোভন নয়। কিন্তু সে যখন স্বভাবের ব্যতিক্রমে একেবারে তপস্বিনীর
 বেশ পরে' নিঃশব্দে অতিমহুর পা ফেলে ফেলে স্বামীর ঘরের দরজার
 পর্দাটা সরালো, তখন নিমেষে ইন্দিরার চোখে সমস্ত ঘর-বাড়ি যেন
 ভূমিকম্পে কেঁপে উঠলো। এটা কেন যে তাব সহিলো না বলা কঠিন।
 শুধু যে সে অশ্রুর আচরণ মার্জনা করলো না তাই নয়, স্বামীর প্রতি
 তার প্রতিদিন এই অবহেলাকেও সে ক্ষমা করতে পারলো না।
 সামান্য লুচি ভাজতে ভাজতে হঠাৎ কোথা থেকে তার এক মমতা
 উথলে উঠলো যে শুধু স্বামী নয়, অনিচ্ছাধৃত ভাবী সন্তানকে পর্যন্ত
 তার রমণীয় লাগছে। কি জানি কি ভেবে ইন্দিরা চট করে' দাঁড়িয়ে
 পড়লো, নির্জের দিকে বার কয়েক চোখ বুলিয়ে নিলো—সত্যিই সে
 সুন্দরী, এবং সে-সৌন্দর্য সে মা হবে বলে'।

এটা সত্যিই ভারি আশ্চর্য। কিন্তু মেয়েমানুষের পক্ষে আশ্চর্য
 আর কী আছে! তারা রঙ-বদলানো সঙ্ঘ্যারাগ। তাদের মনের ঘড়ির
 কাঁটা চলতে বন্ধ হলে দম দেবার জন্তু তাদের আর ব্যস্ততা থাকে
 না। একটা ধরা-বাধা সীমার মধ্যে নিজেকে কোনরকমে খাপ

খাওয়াতে পারলেই তারা বাঁচে। যতোক্ষণ পর্যন্ত এমনি খামুতে না পাবে ততদিন তাদের যত-সব ফ্যাশান : কেউ বলে ভালোবাসি, কেউ বলে বিয়ে না করে' পি-এইচ . ডি. হ'ব। মেয়েরা যাকে বলে ধর্ম, বিজ্ঞান তাকেই বলে গ্যাকামি।

বস্তুত ইন্দিরার এই মনোভাবের ব্যাখ্যাও একটা নিশ্চয় আছে। পুরুষ নারীকে যেমন কবে' চায় তাকেও ঠিক তেমনি ভাবেই ধরা দিতে হয়। যেখানে মেয়েরা নিজের স্বাধীন ব্যক্তিত্ব দেখাতে গিয়েছে সেখানেই তার এমন একটা রোগ হয়েছে যেটাকে শুদ্ধ করে' বললে বলতে হয় হিষ্টিরিয়া। তাই কোনো কোনো পুরুষের কাছে নারী দেবী—কল্পনা-কায়া ; যেমন নারীতৃপ্ত সন্তানপবিত্র দাস্তের কাছে বিয়াদিচে ছিল ! কার কাছে সে পিণাচী—নারীর তগন পিণাচী না হ'য়ে উপায় ছিল না, পুরুষ তাকে তেমনি কবে' চেয়েছে। কেউ চায় মেয়েব মাঝে একটা হাবা-গোবা ছেলেমানুষি ভাব, মেয়ে তাই অবিকল নকল করে' সংসারের চোখে সাফল্যের সাটিফিকেট নেয় ; কার কাছে নারী শুধু এজোডা জঘন, কার কাছে বা মূর্তিমতী অস্পৃশ্যতা। একটা প্যাটার্ন না পেলে মেয়েদের মুক্তি নেই—যে-রকমেই হোক একটা প্যাটার্ন-মাফিক জীবন না পেলে ওরা হয় অকারণে পিকেটিং করবে, নয় ধূয়ো ধরবে বিয়ে করবো না। তরল জল রাখবার জন্যে পাত্র চাই। জলের কি রঙ আছে ? পাত্রের রঙ তার রঙ।

ইন্দিরা একবার ভাবলো পদা সবিয়ে ও-ও ঢুকে পড়বে কি না। স্বামী বাড়ি পৌঁচেছেন প্রায় আবেগটা হ'ল, কিন্তু এরি মধ্যে অশ্রু কেমন তৈরি হ'য়ে নিয়েছে। আর ও না গেলো ছুটে কুখল প্রশ্ন করতে, না করলো একটা প্রশ্ন। নরকেও ওর যাফুগা হ'বে না।

অশ্রু পর্দা সরিয়ে ঘরে ঢুকে দেখলো নির্মল চাকরের হাতের ওপর ডান পা-টা তুলে দিয়ে জুতোর ফিতে খোলাচ্ছে। ঘরে আলো যথেষ্ট ছিল না। এমনি স্তিমিত্ত ফিকে আলোর সঙ্গে একটি ম্লানমুখী মেয়ের বোধ করি একটা নিকট সাদৃশ্য আছে—নির্মল ত' প্রথমটা থমকে গেলো। তবু মুখখানিকে যেন ভারি চেনা-চেনা লাগছে, তুরুর হাল্কা টানটি যেন চকুতে ঝাঁকা, লঘু গতিতে সামান্য দ্রুত চলার অনায়াম ভঙ্গিটি যেন নিজের নিঃশ্বাস ফেলার সঙ্গে অসুভব করা যেতো। চাকরের হাত থেকে পা-টা সরিয়ে নিয়ে নির্মল লাফিয়ে উঠলো : তুমি, অশ্রু ? আমি স্বপ্ন দেখছি না ত' ? তুমি এখানে ? এলে কবে ?

অশ্রু ধীরে বললো—তোমার কাছে আজ এলাম। বোধ হয় স্বপ্ন হ'য়েই।

নির্মলের এখন এ-সব অবাস্তব কথায় কান দেবার সময় নেই। সে চাপা খুশিতে গাল দুটোকে লাল করে' বললে—হঠাৎ তুমি এখানে ? আমি এখনো বিশ্বাস করতে পারছি না।

আঁচলের তলা থেকে শুভ্র হাতখানি বাড়িয়ে দিয়ে অশ্রু বললে—আমাকে অসুভব করে' দেখ, আমি শরীরী, বেশ স্কুল, নিরাকার কল্পনা নই।

নির্মল হেঁচকা-টানে শূ-দুটো টেনে ফেলে সোজা দাঁড়িয়ে পড়লো : এই মাত্র আসছি, জামা কাপড়গুলো এখনো ছাড়া হয় নি। একটু দাঁড়াও।

—বসি। বলে' অশ্রু একটা চেয়ারে বসলো। বললে—আরো একটু দেরি করে' আসতে পারতাম বটে, কিন্তু দেরি করার মতো ধৈর্য আমার শেখা হ'ল না। তুমি আজ আসবে বলে' বিকেলে স্নান করলাম, চুলগুলি পিঠের ওপর প্রসারিত করে' রাখলাম। বাগান

থেকে এই পরিচ্ছন্ন ফুলটি তুলে এনেছি। অশ্রু চুলগুলির গ্রন্থি থেকে রজনীগন্ধার ছোট্ট কুঁড়িটি আলাগা করে' আনলে : ঘেন বঞ্চিত তাপসী ফুলটি ! নির্বাককুণ্ঠিত। আমার মতো প্রগল্ভতা ওর সুলভ নয়। কিন্তু ঘাই বল, ওরই মতো মনটা এমন লঘু ও পরিষ্কার হ'য়ে গেছে যে কী বলব ? তুমি কেমন আছ ?

—ভালোই আছি। আমাদের আবার থাকাকি ! দাঁড়াও, বাথ-রুম থেকে চট করে' মুখ হাত-পা ধুয়ে আসি। তুমি যে এসেছ ইন্দিরা জানে তো ?

—মানে, আমি আজ এসেছি নাকি ? ইন্দিরা জেনে বড়ো হয়েছে।

—বেশ, ভালো কথা। তুমি এসেছ, আমার কী যে ভালো লাগছে। আমি একটুও আশা করি নি কিন্তু। আচ্ছা। এই বলে' নির্মল পর্দা ঠেলে পাশের স্নানের ঘরে চলে' গেলো।

অশ্রু একা। সমস্ত ঘরে ধূসর সন্ধ্যাছায়া। মিলনশেষের প্রথম ক্লাস্তির মতো ঘন। এটি নির্মলের বসবাব ঘর। ভারি ফিট্‌ফাট, বাহুল্যবঞ্জিত। ছত্রিশ ইঞ্চির ছোট একটা সেক্রেটারিয়েট টেবুল, পিঠের আধখানা পর্যন্ত তোলা ছোট একটা ঘোরা-চেয়ার, টেবুলের ওপরে দু' তিনখানা মোগা মোটা অঙ্কেব বই, অঙ্কের কাগজ-পত্র। দেয়ালের তাকে ব্রঞ্জের একটা বড়ো মূর্তি—মুণ্ডহীন। অঙ্ককাবে ঝাপসা। মূর্তিটা প্রশস্ত, দুর্দর্শ। আবছারায় এইটুকু তার আভাস। এতো বড়ো ঘরে নির্মল নিজের জগে এইটুকু স্থান মাত্র অধিকার করে' আছে—চারিপাশের শূন্যতাটা যেন কর্ম দিয়ে ঠাসা; সেই শূন্যতাটা আলস্রা-বকাশের প্রকাশ নয়। ঘর দেখে অধিবাসী সঙ্কটে ধারণা হয়, যেমন সংসর্গ থেকে বিদ্যালয়ের শিক্ষকের চরিত্র বিচার করে। এ ঘর দেখে কে না বলবে যে নির্মলের মনে ভাবাকুলতার কণামাত্র কুয়াসা নেই,

তার মন ফাস্তনের রোদের মতো খটখটে, ছুরির ফলার মতো প্রখর।
তেজস্বী ঋজু উজ্জ্বল! সারা ঘরের আবহাওয়ায় একটা নিবিড়
তেজোময়তা আছে। সেটি অশ্রু যেন স্পর্শ করতে পারে। একটা
ছন্দময় কাঠিন্যের তেজ, কিন্তু সে-নিষ্ঠুরতার মাঝে কোথায় যেন একটা
অশ্রুর্নীন মাধুর্য!

বড়ো একটা টার্কিশ তোয়ালে দিয়ে মাথার চুলগুলি মুছতে মুছতে
নির্মল ঘরে ফিরে এলো। আঁচলের খুঁটে সমস্ত বুক ঢাকা পড়ে নি,
স্ফীত স্ফার বন্ধ—প্রেয়সীর যোগ্য উপাধান। পা দুটি নয়, সিন্ধু
অঙ্গ থেকে সন্তানের একটা শাস্ত গন্ধ আসছে। স্নান করবার পর
পুরুষকে যে এমন জ্যোতিঃস্নিগ্ধ ও সুন্দর লাগে এটা অশ্রুর জানা ছিল
না। সে চেয়ারটাতে স্থির হ'য়ে বসে' রইলো।

খানিকটা লাইম্-জুস্ চুলের মধ্যে রগড়ে নিয়ে নির্মল হেসে বললো
—প্রমাণটা তোমার সামনেই সেরে ফেলি। কি বল? আমার এই
রব্বর বেশ দেখে তুমি আহত হ'য়ো না। বলে' লুঙ্গির মতো খাটো
করে' পরা কাপড়টার প্রতি সে ইঙ্গিত করলো।

অশ্রু একেবারে প্রশ্ন করে' বসলো : আমি আসবো এমন আশা তুমি
একটুও করনি কেন ?

প্রশ্নটা শুনে নির্মল থামলো; জিজ্ঞাসায় একটু যেন অনুযোগের
অনুভব আছে। হেসে বললে—আমি পৃথিবীতে আশাই কিছু কম করি,
অশ্রু। তা' পূর্ণ হবে না বলে' নয়, আশা করবার মধ্যে চিত্তের কণিক
অব্যবস্থা ঘটে। অথবা অতখানি শক্তি ব্যয় করতে ইচ্ছে হয় না।

অশ্রু চোখ নামিয়ে বললে—কিন্তু চোখের জানলা দিয়ে মন যদি বারে-
বারে উঁকি মারতে থাকে তখন চোখ বুজলেই অবাধ্য মনকে শাসন করা
হয় না। তোমার মনে আমার আসন নেই ব'লেই তোমার আশা নেই।

ততক্ষণে নির্মল জামাটা গায়ে দিয়েছে। অতিরিক্ত চেয়ারটিতে বসে' সে স্বচ্ছ হাসিতে মুখমণ্ডল উদ্ভাসিত করে' তুল্লো : যাকে বর্জন করেছি তাকে আহ্বান করবার ভাষা থাকে না। যদি বলো, আশাও ছিল না। কিন্তু আমার কাছে ফের ফিরে আসবার তোমার কি কোনো প্রয়োজন ঘটেছে ?

সঙ্কায় স্নায়ুগুলো অত্যন্ত স্নিগ্ধ হয়েছে ব'লেই অশ্রুর কথায় তীক্ষ্ণতা নেই। সে ঠাণ্ডা মেন্নের ওপর পা দুটো একটু ঘষে' বললে—তোমার যেমন আকাজক্ষা নেই আমরা তেমনি প্রয়োজন ঘটে না। ইচ্ছাই আমার বাহন—সবস্বতীর যেমন হংস।

—লক্ষীর যেমন প্যাঁচ। নির্মল এমন একটা সহজ রসিকতা সংবরণ করতে পারলে না : তোমার ইচ্ছাটা পেচক জাতীয়-ই।

অশ্র চোখ তুলে বললে—তুমি আমাকে আজ্ঞা অপমান করবে নাকি ? নির্মল অস্থির হ'য়ে উঠলো : ছি ছি, না, না, সে-কথা নয়। আমার কথাগুলোই অমনি মেডো, বুনো। তুমি আজ আমার অতিথি—তোমাকে অপমান করব কী ? ছি ! ওটা একটা ছেলেমানুষি করলাম মাত্র। এত বুদ্ধি রেখে এ-কথাটি বোঝ না ?

বোঝো, কিন্তু তবু কথার সুরে কোথায় ঘেন বিদ্রূপের খোঁচা আছে। অশ্র বললে—বর্জন আমিও তোমাকে করেছি, সে-গৌরবের ভার তুমি একা নিলে চলবে কেন ? কিন্তু বর্জন করেছি বলে'ই তোমাকে বিন্মতিতে বিসর্জন দিতে হ'বে আমার বন্ধুতা এতটা অহুদার নয়। বুঝলে ?

নির্মল নড়ে' বসলো ; টিনের ছোট বাক্স খুলে একটা ইঞ্জিপশিয়ান সিগারেট ধরালো। বললো তাহ'লে আশ্রস্ত হ'লাম। কিন্তু আজ্ঞা যদি জমাট নিরেট অশ্র নির্ব'রবত্তার মত উদ্বেল হ'য়ে উঠতো, তা, হ'লে আমার আর পার ছিল না ; আশার চেয়ে' সে-ভয়ই আমার বেশি ছিল।

যাক, আমিও এখন মুক্তকণ্ঠে একটু কবিত্ব করি। জানো, অশ্রু, জীবনে দু'টি জিনিস কখনো ফিরে আসে না : এক, মৃত শৈশব, আর প্রথম প্রিয়া।

কণ্ঠস্বর স্নিগ্ধ করে' অশ্রু শুধোল : আমি কি তোমার প্রথম প্রিয়া ? একটু ঘাবড়ে গিয়ে নির্মল বললে—তুমি অমন সোজা করে' প্রশ্ন কর কেন ? এ তোমার মারাত্মক দোষ। আমি এখন এ-প্রশ্নের কি উত্তর দেব ? একটা সিগারেট খাবে ত' খাও।

—না, এখন খাবো না। অশ্রুর স্বর ভারি ঘোলাটে !

নির্মল বললে—চুল সিঙ্‌ল্ড্ করনি ? বড়ো চুল রাখাটা ত' সেকেনে, কালিদাসি আমলের।

অশ্রুর উত্তরো নির্মম : পুরুষের মনোহরণ করতে দীর্ঘ চুল আমাদের দেশে এখনো প্রশস্ত। ইউরোপে যদি কোনো দিন যাই এবং কোনো প্যারিসিয়ান্ যদি আমার গায়ের এই শ্রামল রঙ দেখে মুগ্ধ হ'য়ে আমাকে প্রার্থনা করে, আমি তাকে খুশি করতে তখন না-হয় চুল ও পোশাক খর্ব করে' ফেলবো। আমার সময় আছে।

—হ্যা, আছে। কিন্তু একবার চুল ঘাড়ের তলায় এনে ছেঁটে ফেললে দেশে ফিরে তাকে ফের গজিয়ে আবার কোনো বেচারী বাঙালি যুবককে মুগ্ধ করতেই যা সময় লাগবে। তা, বেশ ! প্রভাতকে ছেড়ে প্যারিসে যাবার মতলব আছে নাকি ?

—আছে বৈ কি। প্রভাতো সঙ্গে যেতে পারে।

—প্রভাত যাবে ? প্যাসেজ জোটাবে কোথেকে ? ষাট-টাকার কেয়ানির এত মুরোদ ! অবশি, প্রভাত যদি যথেষ্ট পণ নিয়ে কোনো বাঙালি মেয়ের কুলরক্ষা করে ! তখন তার বউ তাকে তোমার সঙ্গে যেতে দেবে কেন ?

অশ্রু খিটখিট করে' উঠলো : সে-ভাবনা তোমার না করলেও চলবে। কিন্তু আমি যা জিজ্ঞাসা করছি তার উত্তর দাও। তুমি আমাকে কোনোদিন ভালোবেসেছিলে ?

নির্মলের মুখে সেই ক্ষণস্থায়ী হাসি—যে-হাসি মুখকে প্রসন্ন করে না, অন্তর্ধানের সঙ্গে-সঙ্গে একটা কঠিন দৃঢ়তা রেখে যায় : এ-প্রশ্নের একটা উচ্চারিত উত্তর আছে নাকি ? তুমি কিছুই অনুভব করতে পারো নি ?

অশ্রু স্পষ্ট করে' বললো—আমি অনুভবে বিশ্বাস করি না, আমি উচ্চারণ চাই।

—এই জন্মেই তোমার সঙ্গে আমার মিললো না। তুমি কর্মে প্রবল, প্রতিজ্ঞায় প্রথর হ'তে পার, প্রকাশে তোমার একটা অপরিমিত উদ্বিগ্ন থাকতে পারে, কিন্তু যখন ভাবি অনুভব তোমার ফিকে, তখন—তখন তোমাকে সর্বাস্তঃকরণে কমা করতে পারি না, অশ্রু। এই আমার স্পষ্ট উত্তর।

অশ্রু একটুখানির জন্য কোনো কথা কইলো না। নির্মল ফের বললে—আচ্ছা, মতি করে' তুমি কাউকে ভালোবেসেছ ? তুমি প্রভাতকে কি এত ভালোবাস যে তার প্রেম না পেলে তুমি এই প্রকাণ্ড পৃথিবীতে একেবারে একাকিনী হ'য়ে যাবে ? তোমার অন্তরে বৈধব্যের সেই বৈরাগ্যবোধ আছে ? তোমার হ'য়ে আমিই-উত্তর দিচ্ছি : নেই। যে-প্রেমে একপ্রাণতা আছে, যার অনুভবে মানুষ বিরহের অন্ধকার থেকে বিশাল আকাশের সৃষ্টি করে—সেই প্রেম তোমার আছে ? কতগুলি ফাঁকা কথার মূলধনে এ জীবন নিয়ে জুয়ো খেলতে বসো না।

অশ্রু হেসে বললে—বেশ কবিতা করছিলে, কিন্তু শেষ দিকে ওয়ার্ডসওয়ার্থের মত ঐ নীতিবচনটুকু না আওড়ালেই আমি হাততালি

দিয়ে উঠতাম। কিন্তু আমার কথা আমিই বলবো। আগে আমার প্রশ্নের উত্তর দাও। তুমি আমাকে তোমার জীবনের অসতর্ক কোনো মুহূর্তে একটুও ভালোবাসনি ?

নির্মল বললে—ঐ চার অক্ষরের শব্দটা আমার কাছে আগাগোড়া গ্রীক। ওটার সংজ্ঞা নেই।

—কেন, উচ্চারিত উত্তর নাই বা দিলে, গাঢ় করে' অনুভবও করেনি কোনোদিন ?

—বোধ হয়, না। আমি ভালোবাসা বুঝি না, ওটা যৌবনের একটা রঙিন বিকার মাত্র। তাই সে-বিকারকে সুস্থ ও স্বাভাবিক করবার অগ্রেই আমি বিবাহের পক্ষপাতী। দৈহিক কামনাকে সুন্দর ও সংযত করতে পারলেই তা প্রেম এবং সে প্রেমে সংসার ব্যবস্থিত হয় বলে'ই তা সমাজের নামাস্তর। সমাজকে আঘাত করতে গেলেই যে-শক্তি প্রয়োগ করতে হয়, নেহাৎ সহজ অঙ্কের নিয়মানুসারে সেই আঘাত নিজের ওপর ফিরে আসে—প্রেমের শাস্তি তাতে ব্যাহত হয়। তাই সমাজকে লঙ্ঘন করতে গেলে প্রেমেরো স্থলন ঘটে, তখন সেটা মনে হয় উৎপাত—প্রণিপাত নয়। তখন তার নিপাত হ'লেই বাঁচা যায়। নিউটন গতি সম্বন্ধে যে-খিওরি করেছিলেন, গোডায় তাঁর hypothesis ছিল হয় ত' নরনারীর অসামাজিক প্রেমের স্বাভাবিক-পরিণতির দৃষ্টান্তটা। কিন্তু বড়ো বড়ো জিনিস নিয়ে তর্ক করতে গেলে খিদে আমার আরো বেড়ে যাবে। ইন্দিরাকে ডাকি।

অশ্রু বাধা দিলো : ডাকবে'খন। কিন্তু অসামাজিক প্রেমে যে প্রেমের আয়ুষ্কয় হয় এমন একটা মত স্থির করলে ত' আমাকে দেখে, আমার সংস্পর্শে এসে, না ?

—হয় ত' হ'বে। বিবাহেব অতিরিক্ত কোনো প্রেমে আমার বিশ্বাস নেই। প্রেমকে বিবাহের সীমার মধ্যে বিস্তারিত না করলে সেটাকে আমার কাছে ব্যভিচারের মতোই দৃষ্টিকটু লাগে।

অশ্রু ডান হাতটা তুলে বললে—আচ্ছা, আচ্ছা। কিন্তু আমার প্রেমটা ত' তোমাব এই সিদ্ধান্তের পক্ষে একটা পরীক্ষা ছিল? আমাব সঙ্গে ছ'দিন না মিশলে ত' আর তুমি এমন ভূঁই-ফোড় পান্নি হ'তে পারতে না?

—না।

অশ্রু এতক্ষণে একটা কথা পেলো : আমারো তাই সে-পরীক্ষা; আমিও তাই জীবনে লাখো লাখো বার পরীক্ষা করছি, হয় ত' প্রত্যেক-বারই হাব্বো, কিন্তু তাতে আমার শক্তিক্ষয় হ'বে না, বরং সংকল্পের সঙ্গে সকল শংকা দূর হ'য়ে যাবে। আমি কাকে প্রেম দিয়ে কৃতার্থ হ'ব সে-বিচার পাডাব পাঁচ জনকে করতে দিলে আমাব অস্তিত্বের মযাদা থাকে কোথায়? সে-বিচার আমিই কব্বো—বহুতর পরীক্ষার মধ্যে, বহুতর অক্লান্তকাষতার মধ্যে। বুঝেছ?

—বুঝলুম। কিন্তু তোমার অন্ধ বিচারেই যে পরিপূর্ণতম সফল হ'বে তার কোনো গ্যাবাণ্টি আছে?

অশ্রু বললে—তবু সে বিচার আমার বিচার। মিল্টনকে তুমি অন্ধ বলবে কিন্তু অন্ধ চোখেই তিনি হারানো প্যারাডাইজ খুঁজে পেয়েছিলেন।

—তোমার উৎপ্রেক্ষাকে আমি উপেক্ষা করি। প্রেম একটা কায়াহীন মাদকতা মাত্র—

কথা কেড়ে নিয়ে অশ্রু বললে—তাই প্রেমকে লোকে বলে ভগবান। আমি অবিশ্বি বলি শরীরী সুর।

—কিন্তু প্রেম যেখানে পরীক্ষা-সাপেক্ষ সেখানেই সে লোভী, সেখানেই তার অন্তহীন কদর্যতা। আমি অত কথা বুঝি না অশ্রু, একটা উদ্ধার জীবন কামনীয় নয়।

— কিন্তু উল্লাসের। তার সর্বনাশটা দেখবার মতো।

—কিন্তু সেই সর্বনাশ জীবনে স্বীকার করে' নেবাব মতো তোমার ধৈর্যশীল বৈরাগ্য আছে ?

— সেটা আর বৈরাগ্য নয় বন্ধু, অবসান।

এমনি সময় ইন্দিরা প্রবেশ কবুলো খাবার নিয়ে। ডিস্টা টেবলের ওপর বেখে সে নির্মলের পা ঘেঁষে মেঝের ওপর বসে' পড়লো। এই ষাচিঁত সান্নিধ্যের নতুন একটা অর্থ নির্মলের কাছে হ্যাৎ স্পষ্ট হ'য়ে উঠলো। অশ্রুর একবার বলতে ইচ্ছা হয়েছিলো : আচ্ছা তুমিই তোমার স্ত্রী-র পূর্ব ইতিহাস সব জানো ? কিন্তু মনের চিন্তাটা জিভেব ডগায় এসে মুখের হ'বার আগেই নির্মল বললে—এই দেখ ইন্দুকে। বিয়ের আগে এক অসামাজিক প্রেমের নেশায় মাতোয়ারা হয়েছিলো। সেটা নেহাৎই মিথ্যা, অবাস্তব। এমন অবাস্তব রঙিন স্বপ্ন হয়ত' প্রত্যেক যুবক-যুবতীরই দেখতে হয়। না ইন্দু ? বলে' নির্মল হো-হো কবে' হেসে উঠলো।

অশ্রুর দু'কান রাঙা হ'য়ে উঠলো। বললে—শিগ'গির এর প্রতিবাদ কর, ইন্দিরা। রমাপতির প্রতি তোমার প্রেম মিথ্যা, অবাস্তব ? এ অবমাননা তুমি সহাবে ?

উঠে সুইচটা টেনে আলো জ্বলে নির্মল বললে—এ-ঘরে ইন্দিরার স্বামী উপস্থিত আছেন এ-কথা তুমি ভুলে যেয়ো না, অশ্রু। ইন্দিরা তাঁর পাতিব্রতোর অবমাননা করবেন না।

ইন্দিরাকে চুপ করে' থাকতে দেখে অশ্রু মুহূর্তে ঘেমে উঠলো। বললে—তুমি ইন্দিরাকে তার অটল প্রেমের সিংহাসন থেকে ভ্রষ্ট ক'রে

তাকে একটা মহান রাজ্য থেকে বিচ্যুত করেছ। তুমি তার কী ক্ষতি করেছ তার পবিমাণ স্বার্থান্ধ পুরুষ হ'য়ে তুমি বুঝবে না।

নির্মল ফের চেয়ারে বসে' স্নিগ্ধস্বরে বললে—তুমি যদি ইন্দিরার এখন অন্তরঙ্গ বন্ধু না হ'তে, আর আমার সঙ্গেও যদি তোমার কোনো ব্যাপার না ঘটতো, তা হ'লে আমি সোজা বলে' বসতাম : তোমার সঙ্গে আমি আমার স্ত্রীর ক্ষতি বিচাব কবতে চাইনে, অশ্রু। কিন্তু এর উত্তর ইন্দিবাই দেবেন। তোমার আমি কী ক্ষতি করেছি, ইন্দু ?

ইন্দিরা স্বামীর পায়ের আরো কাছ ঘেঁষে এসে বললে—আমার আবার কী ক্ষতি কববে ?

—কী ক্ষতি কববে। অশ্রু দীপ্ত হ'য়ে উঠলো : ইন্দিরা নেহাৎই ভীকু ও দুর্বল বলে' বাক্যে বা ব্যবহারে অক্ষুটতম প্রতিবাদও কবতে পাবলো না। স্বচ্ছন্দে সমাজের যুপকাঠে আত্মবলি দিলো। তুমি তার যে-অপমৃত্যু ঘটিয়েছ, তার যে-মহান ভবিষ্যতের সম্ভাবনা নষ্ট করেছ—সমাজ যদি তাব বিচাবেব ভার নিত—

—তা হ'লে আমার গাঁসি হ'ত। এই বলতে চাও, অশ্রু ? কিন্তু আমার তিরোবানে তুমি সত্যিই কি সুখী হ'তে, ইন্দু ?

ইন্দু নিরীহ ইচ্ছবের মতো চোখ লুকোল।

অশ্রু বললে—এর তুলনায় ঢের বেশি সুখী হ'ত। তার সৌন্দর্য তার শিল্পানুরাগ তাব কবিস্বপ্ন তোমাব বিবাহের কয়েদখানায় দীর্ঘদিনের উপবাসে শুকিয়ে গেছে। তোমার এই তুচ্ছ প্রেম থেকে বঞ্চিত হ'য়ে সে স্বর্গ খোয়াতো না, বরং অমবত্ন লাভ করতো। পডনি তার ডায়েরি ?

নির্মল আশ্চর্য হ'ল : ডায়েরি ? আমি মানুষের দ্বিতীয় ব্যক্তিস্বের পরিচয় চাইনে। নেপথ্যেব ইন্দিরাব প্রতি আমার চোরাদৃষ্টি নেই, অশ্রু। কিন্তু (ইন্দিবাব প্রতি) এ-সব কী বলছে ?

ইন্দিরা হেসে বললে—ও একটা পাগলি। যা মুখে আসে তাই বলে।

অশ্রু থামবে না : ও এই নিরানন্দ বিবাহজীবন চায় নি, মস্তান চায় নি, তোমাকে চায় নি।

—পাগলি! নির্মল আবার হো হো করে' হেসে উঠলো : চায় নি? ইন্দিরার শবীবের প্রতিটি রক্তকণা চায়। নারীর প্রেমে যদি কোনদিন কোনো মাহাত্ম্য থাকে তবে সে মা হবে বলে', পুরুষের মনোহারিণী হবে বলে' নয়।

ইন্দিরা সোজা হ'য়ে দাঁড়ালো। তার সর্বাঙ্গে কোথা থেকে সৌন্দর্যের ঢল নেমেছে। সে তীক্ষ্ণ স্বরে বললে—তোমার এই সব কী হচ্ছে, অশ্রু? ভদ্র সমাজে সৌজন্যের সীমা মেনে চলবে না, নাকি?

অশ্রু পরিষ্কার গলায় বললে—আব বেশি ভদ্র হ'য়ে কাজ নেই, ইন্দিরা। ঢেব হয়েছে। অস্তুবে যাকে সত্য ও সর্বস্ব বলে' স্বীকার করেছ সামান্য শরীরের ভয়ে তাকে অমযাদা করো না। শরীর ত' তোমার কাছে দু' মুঠো ছাই—এইবার জীবনে পরম স্বেযোগ এসেছে— যা তুমি চাও না, তা তুমি নেবে না, না, ককুখনো নয়।

নির্মল হঠাৎ ইন্দিরাকে নিজের কাছে ধীরে টেনে আনলো, তার ঈষন্নমিত পিঠটি নির্মলের কাঁধের কাছে এসে নির্ভর পেলো। ইন্দিরার আলুলিত চুলের ওপর ধীরে একখানি হাত রেখে নির্মল বললে—কী, তুমি চাও না, ইন্দু? আমাকে?—তারপর ম্লান একটু হেসে অশ্রুর দিকে সঘুণ দৃষ্টি ফেলে বললে—কী যে কে চায় না, বুঝে ওঠা বড় মুশকিল। চাই না বলে' হাত সরিয়ে নিতে নিতে যে-টুকু পেয়ে বসি সেও আমাদের সকল চাওয়ার অতীত হ'য়ে দেখা দেয়। হয় ত' ইন্দু আমাকে কোনোদিন চায় নি, কিন্তু আজ? ও-কথা মুখেও এনো না, অশ্রু।

স্বামীর এ-উত্তরটা বড় মোলায়েম হ'ল, ইন্দিবার তা মনঃপূত হ'ল না। তাব ইচ্ছা হচ্ছিল লৌকিক বিনয়ের সীমা লঙ্ঘন ক'রেই তিনি তীক্ষ্ণ বাক্যবাণে অশ্রুকে ক্ষতবিক্ষত করে' দেন। তাই সে ক্ষতিপূরণ করলে : তোমার মতো সবাইব আব মৃগী-রোগ হয় নি, অশ্রু। উচ্ছৃঙ্খলতাই জীবন নয়, সে একটা নিদারুণ কুশ্রিতা। এক কথায় সেই অসতীত্ব।

অশ্রু বললে—প্রেমহীন দেহদানেব চেয়ে সে মহৎ। আমাদের এমনি অন্ধ নৃষ্টি যে চাঞ্চল্যকে উচ্ছৃঙ্খলতা বলে'ই আমবা ভৃষ্টি পাই। প্রেমের জন্ম প্রতীক্ষা করতে পাববো, কিন্তু পবীক্ষা কবতে গেলেই যত গোল বাধে। ভুল কবলে ইন্দিবা, আজকেব এই ক্ষণস্থায়ী সঙ্কাকালটাই তোমার জীবনের শেষ সত্য নয়। এই অলস কর্মবিমুখ স্বামীসন্তোগকাতর জীবনই তোমাব স্বর্গ ছিল না, এর চেয়েও বিস্তৃত স্বর্গের তপস্শা কববে বলে' বিধাতা তোমাকে দেহ ভরে' রূপ দিয়েছিলেন, বুক ভরে' অতৃষ্টি।

—আর পেট ভবে' ক্ষুধা। নির্মল হেসে উঠলো : এ অবাস্তুর বিষয় নিয়ে তর্ক আর আমাকে পোষাবে না, অশ্রু। আমার দারুণ খিদে পয়েছে। তুমিও একটু সাহায্য কব না? আশা কবি এখনো এত প্রাচীন হওনি যে পুরুষেব সাম্নে খাবাব জন্মে দাঁত বের করতে কুণ্ঠিত হবে।

—প্রাচীন ?

—নিশ্চয়। নইলে বিয়ে করে' সুস্থ সংযত পরিমিত জীবন-যাপনের আদর্শটাই ত' অতি আধুনিক। তোমার ও-মতটা ত' এ-শতাব্দীর প্রথম দশকের। কুড়ি বছর আগেকার।

—আমি ঐ পেঁপেটা খাবো বটে, কিন্তু মেটা তোমার মতে সাহায্য দিচ্ছি বলে' নয় কিন্তু। তুমিও একটু নাও, ইন্দিবা।

খাওয়ার মধ্যে দিয়ে ঘরেব আবহাওয়াটা তরল হ'য়ে উঠলো।

বলা নেই কণ্ঠা নেই নির্মল হঠাৎ এক টুকরো নাস্পাতি ইন্দিরার মুখের কাছে তুলে ধরলো। জিনিসটা ইন্দিরার কাছে নতুন, একেবারে অপ্রত্যাশিত! এতগুলি দিন-রাত্রির স্মৃতিপটে স্বামীর এমন একটি ভঙ্গির রেখাপাত হয় নি। আরেকটু হ'লে ঐ আঙুল দু'টি অধর দিয়ে ছুঁয়ে ইন্দিরা প্রথমস্পর্শিতা কুমারীর মতো রোমাঞ্চিত হ'য়ে উঠতো হয় ত'। স্বামী যেন তাঁর ঐ দু'টি আঙুলে করে' স্বর্গের সমস্ত সুখা তুলে ধরেছেন।

নাস্পাতির টুকরোটি ইন্দিরা শব্দ করে' চিবোতে লাগলো। নির্মল বললে—তোমার পরীক্ষার জটিলতা প্রণিধান করতে পারি তেমন অণুবীক্ষণ আমার নেই। সে আমার ক্রটি হয় ত', মানলুম। কিন্তু কোনো পরীক্ষারই পরিণাম নেই, কোনো প্রেমই সংসারে প্রামাণ্য নয়। মাঝের থেকে কপালে ঘটে অশেষ দুর্গতি, নিত্য পদস্থলনের দুঃসহ কলঙ্ক।

অশ্রু মুখ গোমরা করে' বললে, মানুষের অভিধানে শব্দের অপপ্রয়োগ ঘটে' থাকে, নির্মলবাবু। পরিণামের চেয়ে পরীক্ষা বড়ো, যেমন প্রাপ্তির চেয়ে অতৃপ্তি, সন্ধানের চেয়ে অনুধাবন।

ইন্দিরাকে নির্মল আরো কাছে টেনে আনলো। তাঁর স্বর গদগদ হ'য়ে উঠেছে : সন্ধান বুঝি না, অশ্রু, বুঝি সন্ধি; শান্ত পরীক্ষার চেয়ে প্রতীক্ষাহীন শান্তিই আমাদের বেশি কামনীয়। এই পরিপূর্ণ প্রগাঢ় বিষামের মধ্যে কী যে প্রয়াসহীন বিরতির মাদকতা রয়েছে তা তুমি বুঝবে না। আমি বুঝছি ব'লেই কথাটা খুলে বলতে গিয়ে আরো ঘোরালো ক'রে' তুললুম। নিয়ত সন্ধানের নিষ্ফল অধৈর্যে স্নায়ুমাণ্ডলীকে অকারণে উত্তেজিত করতে হয় না, অতৃপ্তির বিষবাস্পে চিত্ত কলুষিত হয় না, নির্জল মেঘের মতো মন লঘু হ'য়ে উড়তে থাকে। দম্পতীর সংকীর্ণ শয্যার দু' প্রান্ত থেকে দু'টি বিপুল জগতের জন্ম হ'তে থাকে— এক ধরিত্রী, অন্য স্বর্গ। মধ্যে মাত্র আকাশের ব্যবধান। ধরিত্রী

হচ্ছে পুরুষ—স্বর্গ নারী ; আর আকাশ হচ্ছে দু'য়ের মধ্যকার বিস্তীর্ণ
প্রেম !

ঠোঁট দু'টো কুঁচকে অশ্রু বললো—হাতি !

ব'লেই আচম্বিতে ঘর থেকে দ্রুতপদে বেরিয়ে গেলো ।

ঘবের সমস্ত শূণ্যতা নিমিষের মধ্যে ইন্দিরাকে গ্রাস করলে । সে-
নিস্তব্ধতা যেন কঠিন পাথর দিয়ে তৈরি । এর পর স্বামীর সঙ্গে যে
সে কী ব্যবহার করবে, কী কবলে যে এমন চমৎকার সন্ধ্যাটার সঙ্গে
একটা সুবসন্ধতি থাকে সে প্রথমে বুঝে উঠতে পারলো না । এতো
খানি অবকাশ পেয়ে সে যেন একেবারে হাঁপিয়ে উঠলো । স্বামীর
মুখের দিকে সে অত্যন্ত সংকুচিত হ'য়ে একবার তাকালো—কিন্তু সে-
মুখ নিবেট স্থল উদাসীন । খানিক আগে যে-মুখে সন্ধ্যার স্নিগ্ধতা
ছিল, সহসা তা যেন ছপূরের রোদের মতো রুক্ষ হ'য়ে উঠেছে । হঠাৎ
তিনি যে কেন ইন্দিবান সান্নিধ্য বিশ্বত হ'য়ে টেবলের উপরকার একটা
মোটা বই নিয়ে এত ব্যস্ত হ'য়ে উঠলেন বোঝা বঠিন । পেটের মধ্যে
নাস্পাতির টুকরোটা এখনো হজম হয় নি ।

মাথা তুলে নির্মল বললো—পেছনেব জান্নাটা বন্ধ করে' দাও দিকিন্,
ঠাণ্ডা আসছে ।

ভয়ে ভয়ে ইন্দিরা বললে—হাদুহানাব ঝাড় থেকে কেমন গন্ধ
আসছিলো ।

একটু বিরক্ত হ'য়ে নির্মল বললে—গন্ধ শুকতে হ'লে বন্ধুকে বাইরে
নিয়ে বেড়াও গে ।

এর পর হয় ত' ইন্দিরা আর দাঁড়াতো না ; কিন্তু নির্মল আবার
ভাকলে : দেখছ না ব্যাকেট থেকে আমার টাই-শুধু কলারটা পড়ে'
গিয়েছে ; চোখে দেখতে পাও না ? তুলে রাখ ।

ইন্দিরা তুলে রাখলো।

নির্মল ফের বললে—বাত্রে আমার স্পর্শটা তৈরি করে' রেখো। আর শোন, রামসেবককে বলে' কিছু চুরট আনিয়ে দাও ত'। সিগারেট আর খাবো না। দোকানটা যেন চিনে যায়। আর—হ্যাঁ, তোমার এই বকুটি কবে এসেছে, কেন এসেছে, কবে যাবে ?

ইন্দিরা তিক্তস্বরে বললে—বকু ত' মে তোমারো। জিজ্ঞাসা করলেই পারতে।

—পারতুম হয় ত'। কিন্তু তোমাকে কিছু বলে নি ? একটা সাধারণ ব্যাখ্যাও তার নেই ?

--না।

ইন্দিরা চলে' যাচ্ছিলো।

—আচ্ছা, তুমি ত' ডায়েরি লেখ। আমাকে কিছু বল নি কেন ?

ইন্দিরা বললে—সাহিত্যে সব জিনিস যেমন লিখতে হয় না, তেমনি স্বামীকেও সব বলতে নেই !

—কিন্তু ইঙ্গিতেই হচ্ছে আর্টের নিশানা। আমি সে ইঙ্গিত আজ পেলুম, ইন্দু।

আবাব ইন্দু ! ইন্দিরা কুণ্ঠিত হ'য়ে শুধোল : কিসের ?

—তুমি আমাকে চাওনা, ভালোবাস না।

চোখ, মুখভাব, দেহের সমস্ত অটল ভঙ্গি দিয়ে ইন্দিরা বললে—মিথ্যা কথা।

অভিমানের সুরে নির্মল বললে—আর এখন ডায়েরি লেখার প্রয়োজন নেই কি না, তাই ঠিক আজকের দিনটিতেই যে আমাদের বিবাহিত জীবনের ছ'টি বৎসর পূর্ণ হ'ল তা তুমি স্বচ্ছন্দে তুলে আছ। অথচ,

আজকের দিনটি যাতে না হারাই তারি জন্যে আমি লাক্কো থেকে সাত-তাড়াতাড়ি ছুটে এসেছি।

তাই নাকি? ক্যালেন্ডারটার দিকে চেয়ে দেখলো—সত্যিই ত'। আজকের তারিখ। ইন্দিরা এতোক্ষণ এই কথাটিই ভুলে ছিল কি করে? সে হয় ত' তক্ষুনি স্বামীর কণ্ঠলগ্ন হ'য়ে চূষনভিক্ষা করতো, কিন্তু নির্মলের মুখে আবার নিরেট স্থূল হ'য়ে উঠেছে। ইন্দিরা এক মুহূর্ত স্তব্ধ হ'য়ে দাঁড়িয়ে রইলো।

ইন্দুরা তবু আশা হারায় নি। আজ যে তাদের বিবাহের বার্ষিকী, এ-সংবাদটি স্বামী মনে রেখে ইন্দুরাকে আকাশে তুলে দিয়েছেন। অথচ এই স্বামীর প্রতিই বিমুখ ও বিদ্রোহী হ'বার জন্মে অশ্রু দিক থেকে তার ওপর এমন জোর তাগিদ এসেছিলো। ইন্দুরা যে তার তর্জনীটা উদ্ধত করে নি সে তার স্ত্রী-জীবনের পরম সৌভাগ্য। সে এতোদিনে বাঁচলো বোধ হয়।

ইন্দু! নামকে সংক্ষিপ্ত ও হ্রস্ব-উকারান্ত করার মধুর আর্টটা বাঙালি রচনা করেছে ভালোবাসতে গিয়ে। যেন ঐ হ্রস্বতাব আডালটুকুতে একটা অসীম ইশারা—যেন সবটুকু বলা হ'ল না বলে'ই যা বলবার তার চেয়ে ঢের বেশি বুঝিয়ে দিলে; ঠিক কবিতার অর্থের মত। শব্দে নেই, ছন্দে নেই, ভাববিগ্রামে নেই, ভাষা-প্রসাধনে নেই—কোথায় যে আছে ধরা কঠিন, কিন্তু আছে যে, সেটা জলের মত সোজা। যাব নাম সত্যি-সত্যিই ইন্দুরা—কাকারা যাকে ইন্দ্রি বলতেন—তাকে ইন্দু বলে' ডাকার মাধুর্য যে অক্ষরসন্নিবেশে নয়, উচ্চারণভঙ্গিতে নয়, তা বেশ বোঝা যায়; কিন্তু ঐ ছোট ডাকটিতে ভীকু বুক যে রসবোমাঞ্চে শীতল হ'য়ে আসে তাবো মতো সত্যি আব নেই কিছু।

বিয়ের পর এক বছর পূর্ণ হ'ল বটে—কিন্তু স্বামী তাকে সম্বোধনে রূপণতা করতে গিয়ে কোনাদিন এমন অঙ্গশ্র হ'য়ে ওঠেন নি। এ যদি জনসাধারণের নেপথ্যে কামকেলিব নিভৃত বঙ্গমঞ্চে উচ্চারিত হ'ত তা হ'লে ইন্দুরা তাকে আমোল দিতো না, কিন্তু এ আর উচ্চারণ নয়, ঘোষণা। নির্জন নিরালায় নয়—তৃতীয় ব্যক্তিব সম্মুখে—এই তৃতীয় ব্যক্তিটিই প্রেমিক-প্রেমিকার নিকষ-পাথর। এ তৃতীয় ব্যক্তির মধ্যস্থ-তায়ই এর বিচার, এর মূল্যধারণ—এ তৃতীয় ব্যক্তিই সমাজ, সংস্কার, মনস্তত্ত্ব। এ আর কেউ নয়—স্বয়ং অশ্রু, যার কাছে বিবাহ অর্থ শুধু

বি-পূর্বক বহু-ধাতু ঘণ্টা; সমাজ অর্থ জীবনীশক্তির শঙ্কান-ডঙ্ক।
ভানোই হ'ল—অশ্রুই মুখের উপর সে বলে' আস্তে পেরেছে—স্বামীই
তার জীবন-সঙ্ঘীবনী; সে যে আজো বিধবা নয় এই তার ত্রিলোক-
পতিত্বের চেয়ে বড় সৌভাগ্য। আজ ঐ সামান্য একটি সম্বোধনের
বাতায়ন দিয়ে বহুবিস্তৃত আকাশের মুক্তি তাকে ঘিরেছে। সে স্বামীর
জন্মেই দেহধারণ করেছিলো, এ জ্ঞান তার নশ্বর দেহটাকে উষার
হাতের স্বর্ণ-বীণা কবে' তুলনো। স্বামীর পূজায় এ-দেহকে সে ধূপের
মতো দগ্ধ করবে—এর চেয়ে সার্থকতাময় আত্মসমর্পণের গরিমা মেয়ে
হ'লে সে ভাবতে পারে না। স্বামীই তার দেহ, তার দেশ, তার দেবতা।

তুমি বিদ্রূপ কবছ, বমাপতি। কিন্তু যে-প্রেমে বন্ধন নেই, সম্মান-
জননের প্রয়োজন নেই, নব জীবনের গাঝে নিজেকে সম্প্রসারণ নেই,
সে-প্রেম মদ খাবার কাচের বাসন মাত্র। মদ ফুরোলে বাসন যায়
ভেঙে। ক্ষুধার্ত সময়েন একটি মাত্র সুদীর্ঘ চুমুকে তোমাব সে-মদ
ফুরিয়ে গেছে। মদে আছে মত্ততা, সুধায় আছে স্বাদ। মদে আছে
রোগ, সুধায় আছে কচি। তোমাব সে-আদর্শ হাতে বিকোত না
বলে'ই মচে পড়ে' অব্যবহৃত অবস্থায় ক্ষয় হ'য়ে যেত বমাপতি, তাকে
বাঁচিয়ে রাখতে গিয়ে তুমি হ'তে কুৎসিত আমি হ'তুম সুদুর্লভ। সে
আর তপস্যা না হ'য়ে হ'ত খালি তাপ—আলোক থাকতো না বলে'
ভূপ্তিও থাকতো না। সুব কেটে গেলে বেশ থাকতো না, খাস
ফেলতুম বটে, কিন্তু আশ্বাস কই।

তার চেয়ে ইন্দিরা এখন স্বামীর জন্মে সযত্নে বিছানা পাতুক। অশ্রু
পোড়ারমুখিটা বেজায় বেড়েছে—নিতান্ত বেহায়া বলে'ই না তার স্বামীর
কাছে এমন একটা খেলো নাটুকেপনা করতে সাহস পেলো। ওর
কপালে আছে গভীর দুঃখ। ব্যবসা করতে বসে' যে ছিনিমিনি খেলে

তাকে হ'তেই হবে দেউলে। ধারে মাল বিকোয় না। মূলধন উড়িয়ে যে জুয়া খেলতে বসে তার মূল্যও সে উড়িয়ে দেয়। কিন্তু একদিন ও ঘা খাবে, একদিন ও শাস্ত হবে, একদিন ওর সোনার স্বপ্ন প্রথম প্রেমের মোহের মতই বাষ্প হ'য়ে মিলিয়ে যাবে দেখো। সেই দিনটি পর্যন্ত ইন্দিরা যেন বাঁচে।

দু'মিনিটে ইন্দিরা স্বামী'র বিছানা ও নিজের মন গুছিয়ে নিলো। গুছিয়ে নিতে মেয়েমানুষের দেরি হয় না। প্রথম জীবনে ভালোবাসার সে যে-স্বাদ পেয়েছিলো সে শুধু স্বামী-প্রেম চাখ'বাব একটা আপাত-পরীক্ষা মাত্র। আজ মনে হ'ল রমাপতি গৌণ, নির্মল গৌণ—বড় তার স্বামী, যে তাকে বিধি-অনুসারে সম্মানের জননী হ'তে দেবে, যার অন্ত-প্রাশনে পাড়াব পাঁচজনকে ডাকলে তাঁরা পাত ফেলতে কুণ্ঠিত হ'বেন না। দর্পণে ইন্দিরা আবার নিজের ছায়া দেখলো—প্রথম যৌবনে রমাপতির সংসর্গে এসেও সে এতো বড়ো সম্ভাবনার স্বপ্ন দেখেনি। সে ভাবী মা, পবিত্র ভারতবর্ষের আসন্ন স্বাধীনতা, ঋষিকণ্ঠের আদিম সৃষ্টি! তার পীবর বুক, হুল উদর, ভাবাকুল চোখ, ভাবমগ্ন দেহ—সব-কিছুই তার চোখে নবীনতর আবির্ভাব।

চাকরকে ডেকে অশ্রুর খাবাব তার ঘবে পৌঁছে দিতে বলে' ইন্দিরা বই নিয়ে পড়তে বসলো। বইয়ে মন দেয় কার সাধ্য। কিন্তু আজ আর বাইরে পাইচারি করবার মানে থাকে না। সে আজকের বাতের পেয়ালায় চুমুক দিবে সমস্তগুলি মুহূর্তের তলানি পর্যন্ত পান করবে। রমাপতির যে-দিন বাইরে থেকে এসে ইন্দিরার বন্ধ জান্নায় টোকা দেবার কথা, সে দিনো সে এমন স্তব্ধ হ'য়ে প্রতীক্ষা কবেনি। আজ না আছে সংশয়, না বা সমস্যা। আজকের প্রতীক্ষার ফলটা অবশ্যম্ভাবী জানা সত্ত্বেও কেন জানি রহস্যময়। প্রথম রাত্রির বধূর মতো একটি

রোমাঞ্চময় আশংকানুভূতি, একটি সুখসুনিবিড তন্দ্রাচ্ছন্নতা। অথচ কতো সহজ। নিশ্বাস ফেলবার মতো অনায়াস।

স্বামী হাত মুখ ধুচ্ছেন—এইবার শুতে আসবেন। স্বামীর এই শুতে আসাটা ইন্দিরার মনে হ'ত একটা নির্মম দৃশ্যতা, পরস্বাপহরণের ছদ্মবেশ। কিন্তু আজ মনে হল মালিনীর কুঞ্জে মালাকার আসছে—বরবেশে চোব। শয্যা ঘূর্ণকাঠ নয়, সুখতীর্থ। ইন্দিরার দেহ বলি নয়, নৈবেদ্য।

ইন্দিরা বুঝেছে—কেন তাব এই স্বাভাবিকতা, এই দৃঢ় সংযত স্নেহতা। তার স্বামীর তুলনায় সে কতো ছোট, কত নীচে পড়ে। সেই ববং এতদিন নিজের ইচ্ছাকে দমন কবে' বেখে নিজেকে মিথ্যে করে' উপক্রমতা ভেবেছে, স্বামীব কতব্যে সে তার নিজের কামনা-মাধুষকে সঞ্চারিত করে নি বলে' অপরাধী সে নিজেই। তার ইচ্ছা এতো দিন মীতার মতো নির্বাসিতা ছিলো—ন্যায়পতির আদেশে। অসুযোগ নয়, আদেশে। তার জন্মে তার স্বামী দায়ী নয়। ওষুধ রোচক না হ'লেই রেচক নয় প্রমাণিত হয় না। সে মূর্খ, হীন, একচক্ষু—সম্পূর্ণ অন্ধ হওয়াব চাইতেও তা immoral। তার স্বামী বীর, তপস্বী—দুঃখোবন তার উপযুক্ত বিশেষণ।

সত্যি কথা বলতে কি, নির্মল যে অশ্র-তে গলে' পড়ে নি, আজো তাকে মুঠোর মধ্যে নিয়ে বাষ্পাকারে উড়িয়ে দিলো—স্বামী-পূজার প্রথম পাঠ পেলো সে এই উদাহরণে। স্বামী তাকে নিয়ে দীর্ঘ ত্রিপদীতে কাব্য না করুন, স্ত্রীর প্রতি অর্ঘ্যদার ঘণায়ই যে তিনি পরনারীর প্রেমকে সদর্পে লাঞ্চিত করেছেন এ গর্ব ইন্দ্রানিরো ছিলো না। শুধু প্রত্যাখ্যান বা লাঞ্ছনাই নয়, উল্টে স্ত্রীব প্রতি সহজ কর্তব্যবোধ তার সম্পর্ককে এমন বড়ো বলে' স্বীকার করা ভীষ্মের প্রতিজ্ঞার মতোই মহিমাব্যঞ্জক—অথচ তার মতো ভারপ্রবণ নয়। স্থির বুদ্ধি দিয়ে

প্রণোদিত, সহজ আত্মীয়তার দায়িত্বে দৃঢ়ীভূত মে-বিশ্বাস। অশ্রুর মুখ কালো হ'য়ে গেছে—নির্মল তার তারা। হোক দূর তবু অবিচল, হোক ক্ষৌণপ্রভ তবু চিরস্থায়ী। নির্মল ভোগী কালিদাসের প্রবাসী নায়ক—যে বিরহ বোধ করে অন্তঃপুরচারিণী প্রিয়তমা স্ত্রী-র জগৎ, যে তার পরিণীতা, প্র-ণীতা নয়।

নির্মল ঘরে ঢুকলো। অবাক—সমস্ত ঘরটি পরিপাটি ফিটফাট। তার দৃষ্টি সচরাচর এতো সূক্ষ্ম নয়—তবু ঘরটিকে ঘিরে যে একটি সূচিস্থিতি রয়েছে তা তাকে আকৃষ্ট করলো। কিন্তু স্ত্রীর সঙ্গে অযথা বাক্য-ব্যয় করা তার অভ্যাস নয়। দীর্ঘদিনের শান্তির পর সে এখন ঘুমবে। ইন্দিরা রাতে খায়নি—আশা করেছিলো স্বামী একবার জিজ্ঞাসা করবেন : খেয়েছ ? ও বলবে না। তার পর উনি কি বলেন তাই শুনবার জন্যে ও কান পেতে থাকবে।

কিন্তু কান পেতে ইন্দিরা শুনতে পেলো স্বামী ইতিমধ্যেই ঠোট দুটো সামান্য একটু ফাঁক করে' গাঢ় স্বরে নাক ডাকাচ্ছেন। স্বামী যে শুতে এসে নাক ডাকান এ মর্মান্তিক সত্য কথাটাই সে এতক্ষণ ভুলে ছিলো। সংক্ষিপ্ত করে' ইন্দু বলে' ডাকার রস এই শার্দূল-বিক্রীড়িত ছন্দের ঘায়ে মিলিয়ে যায়-যায়। কিন্তু,—এ কী ছেলেমানুষি। ইন্দিরা নিজের মনেই হাসলো।

কিন্তু আজকের রাতটি যদি সে এমনি করে' হারিয়ে যেতে দেয়, তা হ'লে তার দাবী থাকে কী ? এমন রাত কি যখন তখন আসে ! এতো গুলি দিনরাত্রি নিষ্ফল প্রেমের পসরা বয়ে' তবে এমন একটি সুখসমৃদ্ধ শান্তিময় রাত্রির সন্ধান মেলে। মরুভূমিতে কতো চোখের জল ফেলে তবে এমন মরুস্থান চোখে পড়ে। লাভটাই ত' বড়ো নয়, বড়ো হচ্ছে উপলব্ধি। তাই ইন্দিরা আজ স্বেচ্ছায় স্বামীর কর্ণলগ্ন হ'বে।

ইন্দিরা বইটা মুড়ে রেখে ধীরে স্বামীর বিছানার ধারে এসে বসলো। আকাশে বুঝি সামান্য মেঘ করেছে—হাস্‌নুহানার ঝাড়টা গন্ধে গদগদ। সমস্ত পৃথিবীময় একটি বচনহীন স্তব্ধ নিরাকুলতা। ইন্দিরা ধীরে নির্মলের চুলগুলিতে হাত বুলুতে লাগলো।

নির্মলের পাতলা ঘুম—জেগে উঠলো। অস্বাভাবিক হয় ত', বা ক্রী-ক্রী। বললে—ঘুমুতে যাওনি যে।

ইন্দিরা বললে,—এমনি। ঘুম আসে না। তুমি ঘুমোও, আমি এমনি বসে' থাকি।

নির্মলের স্বপ্ন বটু : না। পাশে বসে থাকলে আমার ঘুম হয় না। সমস্তটা দিন ট্রেনের ধকলে ঘাবপবনাই নাকাল হ'তে হয়েছে।

ইন্দিরা তবু ওঠে না, পা দুটি ছুঁতে বিছানার ওপর উঠে বসে।

নির্মল বিবক্ত হ'য়ে বললে : এ কি ? তোমার খাটে গিয়ে শোও গে ! বেশি বাত জাগলে শরীর খাবাপ হ'বে যে।

ইন্দিরা আরো একটু সবে' এসে বললে—হ'বে না।

—হ'বে না মানে ? না, যাও। ঘুম না আসে, টেবলে বসে' ডায়রী লেখ গে যাও। আমার থেকে তোমার যতো কিছু ক্ষতি হয়েছে সে-সব ছুঃখ তোমার বমাপতির কাছে নিবেদন কর গে। বলে' নির্মল পাশ ফিরলো।

ইন্দিরা আবার ভুল করলে। উচিত ছিলো অভিনয় করা, কেন না; 'তাকে গভীর করে' অনুভব করে', তার সত্যাবিষ্কার করবে ইন্দিরার পক্ষে একটা ইতিহাস নির্মলের সংসারে জন্মে' ওঠেনি। তাই তার উচিত ছিলো উচ্ছ্বাসের বশবর্তিনী হ'য়ে স্বামীকে জাদু করা; প্রণামে চূষনে মিনতিতে শপথে মিথ্যাবাদিতায় প্রতিবাদে একেবারে একটা মেলোড্রামার মহলা দেওয়া। সে তা না করে' বরং স্বামীর গা ঘেঁষে আরো একটু সরে' এলো মাত্র। কিন্তু নির্মল সহস্রাঙ্গীর স্পর্শ থেকে সংকুচিত হ'য়ে বললে—যাও, যাও, এখানে নয়—

নির্মল উঠে বসলো। রাগে ইন্দিরার নিচের ঠোঁটটি বৃষ্টি-লাগা ফুলের পাপড়ির মতো ফুলে ফুলে উঠছে। তবু বললে—তুমি অশ্রুর কথা সব বিশ্বাস কর নাকি ?

নির্মল ক্রুখে উঠলো : আমি কারু কথায় কিছু বিশ্বাস করে' কাজ করি না। যেমন অশ্রু তেমনি তার বন্ধু। দু'টিই এক-গোয়ালের ঘাও, আমাকে আর বিরক্ত করো না।

ইন্দিরা তবু ওঠে না। মৃদুস্বরে বললে—যখন কিছু শুনে-ই তখন সবটাই শোনো। পথের বিচার না করে' প্রাপ্তির বিচার করলে তোমাকে বুদ্ধিমান বলবো।

—তোমার কাছ থেকে বুদ্ধিমত্তার সার্টিফিকেট নেবার জন্যে আমি রাত জাগতে চাই না। দয়া করে' তোমার স্পর্শ থেকে আমাকে মুক্তি দাও, রক্ষা কর।

ইন্দিরা এক সেকেণ্ডে স্থব্ব হ'য়ে রইলো। তবু বলতে হ'ল : আমার স্পর্শ কি এতই অশুচি ?

—নিশ্চয়। তুমি বিবাহিত হ'য়েও অগ্নিকাঙ্ক্ষিনী। সামাজিক সামঞ্জস্যে তুমি একটা উৎপাত।

—মিথ্যা কথা। ইন্দিরা খাট ছেড়ে মেঝেব ওপর দাঁড়িয়ে পড়লো।

—তবে নিষে এস তোমার ডায়বি। যে-নাবী দেহ ও মন ভাগাভাগি করে' ব্যবসা করে, তাকেও দ্বিচারিণী বলে'ই আমি ঘৃণা করি। যাকে মন দিলে তাকেই যখন দেহ দাও নি, তখন যাকে দেহ দিলে তাকেও মন দিলে না কেন ?

ইন্দিরা বললে —তুমি আমার মন চেয়েছিলে ?

—মন আমি চাই নি, কেননা ওটা আমার পাওনা, দেহের মতোই আমার ক্রীত সম্পত্তি।

—মিথ্যা কথা।

—এক মিথ্যা কথা। দয়া করে' এখন আলোটা নিভিয়ে শুয়ে পড়। আমাকে ঘুমুতে দাও, কালকে আবার আমার বেরুতে হ'বে।

—কিন্তু ভাববিটা পড়-ই না। পূর্ব ইতিহাস খালি আমারই নয়, তোমাবো ছি'না। তুমি যেমন তাকে অতিক্রম করেছ, আমিও তেমনি তাকে পথ চলতে খইয়ে এসেছি। অতীতেব প্রতি যে,কু আমার অস্পষ্ট মোহ আছে সেটা শুধু আমার কাব্যানুভূতির প্রবলতা মাত্র। তোমার মন পাইনি ব'ন'ই এপ্রীতকে নূতনতর কাব' সৃষ্টি করে' আমার মনেব ক্ষুধা মেটাতে হয়েছে—

—রক্ষা কব, মনশুদ্ধের অমানুষিক বিদ্রোহ আমার নেই। কিন্তু তুমি আমাকে মতিাই স্বীকার কর ?

—স্বীকার না করে' আমার উপায় কি ? সেই স্বীকারের চিহ্ন আমার সর্বাঙ্গে।

—স্বীকারই কব, ভালো তো আর বাসো না ?

—তুমি বাসো ?

নির্মল স্পষ্টস্বরে বললে—না। আমাদের যাত্রাটা সমানতালে সূক্ হয় নি। আমি বিয়ে করেছি বিয়েকেই বড়ো করে' প্রতিষ্ঠিত করতে, তুমি বিয়ে করেছ সংসার-সংগ্রামে হেরে গিয়ে। আমার কাছে বিয়ে সংসার, তোমার কাছে সংহার। এ-যাত্রায় আবার ত্রাহস্পর্শ আছে—সন্তান। এখানে খালি স্বীকার-শপথেরই কথা ওঠে—ভালোবাসা বলে' একটা ভূতও এখানে ছায়া ফেলে না।

ইন্দিরার স্বব গাঢ় : তবে ?

—তবে। মৌমাংসা, একটা সোজা সিদ্ধান্ত চাই। আমরা পরস্পরের প্রয়োজনসাধক—দেহপ্রসাধন। সেই পবিচয়েই আমাদের সত্যকারের আত্মীয়তা। কই, তোমার ডায়রি দেখি ? বলে' নির্মল উঠে আল্‌মাবি খুলে একটা মোটা খাতা বার করে' স্বধোল : এটা ?

কয়েক পৃষ্ঠা উল্টে যেতেই বুঝতে তাব আর দেবি হ'ল না। দু'হাত দিয়ে খাতাটাকে টুক্বো টুক্বো কবে' ছি ডে ফেলতে লাগলো।

ইন্দিরাকে যেন কে চাবুক মাবলে। আর্তস্ববে চেষ্টিয়ে উঠলো : এ-কী ?

—নির্লজ্জতারো একটা মীমা খাকতে হয়। বলে' খাতার ছেঁড়া টুকরোগুলো নির্মল জান্না দিয়ে খুঁড়ে দিতে লাগলো।

ইন্দিরা আর টুঁ-টি করলো না। ধীবে নিজেব খাটে গিয়ে বসলো। তবু একবার বলতে ইচ্ছা হ'ল হয় ত' : খাতা ছিঁড়ে ফেললেই মনটাকে মুছে ফেলা যায় না। কিন্তু বলে' কিছু লাভ নেই। স্বামীব সঙ্গে মৌমাংসা একটা কবতেই হবে। সেইটেই তাব সাধনা। লাগুক-দীর্ঘ দিন, সে প্রতীক্ষা করে' থাকবে।

নির্মল বললো—অশ্রুকে বলো সে যেন শিগ্গিরই এখান থেকে সরে' পড়ে। তার সংসর্গ অন্তঃপুরের গুচিতার পক্ষে অহুকূল নয়।

ইন্দিরা বললো—বনবো।

—আর রমাপতিকে বলো সে মরেছে।

ইন্দিরা অল্প একটু হেসে বললো—বহুকাল। সে এমন মরেছে যে তার একটি কণাও সমস্ত পৃথিবীর ধূলা ঘেটে খুঁজে পাওয়া যাবে না।

নির্মল মরে' এসে বললো—মনে রেখো তুমি আমার স্ত্রী, আমার সন্তানের জননী, আমার অবিকৃততা, বশস্বদা।

ইন্দিরা দীর্ঘাকুল চক্ষু মেনে বললে—সেই সত্যই আমি লাভ করেছিলুম আজ। সেই সত্যই আমার সীমন্তের সিন্দূবেব মতো আমার জীবনে উজ্জল হোক। বলে' ইন্দিরা গলাব ওপব আঁচল টেনে নির্মলকে প্রণাম কবলো।

পালা হ'ল শঙ্ক। প্রদীপও নিভলো। আবার নির্মলের নাক-ডাকা স্ক্রু হয়েছে। ইন্দিরাও শুলো। খানিকক্ষণ ঘুম এলো না বটে। অল্প অল্প করে' মেঘ ডাকছে। দূর কোন গাছের পাতায় পাতলা একটু হওয়াব কান্না। জানলাব বাইবে জমাট অন্ধকার। গলা পর্যন্ত চাদবটা টেনে নিয়ে ইন্দির বা কাং হ'য়ে ঘুমিয়ে পড়লো।

তার মন হাকা হ'য়ে গেছে—আজকের এই বাতটা পুইয়ে গেলেই সে বাঁচ। ডাববিটা নেই অশ্রুকে কাল সে চলে' যোত বলবে—ইয়া বলবেই ত'—তারপব সে, তাব স্বামী—আব তার সোনার ভবিষ্যৎ। হ্যা, সে বাঁচবে বৈ কি।

এক ঘুম পবে অশ্রু জেগে দেখলো বৃষ্টি হাচ্ছ। দেশলাইটা জ্বল
 শিয়রের টাইম্-পস্এ দেখলো পাঁচটা বাজে—বৃষ্টি হচ্ছ বলে' আলো
 ফুটছে না। আর ঘুমোব না। জানলাগুলো মেলে দিয়ে সে চেয়াবে
 পিঠ রেখে পা ছড়িয়ে দিলো। তার মাথায় কি-যেন একটা ভাবনা
 ঢুকেছে। কিন্তু কোনো ভাবনাই অশ্রু তলিয়ে দেখতে শেখেনি। তবু
 মনে কে যেন তাকে একটা নাড়া দিয়েছে। সে কি প্রভাতকে সত্যিই
 এতো ভালোবাসে যে তাকে না পেলে ভাঙ খোব শিবের গতো সমস্ত
 ভুবন চষে' ফিববে ? সত্যি কথা বলতে কি, এ পাওয়া-শব্দটা নিয়েই অশ্রু
 যতো তর্ক, যতো গরমিল। নিয়ম কানুন দিয়ে আট্টেপৃষ্ঠে বেঁধে যে-পাওয়া
 সে ত' একটা শিকারী'ব পাওয়া—যেমন চাডিয়াখানায় বাঘ, কয়েদখানা
 কয়েদি। পাওয়ার বেলায় যদি দায়েব কথা ওঠে, তবে বিদায়, বন্ধু,
 বিদায়। পাওয়ার মধ্যে চাই মুক্তি, ফিরে পাওয়ার সম্ভাবনা। সে-অর্থে
 নির্মলকেও অশ্রু হাবায়নি। দেহ দিয়ে পাওয়াটাই যদি বড়ে,
 তবে গবম জল এঁটো মুখ কুলকুচো কবে' খেয়ে ফেলাও স্বাস্থ্য।
 এই পাওয়াটাকে কায়েমি কবতে গিয়েই বিয়ে হয়েছে ব্যাদি,
 আইন নিয়ে আযান্ ঘোষই ফুঁসতে থাকেন, রাই আর কানাই
 গেছে নিধুবনে। দেহ দিয়ে পাওয়ার কথাই যদি ধরো, তবে দেহেব
 স্বাস্থ্যটাও বিচাব কোরো। রাত কতটা জাগলে বদহজম হবে, ক'
 সিঁড়ি ভাঙলে হাটে ধব্বে কাঁপুনি, হিমে কতক্ষণ খোলা গায়ে থাকলে
 হ'বে পুরিসি, আয়ের দিক থেকে ক'টি সম্ভান হবে কামনীয়। প্রভাত
 বে-হাত হ'লেই ভেউ ভেউ কবে' বেঁদে-ককিয়ে কোনো স্বর্গ লাভ
 হবে নাকি ? বৈধব্যটাই নাবীজীবনের কৌস্তভমনি। বিধবা হয়েছে বলে'
 শারীরিক প্রক্রিয়া তার কিছুই বাদ পড়ে না, অর্থাৎ যেগুলো তার
 স্বয়ং-সাধ্য। সম্ভানের সুস্থ ও স্বাভাবিক কামনাটাই তার পক্ষে

কলুষ। এমন দিনো ছিল যখন মেয়ের বিয়ে না দাও, সমাজ উঠবে নাক সিঁটকে, বিধবা বানাও, সমাজেব মুখ বন্ধ। অশ্রুর আশ্রয় খালি প্রভাতেব বাড়িব বোয়াকটুকুতেই নয় সেটুকু কেন্দ্র কবে' সমস্ত বসুন্ধরা। সে-আশ্রয় থেকে সে যদি বঞ্চিত হয়, তবে, তাই বলে' নিজেকেও সে বঞ্চিত কববে না। তাব মন তখনো পিঠাসী, দেহ উন্মুখ। সে স্থপ্তি চায় বটে, কিন্তু স্বপ্ন চায় না।

গভীরতাই হৃদয়েব সব কথা নয়, তাব চাই বিস্তৃতি, তার চাই ব্যাপকতা। সমুদ্র গভীর বলে'ই সুন্দর নয়, প্রসারিত বলে'। আকাশ মহনীগ তার নিরুত্তর বহুস্রমযতায় নয়, তাব অনন্ত অবকাশে। মরুভূমি ত' প্রকৃতিব নিবানন্দ বৈরাগোব ছবি, কিন্তু একটি শস্যঝঙ্ক ভূমিখণ্ড তাব চেয়ে বেশি সুন্দর। সৌন্দর্যের অর্থ যদি কিছু থাকে তবে তার প্রয়োজনেই। কবির কাছে তা গ্রাহ্য না হোক, কিন্তু ভালোবেসে স'মানি কবা আর কবিত্ব করা এক কথা নয়।

প্রেমেব মন্য বিবাহে নয় বিহাবে, বৈরাগ্যো নয় নাগের দু'রকম অর্থে— বন্ধু, আন প্রীতি। তবে খালি প্রেমে খালি পেট ভাব না বলে'ই একটু হিসেব চাই—সেইটেকেই যদি বড়া কবে' বলি, নীতিশাস্ত্রে তার অতিস্তুতি চলবে। সেইটেই সংযম। কিন্তু নীতিশাস্ত্রের দিক থেকে নয়, দেহতত্ত্বের দিক থেকেই তার কীর্তন হওয়া উচিত। কেননা সংযমেই থাকে সন্তোষের স্বাদ, জীবনের ছন্দাবদ্ধতা। দেহ যাদের কাছে অশ্লীল, প্রেম ও পরমাযুও তাদের কাছে মূল্যহীন। কিন্তু অশ্রুর কাছে দেহ হচ্ছে তীর্থ, গিরিস্থলিতা। তটিনীর মতো তার চঞ্চল রূপপ্রবাহ— তাই তার চাই অপরিমেয় প্রেম, চাই তাব অনবদায়ী আয়ু। এবং এর জন্যেই সংযম শুধু সৌখিন বিলাস নয়, ব্যায়াম—তাতে সুধায় আসে ধার, দেহে আসে আভা।

ছ'মিনিটে অশ্রু মন ঠিক করে' নিলো। নির্মলের সঙ্গে দেখা করে' তার লাভ হ'ল এই, লাহোরের দিকে আব এগোনো গেলো না। তাকে আবার ফিরতে হবে। কলকাতায়ই, ফিরুতি-মেল্‌এ। প্রভাতেব কিছু একটা হয়েছে। আজকে যদি তার কোনো চিঠি বা টেলি না আসে, তবে বুঝতে হবে বেরোবাব আগে তার পঞ্জি দেখা উচিত ছিলো। আর এখানে বসে-বসে' জিরোবারই বা কী মানে আছে আর ? ইন্দিরাকে ত' সে এক ধাক্কা মবে সীতা-সাবিত্রীর বেঞ্চিতে তুলে দিয়েছে। এ তার একটা কম কীতি নয়। সে না হ'লে ইন্দিবা একা মই বেয়ে স্বর্গে উঠতে পারতো না, যাতে পড়ে' না যায় সেই জন্তে তলায় থেকে তাব ভার রক্ষা করতো কে ?

'স্বামী তার কোনো ক্ষতিই করে নি।' অনুষ্ঠানেব আডম্বরে নিধা ভেঙেছে, সম্মানকে অদূরবর্তী রেখে কাব্যানুদ্বাগেব মুখে দিয়েছে ছাই, দেহবীণাকে কবেছে ভাঙা কুলো। নিজের ক্ষত ভুল্লো বলে'ই হয়ত সে ক্ষতি ভুলেছে। ইন্দিবা বাঁচলো। জীবনের বাকি ক'টা দিন ছেলের জন্তে কাঁথা সেলাই করে' ও ধোবার হিসেব ঠিক মতো রেখে যেতে পারলেই সে উৎরে গেলো। তাব মবাব পর নির্মল যদি একটা ইন্দিরা-নারী-মঙ্গল-সমিতি খাড়া করে' চাঁদার খাতা নিয়ে বার হয়, তখন ইন্দিরার জীবনী নিয়ে স্ততিবচনের আর অস্ত থাকবে না, নির্মলের কীতিটাও হ'বে তাজমহলের সঙ্গে তুলনীয়।

চা নিয়ে চাকব এলো না, এলো ইন্দিরা নিজে।

কথা পাড়া মুশকিল। তবু বলতে হ'ল অশ্রু : তোমার চাকবকে একবার পোস্টাফিসে পাঠাবো, একটা তার কববে। প্রভাতের খবর না পেয়ে ভারি চিন্তা হচ্ছে। যতদিন লোকটা হাতে আছে হাতেদু পাচও তারই প্রাপ্য। কি বল ?

ইন্দিরা বললে—ডেকে দিচ্ছি। কিন্তু আটটার আগে ডাক-ঘর হয় ত' খোলে না।

চায়ে চুমুক দিয়ে অশ্রু বললে—তারপর? চোখে তার ছুই হাঙ্গামি :
বাত্রে বেশ ঘুম হ'ল?

ইন্দিরাও হেসে বললে—আমার insomnia বলে' কোনো উপদ্রব
নেই। না কবি না বা প্রেমিনী।

—কিন্তু প্রেতিনীদেব রাত্রে ঘুম আসে না, যেমন আমি।

চট করে' আব কি বলা যায় ইন্দিরা তাই ভাবছিলো। হঠাৎ যেন
ছায়ের মধ্যখানে একটা ব্যবধান নেমেছে। ইন্দিরার বিশ্বাস অশ্রুই
শুকে আবেকট হ'লে পথে বসিয়েছিলো, অশ্রু বিশ্বাস তাব অতটুকুন
এগোনোতেই ইন্দিরা এ জন্মেব মতো পেলো বেংাই। ভূমিকম্পে বাড়ি
দখন পড়লো না, তখন দেয়ালে যে টুকু সামান্য চিড় ধরেছে তা মেরামত
করে' নিতে সময় লাগবে না। এ-বাড়িতে ইন্দিরার কুলুবে ঠিক।

টোপ্ একটা চিবোতে চিবোতে অশ্রু একটা বইয়ে হঠাৎ
মনোনিবেশ কবলে।

ইন্দিরা বললে—যাই। ভূমি পড। উনি সকালে আবার কোথায়
বেবোবেন, ওঁর জন্মে খাবার তৈরি করি গে।

শেষের কথাটা ইন্দিরা অমন জোর করে' না বলে' গেলেও পারতো।

কাক জন্মে সকালে উঠে খাবার তৈরি করাটা বেবিলন্এর শূন্যো-
দ্যানের মতো তেমন একটা কিছু নয়। ঘটা করে' বলতে হয় বলা,
স্বামীকে না ভালোবেসেও পূজো কবলাম। পুষ্টি-দিদিও তার স্বামীর জন্মে
এমন-সব তপস্চারণ করে যে, সত্বীত্বের connotation তাতে বেডে
গেছে। তার সঙ্গে দশটা ইন্দিরা কুড়ি হাতে পেরে' উঠবে না। কিন্তু
পুষ্টি-দি পুষ্টি দি, ইন্দিরা ইন্দিরা। এইটুকুনই তফাৎ। পুষ্টি-দির

মনে স্বামীত্বের সমস্যা নেই, তাই তাব কাছে এর আত্মদান আত্মহত্যা নয়। ইন্দিরা তার চের পেছনে। আঁচলে আগুন চাপা দিয়ে সে তার মোমের ঘব সামলে চলেছে। তাতেই বা কম কুতিত্ব কিসে? সে যে অসহায়। তাই বলে, অসহায়—যেমন ডেস্‌ডেমোনা, তাই তার মিথ্যা কথাটাও ঐশ্বরিক।

চাকরকে আর পোস্টা পিসে পাঠাতে হলো না। তাব আগেই এলো সকালবেলাকার ডাক। অশ্রুর নামে একটা খাম আছে। প্রভাতেই লেখা। অশ্রু খুলে ফেললো :

অশ্রু,

ছুটি পাওয়া গেল না। মাব অস্থির সন্তোষ না। নোর অস্থির স্তনলে ছুটি মিলতো হব ত', কিন্তু বোঁ কৈ? তাই এ যাত্রায় আমি রহলাম পিছে। তুমি এখন কা করবে? যাবে না ফিরবে? না খামবে? আমাকে জানিযো।

কল্কাতার রূপ দেখবে এস—পূজোর কলকাতা। একটি প্রথবস্তাঘিলী বক্ষণী নগরী। আমি অগত্যা তার প্রেম পডলাম।

পত্নী

ভালোই হ'ল। অশ্রু যেন এমনি একটা খববেব জান্তি ব্যাপুল হ'য়েছিলো। তক্ষুনি টাইম-টেব্ল খুলে' দেগলো বিকোলেব আগে ফিবতি-ট্রেনের সুবিধা নেই। চাকরকে সে নিজেই ডাকলো। এলা ইন্দিরা। অশ্রু বললে—চাকরটাকে ডাক ত'। তাব একটা কবতেই হচ্ছে।

—কোথায়? কেন?

—প্রভাতকে। স্টেশনে থাকতে।

—তুমি আজই যাচ্ছ নাকি?

—আজই।

—লাহোর কি হ'ল ?

—মানচিত্র থেকে তবে' পড়েছে।

—কলকাতায় যাবার এত তাড়া ?

হেসে অশ্রু বললে—আমার বিয়েটা পাকাপাকি করতে।

ইন্দিরার মুখ গম্ভীর : পাকাপাকির আর বাকি কি ?

—একটু বাকি আছে বৈকি। তোমার মতন যদিও শিগ্গির পাকছি না। যাক্, জিনিস পত্র গুছিয়ে ফেলতে হয়। বলে' অশ্রু চেয়ার ছেড়ে উঠে হাত পা ছড়িয়ে একটা হাই তুললো।

ইন্দিরা বললে—একেবাবে আজই যেতে হবে ?

—তোমার মার খাওয়া পয়ল আপক্ষ। কববার সময় নেই। যা হোক, মনে খুব সুখ নিয়ে যাচ্ছি ইন্দিরা, তুমি স্বামী পেয়ে এতদিনে সুখী হয়েছ। মানে, হচ্ছ। মানুষ বদলাবে না, এটা বাড়াবাড়ি—বদলানো মানেই বৃদ্ধি। বমাপতি চিবকাল ভূত হায কাঁধ জুড়ে থাকবে -- 'ভবিষ্যৎক এমন সংকীর্ণ করে' রাখার পক্ষপাতিত্ব আমার নেই। তুমি তোমার খ্যাতি ও ঐশ্বর্য নিয়ে মহত্ত্ব হও। ভায়ায় বেশ মুন্সিয়ানা হচ্ছে, না ? বলে' অশ্রু তার ব্যাগ গুছাতে বসলো। মুখে তার গুন্‌গুনানো চলেছে। এটা নাডে ওটা ফেলে এটা খোলে ওটা গুটোয়।

ইন্দিরা বললে—সত্যি তাই, অশ্রু। যে পরিবর্তন জীবনে স্বীকার কবলাম তাকে যেন কায়মনে অভিনন্দিত করতে পারি। সত্যি তাই।

অশ্রু পুনরুক্তি করলো : সত্যি তাই। যেখানে শেষ সেইখানেই শুরু। জীবনের চাকা খালি ঘুরে চলেছে। সাধু ইন্দিরা, সাধু।

নির্মলকে সকালের ট্রেনে নাইনি যেতে হয়েছিলো। ফিরলো সন্ধ্যার একটু আগে। বারান্দা দিয়ে নিজের ঘরে আসতে সে অশ্রুর কোঠার দিকে চোখ না ফেলে থাকতে পারলো না। দরজাটা বন্ধ। বাইরে থেকে শেকল।

ইন্দিরা কালকেব মতোই জলচৌকিতে বসে' ষ্টোভে লুচি ভাজছে।
নির্মল কাছে এসে শুধোল : অশ্রু ?

—বিকেলের ট্রেনে কলকাতায় চলে' গেলো।

—গেলো ?

নির্মলের প্রশ্নের সুরে বিস্ময় আর হতাশা। কেন গেলো—প্রশ্নটা যেন সমীচীন হতো না। টাই-পিন্টা নাডতে নাডতে পরদা সরিয়ে সে ঘরে ঢুকলো।

ঘরটা যেন কেমন সঁগাতসঁতে। কেমন যেন খালি-খালি। ঐ চেয়ারটায় যেন কি ছিল। যেন বড়ো বেশি স্তব্ধ। দেয়ালগুলো অতিমাত্রায় স্থির। টেবলের ওপরকার বইগুলো বোবা। আজ বাগানে রজনীগন্ধার একটি কলিরো ঘুম ভাঙেনি।

বাধ-রুম্ থেকে স্নান সেরে ঘরে এসে দেখলো সামনে ইন্দিরা—
টেবলের ওপর খাবারের ডিস্, চায়ের কাপ্ গুছিয়ে রাখছে, চুল আঁচড়ালো, জামাটা গায়ে দিলো, সিগারেট ধরালো। এখুনিই তাকে খাবার খেতে হবে। খাবার খেয়ে বই-খাতা-ম্যাগাজিন্গুলো নিয়ে বসতে হবে। সবই ঠিকঠাক। চূপচাপ তেমনি।

না।

হু' পা হেঁটে ফিরে সে ইন্দিরার দিকে তাকালো। ইন্দিরা আজ দারুণ সেজেছে—তবু বোকার মতো যে খোলা-চুলে গিঁট বেঁধে রজনীগন্ধার কলি আটকায়নি, নির্মলের সৌভাগ্য। ইন্দিরা যেন মৃতিমতী

শাস্তি, কিন্তু শাস্তির মাঝে কি শাস্তি থাকে না? ইন্দিরা মূর্তিমতী
দিংসা, কিন্তু দানের অরূপণ ইচ্ছার মাঝে কি দারিদ্র্য নেই?

চেয়ারে বসে' নির্মল শুধোল : হঠাৎ চলে' গেলো? তুমি বুঝি
কিছু বলেছিলে?

—আমি আবার কি বলতে যাবো?

—তবু এত সাত-তাড়াতাড়ি পাড়ি মারলো?

—সকালের ডাকে কি-এক চিঠি এলো, অম্নিই দে-ছুট।

—যাবার আগে আমার সঙ্গে একবার দেখা করে' গেলো না?

একটু স্তব্ধতা। নির্মল রাশীকৃত খাবার ফেলে ছোট একটি পের্পের
টুকরো দাঁতে কাটলো।

— কেন চলে' যাচ্ছে কিছু বলে' গেলো না? ওদের ত' একত্র হ'য়ে
আরো up-এ যাবার কথা শুনেছিলাম। কিছু জিজ্ঞাসা কবলে না কেন?

— আমার এমন কি গরজ পড়েছে?

নির্মল বিরক্ত হ'ল : বা, তোমার বন্ধু, তোমার বাড়িতে অতিথি।
কেন হঠাৎ চলে যাচ্ছে, জিজ্ঞেস করতে হয় না?

নিচের ঠোঁটটা উল্টে ইন্দিরা বললে—ছাই বন্ধু। অমন মেয়ের
সংস্পর্শ থেকে সরে' থাকা উচিত।

কিন্তু এমন কথাযো স্বামী আশ্রয় হ'লেন না : সরে' থাকা উচিত
মানে? এমন একটি মেয়ে তুমি আর কোথাও দেখেছ? বিংশ শতাব্দীর
মৈত্রয়ী। যেনাহং নামুতা শ্যাম্ কিমহং তেন কুয়াম্?

কথার সুরটা বিদ্রূপের হয় তো, কে জানে, প্রত্যুত্তরে ইন্দিরা জোরে
হেসে উঠলো। হাসিটা কৃত্রিম, ককশ।

চায়ে চুমুক দিয়ে নির্মল বললে—বাস্তার জন্মে' খাবার তৈরি করে'
দিয়েছ ত'?

—রাস্তায় খাবার খাওয়াটা ত' বর্বর প্রথা।

—হোক, দিতে চেয়েছিলে ?

—না।

-- স্টেশনে তুলে দেবার জন্যে সঙ্গে বিমলকে পাঠিয়েছিলে ?

— বিমল কোথায়। গেছে খেলতে।

— কিন্তু রামসেবক ত' ছিল।

— ঘরে তখন কতো কাজ।

— কাজ মানে ?

— কাজ মানে কাজ। এবার ইন্দিরার চট্টবাব পালা : এতো যখন মরদ তখন নিজে এসে ব্যাগটা গাড়িতে তুলে দিলেই ত' পারতে। এইটুকু পথ ত' স্টেশন। হেঁটেই চলে গেলো।

— হেঁটেই চলে' গেলো ? একটা টাঙা পর্যন্ত ডাকিয়ে দাও নি ? খাবারের ডিস্টা ঠেলে দিয়ে নির্গল দস্তবমতো গালাগাল করলে : বর্বর কোথাকার। এতটুকু সৌজন্য তোমাব নেই ?

কটু স্বর হয় ত' ইন্দিরার মুখ দিয়েও বেরোত, কিন্তু সে সংযম অভ্যাস কবছে। এখানে আরো খানিকক্ষণ দাঁড়িয়ে থাকলে তার পা টলবে— তাড়াতাড়ি সে ঘর ছেড়ে বেবিয়ে গেলো।

চুকলো, এসে শোবাব ঘবে। ধপাস করে' দরজা বন্ধ করলে। ছি ছি, সে আবার ঘটা করে' তার পাতিব্রতোর বিজ্ঞাপন দিতে বেরিয়েছিলো। ইন্দিরা এক ঝটকায় তার শাড়ির আঁচলটা বিস্তৃত করলে, খোলা চুলগুলো উন্মথুন্ম কবে' দিলে। এ-অবস্থায় কান্দলে বুঝি ইন্দিরাকে মানাতো। কিন্তু সে তার খাটের ওপর শুয়ে পড়ে' শূন্য চোখে মিলিঙ্ দেখতে লাগলো। আলো অবধি

লো না।

কিন্তু হাল যখন সে একবার ধরেছে তখন সহজে তার মুঠি সে আলাগা কববে না, শেষ পর্যন্ত আঁকড়ে থাকবে। নৌকো যদি ডোবে ডুববে, কিন্তু চরম দুর্ঘটনার দিনে সে বলে' যেতে পারবে যে সমানে সে হাল ধরে' ছিলো। না, তার অভিমান কববার মানে হয় না। অভিমান করে' কী-ই বা সে করবে? বেরিয়ে পড়বে? কার সঙ্গে। হঠাৎ শরৎচন্দ্রের শ্রীকান্তের অন্নদা-দিদির কথা মনে করে' সে একটু হাসলো। শরৎচন্দ্র ভারি চালাক—সাহসও দেখাবেন সমাজকেও চটাবেন না—এই তাঁর সাহিত্য-রচনাব শস্তা কৌশল। অন্নদাদিদি ঘর ছাড়লেন, কিন্তু যাব সঙ্গে পথে নামলেন সে মুসলমান সাপুড়ে নয়, সে তাঁর স্বামী। জীবানন্দ নাবী-মাংসের লোভে চণ্ডীগড়ের ভৈরবীকে ঘরে পুরাল, কিন্তু সেই হ'ল তার অলকা—লোকের খুঁৎখুঁৎ কববার কারণ ঘুচলো অচলা সুরেশের সঙ্গে ঘর ছাড়লো, কিন্তু স্বেচ্ছায় নয় - সুরেশ তাকে একটা কাঁয়দা করে' লুফে নিলো ট্রেনের কামবায়। শরৎচন্দ্র ব্যক্তিত্বেব দিকে না তাকিয়ে সমাজের মুখ চেয়েছেন খালি। শুধু এক কিরণময়ী। সে স্বেচ্ছায় উপেনের হাতে নিজেকে উপহাস দিতে চেয়েছিলো, প্রত্যাখ্যাত হ'য়ে তার ছোট ভাইকে নিয়ে রেঙ্গুনের জাহাজের বন্ধ কামবায় ঝড় তুললে। কিন্তু অন্নদার সমাজতান্ত্রিক শরৎচন্দ্রের হাতে পড়ে' সে হ'ল পাগল, সে হ'ল ব্যাধি-বিজ্ঞানের একটা খেলো নিদর্শন মাত্র।

বেরবার পথ ইন্দিবার বন্ধ—একটি ঘুলঘুলিও কোথাও নেই। পেটে তার ছেলে। ইব্‌সেনের নোরা ছেলে-মেয়ে, পুতুল পূজা—সব-কিছু ফেলেই পথে পা দিলো কিন্তু। দিক, নরোয়ে আর বাঙলা দেশ এক নয়—যেমন কাছাকাছি নয় ইব্‌সেন্‌ ও শরৎচন্দ্র। এমন কেউ নেই যে ষার সঙ্গে বেকলে দৈনিক খবরের কাগজগুলো খেঁকাবে না। যদি ধরা

যেতো রমাপতিই তার স্বামী, নির্মলের কাছে সে বন্দি—রাবণের কাননে সীতার মতো—সে এই পাপপুত্রী ত্যাগ করে' স্বামী-অভিসারিণী হ'ল, তা হ'লে হয় ত' সমাজ খুশি হয়, শরৎচন্দ্র খুশি হন। কিন্তু রমাপতিই যে তার স্বামী এ কথা সমাজকে বোঝাবে কে? অতএব তা থাক। সমাজের সঙ্গে বিরোধ ঘটাতে ইন্দিরা বসেনি, তার সে উদ্বৃত্ত সামর্থ্য নেই, নেই বা সে তেজ। তার সঙ্গে সামঞ্জস্য রাখবার জন্তেই সে নিজেকে ছেঁটে-ছুঁটে খাটো করে' খাপ খাইয়ে নিয়েছে। আত্মহত্যা। আবার সেই বাধা। পেটে তার ছেলে। তা ছাড়া আত্মহত্যা করলেই কি জ্বালা জুড়ায় নাকি? মৃত্যু সম্বন্ধে এমন একটা মিথ্যা কল্পনায় কত লোক সেখানে গিয়ে দেউলে হ'ল কে তার হিসেব রাখে? তা ছাড়া নিজের হাতে নিজেকে মাঝবার মধ্যে যে একটা প্রচণ্ড বীভৎসতা আছে তার কুশ্রীতা দুর্বিসহ। সে-কথা ভাবলেও তার সমস্ত আয়ুতন্তু কুকুড়ে আসে। আত্মহত্যা যদি সে করতে পেতো তা হ'লে এ-অভিনয়ের এত মাজ-মরঞ্জাম করতে গিয়েছিলো সে কি ভেবে? সে সংসারশ্রোতে গা ভাসবে। এখনো আশায় সে ফতুর হয়নি।

অতএব এখন তার খাটের ওপর শুয়ে-শুয়ে অলস চিত্তবিনোদের অবসর নেই। শাস্তি সেই যে কাশীতে গেছেন কবে ফিরবেন কেউ জানে না। সংসার এখন ওব হাতের তালুতে, উপুড় করলেই উল্টে পড়ে। ঠাকুবটাকে বাব্বা দেখিয়ে দিতে হ'বে। কালকের পুনর্জীবন-লাভকে উৎসবরমণায় করবার জন্তে সে আজকে অত্যন্ত আগ্রহান্বিত হ'য়ে উঠেছিলো। এ উৎসব অশ্রুকে বাদ দিয়েই। উৎসব সমাধা না করবার কোনো মানে নেই। পাড়ার কয়েকটি মহিলাকে সে নিমন্ত্রণ ক'রে পাঠিয়েছে। তারা এখন এসে পড়বে। মিলি আনবে তার এশ্রাজ্জ, বীণার বোদি অংশুমান্না বাজাবেন অর্গ্যান। ইন্দিরা অর্গ্যানটা

কত দিন হোয়নি। এখন ওঠা যাক, গ্যাকামো টের হয়েছে। যার প্রতিকার নেই তার প্রতিবাদ করবার লজ্জাটা আরো অমানুষিক। এখন না উঠলে নিমন্ত্রিতাদের উপযুক্ত আতিথ্য করা হবে না।

আলো জ্বালিয়ে আয়নার সামনে দাঁড়িয়ে ইন্দিরা চুল আর ঝাঁচল ঠিক করতে বসলো। অশ্রু নির্মলের চোখে কুস্মাটিকার জাল বুনে গেছে। কিন্তু রমাপতি যেন তার শ্মশানশয্যা থেকে উঠে না আসে। রমাপতিই অনাহুত, অবাঞ্ছনীয় - অশ্রুর জন্তু দুয়ার খোলা, মুকু আতিথেয়তা।

বড় দুঃখে ইন্দিরার মনে পড়লো পাগল হ'য়ে নীটশে পাগল-ট্রিগু, বার্গকে কি চিঠি লিখেছিলেন :

আমি একটি দিন ঠিক করেছি। সে-দিন ইউরোপের সমস্ত রাজা উপস্থিত হবেন। আমি তাঁদের মারতে আদেশ দেব।

বিদায়। আবার আমাদের দেখা হ'বে।

কিন্তু এক শর্ত। আমাদের বিবাহবিচ্ছেদ করতে হ'বে।

নীটশে নীজার্

পাগল-ট্রিগু বার্গ উত্তর দিলেন :

ইতিমধ্যে এস উন্নত আনন্দ করে' নি। বিদায়।

তোমার ট্রিগু বার্গ

সর্বোত্তম ও সর্বোচ্চ বিধাতা

নীটশের উত্তর :

যথেষ্ট। চাই শুধু বিবাহবিচ্ছেদ।

'The Crucified'

খাওয়া-দাওয়া শেষ হ'তে-হ'তে বারোটা।

নির্মলের সঙ্গে ইন্দিরার নিভূতে দেখা হলো বারান্দাতেই। নির্মল শোবার ঘরে না ঢুকে বসবার ঘরের দিকে মুখ করেছে। ইন্দিরা বললে রাত অনেক হ'ল।

নির্মল বললে—জানি।

—কত ঘাবে না?

—যাবো। এখনো আরো কয়েকটা কাজ সেরে ফেলতে হ'বে। কিন্তু আজকে হঠাৎ এত ঘটা কিসের?

—এসো শোবার ঘরে বলছি।

—এখানে বললে রাতের অন্ধকার ঘনতর হ'য়ে উঠবে না।

ইন্দিরা জীবনে আরেকটি স্লয়োগ হারালো। নির্মল যদি ঘরে আসতো, তা হ'লে perspective ছোট হ'য়ে উঠতো বলে' তার অভিনয়োচ্ছাস বেমানান হ'ত না। পতিভক্তি নাটকের পঞ্চাঙ্কের অবশুষ্ঠাবী শেষদৃশ্যটির সে এতক্ষণ মহলা দিয়েছে। কিন্তু যেখানে দাঁড়িয়ে আকাশ ও আকাশের তারা দেখা যায় সেখানে এতো বড়ো একটা ব্যঙ্গভূয়িষ্ঠ নাটক করতে হাত পা তার একটুও নড়তে চাইলো না। তবু এখানে দাঁড়িয়েই তাকে বলতে হ'ল : কাল তোমাকে পরিপূর্ণ করে' গ্রহণ করেছি, নিজেকে দানও করেছি মনের মত করে' পরিপূর্ণ আত্মপ্রসাদে। এই জন্মেই আজকের এই উৎসব। ভেবেছিলুম ঘরে এলে তোমাকে আরো ভালো করে' বুঝিয়ে বলবো। কথা দিয়ে সব জিনিস প্রাঞ্জল করা যায় না।

নির্মল এ-কথার ধার দিয়েও গেলো না। বললে—এমন একটা উৎসব করবে অথচ বিকেল বেলায়ই অশ্রুকে বিদায় করলে? অন্তত আজকের রাতটার জন্মে তাকে তুমি ধরে' রাখতে পারলে না?

ইন্দিরার ছুপিগে কে যেন হাতুড়ি চালানো : আমি তাকে ধরে' বাখবো কি করে' ? সে যেমন ছেদি মেয়ে তাকে ঠেকায় কার সাধ্য।

—তুমি নিশ্চয়ই তাকে কটু কথা বলেছ।

—আমি বলতে যাবো কোন্ লজ্জায় ? কাল রাত্রে অপমান তুমি তার কম করেছ নাকি ?

—আমি করেছি অপমান ? তুমি বললেই হ'ল।

—হ্যাঁ, আমি বললেই হ'ল। বিবাহিত ভদ্রলোকের লুকোনো মনোবৃত্তি টের পেয়ে সে লজ্জায় মুখ ঢেকে সম্ভ্রম বাঁচিয়েছে।

—কি বললে ?

ইন্দিরার সকল প্রতিজ্ঞা গেলো ভেসে : ঠিকই বললুম। তোমার চবিত্রগর্ভ আত্মস্তরিতাব ভাগ মাত্র। এ লজ্জা খালি আমার নয়, অশ্রু মতো মেয়েবো। বলে' ইন্দিরা তাড়াতাড়ি তার নিজের ঘরে এসে দুয়াব বন্ধ কবে' দিলো।

এবার স্টেশন-প্ল্যাটফর্মে প্রভাত। এলাহাবাদে গিয়ে মিলিত হওয়ার চেয়ে অশ্রুর ফিবে আসার মধ্যে চমৎকারিত্ব বেশি আছে, কেননা শেষেরটা অপ্রত্যাশিত। যা কিছু চাওয়ার বাইরে তার পাওয়ার মধ্যে একটু চমক থাকে—কবিতায় আনুকোরা ও অব্যবহিত-পূর্ব মিল পেলে মানেরটা যেমন আরো ধারালো হ'য়ে ওঠে। বায়বনের Don Juan-এর চমকপ্রদকতা কতকটা সেই কারণে। বিষয়বস্তুটা খেলো, খোলসটাতেই তার জৌলুস। মানুষের সভ্যতাটাও তাই। লৌকিক ব্যবহারে সে বিলাস চায়, জীবনে নয়। কাজের মানুষ তারাই যারা আর্টিস্ট-হিসেবে নিতান্ত খাটো, তারা আত্মপ্রকাশ করে সৃষ্টিতে নয়, পরাধিকারে অকারণ হস্তক্ষেপ করে'। প্রেম বা বন্ধুতা নিয়ে তাদের তৃপ্তি নেই, না বা More-এর Utopia-য়, তাদের চাই শক্তি-প্রসাব, তারা চায় পবেব চরকায় নিজেরা তেল জোগাবে। তাবা রাজ্য গড়ে, শাস্তি ভাঙে—সত্য না চেয়ে চায় নিরাপত্তি। পুলিশকে সে সভ্য বলবে? তবু তারাই হ'ল সভ্যতাব বাহন। এক নিয়মেব বশবর্তিতাব অর্থই সভ্যতা। তুমি তোমার শিরদাঁড়া খাড়া করে' উচু হ'য়ে দাঁড়াও, লিলিপুটের দেশের লোকেরা মই বেয়ে তোমার ঘাড়ে চেপে কান্ মলুতে চাইবে। বলবে : সভ্য হ'তে চাও ত' পিঠ কুঁজো করে' আমাদের সঙ্গে মাথা মেলাও। তুমি যেখানে সৃষ্টি করবে সেইখানেই তুমি সভ্য নও, তুমি যখন সে-সৃষ্টির গুণগ্রহণ করবে তখনই তুমি সভ্য। সত্যের নবাবির্ভাবের দিনে যদি তুমি আহত হ'য়ে আঁকে ওঠ, বুঝতে হবে তোমার বিচারবুদ্ধিতে মর্চে ধরেছে। 'সীতা' শুনে কান্না পায় বলে'ই শিশির ভাঙুড়ি বড অভিনেতা এ-উক্তিটা সভ্যতার পরিচয় নয়, বা সীতা-সম্বন্ধে 'ঘরে বাইরে'তে সন্দীপের উক্তিটা মালায়েম নয় বলে'ই তাকে গালি পাড়াটাও বর্বরতা। পরকে মেনে নেবার sense of

humour-টাই হ'ল সভ্যতার মাপকাঠি। 'চরিত্রহীনে'র উপেন চরিত্রগর্বে এতো হীন ও কাপুরুষ যে সতীশের ঘরে সামান্য একটা শাড়ি শুকোচ্ছে দেখেই সে পিটুটানু দিলো। এমন একটা মেরুদণ্ডহীন মূর্খকেই কি না শরৎচন্দ্র সতীশের foil বলে' দাঁড় করিয়েছেন। নিজের নিজের মানসিক ও বুদ্ধিগত অকর্মণ্যতাকেই নিরীহ মানুষ বড়ো করে' তার নাম রাখে নীতি, আদব-কায়দা, শিষ্টাচার। বালক ডিজ'রেইনির জু হ'য়ে কম লাঞ্ছনা হয় নি—রাস্তায় বেরোল সে হৃদে পায়জামার লাল কুর্তা এঁটে। অতএব সে ইতর। শবদেহ সমাজের ব্যাধির সৃষ্টি করে, কিন্তু শবদেহ কেটে-কুটে ছিঁড়ে-ফেঁড়ে তার সদগতি না করলে ব্যাধি-নির্গমই চলতো না। সাপ আমাদের দংশন করে বলে'ই তা কুৎসিত, কিন্তু প্রাণিতত্ত্ববিদদের কাছে ওর চেয়ে সুন্দর আর কিছু নেই—তা ছাড়া ওর বিষে নাকি পচা ঘায়েব ওষুধ হয়।

আমি আছি—এর চেয়ে বড়ো জ্ঞানাবিকার মানুষের আর কি হ'তে পারে? শুধু জীবনে নয়—জীবনের অনুকৃতি যে সাহিত্য—তাব মাঝেও মানুষের কারদা-কানুনের বাঁধা গৎ আছে। সেই গৎএ সুর মিলিয়ে ভাষাযোজনা করতে হ'বে। উপন্যাস লিখতে বসে'ও সেই এক নিয়ম; চাই একটা সুসম্পূর্ণ প্লট, কথোপকথনের প্যাচ, একটা অতি প্রত্যাশিত আকস্মিকতা। রবীন্দ্রনাথ পর্যন্ত তাঁর 'গোরা'য় বিনয়ের বাড়ির সামনে পরেশবাবুর গাড়িতে একটা দুর্ঘটনা ঘটিয়ে প্রথম আলাপের সূত্রপাত করলেন,—লাবণ্য ও অমিতের মোটরে একটা সজ্জ্বল লাগছিল আরেকটু হ'লে। এগুলি অত্যন্ত মামুলি প্রথা, আমাদের অভ্যস্ত পাঠকের তা মুখস্থ হ'য়ে আছে। ছাঁচে ফেলে চরিত্রকে একটা নমুনার রূপান্তরিত করতে হ'বে স্বপ্রধান ও সীমাবদ্ধ একটা ব্যক্তি করতে নয়। গল্প হ'লেই চাই তার ঘটনা, চাই তার সমাপ্তি, কবিতা হ'লেই চাই তার একটা

বোধ্যতা। দূরের তারাকে আমার চোখে যদি হৃদয়ে লাগে, অন্ধকারকে লাগে যদি নীল, তবুও আমাকে লিখতে হ'বে শাদা তারা, কালো আধার যদি বলো নুভারুএ Phedias-দেবীদের মুণ্ডহীন মূর্তিগুলির সৌন্দর্য তাদের গঠন গোববে বা ভঙ্গি-স্বঘমায় নয়, তাদের মুণ্ডহীনতায়, তবে সমসাময়িক সমালোচনাও হ'বে চামুণ্ডা। লোকের মুখ চেয়ে সত্য আমার কাছে অবগুণ্ঠন উন্মোচন করে না, এ-সত্য কথা বোঝাই কাকে? বস্তুতান্ত্রিকতা এককালে সাহিত্যরচনার ফ্যাশান্ ছিলো—যেমন ধরো জোলা, আবো আগে যেমন ধারা, জেইন্ অষ্টিন্। কিন্তু ছবছ বস্তুতে গিয়ে বহুবর্ণনাতেই ব্যক্তির সত্য পরিচয় ধরা পড়ে না, তা হ'লে 'পথের পাঁচালী'ও একটা উঁচু-দরের নভেল হ'ত। আগে নিয়ম ছিলো: বিষয় ও ব্যক্তি নির্বাচন করো, এখন নিয়ম হোক: কিছুই অনির্বাচিত রেখো না। ইউক্লিডের জ্যামিতির প্রথম থিয়োরেম্ নিয়মেও কবিতা হয়, গ্রাম্য গৃহস্থবধুর বর্ণচ্ছটাহীন সোজা সাধারণ জীবন নিয়মেও বারো খণ্ডে উপন্যাস হ'তে পারে। মানুষের সত্যিকার জীবন তার জীবনের ব্যবহারে নয়, জীবনের অন্তঃশীল অবচেতনায়। তুমি চাঁদ দেখে কি ভাব সেইটেই তোমার জীবনে সত্য, তুমি চাঁদ দেখে হাত বাড়িয়ে তাকে ডাক কি না সেইটে নিতান্ত অপ্রাসঙ্গিক। শেহভ এ-কথা বুঝেছিলেন, তাই তাঁর নাটকে চিন্তাই হচ্ছে ক্রিয়া, ছোতনাই হচ্ছে সম্পাদিত ক্রিয়ার চেয়ে বড়ো সত্য।

উপন্যাসকে আমরা ব্যবহারিক জীবনের একটা প্রতিফলন করে' তাতে রঙ চড়াতে চাই; নায়ককে করতে চাই বীর, অনন্ত মহনীয়— হয় তার ভয়াবহ সচ্চরিত্রতায় নয় দুর্দাম বলিষ্ঠতায়, নয় বা তার জঘন্ত হীনবৃত্তিতে, যাতে সে লোকের ঘৃণা কুড়োবে, নয় বা সহানুভূতি। হয় প্রতাপ; নয় গোরা—বা কিরণময়ী বা দেবদাস। এমন লোক না খুঁজি

যে মুদির দোকানে ছ' বেলা হিসেব রাখে, তামাক খায় আর তাস খেলে। এমন লোক খুঁজি না যার জীবনে দুর্ঘটনা নেই, সম্ভাবনা নেই। একঘেয়েমিই যে জীবনের প্রতিপাল্য সত্য, সাহিত্য তা বিশ্বৃত হয়েছে। 'ঔপন্যাসিকদের বিশ্বাস করে' নেপোলিয়নকে আমরা চিরকাল বলদৃষ্ট বীরপুরুষ ব'লেই পূজা করে' সুখ পেতুম, কিন্তু লুড্‌উইগের কাছে নেপোলিয়নের জীবনের কবিত্বটাই বড়ো বলে' দেখা দেয় নি। নেপোলিয়ন্ যে খালি যুদ্ধ জয় করে নি, ভালোও বেসেছে এ সত্য কথাটা আমাদের কাছে এতো দিন লুকোনো ছিলো। অঁদ্রে মরোয়া শেলিকে দেখলেন প্রমিথিউস্ আন্বাউণ্ড্ বলে' নয় : ফ্রান্সে ওয়ার্ডসোয়ার্থেব নাকি একটি জারজ শিশু ছিলো। গান্ধি যে এককালে চামডার মানুষ ছিলেন ভারতবর্ষের ভবিষ্যত বংশধরেরা হয় ত' তা ভুলে যাবে। মুসোলিনি যে এককালে ভিক্ষা করতো এ-কথা ক'টা লোক মনে রেখেছে ?

তুমি যা তুমি তাই—তুমি ঘুবে-ঘুবে বৃত্ত সম্পূর্ণ করতে না পার, মোজাই চলে' ঘেয়ো, পরের হাত ধরে' নিরাপদ হ'বার জগ্রে তবু বঁকো না। তুমি যা তুমি তাই। তুমি তোমার নিজের নায়ক হও। কি তোমার কবা উচিত—তার চেয়ে কি তুমি কর, তাহাতেই আমাদের বেশি অনুরাগ, বেশি কৌতূহল। পবেব জুতোয় পা ঢুকিয়ে তুমি চলবার বেগ তুমি হারিয়ে না, পরের আদর্শ তোমার পক্ষে আত্মঘাতী। তুমি নিজে যা তুমি তাই : জীবন যেমনি ভাবে আসে তেমনি কয়ে' নিলেই তুমি অবিনশ্বর।

ট্রেন লেইট হয় নি—প্রভাতই আগে এসেছে। ভাগ্যিস আজ রবিবার, রোধ উঠে গেলেও কেয়ানিরা এখনো উঠে নি—আজ সকালে তাদের নিদ্রোৎসব চলেছে। আপিন্ যেতে হবে না—এটার স্বাদ অশ্রম

আমার চেয়েও মিষ্টি। এঞ্জিনটা প্লাটফর্মে এত জোরে প্রবেশ করলে, যেন তার যে এখানে থামতে হবে তা তার মনেই নেই একেবারে। অশ্রু নেমে এলো, মাথার চুল কঁকু, চোখ দুটা ঘুমো-ঘুমো, এঞ্জিনের কয়লায় জামা-কাপড়গুলি অপরিচ্ছন্ন। সজ্জা সম্বন্ধে অশ্রুর এ-অমনো-যোগটি প্রভাতকে স্পর্শ করলো—অন্তত মুখটাও সে ধোয়নি। চেহারাটির মধ্যে মধুর একটি মালিণ্ড আছে। প্রভাতকে দেখতে পেয়েই অশ্রু একটু হাসলো—হাসিটিও তীক্ষ্ণ নয়, কেমন-যেন একটু চাপা, ব্যাকাসে। যেন আর চটুলতা নয়, অন্তরময়তাব সূক্ষ্ম একটি ইসারা। প্রভাত গেলো এগিয়ে।

ট্যান্ডিতে উঠে বাঁচা গেলো। অশ্রু বললে ভালোই হ'ল ফিরে এসে। বলে' তার একখানি হাত প্রভাতের কোলের ওপর রাখলো।

প্রভাত বললে—কোথায় যাবে এখন ?

অশ্রু অবাক : বা রে কোথায় আবার যাবো ? বাডি !

বিস্ময় প্রভাতেরো কম নয় : বাডি। সেখানে ত' তোমার দুয়ার বন্ধ।

—সে-বাড়ির কথা কে বলেছে ? তোমাব বাডি। তোমার বাডি কি ঝড়ে উড়ে গেছে নাকি ?

—আমার বাডি !

অশ্রু অভিমান করতে জানে : ও। জান্তাম না যে আমি তোমার পর, আমাকে তুমি দূরে সরিয়ে রাখতে চাও।

অশ্রুর এ কি অভাবনীয় পরিবর্তন ! চোখ দু'টিতে গভীর যৌন, মুখছায়ায় একটি অস্পষ্ট কাকুতি ? প্রভাত তাকে নিজের আরো কাছে আকর্ষণ করলে। ক্ষণেকের জন্তে যেন হিসেবের সবগুলি অঙ্ক মিলিয়ে গেলো, সকল লজিককে মন্ত্রমুগ্ধ করে' দেখা দিলো ম্যাজিক। বললে—নিশ্চয়ই যাবে, আমার না তোমারও মা।

প্রভাতের পশ্চাৎঘটিনী একটি অপরিচিতা মেয়ে দেখে মা প্রথমটা ঘাবড়ে গেলেন। বুঝে নিতে দেবি হ'ল না এই-ই অশ্রু যার জগদ্ব্যাপিনী খ্যাতি, —সম্প্রতি যিনি তাঁর ছেলের পশ্চাদ্ধাবন করছেন। তাঁর ছেলেকে এ-মেয়ের যে কেন পছন্দ হ'ল বলা কঠিন—উন্টো প্রশ্নটা তার মনে ঘেঁষতেই পারলো না, কেননা প্রথম দেখাতেই তিনি ঠিক ধরে' নিতে পেরেছেন যে বয়সে অশ্রু তাঁর ছেলেকে ছাপিয়ে গেছে। যদিও অশ্রুর বয়স তেইশ, মার কাছে মনে হচ্ছিলো তেত্রিশ। বেশ ঢ্যাঙা, স্বাস্থ্যবতী। বাহু দুটি স্তূর্ভোল, আঙুল ক'টি সূঁচলো। চোখ দু'টি গভীর। মুখে নানান রকমু খুঁত, কিন্তু সব মিলিয়ে কেমন-যেন ঢলঢলে।

কিন্তু কিছু একটা ভেবে নেবার আগেই অশ্রু মায়ের পায়ের কাছে উবু হ'য়ে প্রণাম করলো—সভক্তি প্রণাম। মা ওর খোঁপার ওপর হাত রেখে আশীর্বাদ না করে' পারলেন না। দুই চোখে স্নিগ্ধ নম্রতা নিয়ে সে বললে—আমাকে তুমি চিন্তে পাচ্ছ না, মা? আমি অশ্রু।

—খুব চিনেছি, মা। এসো ভেতবে। ট্রেনে খুব কষ্ট হয়েছে বুঝি? হেসে অশ্রু বললে—কষ্ট আমার কিছুতেই তেমন হয় না। আমি তেমন-দরের মেয়ে নই না, যে, আত্মকর্তৃত্বে চলা-ফেরা করবো অথচ বাস্-এ কিংবা ট্রামে উঠে কোন পুরুষের জায়গা ছেড়ে দেবার আশায় কাঙালের মতো দাঁড়িয়ে থাকবো। সে যদি জায়গা ছেড়ে দেয়-ও আমি তাতে বসি না। আমি সেবে অপমানিত হ'তে চাই নে। দিল্দারনগরে এমনি কাণ্ড ঘটেছিলো, মা। গাড়িটা একদম ঠাসা। মেয়েছেলে দেখে একটি ছোকরা ভদ্রলোক জায়গা ছেড়ে উঠে দাঁড়িয়ে কী আপ্যায়িতই না করতে লাগলেন। কিন্তু আমি তাঁর ঐ অকৃপণ বদান্ধতা নিই কি করে'? আমি বড্ড বেশি বাজে বকি, না? আমাকে তুমি যে কী ভাবছ কে জানে! তোমার সমস্ত কাজ যে এখনো পড়ে'

আছে। তবকারি কুটছিলে? ও কি, বিছানা এখনো তোল নি? অশ্রু বিছানাটা তুলতে ব্যস্ত হ'ল।

মা বাধা দিয়ে বললেন—তুমি এ সব করছ কি? এখন একটু জিবোও। চান্ করবে? না, এখন না-হয় মুখহাত ধুয়ে একটু বোস, আমি তোমাকে চা করে' দিচ্ছি।

অশ্রু একেবারে আকাশ থেকে পড়লো: তুমি চা করে' দেবে কি মা? আমি কি তোমার তেমন মেয়ে নাকি? আমি এখনো এত শিক্ষিত হই নি মা, যে চা বানানো, ঘর ঝাঁট দেয়া, তরকারি কোটা বা বাসন-মাজায় একেবারে ফেল' করে' যাবো। তুমি যদি আমাব জন্তে অকুবণে ব্যস্ত হও, তা হ'লে বুঝ'বো তুমি আমাকে মেয়ের মতো স্নেহ দাও নি। আগে চান্টাই আমি সেবে নি। (প্রভাতকে) তুমি ততক্ষণ একটু দাঁড়াও, এসে আমি চা করছি।

অশ্রুর প্রতি মা'র মন বরাবরই বিমুখ ছিলো। কিন্তু নদী এখন উজোন। তিনি ভাবতেন আজকালকার পড়িয়ে মেয়ে, নয়কে হয় করাই ওদের ব্যবসা। সরু লিকলিকে চেহারা, বঙ ফ্যাকাসে, পিঠ কুঁজো, মেজাজ টেডা, কথাবার্তা চিবানো-চিবানো—এমনি ধবনের একটা আজব চেহারা তাঁর মনে চিরকাল ধরা ছিলো। কিন্তু অশ্রু শ্রীমতী, দেহ ভরে' তার স্থির স্বাস্থ্য, শাড়ি পরার ভঙ্গিটি সাধারণ বলে'ই সুষমান্বিত, দুই হাতে অজস্র শুক্রমা, কথায় সৌজন্য। মেয়েটি বেশ। এর নামে অনেক কলঙ্ক-কখনই দিগ্বিদিকে প্রচলিত ছিলো, বাপের বাড়ির দরজা তার বন্ধ হয়েছে। কিন্তু প্রতিজ্ঞার কি তেজ থাকলে চক্ষুর দৃষ্টি এমন গভীর ও স্নেহার্দ্ৰ হ'তে পারে মা যেন তা এক নিমেষে বুঝে ফেললেন। মেয়েটা হয় ত' অবাধ্য, কিন্তু এমন মেয়েকে তাড়িয়ে দিয়ে বাপ তাঁর মুখে ভাত তুলছেন কিসের ক্ষুধায়? সব কথা তাঁর জানতে হ'বে।

মা'র ঘরের কাজে অশ্রু তার হাত বাডালো। তরকারি কুটলো, ঘর কাঁট দিলো, কাপড় কুঁচোলো, দেয়ালের ঝুল সাফ করলো। এ ঘেন তার নিজের বাড়ি। মেথ্রানি উঠোন সাফ করতে এলে নিজ হাতে জল ঢাললো, বালুতি-ভরা জলে চায়ের বাসন ডুবিয়ে নিজে ধুতে বসলো, নীচেকার পেরেক-অভাবে দেওয়ালে যে দেবদেবীর ফটোগুলির ফাঁসি হচ্ছিলো সেগুলিকে প্রকৃতিস্থ করলো। বললো—আমি আজ রাঁধবো, মা। নতুন যুগের ধুয়ো উঠেছে যে মিউনিসিপ্যালিটি বেঁধে বাড়ি-বাড়ি ভাত-তরকারি বিলি ক'রে বেডাবে—বাঙলা দেশে আমার-তোমাব মতো মেয়ে থাকতে তা আমার হ'তে দেব না। আমরা পাঁচ আঙুলে পঞ্চ ব্যঞ্জন তৈরি কবে' পাঁচজনকে তৃপ্ত করবো বলে'ই মেয়েমানুষের জন্ম নিয়েছি, মা। বলে' অশ্রু হাসলো।

মা বললেন—আমিই পাববো মা, তুমি যে অতিথি।

—মা'র ঘবে মেয়ে অতিথি হ'য়ে আসে না, মা। পঁজিব যে-তিথিতেই আসুক, সে মেয়ে। উন্নন ধবানো আছে, আমি ভাতের ঝাড়িটা চাপিয়ে দিই। প্রভাত ততক্ষণ বাজার করে' ফিরুন। তুমি আমিষ ঘেঁটে চান্ ক'রে আবার গিযে নিজের উন্নন ধরাবে, সে হ'বে না—আজকে থেকে তোমাব ছুটি।

—বোজই ত' আমার সেই পালা।

—এবাব থেকে রোজই তুমি মাছের রান্নাঘর থেকে পালাবে।

—কিন্তু আগে তুমি কিছু খেয়ে নাও।

—খেয়ে নেবো বৈ কি। খাওয়া-সম্পর্কেও আমি লেডি হ'তে পারলাম না। তবে চায়ের কেংলিটাই আগে চাপাই। ততক্ষণে প্রভাত নিশ্চয়ই ফিরবেন। কি বলো ?

—এই ত' বাজার। ত' মিনিটে এসে যাবে।

দশ মিনিটে প্রভাত ফিরলো। প্রতিদিনকার মতো নিজ হাতে বাজার করে' নয়, মুটের মাথায় করে' বাজারের বহর দেখে অশ্রুর চক্ষু স্থির : তুমি এ করেছো কী ? মাংস ? মুড়ো ? এক হাঁড়ি রসগোল্লা ? ছি ছি ! করেছো কী ? তুমি যে দেখছি বড্ড সেকেলে। ভেবেছিলাম আজ শুধু খাবো শুকতো, শাকভাজা। ভাইটামিন্।

মাকে অশ্র ঘেসতেই দেবে না : এ-ঘরের এলেকা থেকে তোমার নির্বাসন। হুন আর ঝালের একটু এদিক-ওদিক হ'লে দ্রৌপদী আব আত্মহত্যা করবেন না। সব আমি নিজের হাতে করবো। মাছের মুণ্ডচ্ছেদ করবো, ছাগশিশুকে টুকরো টুকরো। ওদের পূর্বজন্মের পাপের প্রায়শ্চিত্তস্বরূপ তপ্তকটাহে ওদের ভর্জন করবো।

প্রভাত বললো : আর আমি ?

—তোমাকে বয়কট।

অশ্র তার করতলে এই ক্ষুদ্রায়তন সংসারটিকে কেড়ে নিয়েছে। সে এমন একটা চঞ্চললাবণ্যানিষ্কার। পদে পদে তাব ব্যস্ততা, কথায় কথায় কোলাহল। ভিজ়ে খোঁপাটাও এঁটে থাকে না, আঁচলটাও অবাধ্য।

হলুদ বার করে' দাও নি ত' মা ? ফোড়ন কৈ ? মাছ কিছু সাঁৎলে রাখবো নাকি ? নাটু মাংস খায় না ? আর আমিই এমন কী violent ! প্রসাদঃ কণিকামাত্রঃ। আতিথ্যও তাই শাকারে। কত দিনে যে দেশ সভ্য হবে। মাগো, খাওয়াটা কি নোংরা ! এর চেয়ে ইউনিসিসএর লোটার্স-ল্যাণ্ডএ গিয়ে ঘুমুলে হ'ত ভালো। পোষাক আর খাওয়া নিয়ে এ দেশের রীতিনীতিগুলো এত স্থূল কেন ? চরিত্র সম্বন্ধে যেমন বাধা গৎ, এদের সম্বন্ধেও তাই। প্রত্যেক মানুষের জীবনে এক-একটা আলাদা weather। এই যাঃ ! কিছু হয় নি মা, মাংসের

ঢাকাটা পড়ে' গেল। না না, হাত-পা পোড়াবো কি? প্রেমও সেই weather। বসন্তের পরেই বর্ষা—বর্ষার পরেই আবার সেই জলহারা মেঘ। ঘি কোথায় মা? ছোট এলাচ?

অশ্রু ঘেমে উঠেছে।

ছোট উঠোন, কলতলার আঙিনাটি ছোট, একটা পাথরের টিবি খুঁড়ে ছোট একটি গহ্বরে তুলসীর অঙ্কুর। নোনা-ধরা দেয়ালে দুখয়ালার খড়ি-কাটা হিসেব, একধারে মার হাতে ঘুঁটে দে'য়া। গলির মধ্যে বাড়ি—তবু আশ্রমোপবন। উঠোনে দাঁড়িয়ে উপরে তাকাও—সংকীর্ণ এক টুকরো আকাশ, চোখে অত অল্প বলে'ই কল্পনায় সত্যি ক'রে অসীম। 'চোখ বড়ো করলেই আর বড়ো করে' দেখা হয় না।'

—তোমার হ'ল মা? আমার ত' প্রায় সারা। আর শুধু এই চাটনিটা। এবার স্নান করতে যেতে পার হে পেটুকরাম। নাটু, স্নান করেছ?

—করেছি, বৌদি।

—বৌদি কি রে? অশ্রু খিলখিল করে' হেসে উঠলো।

হঠাৎ এক সময় অন্তরালে প্রভাতকে অশ্রু জিগ্গেস করলে—তুমি বুঝি নাটুকে শিথিয়ে দিয়েছ?

প্রভাত অবাক : কি? কখন?

—আমাকে বৌদি বলে' ডাকতে?

—না ত'। মা বলেছেন হয় ত'।

—মা?

অশ্রু রান্নাঘরে ফিরে গিয়ে চাটনি ঘন করতে বসলো।

প্রভাত বললো : জ্বিনিসপত্রগুলি এখানে গুছিয়ে রাখ আগে।

পরে তুমিও আমাদের সঙ্গে বসে' যাও। তুল'বো আর খাবো।

মাও মায় দিলেন : বারোটা বেজে গেছে। তুমিও বসে' পড়, অশ্রু।
 অশ্রুর তাতে আপত্তি আছে : ছু' ভাইকে আগে খাওয়াই। পরে
 আমার পান্না। আবার যখন তোমার মত দায়িত্ব হ'বে মা, তখন
 সকাইব শেষে।

এক টুকরো মাংস মুখে দিয়ে প্রভাত বললে—অতিশযোক্তি ধরো
 না, অশ্রু। সত্যিই বলছি সুপার্ব।

অশ্রু বললে—আমাকে তুমি তেমনি বোকা মেয়ে ঠাওরেছ নাকি যে
 পরের মুখেব ঝাল খেয়ে আমি রসাস্বাদ কববো? আগে নিজে না
 গিললে কোনো গালুই গ্রুহু কববো না। আরো একটু দেব নাকি?

—ভালো হযেছে বলে'ই বেশি খেতে হ'বে নাকি। খালি গুণ
 করলেই গুণবৃদ্ধি হয় না। পরিমাণ একটা প্রমাণই নয়।

—তাই নাকি? তবে আমিও এই সঙ্গে বসে' যাচ্ছি, মা।

দেখালে পিঠ রেখে মা তৃপ্ত চোখে এদেব খাওয়া দেখতে লাগলেন।

কী সুন্দর ঘন চুল ! খোঁপাটা ঘাড়ের কাছে ভেঙে পড়ে' কাঁধ বেয়ে বাহর কাছে নেমে এসেছে । বাহু দু'টিও নিটোল, লীলাবলয়িত ! বসবার ভঙ্গিটিতে রুক্ষতা নেই । খাবার গ্রাসগুলি পরিমিত, হাতের আঙুলগুলি কুশাগ্র, পায়ের পাতা দু'টি পদ্মপাতা । এর চোখে মুখে আসনে ভাষণে হাস্তে লাস্তে কোথাও এতটুকু বেসুরো লাগে না । যেন স্বর্গার জল, সমীরমর্মর ! এর প্রতি মা নিরাসক্ত থাকেন কি করে' ?

নিন্দুকের মুখে ছাই পড়ুক, এর হাতে মা সোনার শাঁখা দেবেন । প্রভাত যদি একে পেয়ে কৃতার্থ হয় তবে কী হবে তাঁর অর্থে, কী হবে তাঁর কুলগরিমায় ? প্রভাতের স্বপ্নের বিনিময়ে মা'র কাছে কোনো কবির কোনো স্বর্গই বিকোবে না । অবিশি পুত্রবধুরূপে যে-রকম মেয়ের চেহারা ও গুণপনা নিয়ে তিনি কল্পনা-বিলাস করতেন তাব সঙ্গে অশ্রুর নখাগ্র পর্যন্ত অমিল : সে-মেয়ে হবে রূপে আলোকলতা, গুণে লজ্জাবতী । রূপে পৌর্ণমাসী, স্বভাবে ভোরবেলাকার নদী-কিনারের জলটুকুর মতো টলটলে । তার মাঝে শ্রামল গ্রাম্যতা, প্রথর প্রগল্ভতা নয় । গিল্টি নয়, সোনা । কিন্তু সোনারই বা যাচাই হয় কিসে ? আগুনে পুড়ে' খাদ বেরতে কতক্ষণ ? তার চেয়ে এই ভালো, ছেলে তাঁর কল্পনার আয়তনের সঙ্গে প্রাপ্তির সামঞ্জস্য ঘটাতে পারলেই সোনায় মোহাগা ।

তবু কোথায় যেন বাধে । বয়সে হয় ত' । এই নৈকট্যটাই মা'র চোখে কটু লাগে । কেমন-যেন তার মাঝে একটা লালসার অসহিষ্ণুতা আছে, যেন একটা বিসদৃশ বিলাস । দু'টো বয়সের মধ্যেই প্রতীক্ষার আর অবসর নেই, একটা প্রথর উন্মুখতা । সেইটেই যেন বড় বেশি স্পষ্ট ; এবং এত বেশি স্পষ্ট বলে' যেন সে-ব্যাকুলতায় সৌরভ নেই, আছে একটা রুঢ় স্বাদ-আনন্দ নয়, আহ্লাদ । কিন্তু এ কি মা'র গৌড়ামি নয় ? মা'র সংজ্ঞানুযায়ী প্রভাতের ধোঁগ্য বধু করতে চেয়ে

বিধাতা ত' অনায়াসেই অশ্রুকে তিন-চার বৎসর পিছিয়ে রাখতে পারতেন--বয়স বেশি হওয়া ত' অশ্রু একটা স্বেচ্ছাকৃত ফ্যাশান নয়। যদি বলা, সে একটা দুর্ভাগ্যময় দুর্ঘটনা মাত্র। কিশোরী অশ্রুকেই ত' এক কালে বরংসা হ'তে হয়েছে। তাই বিবাহের অনতিকাল পরেই যদি অশ্রু সম্মানবতী হয় তার মধ্যে রুঢ়তা কোথায়? এটুকু উদার না হলে চলবে কেন?

মেয়েটি যা হোক পছন্দের। কাজ-কর্মে চতুর, কথায়-বার্তায় চটুল—কিন্তু এ-চটুলতায় বিভ্রম নেই, বেশ সহজ সাবলীল স্বতঃস্ফূর্ত। আধুনিক মেয়ের কৃত্রিমতাই তার কুশ্রিতা। হাড়ের তলায় কোথায় যে তার হৃদয়, সার্জারি করে' তার সম্মান মেলে না। এক বাঙালি হাড় আর এক প্যাকেট মুশিদাবাদ সিঙ্ক এই ত' আধুনিক শিক্ষিত মেয়ের রূপ। অশ্রুকে কাছে পেয়ে তিনি চশ্মার কাঁচ বদলাবেন। হয় ত' তা নয়। কেটি মিত্রের নিকেল-করা গালের ওপর দিয়েও হয় ত' চোখের জলের ধারা নামে। হয় ত' পুঁথি-কেতাব মুখস্থ করবার ফাঁকে-ফাঁকে কদাচিৎ তারা নিজের মনটাকে বহর লেখার সঙ্গে মিলিয়ে না রেখে আপনার কাছেই অজ্ঞাতে গভীর ও আস্তবিক হ'য়ে ওঠে। ভণ্ডামির খোলস খসে' গিয়ে হয় ত' কখনো কখনো তারা নিজের দারিদ্র্য ধরে' ফেলে। সেই দারিদ্র্যই তাদের পূর্ণতা, সেই আত্মোৎসর্গ তাদেরই আত্মার স্বর্গ।

মা, অশ্রু তাঁর ভুল ভাঙলো। সেবায় গৃহসজ্জায় কর্মনৈপুণ্যে বিনয় বাক্যে নম্রভীতে সে মা'র চোখে একটা অপরূপ বিষয়! বয়েস তার বেশি, আচরণে সে বিদ্রোহিনী, স্বাধীনকর্ত্রী, গৃহসংসারের বন্ধনচ্যুতা—এ-সব নিতাস্তই খুঁটিনাটি ক্রটি। বড়ো পরিচয় প্রভাতকে সে ভালোবাসে। মা হ'য়ে তিনি যদি তা না বোঝেন তবে আকাশের সূর্য

অস্বাচলে থাক। বচনে তার প্রকাশ হয় না, না বা ব্যবহারে—কথার নেপথ্যে যেটুকু স্তব্ধতা, ব্যবহারেব অস্তুরালে যেটুকু রুদ্ধ ব্যাকুলতা সেইটুকুতেই তার পরিচয়। কোথা দিয়ে কি কথা উঠবে মা তাতে কান দেবেন না। সংসারে সমাজে কোথাও যদি কিছু সংঘর্ষ ঘটে, তবে তার দায়িত্ব তাদেরই, যাদের সংস্পর্শে এই সংঘর্ষের সূত্র হ'ল। মিলন যদি তাদের, মীমাংসাও তাদেরই। প্রেম যদি এটুকু পরীক্ষা না নয়, তবে তার আগুন খালি দগ্ধই করবে, শুচি করবে না। না, মা'র এই খুঁৎখুঁতে স্বভাবের জন্মে দায়ী তাঁর চিরাচরিত প্রথা, বাঁধা-ধরা সংস্কার। যা সংস্কৃত হবে না তা আবার সংস্কার কি করে? যা সহ্য কবে না তার মধ্যে সত্য কই ?

অশ্রুর ব্যবহারে ও স্বভাবে একটা কঠোর নিয়মানুবর্তিতা আছে। কথায় এমন একটা দৃঢ়োপলক্ষিত তেজ আছে যে, তার কাছে সমস্ত প্রতিবাদ যেন একটা খেলো বিবাদের মত শোনায। সমস্ত বিশ্বাসের মূল নড়ে' ওঠে। অথচ এমন সহজ, এমন নিষ্ঠুর। এই নির্দয়তাই তার সত্যতা। এমন ঐজ্জল্য যার চবিত্রে, তাকে মন্দ বলতে নিজেরই মা'ব সন্দেহ হয়।

ঘন-দোব্ দেয়াল-মেঝে ছাত-উঠোন সমস্ত অশ্রু ফিট্ফাট করে' ফেললো। বারণ করো, মান্বে না, অথচ তার এ অতি-অস্তবঙ্গতায় কোথাযো যেন সামান্য কৃত্রিমতা নেই। এখন বিকেল হ'য়ে আসছে, ছাতের ওপর নাটকে নিয়ে অশ্রু কথার খেলা করছে। ধামাব ভেতর ঘুঁটে গুনে রাখতে রাখতে মা তাই শুনছেন :

—মাথার ওপরে আকাশ, তাতে তারা ফুটছে। তারা কি রকম বলো না ?

অশ্রু নাটুর আঙুল তুলে নিজের চোখ স্পর্শ করালো : এই রকম।

নাটু বললো : আমি প্রায় দেখতে পাচ্ছি। চাঁদ উঠবে না আজ ?

—আরেকটু রাত হ'লে উঠবে।

—চাঁদ ? কি রকম বলো না ?

অশ্রু অধর স্পর্শ করালো : এমনি তুকুতুকে, বাঁকা, হাসি-হাসি।
তুমি একবার হাসো, সেই ত' আকাশের চাঁদ।

নাটু হাসতেই অশ্রু তাকে জড়িয়ে ধরলো : মেঘ দেখবে নাটু ?

নাটু দু'হাতে অশ্রুর কতগুলি চুল তুলে বললে—ঠিক বুঝতে পারছি,
বৌদি। এমনি ঘন, এমনি নরম, না ?

—এমনি ঘন, এমনি নরম—আকাশময় ছড়িয়ে থাকে। তারপর
বৃষ্টি।

—হ্যাঁ, মা যেমন শিয়রে বসে' আমার কপালের ওপব চোখের জল
ফেলেন না ? আচ্ছা বৌদি—

অশ্রু বাধা দিলো : বৌদি নয় নাটু। খালি দিদি।

—না, না, বৌদি। মা বললেন তুমি আমার বৌদি এসেছ। চাঁপা
ফুলের মতো গায়েব রঙ, তাবার মতো চোখ চিক্চিক কবছে, মেঘের
মতো নরম চুল। আমি তোমাকে পেয়ে সব কিছু দেখতে পাচ্ছি।
চাঁপা ফুল, তারা, মেঘ, তাজমহল, ইডেন্‌গার্ডেন, মনুমেন্ট, চৌরঙ্গি—
সমস্ত। তুমি আমার বৌদি না হ'য়েই পাবো না। দিদি আমাব একজন
আছেন, তিনি থাকেন সি, পি,-তে, তিনি আমাদের সঙ্গে থাকেন না।

—আমি তোমার দিদি হ'য়েই থেকে যাবো, নাটু।

—বা, তা কি হয় ? তোমার সঙ্গে দাদার বিয়ে হ'বে, মানাই
বাজবে, চাটনি মেখে পাপর খাবো, নতুন জামা পাবো—আমাকে
তোমার বিয়েতে কি দেবে শুনি ? বাঃ, আমাকে আবার কি দেবে ?
আমিই ত' তোমাকে দেব। আচ্ছা, আমার স্মেলিং সন্টের শিশিটা,—

তার চেয়ে লুকিয়ে তোমাকে দাদার সেই ওয়াটারপ্রুফটা এনে দেবো, বৌদি, বুঝলে ?

—আর দিদি হ'লে বুঝি কিছু দেবে না ?

—তা হ'লে কম দেবো,—জমানো ডাক-টিকিটগুলো। ভুল হয় নি একটুও—হল্যাণ্ডের পর্যন্ত টিকিট আছে। দাদা সব বেছে দিয়েছেন। ভুল হ'লে দাদাই কান-মলা খাবেন। আমার কি, আমি ত' দেখতেই পাই না।

—তবে তোমার ডাক-টিকিটগুলিই নেব, নাটু।

—তার মধ্যে গোটা তিরিশ ও-বাড়িব বিত্তি চুরি করে' নিয়েছে। তুমি যদি পারো ওর থেকে আদায় করে' নিয়ো, বৌদি।

অশ্রু হেসে বললে— বা, আমি যে তোমার দিদি হ'য়ে গেলাম।

—ছাই, ডাক-টিকিটগুলি ছাই। তার চেয়ে দাদার ওয়াটার প্রুফটা ঢের বেশি টেকসই। আমি কতো দিন বৃষ্টির সময় সেটা গায়ে দিয়ে উঠোনে গিয়ে দাঁড়িয়েছি। সে যে কী মজা, তুমি তা ভাবতেই পারো না। বুঝলে, বাইবেটা সব ভিজে যাচ্ছে, ভেতরের জামা কাপড় যেমনি ঠিক তেমনি। তুমি দেখ নি ? তোমার নেই ত' ? তুমি কাউকে কিছু বোল না, আমি ঠিক তোমাকে এনে দেবো দেখো। ঘর-দোর সব আমার মুখস্থ। আজ রাতে যদি বৃষ্টি নামে, তুমি ওটা পরে' উঠোনে গিয়ে দাঁড়িয়ো,—সে যে কী মজা—দেখো দাদাকে যেন বলে' দিয়ো না।

—কিন্তু ডাক-টিকিটেই যে ভালো ছিল—কতো রাজার কতো রকম মুখের ছাপ। কেউ হাঁদা, কেউ উটের মতো, কেউ বা একটা বড়-বেড়াল।

মুখ স্নান করে' নিচের ঠোঁট উল্টিয়ে নাটু বললে—সে-সব আমি কবে ছিঁড়ে ফেলেছি। বেশ, মাকে গিয়ে জিগগেস করো না। আমার

বাল্লেন ত' আর চাবি নেই, বেশ, নিজেই দেখে এসো না। উটও চিনি না, প্যাচাও চিনি না।

মা বললেন—নিচে এসো অশ্রু, চুল বেঁধে দি।

তবু কথাটা মা সোজাসৃজি পাড়তে পারলেন না। বললেন—বাপে বাড়ি যাবে না একবার ?

স্পষ্ট করে' অশ্রু উত্তর দিলো : না।

—সে কি মা ? তিনি তোমার বাবা—

—হোন্। যিনি আমাকে বহিষ্কৃত করে' দিয়েছেন পা স্পর্শ করে' তাঁকে অপমানিত করতে চাইনে।

—কিন্তু তুমিই ত' সেদিন নিজে ইচ্ছে করে' বেরিয়ে এসেছিলে।

—ভাগ্যিস বেরিয়ে এসেছিলাম, মা। নইলে এতদিনে হয় ত' সমস্ত প্রেরণার সঙ্গে আত্মপ্রসারের প্রেরণাও খুইয়ে ফেলতাম। আমার সে গভীর সত্যসন্ধানের চেষ্টাকে বাবা-কাকারা মর্যাদা দেবেন আশা করিনি, কিন্তু তাঁদের নীতিসংহিতা অনুসারে অত্যাচার যদি একবার করেইছিলাম তবে এককণা ক্ষমাও আমি পাবো না—অতটা হীন আমি নই, মা।

মা কুণ্ঠিত হ'য়ে বললেন—শুনেছি তোমার পরের আচরণগুলিও তাঁদের মনঃপূত হয় নি, চিরকালই তুমি তাদের বিরুদ্ধাচরণ করেছ।

হেসে স্বচ্ছ স্বরে অশ্রু বললে—বিরুদ্ধাচরণ সব-সময়েই প্রত্যেকের কিছু-না-কিছু করতে হয়। বাবার কথা শুনতাম, বিবেকের বিদ্রোহী হ'তে হ'ত। সব জিনিসই সব মাহুষের সয় না, মা। বিকেলে স্নান করলে অনেকের হয় সর্দি, কারুর কারুর দাড়াই নিমোনিয়া। কিন্তু বিকেলে স্নান না করলে আমার হয় না হজম। আগাদের বিলু রোজ একটা পর্বস্ত রাত জাগে ঝিক্কিনি না খেয়ে, ঘড়িতে দশটা বাজলেই

আমাকে কে মরফিয়া খাওয়ায়। মাস্তাজি মেয়েরা দেয় কাছা, ছেলেরা পরে লুঙ্গি। যার যেমন ধাত, তেমনি তার ধৃতি।

—কিন্তু বাবার বাড়ি তুমি যাবেই না ?

—সে-বডাই দেবী-আদি-দেবী পার্বতীরো শোভা পায় না। যেতে আমি যে-মুহুর্তে পারি, তবে সসন্মানে, হাঁটু আমি হুন্ডাতে পারবো না। থাকে সত্য বলে' করায়ত্ত করেছি, করজোড় করতে গেলেই তা সংকুচিত হ'য়ে আসবে। বাড়িতে আমাব ছ'টি আকষণ ছিলো—মা আর তিনু। আমাব মৃতবৎসা মায়ের আমরাই দুটি সস্তান সশরীরে আঁতুড় ঘব ছেড়ে গৃহবাসের যোগ্য হয়েছিলাম—আর সবাইর আট-কডায়েই দম আটকেছে। সস্তানের ঋণ শোধ করতে মা ফতুর হ'লেন—দল বেঁধে এলো কাকিমারা। তোমাদের গ্রাম্যগৃহস্থকন্ঠার আদর্শ-কপিনীরা। তিনু গেল জলের ওপরে, আর আমি জলে। বাবার বাড়ি কি করতেই বা যাবো ? শুন্ছি বাবা নাকি কোন্ সন্ন্যাসী'ব চেলা হ'য়ে দেশপর্যটন করছেন। কাকারা এক-একটি কাক। বক্ষে করো, মা।

মা বিহুনিতে ফাঁস দিতে দিতে শুধোলেন : তুমি তা হ'লে এখন কি করবে ?

অশ্রুর উত্তর ভাবতে হয় না : যা করছিলাম। মাস্তাজি। কাজের মধ্যে ছুই—হাই-তোলা আর পরীক্ষার কাগজ-দেখা। তবে মাস্তাজিতেও কায়েমি আমার কাহিল্ হ'তে চলেছে। কি করবো, কিছু কি ঠিক বলা যায়, মা ? তুমিই বলো না, কি করা যায় ?

এইবার অনায়াসে কথাটা মা পাড়তে পারতেন, কিন্তু প্রভাত বেরোবার পোখাক পরে' এসে বললে—তোমাব যে এখন চুলই বাঁধা হয় নি। যাই বলো, মেয়েরা যতোই কেন না দস্ত করুক, বেশবিগ্রাস-ব্যাপারে তারা চিরটা কাল পুরুষের থেকে নিছিয়ে থাকবে। তবু

মেয়েদের কতো কম ঝঙ্কি। একটা পেটিকোট, আর দুটো-তিনটে সেফ্টিপিনএর ত' ব্যাপার। পুরুষের কত মাল-মশলা। হাতে ঘড়ি বাঁধা, মনিব্যাগে পয়সা নেওয়া, রুমালটা সাফ্ আছে কি না, দেশলাইটা কোথায় ফেললো—কতো তাব হিসেব, কতো তার ফ্যানাদ। বলি, বেরোবে না ?

অশ্রু হেসে বললো—পাগল ! এমন মাকে ছেড়ে কোথায় বেরোব ?

প্রভাত একাই বেড়াতে বেরোল। অশ্রু বললে—আমি যদি এখানে কয়েক দিন থাকি, আমাকে তাড়িয়ে দেবে না ত' মা ? আমাকে সবাই যতো খাবাপ ভাবে আমি তত খারাপ সত্যিই হয় ত' নই। দেবে না মা থাকতে ?

—নিশ্চয়, এখানেই থাকবে বৈ কি। এখানে যদি তোমার আশ্রয় না হয় তা হ'লে সে যে তোমার বড ছুয়োগ, মা। কয়েক দিন কেন—আমরণ, অশ্রু।

ইঙ্গিতটা এর চেয়ে আর কি স্পষ্ট হ'বে। অশ্রু উঠলো শিউরে। কিন্তু মুখ দিয়ে তাডাতাডি কোনো কথা এলো না। চুল বাঁধা সাদ্ ক'রে উঠে দাঁড়াতেই তার মনে হ'ল এ-সংসারের সমস্ত মাধুর্য যেন নিঃশেষে শুষ্ক গেছে। এখন বেরিয়ে পড়লেই ত' চুকে যায়। কিন্তু বেরিয়ে পড়ার মধ্যেই বীরত্ব নেই। ছাতের বেলিঙ ধরে' দাঁড়িয়ে অশ্রু মোটর গাড়ির নম্বব দেখতে লাগলো। কিন্তু দৃশ্য জগতের বাইরে মন আবার কখন অন্ধকারে ডুব মাবে, সেখানে অপরিচয়ের পরিধিহীন সমুদ্র তাকে ডাক পাঠিয়েছে ! কোথায় এবার সে যাবে, জীবনে আবার তার ফেরবার আশ্রয় কোথায় ? সে কি শুধু মৃত্যু ? এই প্রাণ-স্বাদের অভিযানে কি কোনো-গভীরতম তৃপ্তিতে তার কামনার সমাধি হ'বে না ?

সন্ধ্যা হ'তেই প্রভাত ফিরেছে। দুপুরেই তার ঘর অশ্রু গুছিয়ে রেখেছিলো। দরজা খুলতেই চোখে লাগলো ধাঁধা। আলো জাগা হয় নি—তার বিছানার ওপব অশ্রু শুয়ে। প্রভাতকে ঢুকতে দেখেও অশ্রু উঠে বসলো না, মলিন মেঘজ্যোতির মত বিছানার সঙ্গেই মিশে রইলো। প্রভাত ক্যাণ্ডালটা জ্বালালো। বললো : শরীর খারাপ লাগছে নাকি ?

অশ্রু শুয়ে শুয়েই বললো : মা কিছুতেই রাত্রে রাখতে দিলেন না। হাতে আর কোনো কাজ নেই—তুমি কখন ফেবো তাই শুয়ে আছি। তোমার নতুন উপন্যাসের কিছুটা পড়ে' শোনাও, তাই খানিক শুনি না-হয়।

কথাব স্বনে কেমন-যেন একটা করুণ ক্লাস্তিব আভাস। প্রভাত বিস্মিত হ'ল। তাডাতাডি তার গা ঘেঁষে বসে' বললো : নিশ্চয়ই তোমার মন ভালো নেই, কি হয়েছে আমায় বলো।

অশ্রু উঠে বসে' বললো : তুমি পাগল হয়েছ। মন আমার কাছে ব্যাধি নয় যে তার দ্বাৰা আক্রান্ত হ'ব। আছি আমি ভালোই, কিন্তু এর পন কি কবা যায় তাই ভাবছি।

প্রভাত জিজ্ঞেস করলো : কিসের পব ?

—এলাহাবাদ থেকে কলকাতা আমার পর।

—এলাহাবাদের জন্ম কষ্ট হচ্ছে ?

—একটু একটু—নির্মলের জন্ম।

প্রভাত বললো : তা আব আশ্চর্য কি ?

—আশ্চর্য নিশ্চয়ই। মানুষ যে-আদর্শই ধরুক তার অপ্রাপ্তি ঘটে বসে'ই তার ট্র্যাজিডি নয়। সে-আদর্শকে সে আকড়েই থাকবে এইটেই তার অধঃপতন। আদর্শকে বড়ো রাখতে গিয়ে নিজেকে ছোট করার মতো অবনতি আর কি হ'তে পারে ?

প্রভাত বিছানার ওপর সরে' বসলো : কথাটা খোলসা করে' বলো ।

—নির্মল বিবাহকে জীবন-যৌবনের পরমৈশ্বর্য বলে' ধরে' নিয়েছিলো ; ইন্দিরাকে আশ্চর্যিকতা দিলো, কিন্তু অস্তর দিতে পারলো না । সেইটেই তার ধ্বংস । আদর্শকে ছোট রেখে নিজেকে মহীয়ান্ করা ভালো, নিজেকে কালো করে' আদর্শকে অদৃশ্য রাখাটা বাহবার নয় । ইন্দিরাকে সে বিধে করেছে—এইখানেই তার কর্তব্যের শেষ, পরিশিষ্ট ঘেটুকু তার আছে তা নিতান্ত স্থূল । প্রেমহীন দেহভোগ আর গণিকাবৃত্তিতে তফাৎ কোথায় । তাই আগাগোড়া মনে হয় এমন সতীত্ব একটা শস্তা জলুস্ মাত্র, মন যায় দেয় না ।

—কিন্তু ইন্দিরা ?

—তার কথা সবিস্তারে বলে' তোমার নারীজাতির প্রতি ফ্যাশানেবল্ বিমুখতাকে প্রশ্রয় দেব না । ইন্দিরাকে আমি ক্ষমা করি, তাকে বিচার করবার সহজ মানদণ্ড পাই । সে ব্যক্তিত্বের চেয়ে সমাজকে বড়ো করে' দেখে, বেগের উচ্ছ্বলতার চেয়ে জড়তার অবসাদ,—বিস্তারের চেয়ে সংকীর্ণতা, চাঞ্চল্যের চেয়ে সামঞ্জস্য ! তাকে অনায়াসে বোঝা যায়, অন্ধাও করা যায় । রমাপতির প্রতি—

প্রভাত বাধা দিয়ে বললে—তোমার এ-সমস্ত স্বগতোক্তির কোনো মানেই আমি বুঝতে পারবো না ষড়ক্ষণ না তুমি বুঝিয়ে বলো ইন্দিরার সঙ্গে রমাপতির সম্পর্কটার মধ্যে শব্দগত কোনো অর্থানুকূল্য আছে কি না ।

একটু হেসে সংক্ষেপে অশ্রু কুশীলববর্ণনা সেরে নিলো ।

—রমাপতির প্রতি ইন্দিরার প্রেমের মধ্যে ঐজ্জল্য না হোক, প্রবলতা আছে । এবং এই প্রবলতাই তাকে হয় ত' একদিন পবিত্র করে' তুলতো । কিন্তু নির্মলের ঐদামীশ্র ও নিস্তেজতাই এর বাধা । তবু তার প্রেমের সীমা নেই । প্রেম পাণ্ডাটা দেব-দুর্ভেদ, কিন্তু পেয়ে গেলে অতি

শস্তা, অতি বাজে—তার পাওয়ার প্রচেষ্টার মধ্যেই মহত্ব। নির্মল যদি নিরুত্তর না থাকত, যদি তার কামনায় থাকত কবিত্ব, প্রয়োজনসাধনে থাকতো প্রয়োজনার প্রসাধন, তা হ'লে ইন্দিরার জীবন শকুন্তলারই মতো হয় ত' সার্থক হ'ত। কিন্তু এ-বিষয়ে নির্মলের নির্মমতার মার্জনা নেই। আমাদের দেশের বিয়েতে এ-বিষয়ে বরবধুর একটা অত্যাশ্রয় অসহিষ্ণুতা থাকে। স্বভাবে মেয়েরা নিষ্ক্রিয় বলে' দোষটা বেশির ভাগ পুরুষেরই। পাওয়াটাকেই প্রাধান্য দিয়ে চাওয়াটাকে আর ধন্য করবার জ্ঞান দেরি করে না। নির্মল সেই ভুলই করেছিলো, ভেবেছিলো সেই ভুলই তার সংসার-সমুদ্রেব ভেলা। ইন্দিরাকে সে হয় ত' চাইতোও, কিন্তু ইন্দিরা অন্ত্যর্থে রমা, ও তার দক্ষিণ দিকে একটি পতি থেকেই তাকে পতিত করেছে। সেই ট্র্যাঞ্জিডিটা ইন্দিরার যতো না তত নির্মলের। এর যে কোথায় গিয়ে সমাধান হ'বে সে-চিন্তা আমাকে দোলা দিয়েছে। তা ছাড়া নির্মলেব মাঝে সহনশীলতাই আছে, উদারতা নেই। যে-যুগে আঠারো বছর আগে মেয়ের বিয়ে হয় না, তার জীবনে সামান্যতম দুর্ঘ-নাটিও ঘটবে না, মাটির নিচে পচে' পচে' সে খালি স্বামীর ভোগেই ওল্ড্ ওয়াইন্ হবে—এমন একটা ক্ষমাহীন মনোভাব অসহ্য। ইন্দিরাকে মুক্তি না দিক, শ্রদ্ধা দেওয়া উচিত ছিলো। যৌবনকে সে স্পন্দিত বেখেছে, কল্পনাকে সৃষ্টিশীল। চিরাচরণ যে একটা মহত্বই নয় এ-কথা আমরা বুঝবো কবে? সাময়িকতা, সংঘম আর স্বাস্থ্যই হচ্ছে আমার মতে জীবনের মূল্যধ'বক। সংঘমটা স্বাস্থ্যের পক্ষে প্রয়োজনীয় বলে'ই মহৎ, সাহিত্যের পক্ষে প্রয়োজনীয় বলে'ই সুন্দর। কিন্তু ও-সব কথা থাক ; কি নিয়ে বইটা লিখছ ?

অশ্রুকে প্রভাত ধীরে স্পর্শ করলো, ঠিক কল্পইয়ের কাছটিতে :

ও-কথাও থাক ।

—না, তবু বলো! শুনতে আমার বেশ লাগবে। তুমি যে খালি কেরানি এ কথা ভাবলে আমার হাঁপ ধরে, তুমি সাহিত্যিক—আমি তাতে মুক্তি পাই, প্রভাত। মানুষের পরিচয় কি সে করে তাতে নয়, কি সে হয়। এবং হওয়ার মূলেই তার সৃষ্টিপ্রয়াস। যে নিজেকে সৃষ্টি করে না তাকে আমি মানুষ বলি না। সে-হিসেবে কেরানিও কবি হ'তে পারে বৈ কি।

—আমাদের দেশে কেরানির গুণ-নির্দেশ অত্যন্ত সংকীর্ণ হ'য়ে আছে। কিন্তু কোনো বড়ো বিষয় নিয়েই তোমার সংগে আজ আর তর্কালোচনা করতে সাধ হচ্ছে না। আমরা দু'জনে মিলে এই যে মুহূর্ত ক'টি রচনা করেছি তাব তুলনায় কোনো উপন্যাসই বাস্তব নয়, অশ্রু।

অশ্রুর কোনো সাড়া মিললো না দেখে প্রভাতকে সেই কথাই পাডতে হ'ল : উপন্যাসটা পলিটিক্যান্। কোনো cult নিয়ে নয়, আমাদের এতো বৎসরের জাতীয় সংগ্রামের একটা প্রকাণ্ড ইতিহাস। যৌবনারম্ভ থেকে বার্ধক্যোত্তীর্ণ নায়কের একটা ধারাবাহিক ভাব-বিবর্তন। মোটামুটি সেইটেই থীম্। যা লেখা হয়েছে তাতে চাখবার মত হয় নি। কিন্তু ভাবছি কথাগুলোকে অত্যন্ত পারস্পরিক ও ব্যক্তিগত করে' তুলি। কি বলো ?

ঘন হ'য়ে সরে' এসে অশ্রু বললে— বলো।

প্রভাত প্রশ্ন করলো : ফিরতে তোমাকে এক দিন হ'তই—
আমারই ঘরে, আমারই শয্যায়, নয় কি ?

অশ্রু একটু হেসে অশ্রু বললে—অস্তুত আপাতদৃষ্টিতে ত' তাই মনে হ'বে। তুমি আমার কত বড়ো বন্ধু তা আমার হৃদয় যেমন জানে দেহকে তত জানতে দিতে চাইনে। ভয় করে। তবু মা আমার এখানে থাকবার পাকাপাকি বন্দোবস্ত করেছেন, নাটু আমাকে তোমার ওয়াটার-ফ্রন্ট

উপহার দিতে চাইছে, দিদি হ'লে খালি ডাক-টিকিটগুলি—তাও নাকি সব নেই, বিগুই সাবড়েছে। তোমাদের ঠিকে-ঝি পর্যন্ত বললো : এ বৌ আনলে মা, কপালে সিঁদুর দাওনি? আমি ত' হেসেই খুন। মা বললেন : শিগগিরই হ'বে, লক্ষ্মী যখন এলেন তখন তাঁকে আমরা বেঁধে রাখলাম। নেপথ্য থেকে শুনে আমি হাসি।

প্রভাত বললে—সম্পর্ককে সহজ করে' না দেখালে সমাজের সাথ মেলেনা, ঐ ঠিকে-ঝিটি পর্যন্ত সমাজের প্রতিনিধি।

—তাই ত' দায। ছুটির ক'টা দিন ত' আমার এখানেই কাটাতে হ'বে। হোটেলে বেশি দিন থাকলে আমার মনি-ব্যাগটি পটল তুলবেন। তোমার সঙ্গে কয়েকদিন থাকতে আমার ভারি ভালো লাগবে—উষা থেকে সন্ধ্যা, আবার পরিপূর্ণ রাত্রি। রাত্রিটা অবিগ্নি মা'র বিছানায়।

—কিন্তু ছুটির ক'টা দিন মাত্র ?

—ও হবি! তুমিও আমাকে কায়েমি করতে চাও নাকি ?

প্রভাত অশ্রু হাতেব ওপর হাত বুলুতে বুলুতে বললো—যদি অমন হালুকা কবে' না বলো, ত' বলি, চাই অশ্রু।

খানিকক্ষণেব জন্ম অশ্রু শুরু হ'য়ে রইলো, বোধ হয় চোখের পাতাটিও নড়লো না। ধীবে গদগদগাশ্রীরে বললে—আমি একদিন বিবাহের সভা থেকে পালিয়ে এসে তোমারই ছুয়ারে কড়া নেড়েছিলাম। তোমার দুই চোখ অশ্রুমথিত, দেহ অবসন্ন। সেদিন তোমার ঘরে এসেছিলাম হঠকারী বিদ্রোহিনীর বেশে, আজ এসেছি স্থিতধী তপস্বিনীর বেশে। অস্তুত আমার তাই মনে হচ্ছে! সেদিন যে বেরিয়ে এসেছিলাম আসন্ন মৃত্যুর কবল থেকে আত্মরক্ষা করতে মাত্র, তোমাকেই বিবাহ করতে নয়।

প্রভাত শিথল স্বরে বললো—সে আমি জানতাম। কিন্তু সেদিনের বন্ধুতা কি নিভৃত নৈকট্যের জন্ত তৃষিত হ'য়ে ওঠে নি ?

—হয় ত' উঠেছে, কিন্তু স্থায়িত্বই কি প্রেমের বড়ো পরিচয়, তার প্রচুরতা কি কিছু নয় ? তুমি কি মনে কর দু'টো দেহ একসঙ্গে বেঁধে দিলেই কি প্রাণ একত্র হ'ল ? আনন্দ হ'ল সহজ ?

—কিন্তু প্রাণ যখন একত্র হয়, তখন দেহের আর পার্থক্য কোথায় ? দেহ সম্বন্ধে তোমার এত ভয় কিসের ? পৃথিবীতে দেহের মতো ঐশ্বর্য আর কোথায় আছে—বিধাতার আদিম কীর্তিস্রষ্ট ।

অশ্রু প্রভাতের কাঁধের ওপর দেহ প্রায় হেলানো। বললে—কবিতায় দেহ মন্দির, মানি, কিন্তু বিজ্ঞানে দেহ মিউজিয়াম। দেহ সম্বন্ধে আমি নিদারুণ পৌত্তলিক। কিন্তু প্রয়োজনের নিয়মে একে বাঁধতে গেলেই এক রাতে সে এঁটো-কাঁটা ফেলবার সামান্য একটা উঠোন, শ্যামলতাই যদি পৃথিবী হ'ত তা হ'লে মানুষ আর ভূমিকম্পের ভয়ে কম্পমান থাকতো না। রঙ বা লাবণ্যটাই দেহের সব নয়—ওটা পৃথিবীর শ্যামলতার সামিল। অন্তরালে এর কতো স্নায়ু কতো নিরা কতো প্রক্রিয়া কতো কারুকার্য। বিশ্বাসঘাতক দেহকে আমি ভীষণ ভয় করি। যখন সে বিশ্বাসঘাতক, তখনই সে ছনোহীন, কদর্য।

প্রভাত অশ্রুর হাত দিয়ে নিজের কণ্ঠ জড়ালো : সবই আমি বুঝি, অশ্রু। কিন্তু এমন অন্তবঙ্গতা এমন প্রেমকে কি আমরা উপবাসী কবে রাখবো ? তাইতেই কি সংসারের শ্রী ফিরবে ?

অশ্রু বললে—উপবাসটা শক্তির পক্ষে মাদকদ্রব্য। তোমাকে Donne-এর এককথাই একটু বলি তা হ'লে। সেদিন কি-একটা বইয়ে তাঁর জীবনের একটা টুকরো চোখে পড়েছিলো। বাপের অমতে ভালো-মুসে জেনে-জেনে তিনি বিয়ে করলেন। কাকার আপিসে কাজ

করতেন, এ বিদ্রোহাচরণের ফলে তাঁর চাকরিটি গেলো। শোনা গেলো বিয়েটা আইনে বাধে, তাই তাঁর হ'ল জেল। জেল থেকে ছাড়া পেয়ে স্ত্রীর সঙ্গে দু'বছর রইলেন এক দূরসম্পর্কীয় ভাইয়ের গলগ্রহ হ'য়ে। দু' বছরে দু'টি সন্তান হ'ল। পরের বছরে আরেকটির সম্ভাবনা। স্ত্রী যখন প্রসববেদনায় মুহুমান, Donne তখন ঘরে বসে কবিতা লিখছেন : যদি এখন মরি, তোমার কাছে এই প্রার্থনাই জানাই ভগবান, জন্মজন্মান্তরে যেন স্ত্রীর সঙ্গে আর দেখা না হয়। একটার পর একটা ছেলে হয়, আব মরে—Donne-এর কবর দেবার পর্যন্ত পয়সা নেই। তাঁর *Brathanatos* পড়েছ ? তাতে তিনি আত্মহত্যার গুণগান করেছেন,—এই দেহ তাঁর বন্দীশালা, দরজার চাবি ত' তাঁরই হাতে। কিন্তু কবিতাই তাঁকে রক্ষা করেছিলো। বারোটি সন্তান প্রসব করে' Donne-এর স্ত্রী প্রসবযন্ত্রণা থেকে ত্রাণ পেলেন, সাতটি সন্তান বেঁচে ছিলো, তাদের Donne প্রতিজ্ঞা করালেন কখনো যেন তারা বিষ না কবে। ইতিহাসে অবিশ্রি তাদের কথা কিছু লেখা নেই। এখনো শেষ হয়নি সবটা। স্ত্রী মৃত্যুর পর Donne-এর জীবনে আরেকটি নারীর অভ্যুদয় হ'ল—Anne More. স্ত্রী হ'য়ে এলো না বলে'ই বাকি কয়েকটা দিন Donne কবিতা লিখতে পেরেছিলেন।

প্রভাত বললে—সপ্তদশ শতাব্দীর দ্বিতীয় দশকের একটা নিদারুণ উদাহরণ খাড়া করে' আমাদের কেউ শাসাতে এলে আমরা ব্যঙ্গ করবো। আমাদের ছন্দজ্ঞান আছে, বিজ্ঞান আমাদের হাতের মুঠোয়।

—জানি, কিন্তু মূল ইঙ্গিতটা দু' শ' বছর পরেও গ্রান হয় নি। তা হ'লে তখন তুমি পা থেকে মাথা পর্যন্ত কেয়ানিই হ'য়ে থাকবে, কবির আকাশ তখন উবে গেছে। আর তোমার এতো বছরের স্মরণতমুক্তিসাধনার ইতিহাস মুদির দোকানের হিন্দে হ'য়ে উঠেছে।

উদর তখন একটি বড়ো সমস্যা। তুমি মাইনে পাও ঘাট, আমি এক শ' পঞ্চাশ—তাও জলপাইগুড়িতে। কলকাতায় এলে আমার পঞ্চাশ টাকা জুটিয়ে নিতেও প্রাণান্ত হ'বে। যা সামান্য জমিয়েছিলাম তা ফুবিয়ে যাবে ছ' নিখাসে। টাকার সংস্থান না করে' কোনো ব্যবসাই উৎরোধ না, বিয়েটা ত' পুরোপুরি একটা ব্যবসাই।

—কিন্তু খালি আরাম পেতে হবে এ তোমার একচোখোমি, অশ্রু।

—আরাম না পেলে অভিরাম খাকা যায় না, বন্ধু। দুঃখে-দুর্দিনে সমবেদনার গান বাজারে কাটে বটে, কিন্তু এদিকে সংসাবে যে মাথা কাটা যায়, তা লুকোবে কি করে' ? আরাম চাই বৈ কি। ও বিবাহ-hygiens-এর একটা মূল নীতি। তার চেয়ে আমি থাকি জলপাই-গুড়িতে, তুমি থাক কলকাতায় ছোট সংসারি নিয়ে—মা আব নাটু। আমার কাছে তোমার অবাবিত নিমন্ত্রণ, তোমাব কাছে আমাব। মাঝখানের সমস্ত পথ উন্মুক্ত, সমস্ত আকাশ আশীর্বাদময়। তুমি যদি এতে মুখ ভার করো, তবে বুঝবো তুমি খালি আমাকেই চেয়েছিলে, অশ্রুকে চাওনি। যদি স্থায়িত্বের কথা তোল, বলি, আমিই এক দিন ফুরোব, অশ্রু অবিনাশী। তুমি চূপ করে' থেকো না, আমাব খারাপ লাগে তাতে।

অশ্রুর মুখখানি প্রভাত নিজের মুখের কাছে সরিয়ে আনলো। পরিপূর্ণ ওষ্ঠপুটে নিবিড় চুম্বন করতে করতে সে অক্ষুটস্ববে উচ্চারণ করল : "I cannot show my love except through carnal things."

কাটলো ছ' মিনিট। অশ্রু নিজেকে সম্বৃত করে' বললো—বিয়ে করায় অনেক সদৃশ ও সুবিধে হয় ত' আছে, কিন্তু আমার-তোমার বেলায় তা আবর্জনা। আমাদের জীবনে তার মার্জনা নেই।

তোমাকে পেয়ে আমি একদিন নবাবিষ্কারের সমস্ত প্রেরণা খুইয়ে বসবো, আমার হাতে সে-অপমৃত্যু তুমি সয়ো না। কখন আবার আমাকে তোমাব সুসমাপ্ত, নিঃশেষসুখা মনে হ'বে সে-দিনের অপমান সহিতে আমি তিলে-তিলে নিজেকে ক্ষয় করে' ফেলবো না। কখন আমাদের সকল ফাঁকি ধরা পড়ে' যাবে। এই বেশ, এই ভালো। তুমি আর আমি। আমরা আছি, আমরা আছি—এর চেয়ে বড়ো পরিচয় আমাদের নেই।

অশ্রু প্রভাতের চুলগুলিতে হাত বুলুতে লাগলো। হঠাৎ জামার তলা দিয়ে প্রভাতের গলার নীচে হাত রেখে বললে—তোমার মনে আবো বুঝি সন্দেহ আছে ?

অশ্রুর চুলের ভ্রাগ নিতে নিতে প্রভাত বললে—কিসের সন্দেহ ? তোমার constancy-র—একচারিতার ? আসা-যাওয়ার জন্তে ছুয়ার যদি খুলেই না বাখি অশ্রু, তা হ'লে আমাদের প্রেমের আর গর্ব কি নিয়ে ? যদি একদিন এলে, যেতে চাও তেমনি একদিন যাবে। দায়হীন বিদায়েব দিনে আবার তোমাকে নিমন্ত্রণ করে' রাখবো। স্বাবীনতায় যদি প্রেম স্থায়ী না হয়, তবে শ্মশানে বসে' তার কংকাল পুঞ্জোর অন্ধতাকে আমরা ক্ষমা করব কি করে' ? সে-সন্দেহ আমার নেই, অশ্রু। তোমাকে যদি পাবাব গর্ব করে' থাকি, হারবার গর্বও আমাবই।

আবেশে অশ্রু প্রভাতের কোলের ওপব মাথা রেখে শুয়ে পড়ল। জান্না দ্বিগ্নে রাস্তাব গ্যাসেব আলোটি রোয়াকু ডিডিগ্নে ঘরের মেবোয় লুটিয়ে পড়েছে, আজকেব রাতেব সেই আলোটি টাঁদের আলোকে হার মানায়।

মশারির ধার গুঁজতে গুঁজতে মা বললেন—তোমার বাবাকে জানানো
দয়কার, না অশ্রু ?

অশ্রু শুয়ে পড়েছে। পাশ ফিরে বললে—কিসের জন্ম, মা ?

কথাটা মা সরাসরি পাড়লেন না : যাই বলো সমাজের চোখে তিনিই
ত' তোমার গ্যায় অভিভাবক। তাঁকে ডিঙিয়ে চলাটা কি তোমার
ঠিক হ'বে ?

উদ্বিগ্ন হ'য়ে অশ্রু বললে—কথাটা পরিষ্কার করে' খুলে বললে উত্তর
দেওয়া সহজ হ'ত, মা।

মা লঠনটা নিবোলেন। বললেন—ধরো, তোমার বিয়ের খবরটা কি
তাঁকে দেওয়া উচিত নয় ?

কথা শুনে অশ্রুর ঘাবড়াবার কথা। মা এবার খোলা সডকে নেমে
এসেছেন, গলি-ঘুঁজিতে লুকোচুরি তাঁর আর সইবে না। তবু অশ্রু
কঠম্বর গস্তীর না করেই বললে—তাঁকে খবর দেওয়াটা একেবারে বাজে-
ধরচ। তাঁর হয় ত' ধারণা আমি এতো দিনে একেবারে মরে' গেছি।
তাঁকে বিরক্ত করে' লাভ নেই, মা।

—তবু, তুমি ত' তাঁবই মেয়ে। তিনি যখন বর্তমান, তখন তাঁকে
একবার জিগগেস করা উচিত বৈ কি।

—উচিত নয়, মা। আমি যদি বিয়ে করি দময়ন্তীর মতো প্রকাশ
সভায় মাল্যদান করে'ই বিয়ে করবো। আর বিয়ে যদি কোনোদিন ভাঙে,
তখন সে-সমস্তা আমাকেই মানিয়ে নিতে হবে। সে-দুর্দিনে, যাকে
ত্যাগ করেছি তার থেকে খোরপোশের জন্ম আদালতের তাগাদা আমি
স্বীকার করবো না, বাবার অন্নও সে-দিন অরুচিকর। ভাগ্যের বিধান
মেনে নিতেও যদি আমি একা মা, সেই ভাগ্যকে নির্মাণ করতেও আমি
একাই পারবো। কিন্তু হঠাৎ আমার বিয়ের ভাবনায় এত ব্যস্ত হ'য়ে
পড়লে কেন বলো দিকি ?

অশ্রু একখানি হাত মা হাতের মুঠোর তুলে নিয়ে বললেন—আসছে অগ্রহায়ণে প্রভাতের সঙ্গে তোমার বিয়ে দেবো, মা।

অশ্রু ঢোক গিললো। পর মুহূর্তেই পরিষ্কার গলায় বললে— অগ্রহায়ণ? সে অনেক দেরি, মা। ততক্ষণ আমরা ঘুমুই।

—তবু তোমার বাবা-কাকাদের একটা মত না পেলে মন যে ভারি খুঁৎখুঁৎ করে।

—তার চেয়ে, আমার মত আছে কি না সেইটেই বড়ো জিজ্ঞাস্য। আমার মত থাকে, তা হ'লেই সমস্ত উচিত-অনুচিতের দ্বন্দ্ব খেমে যাবে, মা। আমি ত' আর বিপণিব পণ্য নই মা, যে বাবা-কাকারা দর হাঁকবেন। কিন্তু আমি সে-কথা বলছি না—বলছি—

কথা কেড়ে নিয়ে মা বললেন—তোমার মত? মায়ের চোখের সামনে কিছুই আর লুকিয়ে থাকে না। আমার প্রভাতের ওপর তোমার কী যে মায়া সে আমি স্বচক্ষে না দেখলে হয় ত' বিশ্বাস করতাম না।

—তা হয় ত' করতে না, কিন্তু বিয়ে আমাকে করতেই হবে এমন একটা মারাত্মক সর্বনাশের কথাও কি মার চোখের সামনে লুকিয়ে রইলো না না-কি? পাছে তোমার প্রভাতের ওপর মায়া মরে' যায় মা, সেই ভয়েই আমি পিছিয়ে রইলাম।

অশ্রু কণ্ঠস্বরে হঠাৎ করুণালেশহীন দৃঢ়তার আভাস পেয়ে মা বিস্মিত হ'লেন : সে কি কথা, অশ্রু?

অশ্রু স্নিগ্ধস্বরে বললে—বিয়েটা মান্নিখোর একটা কদম্ব আতিশয্য, মা; এতো সব ছন্দের কারুকার্য বজায় রাখতে হয় যে প্রাণবস্তুর টাই বাস্প হ'য়ে উড়ে' যায়। সে-ভাবহীন কবিতা নিয়ে কোনো কল্পনাস্বর্গেই আর ছাড়পত্র পাওয়া যায় না, প্রাচীরাবন্ধ সংসারের সংকীর্ণ উঠোনটুকুর মধ্যেই তার ইতি। লাভ করাটাই বড়ো কথা মা, লাভ নয়।

মা বললেন—তুমি তা হলে বিয়ে করতে চাও না ?

—সম্প্রতি আমি প্রস্তুত নই বলে'ই যে কোনোদিনই বিয়ে করতে চাইবো না, জীবন-ভবিষ্যতের ওপর আমার তেমনি অনাস্থা নেই। তবে এ-কথাটা আমাকে বলতে দাও যে বিয়েটাই মেয়েমানুষের সব-কিছু নয়, মা। মৃত্যুর মতোই সে একটা অবশ্যম্ভাবী শারীরাবস্থা নয়। স্বাস্থ্যবিজ্ঞানের নির্দেশানুসারে বিয়েটা এককালে বহুকীর্তিত হয়েছিলো, কিন্তু বিজ্ঞান এখন অনেক পুরোনো তথ্যই বাতিল করে' দিয়েছে। প্রয়োজনের দিক থেকে বিয়েটা ত' অকিঞ্চিৎকরই, ধর্মের দিক থেকেও তুচ্ছ। পরত্র নিয়ে আমাদের আর ভাবনা নেই মা, যত ভাবি ইহের জন্মে। সেই আমাদের বড়ো ধর্ম, সেইখানে আমাদের অর্থ হ'লেই মোক্ষলাভ। কথাটা তোমাকে খুলে বললাম, মা।

খুলে বললে কি হবে, মা সেই যে মুখ ফেরালেন একটিও আর কথা কইলেন না। মুহূর্তে তাঁর মন আবার বিষিয়ে উঠতে লাগলো। পর দিন ভোর বেলা প্রভাতের ঘরে ঢুকে মা ভেতর থেকে দরজা বন্ধ করে' দিলেন। ঘুম থেকে উঠে প্রভাত ব্যায়াম সেরে তখন বোধহয় খাতা-কলম নিয়ে বসেছিলো, মা'র অনিদ্রাতপ্ত চোখ-মুখের রুক্ষতা দেখে সে ঘেন আকাশ থেকে পড়লো। কিছু একটা ভেবে নেবার আগেই মা শুধোলেন : তোরা বিয়ে করবি না ?

প্রভাত এখনো নিশ্চিত হ'তে পারে নি। ঢৌক গিলে বললে— এই সন্দেহটা এমন কি ঘোরালো যে, এত উদ্বাস্ত হ'য়ে উঠেছ ? অশ্রু কিছু বলেছে বুঝি ?

মা একেবারে খাঙ্গা হ'য়ে উঠলেন : সাথে কি এমন মেয়ের বাপের বাড়িতে স্থান হয় না ? অনাস্থটির চূড়ান্ত। বিয়ে হবে না, অথচ এই মাখামাখির মানে কি ?

প্রভাত বললে—কথাটা শুন্তেই হয় ত' খারাপ মা, কিন্তু মানেটা ত' তুমিই জান। অশ্রু তেমন মেয়ে নয়, যাকে নিয়ে সংসারের সুবিধে বাড়ে। কিন্তু হৃদয়তার বেলায় ও অপরাধেয়। নর-নারীর সমস্ত হৃদয়তাকেই বিয়েতে পর্যবসিত করতে হ'বে এমন নিয়ম চালাতে গেলে তোমাদের জাতিভেদ আর বাঁচে না। বিয়েটা দাবার চালের মতো স্থির মস্তিষ্কে ভাববার কথা, মা। রুগ্ন যে, সে বিয়ে করে সেবা পেতে, সংসারে মন যার উড়ু উড়ু সে চায় খাচা, দোজবরে চায় চরিত্ররক্ষা। কিন্তু যেখানে এমন কিছু লজ্জা ঢাকবার হাঙ্গামা নেই, সেখানে বিয়ে না করাটাই স্বাস্থ্য, মা।

মা চটে' বললেন—আমি অত-শত বুঝি না প্রভাত, অগ্রহায়ণেই আমি তোমার বিয়ে দেব কৃষ্ণদয়ালবাবুর মেয়ের সঙ্গে। অশ্রু যাবে কবে বাড়ি ছেড়ে ?

প্রভাত বললে—থাক না, আমার বিয়ের নেমস্তন্নটাই খেয়ে যাবে না-হয়।

রাতে পৰ রাতে কাটে। এ-সংসারের সকাল-সন্ধ্যার রূপ যেন বদলে গেছে; বোঁজে ঝরছে সোনার কণা, জ্যোৎস্নায় মুক্তোর কুচো। যে-বয়সে লক্ষ্মী ছিল চঞ্চলা, মনোরথপ্রিয়তমা, সেই যেন এ-সংসারে এসে বাসা নিয়েছে, কিন্তু বাঁধন তার বড়ো আলগা। মা'র দুই হাত অলস— অশ্রুই দিনে-রাত্রে দু' হাতে ছোট সংসারটাকে নিয়ে সাজাচ্ছে তার সাজ খুলছে। এই আচরণটাই তার স্ত্রী হ'ত যদি তার মাঝে থাকতো সহজাধিকারের সম্পর্ক; তা নয় বলেই মা'র কাছে তা অমিতাচার। আইনের ওপর যে-দাবি প্রতিষ্ঠিত নয় তার বাদী না হ'য়ে মা পারবেন কেন? তিনি দস্তুরমতো ঘণায় নামাকুঞ্জন করলেন।

অশ্রুর দেখাদেখি প্রভাতে আজকাল পাঁচটায় শয্যা ছাড়ে; সন্ত-জল-দেওয়া রাস্তার ওপর দিয়ে দু'জনে বেড়াতে বেরোয়। সারা রাস্তা অসাড়, আকাশের শুকতারাটি তখনো নির্নিমেষ। দূরের রাস্তায় গ্যাস দু'-একটা করে' নিব্ছে, বাস একটা দেখা যায়। কোনোদিন যায় মাঠে, কোনোদিন অলি-গলিতে। জ্যোতির্জগৎ থেকে সুরু করে' জন্মনিরোধ পর্যন্ত কোনো বাক্যালাপই ওদের মধ্যে নিষিদ্ধ নয়। ব্যাস ও বাৎসায়ন দু'জনকেই ওরা কম-বেশি প্রাধান্য দেয়। রোদ উঠতে না উঠতেই ফিরে আসে। প্রভাত তার মোটা খাতা নিয়ে বসে' কলমের ডগা চিবোয়, অশ্রু নিজের ঘরে গিয়ে বই পড়ে, রাশি-রাশি চিঠি লেখে, তারপর সংসার নিয়ে মেতে ওঠে: বাঁটপাট, বাসনমাজা-তক। সংসারকে ও কবিতার মতো সৃষ্টি করতে চায়—মিল চাই, ছন্দ চাই, এমন কি যতি-চিহ্নও বাদ দেবে না। দুপুরটা ফাঁকা, প্রভাত চলে' যায় আপিস; অশ্রু না-ঘুমিয়ে, চরকা না-ঘুরিয়ে ছবি আঁকে। রবীন্দ্রনাথ ঠাকুরের ছবি দেখে ওরো ছবি আঁকতে শখ গেছে। সেই জন্ত cubism সঙ্কে বই কেনে। কোনোদিন মাকে জানিয়ে একাই

বেরিষে পড়ে, নারী-মঙ্গল-সমিতিতে নয়, বা আর কোনো মহৎ প্রতিষ্ঠানে নয়—বেরিষে পড়ে টহল দিতে, কখনো-কখনো পরিচিত বা অর্ধ-পরিচিত মেয়ে-মহলে গিয়ে আড্ডা দিতে। পাশের বাড়ির একটা বউর নাগাল পেয়ে ও গলির এ-প্রান্ত থেকে শুরু করে' পাড়ার অনেক দূর পর্যন্ত অগ্রসর হয়েছে। হাতের তাস কেড়ে রেখে মেয়ে-মহলে ও বাক্যের তুফান চালায়, বই পড়তে দেয়, গান গায়, ছবি দেখায়। ওর মিত্রের সংখ্যা মাত্রা হারালো। এক দিন কি অদম্য কৌতুহলে ও দুপুর-বেলায় একটা গণিকালয়ে ঢুকে পড়েছিলো। কিন্তু সে-কথা থাক।

—কেন থাকবে? বল না। প্রভাত আপত্তি করলে।

—রাস্তাটার যে জাত নেই জান্তাম না, কিন্তু সেদিন ভাল করে' ছেনেছি বলে'ই মনে হচ্ছে ওব ভোল ফেরাতে হবে। মেয়েটির নাম সুরভি। কথায়-কথায় জান্তাম লেখাপড়া শিখতে বড় আগ্রহ। যদি এখানে কিছুদিন থেকে যাই, ওকে ঠিক আমি মানুষ করবো। মৃক পর্যন্ত পড়তে পারলো, কিন্তু মুক্তি-কথাটা মুখ দিয়ে আর বেরলো না। দেখি কি করা যায়। একটা প্ল্যান ঠিক করে' ফেলতে হ'বে।

বিকলে দু'জনে আবার বেরোয়। বেরোবার আগে অশ্রু ব্যায়াম করে। অবশি ব্রাহ্মনমুদিত পোশাকে। এবার ঘর বেশির ভাগ টকিতে, কখনো-কখনো হাসপাতাল দেখতে, কখনো বা চীনে হোটেল। রাত্রে ফিরে এসে ঘণ্টা তিনেক প্রভাতের ঘরে নানারকম তর্ক চালায়। স্বর সপ্তগ্রামে উত্তীর্ণ হয়। উষ্মে দুধের ফেনায় ফুঁয়ের মতো এক পক্ষের একটি অতর্কিত চুম্বনে তর্কের ঝাঁজ্ নিমিষে জুড়িয়ে আসে। সেই সাধারণত অধর এনে যুক্ত করে যার যুক্তি ফুরোয়। বাত্রে অশ্রু প্রায়ই উপোস করে। মাঝ রাতে প্রভাতকে শুইয়ে কপালে চুমু খেয়ে হাতের পাতায় খানিকক্ষণের জন্তে হাত রেখে ক্ষীণায়মান দিবাবসানের

মতো অশ্রু ধীরে অপমৃত হয়। মা'র কাছে গুতে আসে। ইদানি মা আর "হাঁ-ছ" কিছুই করেন না। এর পর কি হবে ভাবতে ভাবতে অশ্রু ঘুম যায়।

মা'র আর সহিলো না। অবশি একটা রাগারাগি মাতামাতি করলে কোনোই সুরাহা হ'বে না, বরং ভাল কাটবে। বেশি মোচড় দিতে গেলে ঘড়ির স্প্রিঙই যাবে আলগা হ'য়ে। কাশীর অন্তর্পূর্ণা পূজোর গুর চলনদার জুটেছে। পোঁটলা-পুঁটলি বাঁধা ছাঁদা শেষ করে' মা নাটুর হাত ধরে' বললেন—যাই।

প্রভাত হাঁ-না করেনি, খবরটা তার কাছে পুরোনো। মা'র ধর্ম-লিপ্সাই যে তাঁকে টেনেছে শাদা বুদ্ধিতে সে তাই বুঝেছে, কিন্তু অশ্রুর লাগলো খট্কা। সে বললে—আমাদের একলা ফেলে যাচ্ছ কি, মা ?

মা বললেন—তোমরা একাই ত' থাকতে চাও।

অশ্রু প্রভাতের মুখের দিকে তাকিয়ে মেঝের দিকে তাকালো। দারা না হ'য়েই সে মাতা-পুত্র বিদীর্ণ করলো নাকি ? কিন্তু এই অব্যাহত উন্মুক্ততার মধ্যে সে তার বন্ধুতাকে কতো কাল জিইয়ে রাখবে ? সে বললে—তার চেয়ে আমিই চলে' যাই না কেন, মা ?

মা বুঝলেন অশ্রুর কোথায় জেজেছে। তাড়াতাড়ি তার মাথাষ হাত রেখে বললেন—ছি মা, তুমি যাবে কি ? এই ঘর-সংসার তোমার হাতে সমর্পণ করে' যাচ্ছি। যদি সময় পাও, একদিন বুঝবে মা, এর ভাঙারে রসের আর থৈ নেই ! সে-দিনটি যেন তোমার জীবনে আসে। তোমাকে এর চেয়ে বড়ো আর কী আশীর্বাদ করবো ?

চলনদার ব্যস্ত হ'য়ে হাঁক পাড়লো।

মা বললেন—যাই। এমন একটা সুযোগ খোয়ালে ধর্মের কাছে আমার মুখ থাকবে না। একদিন আবার এই সংসার ছেড়ে ধর্মের জন্মে

আকুল হ'য়ে উঠতে হবে, অশ্রু। আমি কিছুই বিশ্বাস হারাইনি। সমস্ত দায়িত্ব গ্রহণ করতে গিয়ে তোমার যে শিক্ষা হবে তাতেই হয় ত' তোমার ভবিষ্যৎ তুমি দেখে নিতে পারবে। আমি মেয়েমানুষকে চিনি, মা।

অশ্রু নীরবে একটু হাসলো। নাটুর চুলগুলিতে হাত বুলুতে লাগলো। নাটু বললো—তুমি আমাদের সঙ্গেই চল না, বৌদি।

অশ্রু তাকে কোলের কাছে টেনে নিয়ে বললো—মা যেতে দিলেন কৈ? আমি চলে' গেলে সংসার কে দেখবে?

অস্তুরাল গেলো ঘুচে'। সকাল হ'তে নিশীথ। যেখানে অবসর সেখানেও অবকাশ নেই। শারীরিক নৈকট্যের যেখানে অভাব সেখানেও শারীর-চেতনাই প্রথর। অশ্রু হাঁপিয়ে উঠলো।

আফিস থেকে ফিরে এসে প্রভাত আছকাল আর অশ্রুকে নিয়ে বেড়াতে বেরোয় না। দু'জনে মিলে রাঁধে, গল্প করে, ঠাট্টা খুনহুড়ি, খুঁটিনাটি ঝগড়া, দুয়েকটি চিম্টি, কয়েকটি চুমু। রাত আসে ঘনিয়ে। তখন তারা পরস্পরের কাছে অসহায়, নীরবে পরস্পরের কাছে অভয় প্রার্থনা করে। দু'জনেই বোঝে একটু সরে' বসতে হবে। অগত্যা রাজনীতি নিয়ে কথা চালাতে হয়। মুশকিল এই, দু'জনেরই মতে গরমিল নেই। তারপর অণু কথা পাড়া দরকার। অশ্রু এ হিসাবে খুব মৌলিক। ও দাবসা করবে; তারই প্ল্যান ফাঁদে। ইস্কুলমাস্টারি ঘৃণ্য কাজ। প্রভাতো তার এই হাড়-ঝরানো চাকরিটায় ইস্তফা দিক্। অণুণ সব বাস্তব সমস্যা। পয়সা না হ'লে বিয়েটাই অপয়া। যাকে বিয়ে করো তাকে ভালবেসো, কিন্তু যাকে ভালো বাস তাকে বিয়ে বরো না। কর্তব্যে সে আবিল, দায়িত্বে সে বাধাগ্রস্ত। জুনোর চোখ তখন অন্ধ, সাইথেরার নিশ্বাসে তখন দুর্গন্ধ।

পরস্পরের মাঝে এতোটা ব্যবধান রেখে ওরা এখন বসে যাতে হাত বাড়িয়ে হাতের নাগাল পাওয়া যায় মাত্র; এই স্পর্শটুকু দিয়েই ওরা পরস্পরের দেহের প্রতি প্রণতি জানায়। একটুখানি দূরে সরে' গিয়ে ওরা এখন যেন গভীর হ'য়ে উঠছে, অজস্র চাঞ্চল্যের ওপর নেমেছে ভাবের গাঢ় মন্থরতা, ব্যাকুল প্রকাশকে বাধা দিচ্ছে অহুভূতির অবিচল তন্ময়তা! অশ্রুর সজ্জা-প্রসাধনে এখন আর কৃত্রিম প্রয়াস নেই, মুখখানা সামান্য একটু মলিন দেখায় বলেই লাবণ্যের আর অবধি মেলে না।

প্রভাত এখন প্রশান্ত সমুদ্র, তার ওপরকার সৌম্য অনন্তবিস্তীর্ণ আকাশ হচ্ছে অশ্রু। সমুদ্র নিস্তরঙ্গ, আকাশ তামসী!

প্রভাত বলে : কিন্তু সীতার প্রতি রাবণের প্রেম রামায়ণে তুচ্ছ হ'লেও পৃথিবীতে তুচ্ছ হয় নি। প্রেম অর্থ যদি ছুঃখের তপস্বী হয়, passionই তা হ'লে প্রেম। হেলেনের প্রতি প্যারিসের কিংবা ফ্রান্সেস্কার প্রতি প্যাওলোর প্রেম আমার-তোমার ঈর্ষার জিনিস, অশ্রু। তোমার Donne-এর কথাই নাও না :

Love's mysteries in souls do grow,

But yet the body is his book.

শরীর একটা ঐশ্বর্য, যদি বনো তাজমহলের চেয়েও কীর্তিময়। প্রাকৃত ভাষায় যাকে বনো এর অশ্লীলতা, তাই তার সম্পদ, তার উজ্জলতা। সন্তোগহীন সংঘম ও কামনাহীন তপস্বী দু'টোরই কোনো অর্থ নেই।

অশ্রু হেসে বলে : দেহের স্তবগান করতে আমি আরো বাস্তব ভাষা প্রয়োগ করে' থাকি। কিন্তু প্রেমকে শরীরের সহজ সুবিধায় রূপান্তরিত করবার সময় তার পরমায়ুর সঙ্কে চিন্তা হয়। সে সুবিধা টিকিয়ে রাখবার জন্মেই টাকা চাই। যতো দিন তা না হয় তত দিন আমিও হেরিক্-এর একটা stanza আওড়াই :

A sister (in the stead

Of wife) about I'll lead ;

Which I will keep embraced,

And kiss, and yet be chaste.

ঘড়ির কাঁটা ঘুরে চলে। রাস্তার গোলমাল ক্রমে-ক্রমে মিলিয়ে এলো। দু'জনেরই মুখের কথা ফুরোয়। যখন পরস্পরের গাঢ় নিশ্বাস

শোনা যায় তখনই সে ভয়ঙ্কর স্তব্ধতা। সাবধান! অশ্রু উঠে পড়ে। বলে : শুতে যাই।

প্রভাত বলে : আমারো ঘুম পাচ্ছে।

আলাদা দুই ঘরে শুয়ে কারুরই ঘুম আসে না। খানিকক্ষণ ধরে' এই ঘুম-না-আসাটুকু স্নায়ুতে একটা মাদক শিহরণ তোলে। আবার কখন এক সময় যে তারা ঘুমিয়ে পড়ে খেয়ালই থাকে না। ভোরবেলা জেগে উঠে ওরা ভাবে : একটি অসহিষ্ণু রাত্রি আমরা জয় করেছি। হয় ত' এও আবার ভাবে : পূর্ণাঙ্গ পরিতৃপ্তির যুগে এই কামনাকে বলি দিতে না পারলে পবিত্রতা কোথায় ?

রবিবারের দুপুর। দশটা থেকে বৃষ্টি শুরু হয়েছে। কল্কাতার দুপুর বেলাকার বৃষ্টিতে একটা অনতিগাঢ় তন্দ্রাস্বচ্ছন্ন মাদকতা আছে। গলিটা জলহীন, ইলেকট্রিক পোস্টের দাঁড়ের ওপর বসে' কাক পাখা ঝাডছে। ঘরের দুটো জান্না বন্ধ, পূব দিকেরটা আর্ধেক-খোলা। জলের ছাঁট আসছে বটে, কিন্তু বিছানা পর্যন্ত না। দেয়ালে পাশাপাশি দু'টো বালিশ রেখে তাতে পিঠ দিয়ে অশ্রু আর প্রভাত কাঁধে কাঁধ ঠেকিয়ে বসে' আছে। পা চারটে সম্মুখে প্রসারিত, হাঁটু অবধি একটা গায়ের-কাপড় দিয়ে ঢাকা। দু'জনে চুপ করে' একটা বই পড়ছে —একটা নিষিদ্ধ বই। মনোযোগ অশ্রুরই বেশি। প্রভাত তখন অর্ধ-জাগরণে প্রায় নিম্পন্দ। চিত্রকর মুরিলো যেমন সর্বদা এক

কুমারীর স্বপ্নে বিভোর থাকতেন তেমনি প্রভাত হঠাৎ সে অশ্রুকে নিজের কাছে আকর্ষণ করলো ; অশ্রু বাধা দিলো না। বইটা শেষ হ'তে আর দশ মিনিট। তারপর আবার আরেকটা নতুন কিছু ভাবতে হ'বে। হাতের কাছে যদি কিছু না জোটে তবে বৃষ্টিতে বেরিয়ে পড়বার বায়না ধরে' নিতান্ত অবাধ্যপনা করবে সংকল্প করেই' অশ্রু প্রভাতকে চুমু খেতে দিলে। রোয়াকের ওপর হঠাৎ ডাক-পিওনের আবির্ভাব না হ'লে চুমু বোধ হয় কর্কশ হ'য়ে উঠতো। দু'টোর ডাক এলো। পিওন জান্‌লার ফাঁক দিয়ে খামে-মোড়া একটা ভারি চিঠি মেঝের ওপর ফেলে দিলো। অশ্রু তাড়াতাড়ি নেমে পড়ে' আন্‌লো কুড়িয়ে। কা'র এ চিঠি ? ইন্দিরার !

প্রভাত বললো : পড়ো ত' চিঠিটা ! আমার উপন্যাসের উপাদান হ'তে পারে।

অশ্রু দূরে বসে' পড়তে লাগলো :

অশ্রু,

তুমি আমাকে—

বলে'ই একটু খামলে। বললে—ইন্দিরা কোনোকালে চিঠি লেখে না, তাই শংকিত হচ্ছি, প্রভাত। তা ছাড়া চিঠির আয়তনটাও শীর্ণ নয়। হস্তাক্ষরটাও দু'রকম। দ্বিতীয়টা হচ্ছে পুরুষের।—তোমার উপন্যাসটা কি ডিটেক্টিভ্‌ নাকি ?

আবার আরম্ভ হ'ল :

অশ্রু,

তুমি আমাকে যে আশীর্বাদ করে' এসেছিলে তা আর ফললো না।
[টীকা : আমি ত' অতো বড়ো সতী নই।] আমি স্বামী-পুত্র নিয়ে

পরমার্থ খুঁজে পেলুম না। কিন্তু নারীর পরমার্থ যে সেখানেই লুকোনো ছিলো এ সত্য-প্রতীতি আমার হ'য়েও হ'লো না। কায়মনে আমি স্বামীর প্রেমহীন ব্যভিচারের কাছে আত্মসমর্পণ করেছিলুম, কিন্তু অতৃপ্তির মরুভূমি পেরিয়ে যেখানে এসে বুঝলুম সে আমার পলাতক মরীচিকা, তখন মরতে আমার আর বাকি নেই। খুলেই বলতে হ'বে, অশ্রু। আর জ্বর একটু কম বলে'ই লিখবার চেষ্টা করছি। কিন্তু সর্বদেহ বিষাক্ত হ'য়ে গেছে—কবির ভাষায় নয়, ডাক্তারি কথায়। বাঁচবো আর না।

তবু জীবনে আমি মরতে চাই নি। রম্যপতিকে ভুলতে পারবো না, নারী হ'য়ে এমন অসম্ভব কল্পনা-প্রবণতা আমার ছিলো না। তাকে আমি স্বচ্ছন্দে ভুলেছিলুম। সে-ভোলার মধ্যে আমার আনন্দ ছিলো। তাকে আমি হৃদয় দিয়ে শুরু করেছিলুম, হৃদয় আমার ক্ষয় হ'য়ে গেছে। [টীকা : আমাদের হৃদয় কিন্তু এতো সহজে ক্ষয় হয় না। আমাদের হৃদয় সিন্দুর মতো বিস্ফারিত, বিস্তারিত। একজন বালুতি করে' জল নিয়ে গেলেই সমুদ্র ডোবা হ'য়ে যায় না] স্বামী আমার দেহের দুয়ারে এসে দৈন্ত জানালেন। আমি অন্নপূর্ণা। শিবকে সন্ন্যাসী হ'তে দিলুম না। হৃদয় থেকে দেহ—পূর্বরাগে এই হচ্ছে পূর্বাপর সম্বন্ধ; বিবাহে হচ্ছে দেহ থেকে হৃদয়। সে-প্রতীকার ধৈর্য আমার ছিলো বলে'ই আত্মহত্যা করি নি। আমি ভীক যতোখানি সত্য, তার চেয়ে বড়ো সত্য আমি সহিষ্ণু। নইলে এই কদর্য দিনরাত্রিযাপনের বীভৎসতা থেকে মৃত্যু আমার কাছে অধিকতর বিসদৃশ ছিলো না, অশ্রু।

মনে হয়, স্বামীকে আমি ভালোবাসতে পারতুম। ভালোবেসেও ছিলুম হয় ত'। স্বামী সংজ্ঞাটার ওপর সত্যিই আমার মোহ জন্মেছিলো। যেদিন প্রসব বেদনা শুরু হ'ল, উনি [টীকা : অতিপ্রণয়ে

সর্বনাম।] শিয়রে বসে' কপালে হাত বুলিয়ে দিচ্ছিলেন। সেই-দিনই দেহে মনে এই কথাই বিশ্বাস করেছিলুম অশ্রু, এর চেয়ে বড়ো সাফল্য বড়ো কৃতিত্ব নারীর স্বর্গে-মর্তে কোথাও কিছু আর নেই। আমি নাথবতী এর চেয়ে বড়ো পরিচয় আমি সম্ভানবতী। সম্ভানেই আমার স্বামীর পরিচয়। মনে হ'ল ব্যক্তিবিশেষ গোণ, সম্ভানেই আমার সন্ধান ছিলো। এর জন্তে দেহপাত করে' সুখ আছে। আকাশের কোলে সূর্যোদয়ের চেয়ে জ্যোতির্ময়, যুগান্তকারের পরে নব প্রতিভার নবীন প্রদীপ্তি। আমি মুখ' ছিলুম বলে'ই এতো দিন দেহের এই উৎসবকে সম্মান করিনি, কিন্তু সেদিনের সম্ভাবনার স্বপ্নে আমি মেরির চেয়েও গৌরবগবিতা ছিলুম।

ছেলেবেলায় সেই যে বিজ্ঞানাগরের মা ভগবতী দেবীর কথা পড়ে-ছিলুম সে আমার মনে কোথায় যেন দাগ ফেলেছিলো। ভগবতী দেবীই আমার কাছে মা'র আদর্শ ছিলেন। আমি মনে-মনে তাঁকে প্রণাম করে' তাঁর কাছে আশীর্বাদ ভিক্ষা করলুম। কিন্তু ঈশ্বর আমার সদয় হ'লেন না।

তিন দিন তিন রাত্রি অশ্রু যন্ত্রণা সহ করে' মৃত পুত্র প্রসব করলুম, অশ্রু। আমার জীবনে এত বড়ো ক্ষতির মুখোমুখি দাঁড়িয়ে আমার সমস্ত আকাশ শূন্য হ'য়ে গেলো। খালি ধূলো আর আবর্জনা। কর্দমের সমস্ত আবিলতা ঘেঁটে যে-পথ উদ্ধার করতে চেয়েছিলুম তার কাঁটাই আমাকে বিঁধে রইলো। মনে হ'ল আমি কতো কুৎসিত, স্বামী কতো রুচ। মনে হ'ল আমরা দুটো যন্ত্র, কর্কশ, স্থূল, সুষমাহীন। যা ছিলো "pulse of the machine" তাই গেলো হারিয়ে। ভাবলুম বাঁচবার আর মানে কী ?

ডাক্তার ভয় দেখালো। নিজেও বুঝি এ আমার অন্তিম আব্দার

—বাঁচা আমার হ'বে না। তবু আমার দুঃখ নেই। আত্মহত্যা যদি একটা experiment হয়, জীবনো তার চেয়ে বড়ো পরখ, অশ্রু। আমি আরেকবার পরখ করবো। আবার কাদা ঘাঁটবো, কাঁটা দলুবো, মরু ভিঙাবো। মরীচিকা নয়, জল চাই; সেই জলই আমার কাছে নামাস্তরে জীবন। সন্তান আমার চাই। সেই আমার আশন, আমার আশ্রয়, আমার মহিমা। এর চেয়ে দেহের আর কী বড়ো কবিতা হ'তে পারে ভাবতে পারি না। বিবাহকীর্তনে ভল্টেয়ারের সঙ্গে না মিলি ক্ষতি নেই, কিন্তু এ-সম্পদ অর্জনে পরাজুখ থাকবার মধ্যে অহংকার দেখতে পাইনে। আমি যাতে বাঁচি, দিনে-রাত্রে ভগবানের কাছে এইই খালি প্রার্থনা করছি। তুমিও অশ্রু, প্রার্থনা করো।

না না, এর পরে বিদ্রূপাত্মক সমালোচনা বেখাপ্ হ'বে। অশ্রু পৃষ্ঠা উন্টোল :

বৌদির ও-চিঠিটা আর ডাকে দেওয়া হয় নি। টেবিল গুছোতে গিয়ে চিঠিটা আজ নজরে পড়লো। বৌদির লেখা সযত্নে গুছিয়ে রাখবার ইচ্ছা ছিলো বলে' ওটা পড়তে হ'ল। দেখলুম চিঠি—অশ্রু-দিকে লেখা। ভাবলুম, আর একটা লাইন্ জুড়ে না দিলে চিঠিটা অসম্পূর্ণ থাকবে।

কাল সন্ধ্যায় বৌদি যারা গেছেন। ইতি।

বিমল

আজকে অশ্রু শেষ রাত্রি। মানে, কাল সে কলকাতা ছাড়বে।
এসত্য অবশিষ্ট সে দিনের বেলায় জানতে পারনি। পাবে—রাত
আরেকটু গভীর হোক।

এ-অক্ষরটার মশা কম বলেই ত' মনে হয়—মার মতো অশ্রু মশারি
খাটায় না। জান্নাগুলো খোলা থাকে, দোরটা ভেজানো। আলো
নিবেছে। অশ্রু ঘুমিয়ে।

ঘুম অশ্রু পাতলা নয়। তাই কে একজন যে তার শিয়রে বসে'
কপাল ও কানের কাছে চুলগুলিতে আঙুল বুলুচ্ছে সে তা টের পা
নি। কিন্তু সেই হাত যখন গ্রীবা উত্তীর্ণ হ'য়ে বৃকের সমীপবর্তী হয়েছে
তখন সে চোখ খুললো। বুললো প্রভাত।

বুলতে অশ্রু দেরি হ'ল না। সান্নিধ্যের অপচয় হয়েছে। কিন্তু
প্রেম অর্থ যেমন আত্মদান তেমনি আবার শাসন। প্রতীক্ষাটা হচ্ছে
প্রস্তুত হওয়া। প্রস্তুত আজো কেউ হয় নি। অশ্রু এক মুহূর্ত কি
ভেবে মাথাটা প্রভাতের কোলের ওপর তুলে দিলো। সকল উগ্রতা
উপশান্ত হ'ল বুলি। প্রভাত তার কপালে চুমু খেলে।

অশ্রু বললে—এসে অক্ষি আমার এশ্রাজটা থলের মধ্যেই বন্দী হ'য়ে
আছে—তাও তক্তাপোষের তলায়। তাই আজ একটু বাজাই। বা'র
করো না।

ইন্দিরটা ব্যক্ত। তবু প্রভাত বললে—গান তুমি কাল
গেয়ো।

অশ্রু উঠে বসলো, হেসে বললে: গান তা হ'লে আমি কালই
গাইব। কাল আমি জলপাইগুড়ি চলে' যাব, প্রভাত। আমার
বিচ্ছেদেই হবে তোমার গান। বলে' এবার সে প্রভাতের মাথাটা
নিজের কোলের ওপর টেনে আনলো। তার মুখে হাত বুলুতে-বুলুতে

বললে—পৃথিবীতে আজো এমন কবিতা লেখা হয় নি বন্ধ, যে আবৃত্তি করে' তোমার চোখে স্বপ্ন এনে দি।

প্রভাত বললো : কাল তুমি মতিহই যাবে ?

—তোমার কষ্ট হ'বে খুব ?

—হ'বে ; তবু তুমি যাও।

খুশি হ'য়ে অশ্রু বললে—আর তুমি ?

—আমি তত দিনে আমার উপাশ্রমটা শেষ করে' ফেলি। তোমার টাকা দিয়ে সেটা ছাপা যাবে। কিন্তু তুমি কি আর ফিরে আসবে না ?

—আমি ত' তোমার কাছেই আছি।

দার্জিলিং মেইল ছাড়লো রাত্রে। প্রভাত প্ল্যাটফর্মে—অশ্রু একখানা সেকেণ্ড-ক্লাশ কামরার জান্না ধরে' বাইরের দিকে চেয়ে।

কার মুখে কোনো কথা নেই।

গাড়ি ছাড়বার মুণ্টা দিয়েছে। প্রভাত তাড়াতাড়ি জান্নার কাছে সরে' এসে বললে—আর কি তুমি ফিরে আসবে না ?

অশ্রু হাত বাড়িয়ে প্রভাতের হাত স্পর্শ করলো : আমি ত' তোমার কাছেই আছি।

১৯৬০
১৯৬১

১১২৩

